



Ex Libris Joannis Nencini
1874



~~1.2.A.~~ D.2.









MARCI ANNÆI

LUCANI

PHARSALIA.








H. Gravelot inv.

De Longueval Sculp.

JACTA EST ALEA.

MARCI ANNÆI
LUCANI
PHARSALIA,

Cum Supplemento Thomæ MAII.



PARISIIS,

Typis BARBOU, viâ Mathurinensium.

M. DCC. LXVII.

vj EDITORIS PRÆFATIO.

plaria ; quæ primum obtinent locum ; editio princeps 1469. *in-fol.* ex bibliothecâ regiâ , nec non Aldina , Schreve-
liana , Burmannina , &c. . . Nec abs re alienum visum est , si nostram hanc ornarent *Petronii specimen belli civilis , & Lucani supplementum à Thoma Maio.*

Pro hac operâ tenui fortè , licèt tamen arduâ minusque jucundâ , si nobis faveant eruditi , ad alios auctores edendos confidenter accingemus alacres ; & pro virili parte in hoc incumbemus ne quid ingrati reipublicæ literariæ agamus , imò ut , quantum in nobis erit , de eâ benè mereamur.





M. ANNÆI LUCANI VITA,

Ex Commentario antiquissimo.

M. ANNÆUS Lucanus patrem habuit M. Annæum Melam ex provinciâ Bæticâ Hispaniæ interioris Cordubensem Equitem Rom. illustrem inter suos ; notum Romæ , & propter Senecam fratrem , clarum per omnes virtutes virum , & propter studium vitæ quietioris ; quod sequens , magis à turba recedebat , minùs latebat. Matrem habuit & regionis ejusdem , & urbis , Aciliam nomine , Acilii Lucani filiam , oratoris operæ apud proconsules frequentis , & apud clarissimos viros non nullius ingenii ; adeò non improbandus , ut in scriptis aliquibus hodie quoque duret

viii *VITA LUCANI.*

ejus memoria : cujus cognomen huic inditum apparet. Natus est III. Non. Novemb. C. Cæsare Augusto Germanico II. L. Cæsiano I. Coss. Sed in patria sua non valuit educari : fatorum , credo , decretis , ut id ingenium , quod Orbem fama sui impleturum cresceret , in domina mundi aleretur urbe. Octavum enim mensem agens Romam translatus est ; ac ne dispar eventus in eo narraretur ejus qui in Hesiodo refertur , cum opinio tunc non dissimilis maneret , cunas infantis , quibus ferebatur , apes circumvolârunt , osque insidere complures , aut dulcem jam tum spiritum ejus inhaurientes , aut foecundum , & qualem nunc existimamus , futurum significantes. Præceptoribus tunc eminentissimis est eruditus , eosque intra breve temporis spatium ingenio adæquavit : unâ verò studentes superavit profectibus. Declamavit & Græcè & Latinè cum magna admiratione audientiæ. Ob quod puerili mutato in Senatorium cultum , & in notitiam Cæsaris Neronis facilè pervenit , & honore vix dum ætate debito dignus judicatus est. Gessit autem Quæsturam : in qua cum collegis , more tunc usitato , munus gladiatorium edidit , secundo populi favore. Sacerdotium etiam accepit auguratus. Equidem hætenus tempora habuit secunda. Quæ autem sequuntur , mutata invidia & odio

Neronis, ipsi exitium, domesticis luctum miserabilem attulerunt. Inter amicos enim Cæsaris, quod tam conspicuus fieret profectus in poëtica, frequenter offendebatur. Quippe & certamine pentaterico acto, in Pompeii theatro laureis, recitante Nerone, fuerat coronatus, & ex tempore Orphea scriptum in experimentum ingenii ediderat; & tres libros quales videmus. Quare inimicum sibi fecit Imperatorem; quo ambitiosè imitante, non hominum tantum, sed & artium sibi principatum vendicante, interdictum est ei poëtica, interdictum est etiam causarum actionibus. Hoc factum Cæsaris juvenili æstimans animi calore, speransque ultionem, à conjuratis in eadem Neronis socius assumptus est: sed parum faustè. Deceptus est enim à Pisone & consularibus, aliisque prætura perfunctis illustribus viris. Dum vindictam expetit, in mortem irruit. Nam sua sponte coactus vita excedere, venas sibi præcidit; periitque prid. Kal. Maias Attico Vestino & Nerva Syllano COS S. XXVII. ætatis annum agens: non sine jactura utilitatis; cum patriæ, quæ tantam immaturè amisit indolem; tum studiorum quoque. Reliqui enim VII. Belli Civilis libri locum calumniantibus, tanquam mendosi non darent: qui tametsi sub vero crimine non egent patrocínio, de iisdem dici, quod in Ovidii

X *VITA LUCANI.*

libris præscribitur, potest : *Emendaturus, si licuisset,] erat.* Exstant ejus & alii complures ; ut, Iliacon, Saturnalia, Catafcomon, Silvarum x, Tragoedia Medea imperfecta, Salticæ Fabulæ xiv, & Hippamata prosa oratione in Octavium Sagittam : & pro eo, de incendio Urbis, Epistolar. ex Campania. Non fastidiendi quidem omnes : tales tamen, ut Belli Civilis videatur accessio.



SUMMARIUM

S U M M A R I U M

LIBRI PRIMI.

*A*RGUMENTI propositio. Carminis inscriptio Neroni, adulandi studio per-ridicula. Belli causæ tum publicæ, tum privatae. Pompeii Cæsarisque, Ducum, indoles, natura, mores descripti. Romæ jam inclinatæ morum prolixior insecratio. Rubico (decretorius amnis) a Cæsare, cum exercitu, trajectus. Ariminum occupatum. Curionis ad Cæsarem, mox Cæsaris ad milites, & ad Cæsarem rursus Lælii allocutio. Sparsæ per Galliam cohortes a Cæsare revocatæ : hinc variarum undequaque copiarum Catalogus, ut vocant. Terror per totam Italiam & in Urbe disseminatus. Signa & portenta, calamitatum instantis belli prænuncia. Tusci vates, Aruns & Figulus, interrogantur :

A

*omnia sinistra vident , & nunciant Aru-
spices. Funesta præsagia cumulat , Matrona
Romana , quæ Phæbo furens eventus belli
præcipuos ominatur , & ferè narrat.*





M. ANNÆI

LUCANI

PHARSALIA.

LIBER PRIMUS.

BELLA per Emathios plus quam civilia campos,
Jusque datum sceleri canimus, populumque potentem
In sua victrici conversum viscera dextra;
Cognatasque acies; &, rupto fœdere regni,
Certarum totis concussi viribus orbis
In commune nefas; infestisque obvia signis
Signa, pares aquilas, & pila minantia pilis.

Quis furor, o cives? Quæ tanta licentia ferri,
Gentibus invis. Latium præbere cruorem?
Quumque superba foret Babylon spoliandâ tropæis

A ij

Aufoniis, umbraque erraret Crassus inulta,
Bella geri placuit nullos habitura triumphos.
Heu ! quantum potuit terræ, pelagique parari
Hoc, quem civiles hauserunt, sanguine, dextræ !
Unde venit Titan, & nōx ubi sidera condit,
Quaque dies medius flagrantibus æstuat horis,
Et qua bruma rigens, ac nescia vere remitti,
Adstringit Scythico glaciale frigore pontum.
Sub juga jam Seres, jam barbarus isset Araxes,
Et gens si qua jacet nascenti conscia Nilo.
Tunc, si tantus amor belli tibi, Roma, nefandi,
Totum sub Latias leges quum miseris orbem,
In te verte manus : nondum tibi defuit hostis.
At nunc, semirutis pendent quod moenia tectis,
Urbibus Italiæ, lapsisque ingentia muris
Saxa jacent, nulloque domus custode tenentur,
Rarus & antiquis habitator in urbibus errat ;
Horrida quod dumis, multosque inarata per annos
Hesperia est, defuncte manus poscentibus arvis ;
Non tu, Pyrrhe ferox, nec tantis cladibus auctor
Poenus erit. Nulli penitus discindere ferro
Contigit ; alta sedent civilis vulnera dextræ.
Quod si non aliam venturo fata Neroni
Invenere viam, magnoque æterna parantur
Regna deis, coelumque suo servire Tonanti
Non nisi sævorum potuit post bella Gigantum,
Jam nihil, o Superi, querimur : scelera ipsa, nefasque

Hac mercede placent. Diros Pharfalia campos
 Impleat, & Poeni saturentur sanguine manes:
 Ultima funesta concurrant proelia Munda.
 His, Cæsar, Perusina fames, Mutinæque labores
 Accedant fatis; & quas premit aspera, classes,
 Leucas; & ardenti servilia bella sub Ætna.
 Multum Roma tamen debet civilibus armis,
 Quod tibi res acta est. Te, quum statione peracta,
 Astra petes serus, prælati regia cœli
 Excipiet, gaudente polo. Seu sceptrâ tenere,
 Seu te flammigeros Phœbi conscendere currus,
 Telluremque, nihil, mutato sole, timentem,
 Igne novo lustrare juvet, tibi numine ab omni
 Cedetur, jurisque tui Natura relinquet,
 Quis deus esse velis, ubi regnum ponere mundi.
 Sed neque in Arctoo sedem tibi legeris orbe,
 Nec polus adversi calidus qua vergitur Austri,
 Unde tuam videas obliquo fidere Romam.
 Ætheris immensi partem si presseris unam,
 Sentiet axis onus. Librati pondera cœli
 Orbe tene medio: pars ætheris illa sereni
 Tota vacet, nullæque obstant a Cæsare nubes.
 Tunc genus humanum positis sibi consulat armis,
 Inque vicem gens omnis amet: pax missa per orbem
 Ferrea belligeri compescat limina Jani.
 Sed mihi jam numen: nec, si te pectore vates
 Accipiam, Cirrhæa velim secreta moventem

Sollicitare Deum , Bacchumque avertere Nyfa ;
Tu fatis ad dandas Romana in carmina vires.

Fert animus causas tantarum expromere rerum ;
Immensumque aperitur opus , quid in arma furentem
Impulerit populum , quid pacem excusserit orbi ?
Invida fatorum series , summisque negatum
Stare diu , nimioque graves sub pondere lapsus ,
Nec se Roma ferens. Sic quum , compage soluta ,
Secula tot mundi suprema coëgerit hora ,
Antiquum repetent iterum chaos omnia : mixtis
Sidera fideribus concurrent : ignea pontum
Astra petent : tellus extendere litora nolet ,
Excutietque fretum : fratri contraria Phœbe
Ibit , & obliquum bigas agitare per orbem
Indignata , diem poscet sibi : totaque discors
Machina divulsi turbabit foedera mundi.
IN SE magna ruunt : lætis hunc numina rebus
Crescendi posuere modum ; nec gentibus ullis
Commodat in populum , terræ pelagique potentem ,
Invidiam Fortuna suam. Tu causa malorum ,
Facta tribus dominis communis, Roma, nec umquam
In turbam missi feralia foedera regni.
O male concordēs , nimiaque cupidine cæci ,
Quid miscere juvat vires , orbemque tenere
In medio ? Dum terra fretum , terramque levabit
Aër , & longi volvent Titana labores ,
Noxque diem cœlo totidem per signa sequetur ,

NULLA fides regni fociis , omnisque potestas
Impatiens confortis erit. Nec gentibus ullis
Credite , nec longe fatorum exempla petantur :
Fraterno primi maduerunt sanguine muri.
Nec pretium tanti tellus , pontusve furoris
Tunc erat : exiguum dominos commisit asylum.

Temporis angusti mansit concordia discors ,
Paxque fuit non sponte ducum : nam sola futuri
Crassus erat belli medius mora. Qualiter undas
Qui secat , & geminum gracilis mare separat Isthmos,
Nec patitur conferre fretum , si terra recedat ,
Ionium Ægæo frangat mare : sic , ubi sæva
Arma ducum dirimens , miserando funere Crassus
Assyrias Latio maculavit sanguine Carras ,
Parthica Romanos solverunt damna furores.
Plus illa vobis acie , quam creditis , actum est ,
Arsacidæ : bellum victis civile dedistis.
Dividitur ferro regnum , populique potentis ,
Quæ mare , quæ terras , quæ totum possidet orbem ,
Non cepit fortuna duos. Nam pignora juncti
Sanguinis , & diro ferales omine tædas
Abstulit ad manes , Parcarum , Julia , sæva
Intercepta manu. Quod si tibi fata dedissent
Majores in luce moras , tu sola furentem
Inde virum poteras , atque hinc retinere parentem ,
Armatasque manus excusso jungere ferro ,
Ut generos foceris mediæ junxere Sabinæ.

Morte tua discussa fides , bellumque movere
Permissum est ducibus : stimulos dedit æmula virtus.
Tu , nova ne veteres obscurent acta triumphos ,
Et victis cedat Piratica laurea Gallis ,
Magne , times : te jam series , ususque laborum
Erigit , impatiensque loci fortuna secundi ;
Nec quemquam jam ferre potest , Cæsarve priorem ,
Pompeiusve parem. Quis justius induit arma ,
Scire nefas ; magno se iudice quisque tuerur :
VICTRIX causa Deis placuit , sed victa Catoni.
Nec cõiere pares. Alter vergentibus annis
In senium , longoque togæ tranquillior usu ,
Dedidicit jam pace ducem ; famæque petitor ,
Multa dare in vulgus ; totus popularibus auris
Impelli , plausuque sui gaudere theatri ;
Nec reparare novas vires , multumque priori
Credere fortunæ. Stat magni nominis umbra :
Qualis frugifero quercus sublimis in agro
Exuvias veteres populi , sacrataque gestans
Dona ducum ; nec jam validis radicibus hærens ,
Pondere fixa suo est , nudosque per aëra ramos
Effundens , trunco , non frondibus , efficit umbram ;
At quamvis primo nutet casura sub Euro ,
Tot circum silvæ firmo se robore tollant ,
Sola tamen colitur. Sed non in Cæsare tantum
Nomen erat , nec fama ducis : sed nescia virtus
Stare loco , solusque pudor non vincere bello.

Acer & indomitus , quo spes , quoque ira vocasset ,
Ferre manum , & numquam temerando parcere ferro ;
Successus urgere suos ; instare favori
Numinis ; impellens quidquid sibi summa petenti
Obstaret , gaudensque viam fecisse ruina .
Qualiter expressum ventis per nubila fulmen
Ætheris impulsu sonitu , mundique fragore
Emicuit , rupitque diem , populosque paventes
Terruit , obliqua præstringens lumina flamma ,
In sua templa furit , nullaque exire vetante
Materia , magnamque cadens , magnamque reuertens
Dat stragem late , sparsosque recolligit ignes .

Hæ ducibus causæ : suberant sed publica belli
Semina , quæ populos semper mersere potentes .
Namque ut opes nimias mundo fortuna subacta
Intulit , & rebus mores cessere secundis ,
Prædaque & hostiles luxum suasere rapinæ ,
Non auro , testisve modus ; mensasque priores
Aspernata fames ; cultus gestare , decoros
Vix nuribus , rapuere mares : FECUNDA virorum
Paupertas fugitur , totoque accersitur orbe
Quo gens quæque perit . Tunc longos jungere fines
Agrorum , & quondam duro sulcata Camilli
Vomere , & antiquos Curiorum passa ligones ,
Longa sub ignotis extendere rura colonis .
Non erat is populus , quem pax tranquilla juvaret ,
Quem sua libertas immotis pasceret armis .

Inde iræ faciles , & , quod suafisset egestas ,
Vile nefas ; magnumque decus , ferroque petendum ,
Plus patria potuisse sua ; mensuraque juris
Vis erat. Hinc leges , & plebiscita coacta ;
Et cum Consulibus turbantes jura Tribuni ;
Hinc rapti pretio fasces , sectorque favoris
Ipse sui populus , lethalisque ambitus urbi ,
Annua venali referens certamina Campo ;
Hinc usura vorax , avidumque in tempora fœnus ,
Et concussa fides , & multis utile bellum.

J A M gelidas Cæsar cursu superaverat Alpes ,
Ingentesque animo motus , bellumque futurum
Ceperat. Ut ventum est parvi Rubiconis ad undas ,
Ingens visa duci patriæ trepidantis imago ,
Clara per obscuram vultu mœstissima noctem ,
Turrigero canos effundens vertice crines ,
Cæsarie lacera , nudisque adstare lacertis ,
Et gemitu permixta loqui : » QUO tenditis ultra ?
» Quo fertis mea signa viri ? Si jure venitis ,
» Si cives , huc usque licet ». Tunc perculit horror
Membra ducis , riguere comæ , gressumque coërcens ,
Languor in extrema tenuit vestigia ripa.
Mox ait : » O MAGNÆ qui moenia prospicis urbis
» Tarpeia de rupe tonans , Phrygiique penates
» Gentis Iuleæ , & rapti secreta Quirini ,
» Et residens celsa Latialis Jupiter Alba ,
» Vestalesque foci , summique o numinis instar ,

» Roma, fave cœptis. Non te furialibus armis
 » Persequor : en adsum victor terraque, marique
 » Cæsar, ubique tuus, (liceat modo) nunc quoque miles.
 » Ille erit, ille nocens, qui me tibi fecerit hostem.»
 Inde moras solvit belli, tumidumque per amnem
 Signa tulit propere. Sic quum squalentibus arvis
 Æstiferæ Libyes viso leo cominus hoste
 Subsedit dubius, totam dum colligit iram,
 Mox ubi se sævæ stimulavit verberare caudæ,
 Erexique jubam, & vasto grave murmur hiatu
 Infremuit : tum torta levis si lancea Mauri
 Hæreat, aut latum subeant venabula pectus,
 Per ferrum tanti securus vulneris exit.

Fonte cadit modico, parvisque impellitur undis
 Puniceus Rubicon, quum fervida canduit æstas,
 Perque imas serpit valles, & Gallica certus
 Limes ab Aufoniis determinat arva colonis.
 Nunc vires præbebat hiems, atque auxerat undas
 Tertia jam gravido pluvialis Cynthia cornu,
 Et madidis Euri resolutæ flatibus Alpes.
 Primus in obliquum sonipes opponitur amnem,
 Excepturus aquas, molli dum cetera rumpit
 Turba vado fracti faciles jam fluminis undas.
 Cæsar, ut adversam superato gurgite ripam
 Attigit, Hesperiae veritis & constitit arvis :
 » Hic, ait, hic pacem, temerataque jura relinquo;
 » Te, Fortuna, sequor. Procul hinc jam foedera sunt:

» Credidimus fati, utendum est iudice bello »
Sic fatus, noctis tenebris rapit agmina ductor
Impiger; it torto Balearis verberare fundæ
Ocior, & missa Parthi post terga sagitta:
Vicinumque minax invadit Ariminum, ut ignes
Solis lucifero fugiebant astra relicto.
Jamque dies primos belli visura tumultus
Exoritur: seu sponte Deum, seu turbidus Auster
Impulerat, moestam tenuerunt nubila lucem.
Constitit ut capto jussus deponere miles
Signa foro, stridor lituum clangorque tubarum
Non pia concinuit cum rauco classica cornu.
Rupta quies populi, stratisque excita juvenus
Deripuit sacris adfixa penatibus arma,
Quæ pax longa dabat: nuda jam crate fluentes.
Invadunt clypeos, curvataque cuspide pila,
Et scabros nigræ morfu rubiginis enses.
Ut notæ fulsere aquilæ, Romanaque signa,
Et celfus medio conspectus in agmine Cæsar,
Dirigere metu, gelidos pavor adligat artus,
Et tacito mutos volvunt in pectore questus:
» O MALE vicinis hæc mœnia condita Gallis!
» O tristi damnata loco! Pax alta per omnes,
» Et tranquilla quies populos: nos præda furentum,
» Primaque castra sumus. Melius, Fortuna, dedisses
» Orbe sub Eo sedem, gelidaque sub Arcto,
» Errantesque domos, Latii quam claustra tueri.

» Nos primi Senonum motus, Cimbrumque ruentem
» Vidimus, & Martem Libyes, cursumque furoris
» Teutonici. Quoties Romam fortuna laceffit,
» Hac iter est bellis». Gemitu sic quisque latenti;
Non ausus timuisse palam: vox nulla dolori
Credita; sed quantum, volucres quum bruma coërcet,
Rura silent, mediusque jacet sine murmure pontus,
Tanta quies. Noctis gelidas lux solverat umbras:
Ecce faces belli, dubiæque in proelia menti
Urgentes addunt stimulos, cunctasque pudoris
Rumpunt fata moras: justos Fortuna laborat
Esse ducis motus, & causas invenit armis.
Expulit ancipiti discordes urbe Tribunos,
Victo jure, minax jactatis curia Gracchis.
Hos jam mota ducis, vicinaque signa petentes
Audax venali comitatur Curio lingua:
Vox quondam populi, libertatemque tueri
Ausus, & armatos plebi miscere potentes.
Utque ducem, varias volventem pectore curas,
Conspexit: » DUM voce tuæ potuere juvari
» Cæsar, ait, partes, quamvis nolente Senatu,
» Traximus imperium, tunc quum mihi Rostra tenere
» Jus erat, & dubios in te transferre Quirites.
» Sed postquam leges bello fluere coactæ,
» Pellimur e patriis laribus, patimurque volentes
» Exsilium: tua nos faciat victoria cives.
» Dum trepidant nullo firmatæ robore partes,

» Tolle moras : SEMPER nocuit differre paratis.
» Par labor atque metus pretio majore petuntur.
» Bellantem geminis tenuit te Gallia lustris ,
» Pars quota terrarum ! facili si prælia pauca
» Gesseris eventu , tibi Roma subegerit orbem.
» Nunc neque te longi remeantem pompa triumphi
» Excipit , aut sacras poscunt Capitolia lauros :
» Livor edax tibi cuncta negat , gentesque subactas
» Vix impune feres ; focerum depellere regno ,
» Decretum est genero. Partiri non potes orbem ,
» Solus habere potes ». Sic postquam fatus , & ipsi
In bellum prono tantum tamen addidit iræ ,
Accenditque ducem , quantum clamore juvatur
Eleus sonipes , quamvis jam carcere clauso
Immineat foribus , pronusque repagula laxet.
Convocat armatos extemplo ad signa maniplos ;
Utque satis trepidum , turba coëunte , tumultum
Composuit , vultu dextraque silentia jussit :
» BELLORUM o socii , qui mille pericula Martis
» Mecum , ait , experti , decimo jam vincitis anno ,
» Hoc cruor Arctoïis meruit diffusus in arvis ,
» Vulneraque & mortes , hiemesque sub Alpibus actæ ?
» Non secus ingenti bellorum Roma tumultu
» Concutitur , quam si Poenus transcenderet Alpes
» Annibal. Implentur valido tirone cohortes ;
» In classem cadit omne nemus , terraque marique
» Jussus Cæsar agi. Quid ? si mihi signa jacerent

- » Marte sub adverso , ruerentque in terga feroces
» Gallorum populi ? Nunc , quum Fortuna secundis
» Mecum rebus agat, Superique ad summa vocantes,
» Tentamur. Veniat longa dux pace solutus
» Milite cum subito , partesque in bella togatæ ,
» Marcellusque loquax , & nomina vana , Catones.
» Scilicet extremi Pompeium , emtique clientes
» Continuo per tot fatiabunt tempora regno ?
» Ille reget currus nondum patientibus annis ?
» Ille semel raptos numquam dimittet honores ?
» Quid jam jura querar torum suppressa per orbem ,
» Ac iussam servire famem ? Quis castra timenti
» Nescit mixta foro , gladii quum triste minantes
» Judicium insolita trepidum cinxere corona ,
» Atque , auso medias perrumpere milite leges ,
» Pompeiana reum clauferunt signa Milonem ?
» Nunc quoque ne lassum teneat privata senectus ,
» Bella nefanda parat ; suctus civilibus armis ,
» Et docilis Syllam scelerum vicisse magistrum.
» Utque feræ tigres numquam posuere furorem ,
» Quas nemore Hyrcano , matrum dum lustra sequuntur ,
» Altus cæforum pavit cruor armentorum ;
» Sic & Syllanum solito tibi lambere ferrum
» Durat , Magne , fitis : nullus semel ore receptus
» Pollutas patitur sanguis mansuescere fauces.
» Quem tamen inveniet tam longa potentia finem ?
» Quis scelerum modus est? Ex hoc jam te, improbe, regno

- » Ille tuus saltem doceat discedere Sylla.
 » Post Cilicasne vagos, & lassæ Pontica regis
 » Prælia, barbarico vix consummata veneno,
 » Ultima Pompeio dabitur provincia, Cæsar,
 » Quod non, victrices aquilas deponere jussus,
 » Paruerim? Mihi si merces erepta laborum est,
 » His saltem longi, non me duce, præmia belli
 » Reddantur: miles sub quolibet iste triumphet.
 » Conferet ex sanguis quò se post bella senectus?
 » Quæ sedes erit emeritis? Quæ rura dabuntur,
 » Quæ noster veteranus aret, quæ mœnia fessis?
 » An melius fient piratæ, Magne, coloni?
 » Tollite jampridem victricia, tollite signa:
 » Viribus utendum est quas fecimus. ARMA tenenti
 » Omnia dat, qui justa negat. Nec numina deerunt,
 » Nam neque præda meis, neque regnum quæritur armis:
 » Detrahimus dominos Urbi servire paratæ».

Dixerat: at dubium non claro murmure vulgus
 Secum incerta fremit. Pietas, patriique penates,
 Quamquam cæde feras, mentes animosque tumentes
 Frangunt; sed diro ferri revocantur amore,
 Ductorisque metu. Summi tum munera pili
 Lælius, emeritique gerens insignia doni,
 Servati civis referentem præmia quercum:
 » Si licet, exclamat, Romani maxime rector
 » Nominis, & fas est veras expromere voces,
 » Quod tam lenta tuas tenuit patientia vires

» Conquerimur. Deeratne tibi fiducia nostri ?
 » Dum movet hæc calidus spirantia corpora sanguis,
 » Et dum pila valent fortes torquere lacerti,
 » Degenerem patiere togam, regnumque Senatus ?
 » Usque adeo miserum est civili vincere bello ?
 » Duc age, per Scythiæ populos, per inhospita Syrtis
 » Litora, per calidas Libyæ sitientis arenās.
 » Hæc manus, ut victum post terga relinqueret orbem,
 » Oceani tumidas remo compefcuit undas,
 » Fregit & Arctoo spumantem vertice Rhenum.
 » Jussa sequi tam posse mihi, quam velle necesse est.
 » Nec civis meus est, in quem tua classica, Cæsar,
 » Audiero. Per signa decem felicia castris,
 » Perque tuos juro quocumque ex hoste triumphos,
 » Pectore si fratris gladium, juguloque parentis
 » Condere me jubeas, plenæque in viscera partu
 » Conjugis, invita peragam tamen omnia dextra.
 » Si spoliare Deos, ignemque immittere templis,
 » Numina miscebit castrensis flamma Monetæ ;
 » Castra super Tusci si ponere Tibridis undas,
 » Hesperios audax veniam metator in agros ;
 » Tu quoscumque voles in planum effundere muros,
 » His aries actus disperget saxa lacertis :
 » Illa licet, penitus tolli quam jusseris urbem,
 » Roma sit ». His cunctæ simul adfensere cohortes,
 » Elatasque alte, quæcumque ad bella vocaret,
 » Promisere manus. It tantus in æthera clamor,

Quantus , piniferi Boreas quum Thracius Ossæ
Rupibus incubuit , curvato robore pressæ
Fit sonus , aut rursus redeuntis in æthera silvæ.

Cæsar , ut acceptum tam prono milite bellum ,
Fataque ferre videt , ne quo languore moretur
Fortunam , sparsas per Gallica rura cohortes
Evocat , & Romam motis petit undique signis.
Deseruere cavo tentoria fixa Lemanno ,
Castraque , quæ Vogesi curvam super ardua rupem
Pugnaces pictis cohibebant Lingonas armis.
Hi vada liquerunt Isaræ , qui gurgite ductus
Per tam multa suo , famæ majoris in amnem
Lapsus , ad æquoreas nomen non pertulit undas.
Solvuntur flavi longa statione Rutheni :
Mitis Atax Latias gaudet non ferre carinas ,
Finis & Hesperiaë , promotio limite , Varus :
Quaque sub Herculeo sacratum numine portus
Urget rupe cava pelagus : non Corus in illum
Jus habet aut Zephyrus : solus sua litora turbat
Circius , & tuta prohibet statione Monœci :
Quaque jacet litus dubium , quod terra , fretumque
Vindicat alternis vicibus , quum funditur ingens
Oceanus , vel quum refugis se fluctibus aufert.
Ventus ab extremo pelagûs sic axe volutet ,
Destituatque ferens ? an fidere mota secundo
Tethyos unda vagæ lunaribus æstuet horis ?
Flammiger an Titan , ut alentes hauriat undas ,

Erigat Oceanum , fluctusque ad sidera ducat ?
 Quærite , quos agitat mundi labor : at mihi semper
 Tu , quæcumque moves tam crebros causa meatus ,
 Ut Superi voluere , late. Tunc rura Nemausi
 Qui tenet , & ripas Aturi , qua litore curvo
 Molliter admissum claudit Tarbellicus æquor ,
 Signa movet , gaudetque amoto Santonus hoste ;
 Et Biturix , longisque leves Sueffones in armis ;
 Optimus excusso Leucus Rhemusque lacerto ;
 Optima gens flexis in gyrum Sequana frenis ;
 Et docilis rector rostrati Belga *covinni* ;
 Arvernique ausi Latio se fingere fratres ,
 Sanguine ab Iliaco populi ; nimiumque rebellis
 Nervius , & cæsi pollutus sanguine Cottæ ;
 Et qui te laxis imitantur , Sarmata , braccis
 Vangiones ; Batavique truces , quos ære recurvo
 Stridentes acuere tubæ ; quâ Cinga pererrat
 Gurgite ; quâ Rhodanus raptum velocibus undis
 In mare fert Ararim ; quâ montibus ardua summis
 Gens habitat cana pendentes rupe Gebennas.
 [*Pictones immunes subigunt sua rura , nec ultra
 Instabiles Turonas circumfita castra coercere.*
*In nebulis , Meduana , tuis marcere perosus
 Andus , jam placida Ligeris recreatur ab unda.
 Inclyta Casareis Genabos dissolvitur alis.*] *

* *Hi quinque versus interpolati videntur. Desunt enim in Codicibus , nec quid eorundem exhibent Editio princeps anni 1469 , & Gryphii Lugdunensis anni 1542.*

Tu quoque , lætatus converti proelia , Trevir ;
Et nunc tonse Liger , quondam per colla decora
Crinibus effusis toti prælate Comatæ ;
Et quibus immitis placatur sanguine diro
Teutates , horrensque feris altaribus Hesus ;
Et Taranis Scythicæ non mitior ara Dianæ.
Vos quoque , qui fortes animas , belloque peremtas ,
Laudibus in longum vates demittitis ævum ,
Plurima securi fudistis carmina , Bardi.
Et vos barbaricos ritus , moremque finistrum
Sacrorum , Druidæ , positis repetistis ab armis.
Solis nosse deos , & coeli numina vobis ,
Aut solis nescire datum : nemora alta remotis
Incolitis lucis. Vobis autoribus , umbræ
Non tacitas Erebi sedes Ditisque profundi
Pallida regna petunt : regit idem spiritus artus
Orbe alio ; longæ (canitis si cognita) vitæ
Mors media est , Certè populi , quos despicit Arctos,
Felices errore suo , quos ille , timorum
Maximus , haud urget lethi metus : inde ruendi
In ferrum mens prona viris , animæque capaces
Mortis , & ignavum redituræ parcere vitæ.
Et vos crinigeros bellis arcere Caycos
Oppositi , petitis Romam , Rhenique feroces
Deferitis ripas , & apertum gentibus orbem.

Cæsar , ut immensæ collecto robore vires
Audendi majora fidem fecere , per omnem

Spargitur Italiam , vicinaque mœnia complet.
 Vana quoque ad veros accessit fama timores ,
 Irrupitque animos populi , clademque futuram
 Intulit , & velox properantis nuntia belli
 Innumeras solvit falsa in præconia linguas.
 Est qui , tauriferis ubi se Mevania campis
 Explicat , audaces ruere in certamina turmas
 Adferat , & , qua Nar Tiberino illabitur amni ,
 Barbaricas sævi discurrere Cæsaris alas :
 Ipsum omnes aquilas , collataque signa ferentem ,
 Agmine non uno , densisque incedere castris.
 Nec , qualem meminere , vident : majorque , ferusque ,
 Mentibus occurrit , victoque immanior hoste.
 Hunc inter Rhenum populos Alpemque jacentes ,
 Finibus Arctoïis , patriaque ab sede revulsos
 Pone sequi ; jussamque feris a gentibus Urbem ,
 Romano spectante , rapi. Sic quisque pavendo
 Dat vires famæ ; nulloque autore malorum ,
 Quæ finxere , timent. Nec solum vulgus inani
 Percussum terrore pavet , sed curia , & ipsi
 Sedibus exsiluere Patres , invisaque belli
 Consulibus fugiens mandat decreta Senatus.
 Tum , quæ tuta petant , & quæ metuenda relinquant ,
 Incerti , quo quemque fugæ tulit impetus , urget
 Præcipitem populum , serieque hærentia longa
 Agmina prorumpunt : credas aut tecta nefandas
 Corripuisse faces , aut jam quatiante ruina

Nutantes pendere domos. Sic turba per urbem
Præcipiti lymphata gradu, velut unica rebus
Spes foret afflictis patrios excedere muros,
Inconsulta ruit. Qualis quum turbidus Auster
Repulit a Libycis immensum Syrtibus æquor,
Fractaque veliferi sonuerunt pondera mali,
Defilit in fluctus deserta puppe magister,
Navitaque, & nondum sparsa compage carinæ,
Naufragium sibi quisque facit: sic urbe relicta
In bellum fugitur. Nullum jam languidus ævo
Evaluit revocare parens, conjuxve maritum
Fletibus, aut patrii, dubiæ dum vota Salutis
Conciperent, tenuere Lares; nec limine quisquam
Hæsit, & extremo tunc forsitan urbis amatae
Plenus abit visu: ruit irrevocabile vulgus.
O faciles dare summa Deos, eademque tueri
Difficiles! Urbem populis, victisque frequentem
Gentibus, & generis, coëat si turba, capacem
Humani, facilem venturo Cæsare prædam
Ignavæ liquere manus. Quum pressus ab hoste
Clauditur externis miles Romanus in oris,
Effugit exiguo nocturna pericula vallo,
Et subitus rapti munimine cespitis agger
Præbet securos intra tentoria somnos:
Tu, tantum audito bellorum nomine, Roma,
Defereris; nox una tuis non credita muris.
Danda tamen venia est tantorum, danda, pavorum:

Pompeio fugiente , timent. Tum , ne qua futuri
 Spes saltem trepidas mentes levet , addita fati
 Pejoris manifesta fides ; Superique minaces
 Prodigiiis terras implerunt , æthera , pontum.
 Ignota obscuræ viderunt sidera noctes ,
 Ardentemque polum flammis , coeloque volantes
 Obliquas per inane faces , crinemque timendi
 Sideris , & terris mutantem regna cometen :
 Fulgura fallaci micuerunt crebra sereno ,
 Et varias ignis denso dedit aëre formas.
 Nunc jaculum longo , nunc sparso lumine lampas
 Emicuit coelo : tacitum sine nubibus ullis
 Fulmen , & Arctois rapiens e partibus ignem ,
 Percussit Latiale caput ; stellæque minores
 Per vacuum solitæ noctis decurrere tempus ,
 In medium venere diem ; cornuque coacto
 Jam Phoebe toto fratrem quum redderet orbe ,
 Terrarum subita percussa expalluit umbra.
 Ipse caput medio Titan quum ferret Olympo ,
 Condidit ardentes atra caligine currus ,
 Involvitque orbem tenebris , gentesque coëgit
 Desperare diem : qualem , fugiente per ortus
 Sole , Thyesteæ noctem duxere Mycenæ.
 Ora ferox Siculæ laxavit Mulciber Ætnæ ;
 Nec tulit in coelum flammæ , sed vertice pronò
 Ignis in Hesperium cecidit latus. Atra Charybdis
 Sanguineum fundo torfit mare : flebile fævi

Latravere canes ; Vestali raptus ab ara
Ignis , & ostendens confectas flamma Latinas
Scinditur in partes , geminoque cacumine surgit ,
Thebanos imitata rogos ; tum cardine tellus
Subfedit , veteremque jugis nutantibus Alpes
Discussere nivem. Tethys majoribus undis
Hesperiam Calpen , summumque implevit Atlanta.
Indigetes flevisse deos , Urbisque laborem
Testatos sudore Lares , delapsaque templis
Dona suis , dirasque diem foedasse volucres
Accipimus ; silvisque feras sub nocte relictis
Audaces media posuisse cubilia Roma.
Tum pecudum faciles humana ad murmura linguae ,
Monstrosique hominum partus , numeroque modoque
Membrorum , matremque suus conterruit infans ;
Diraque per populum Cumanæ carmina vatis
Vulgantur. Tum , quos sectis Bellona lacertis
Sæva movet , cecinere deos , crinemque rotantes
Sanguineum populis ulularunt tristitia Galli.
Compositis plenæ gemuerunt ossibus urnæ.
Tum fragor armorum , magnæque per avia voces
Auditæ nemorum , & venientes cominus umbræ ;
Quique colunt junctos extremis mœnibus agros ,
Diffugiunt. Ingens Urbem cingebat Erinnyes ,
Excutiens pronam flagranti vertice pinum ,
Stridentesque comas : Thebanam qualis Agaven
Impulit , aut sævi contorsit tela Lycurgi
Eumenis ;

Eumenis ; aut qualem , jussu Junonis iniquæ ,
 Horruit Alcides , viso jam Dite , Megæram.
 Insonuere tubæ , & quanto clamore cohortes
 Miscentur , tantum nox atra silentibus auris
 Edidit ; & medio visi consurgere Campo ,
 Tristia Syllani cecinere oracula manes :
 Tollentemque caput gelidas Anienis ad undas
 Agricolæ fracto Marium fugere sepulcro.

Hæc propter placuit Tuscos de more vetusto
 Acciri vates : quorum qui maximus ævo
 Aruns incoluit desertæ moenja Lunæ ,
 Fulminis edoctus monitus , venasque calentes
 Fibrarum , & motus errantis in aëre pennæ ,
 Monstra jubet primum , quæ nullo semine discors
 Protulerat natura , rapi ; sterilique nefandos
 Ex utero foetus infaustis urere flammis.
 Mox jubet & totam pavidis a civibus Urbem
 Ambiri : & festo purgantes moenia lustro ,
 Longa per extremos pomœria cingere fines
 Pontifices , sacri quibus est permissa potestas.
 Turba minor sequitur , ritu succincta Gabino ,
 Vestalemque chorum ducit vittata sacerdos ,
 Trojanam soli cui fas vidisse Minervam.
 Tum qui fata Deûm , secretaque carmina servant ,
 Et lotam parvo revocant Almone Cybelen ;
 Et doctus volucres Augur servare sinistras ;
 Septemvirque epulis festis , Titiusque sodalis ;

Et Salius læto portans ancilia collo ;
Et tollens apicem generoso vertice Flamen.
Dumque illi effusam longis anfractibus urbem
Circueunt , Aruns dispersos fulminis ignes
Colligit , & terræ mœsto cum murmure condit ,
Datque locis numen sacris : tunc admovet aris
Electa cervice marem. Jam fundere Bacchum
Cœperat , obliquoque molas inducere cultro ;
Impatiensque diu non grati victima sacri ,
Cornua succincti premerent quum torva ministri ,
Deposito victum præbebat poplite collum :
Nec cruor emicuit solitus , sed vulnere largo
Diffusum rutilo nigrum pro sanguine virus.
Palluit attonitus sacris feralibus Aruns ,
Atque iram Superûm raptis quæsit in extis.
Terruit ipse color vatem : nam pallida tetris
Viscera tincta notis , gelidoque infecta cruore
Plurimus asperso variabat sanguine livor.
Cernit tabe jecur madidum , venasque minaces
Hostili de parte videt ; pulmonis anheli
Fibra latet , parvusque secatur vitalia limes ;
Cor jacet , & faniem per hiantes viscera rimas
Emittunt , produntque suas omenta latebrâs ;
Quodque (nefas) nullis impune apparuit extis ,
Ecce videt capiti fibrarum increfcere molem -
Alterius capitis : pars ægra & marcida pendet ,
Pars micat , & celeri venas movet improba pulsu.

His ubi concepit magnorum fata malorum ,
Exclamat ! » VIX fas , Superi , quæcumque movetis ,
» Prodere me populis : neque enim tibi , summe , litavi ,
» Jupiter , hoc sacrum , cæsiq[ue] in viscera tauri
» Inferni venire Dei. Non fanda timemus :
» Sed venient majora metu. Dii visa secudent ,
» Et fibris sit nulla fides , sed conditor artis
» Finxerit ista Tages ». Flexu sic omina Tuscus
Involvens , multa[que] tegens ambage , canebat.

At Figulus , cui cura Deos secreta[que] cœli
Nosse , fuit , quem non stellarum Ægyptia Memphis
Æquaret visu , numerisque moventibus astra :
» AUT hic errat , ait , nulla cum lege per ævum
» Mundus , & incerto discurrunt sidera motu ;
» Aut , si fata movent , Urbi , generique paratur
» Humano matura lues. Terræne dehiscant ,
» Subsident[que] urbes ? An tollet fervidus aër
» Temperiem , segetem tellus infida negabit ?
» Omnis an infusis miscebitur unda venenis ?
» Quod cladis genus , ô Superi , qua peste paratis
» Sævitiâ ? Extremi multorum tempus in unum
» Convenere dies. Summo si frigida cœlo
» Stella nocens nigros Saturni accenderet ignes ,
» Deucalioncos fudisset Aquarius imbres ,
» Tota[que] diffuso latuisset in æquore tellus.
» Si sævum radiis Nemeæum , Phœbe , Leonem
» Nunc premeres , toto fluèrent incendia mundo ,

» Succensusque tuis flagraffet curribus æther :
 » Hi cessant ignes. Tu , qui flagrante minacem
 » Scorpion incendis cauda , chelasque peruris ,
 » Quid tantum , Gradive , paras ? nam mitis in alto
 » Jupiter occasu premitur , Venerisque salubre
 » Sidus hebet , motuque celer Cyllenius hæret ,
 » Et cœlum Mars solus habet. Cur signa meatus
 » Deseruere suos , mundoque obscura feruntur ?
 » Ensisferi nimium fulget latus Orionis :
 » Imminet armorum rabies , ferrique potestas
 » Confundet jus omne manu , scelerique nefando
 » Nomen erit virtus ; multosque exhibit in annos
 » Hic furor. Et Superos quid prodest poscere finem ?
 » Cum domino pax ista venit : duc , Roma , malorum
 » Continuum seriem , clademque in tempora multa
 » Extrahe , civili tantum jam libera bello ».

Terruerant fatis hæc pavidam præfagia plebem :
 Sed majora premunt. Nam qualis vertice Pindi
 Edonis Ogygio decurrit plena Lyæo ,
 Talis & attonitam rapitur matrona per urbem ,
 Vocibus his prodens urgentem pectora Phœbum.
 » Quo feror , ô Pæan ? qua me super æthera raptam
 » Constituis terra ? Video Pangæa nivosis
 » Cana jugis , latosque Hæmi sub rupe Philippos.
 » Quis furor hic , ô Phœbe , doce ? quæ tela , manusque
 » Romanæ miscent acies , bellumque sine hoste est ?
 » Quo diversa feror ? primos me ducis in ortus ,

» Qua mare Lagæi mutatur gurgite Nili.
» Hunc ego, fluminea deformis truncus arena
» Qui jacet, agnosco: dubiam super æquora Syrtim,
» Arentemque feror Libyen, quo tristis Erinnys
» Transtulit Emathias acies. Nunc desuper Alpīs
» Nubiferæ colles, atque aëriam Pyrenen
» Abripimur: patriæ sedes remeamus in urbis:
» Impiaque in medio peraguntur bella senatu.
» Consurgunt partes iterum, totumque per orbem
» Rursus eo. Nova da mihi cernere litora ponti,
» Telluremque novam: vidi jam, Phæbe, Philippos». .
Hæc ait, & lassō jacuit deserta furore.



S U M M A R I U M

LIBRI SECUNDI.

*R*OMÆ luctus. Mulierum; militum & senum querelæ. Brutus adit Catonem, eumque alloquitur. Catonis responsum. Marcia ad Catonem oratio, quam, repudiatam olim, repetit. Hujusce Romani mores & ingenium. Discedit Pompeius Capuam, quæ sit belli sedes. Apennini montis descriptio. Victor Italiæ Cæsar expugnat Corfinium, cui patent portæ. Parùm fidi milites ducem Domitium Cæsari tradunt. Vita ab hoc illi superbè minitanti conceditur. Exploraturus suorum animos Pompeius, concione incassum habitâ, Brundisium subit, cujus portûs topographia exaratur. Nihil fidei à suis sperans, filium in Orientem, Consules verò in Epirum, auxilia petituos mittit. Interea Cæsar Pompeium intra Brundisii mœnia munitum affecutus, tentat, oppositis aggeribus, portum opplere. A Pompeio rumpuntur, qui cum classe suâ aufugit. Brundisium Cæsari se dedit.

PHARSALIA.

LIBER SECUNDUS.

IAMQUE iræ patuere Deum, manifestaue belli
Signa dedit mundus; legesque & foedera rerum
Præscia monstrifero vertit natura tumultu,
Indixitque nefas. Cur hanc tibi, rector Olympi,
Sollicitis visum mortalibus addere curam,
Noscant venturas ut dira per omina clades?
Sive parens rerum, quum primum informia regna,
Materiamque rudem, flamma cedente, recepit,
Fixit in æternum causas, quæ cuncta coercet,
Se quoque lege tenens, & secula iussa ferentem
Fatorum immoto diuisit limite mundum;
Sive nihil positum est, sed fors incerta vagatur,
Fertque refertque vices, & habent mortalia casum:
SIT subitum, quodcumque paras; sit cæca futuri
Mens hominum fati: liceat sperare timenti.

Ergo ubi concipiunt, quantis fit cladibus orbi
Constatura fides Superum, ferale per urbem
Iustitium; latuit plebeio tectus amictu
Omnis honor; nullos comitata est purpura fasces.
Tum questus tenuere suos, magnusque per omnes
Erravit sine voce dolor. Sic funere primo
Attonitæ tacuere domus, quum corpora nondum
Conclamata jacent, nec mater crine soluto

Exigit ad sævos famularum brachia planctus :
 Sed quum membra premit fugiente rigentia vita ;
 Vultusque exanimes , oculosque in morte jacentes ;
 Necdum est ille dolor , sed jam metus ; incubat amens ,
 Miraturque malum. Cultus matrona priores
 Deposuit , mœstæque tenent delubra catervæ.
 Hæ lacrimis sparsere Deos , hæ pectora duro
 Affixere solo , lacerasque in limine sacro
 Attonitæ fudere comas , votisque vocari
 Adsuetas crebris feriunt ululatibus aures.
 Nec cunctæ summi templo jacuere Tonantis ;
 Divisere deos , & nullis defuit aris
 Invidiam factura parens. Quarum una madentes
 Scissâ genas , planctu liventes atra lacertos :
 » NUNC , ait , ô miseræ , contundite pectora , matres ,
 » Nunc laniate comas , neve hunc differte dolorem ,
 » Et summis servate malis. Nunc flere potestas ,
 » Dum pendet fortuna ducum : quum vicerit alter ,
 » Gaudendum est ». His se stimulis dolor ipse laceffit.
 Nec non bella , viri , diversæque castra petentes ,
 Effundunt justas in numina sæva querelas.
 » O MISERÆ fortis , quod non in Punica nati
 » Tempora Cannarum fuimus , Trebiæque , juventus !
 » Non pacem petimus , Superi : date gentibus iras ;
 » Nunc urbes excite feras ; conjuret in arma
 » Mundus. Achæmeniis decurrant Medica Susis
 » Agmina : Massageten Scythicus non alliget Ister ;

» Fundat ab extremo flavos Aquilone Suevos
» Albis, & indomitum Rheni caput : omnibus hostes
» Reddite nos populis : civile avertite bellum :
» Hinc Dacus premat , inde Getes : occurrat Iberis
» Alter : ad Eoas hic vertat signa pharetras.
» Nulla vacet tibi, Roma, manus ; vel perdere nomen
» Si placet Hesperium , Superi , collatus in ignem
» Plurimus ad terram per fulmina decadat æther.
» Sæve parens , utrasque simul partesque ducesque ,
» Dum nondum meruere , feri. Tantone novorum
» Proventu scelerum quærunt , uter imperet Urbi ?
» Vix tanti fuerat civilia bella movere ,
» Ut neuter ». Tales pietas peritura querelas
Egerit : at miseròs angit sua cura parentes ,
Oderuntque gravis vivacia fata senectæ ,
Servatosque iterum bellis civilibus annos.
Atque aliquis magno quærens exempla timori ,
» Non alios , inquit , motus tunc fata parabant ,
» Quum post Teutonicos victor , Libycosque triumphos
» Exul limosa Marius caput abdidit ulva.
» Stagna udi texere foli , laxæque paludes
» Deposita , Fortuna , tuum : mox vincula ferri
» Exedere senem , longusque in carcere pædor.
» Consul , & everfa felix moriturus in urbe ,
» Poenas ante dabat scelerum ; mors ipsa refugit
» Sæpe virum , frustra que hosti est concessa potestas
» Sanguinis invisi. Primo qui cædis in ictu

» Diriguit , ferrumque manu torpente remisit ,
» Viderat immensam tenebroso in carcere lucem ,
» Terribilesque Deos scelerum, Mariumque futurum ;
» Audieratque pavens : NON hæc contingere fas est
» Colla tibi : debet multas hic legibus ævi ,
» Ante suam , mortes : vanum deponere furorem.
» Si libet ulcisci deletæ funera gentis ,
» Hunc , Cimbri , servate senem : non ille favore
» Numinis , ingenti Superum protectus ab ira ,
» Vir ferus , & Romam cupienti perdere fato
» Sufficiens. Idem pelago delatus iniquo
» Hostilem in terram , vacuisque mapalibus actus ,
» Nuda triumphati jacuit per regna Jugurthæ ,
» Et Pœnos pressit cineres. Solatîa fati
» Carthago , Mariusque tulit : pariterque jacentes
» Ignovere deis. Libycas sibi colligit iras ,
» Ut primum fortuna redit : servilia solvit
» Agmina : conflato sævas ergastula ferro
» Exseruere manus. Nulli gestanda dabantur
» Signa ducis , nisi qui scelerum jam fecerat usum ,
» Attuleratque in castra nefas. Proh fata ! quis ille ,
» Quis fuit ille dies , Marius quo mœnia victor
» Corripuit ? quantoque gradu mors sæva cucurrit ?
» Nobilitas cum plebe perit : lateque vagatur
» Ensis : & a nullo revocatum est pectore ferrum.
» Stat cruor in templis : multaue rubentia cæde
» Lubrica saxa madent, Nulli sua profuit ætas :

- » Non senis extremum piguit vergentibus annis
» Præcipitasse diem ; nec primo in limine vitæ
» Infantis miseri nascentia rumpere fata.
» Crimine quo parvi cædem potuere mereri ?
» Sed fatis est jam posse mori. Trahit ipse furoris
» Impetus : & , visum est lenti , quæsisse nocentem.
» In numerum pars magna perit : rapuitque cruentus
» Victor ab ignota vultus cervice recisos ,
» Dum vacua pudet ire manu. Spes una salutis
» Oscula pollutæ fixisse trementia dextræ.
» Mille licet gladii mortis nova signa sequantur ,
» Degener ô populus , vix secula longa decorum
» Sic meruisse viris , nedum breve dedecus ævi ,
» Et vitam , dum Sylla redit. Cui funera vulgi
» Flere vacet ? vix te sparsum per viscera , Bæbi ,
» Innumeras inter carpentis membra coronæ
» Discessisse manus : aut te , præfage malorum
» Antoni , cujus laceris pendentia canis
» Ora ferens miles festæ rorantia mensæ
» Imposuit. Truncos laceravit Fimbria Crassos.
» Sæva Tribunitio maduerunt robora tabo.
» Te quoque neglectum violatæ , Scævola , dextræ
» Ante ipsum penetrale Deæ , semperque calentes
» Mactavere focos : parvum sed fessa senectus
» Sanguinis effudit jugulo , flammisque pepercit.
» Septimus hæc sequitur , repetitis fascibus , annus :
» Ille fuit vitæ Mario modus , omnia passo ,

- » Quæ pejor fortuna potest , atque omnibus uso ,
 » Quæ melior : mensoque , hominis quid fata paterent .
 » Jam quot apud Sacri cecidere cadavera Portum ?
 » Aut Collina tulit stratas . quot porta catervas ,
 » Tunc quum pæne caput mundi , rerumque potestas
 » Mutavit translata locum , Romanaque Samnis
 » Ultra Caudinas speravit vulnera Furcas ?
 » Sylla quoque immensis accessit cladibus ultor .
 » Ille quod exiguum restabat sanguinis Urbi
 » Haufit ; dumque nimis jam putrida membra recidit ,
 » Excessit medicina modum , nimiumque secuta est ,
 » Qua morbi duxere , manus , periere nocentes ;
 » Sed quum jam soli possent superesse nocentes .
 » Tunc data libertas odiis , resolutaque legum
 » Frenis ira ruit : non uni cuncta dabantur ,
 » Sed fecit sibi quisque nefas . Semel omnia victor
 » Jusserat : infandum domini per viscera ferrum
 » Exegit famulus : nati maduere paterno
 » Sanguine ; certatum est , cui cervix cæsa parentis
 » Cederet : in fratrum ceciderunt præmia fratres .
 » Busta repleta fuga , permixtaque viva sepultis
 » Corpora : nec populum latebræ cepere ferarum ,
 » Hic laqueo fauces , elisaque guttura fregit :
 » Hic se præcipiti jaculatus pondere dura
 » Dissiluit percussus humo ; mortesque cruento
 » Victori rapuere suas : hic robora busti
 » Exstruit ipse sui , nec dum omni sanguine fuso

- » Defilit in flammis , & , dum licet , occupat ignes.
» Colla ducum pilo trepidam gestata per urbem ,
» Et medio congesta foro : cognoscitur illic
» Quidquid ubique jacet. Scelerum non Thracia tantum
» Vidit Bistonii stabulis pendere tyranni ;
» Postibus Antæi Libye : nec Græcia mærens
» Tam laceros artus Pisæa flevit in aula.
» Quum jam tabe fluunt , confusaque tempore multo
» Amisere notas , miserorum dextra parentum
» Colligit , & pavido subducit cognita furto.
» Meque ipsum memini cæsi deformia fratris
» Ora rogo cupidum , vetitisque imponere flammis ,
» Omnia Syllanæ lustrasse cadavera pacis ;
» Perque omnes truncos , cum qua cervice recisum
» Conveniat , quæsisse caput. Quid sanguine manes
» Placatos Catuli referam ? cui victima tristes
» Inferias Marius , forsan nolentibus umbris ,
» Pendit , inexpleto non fanda piacula busto :
» Quum laceros artus , æquataque vulnera membris
» Vidimus , & toto quamvis in corpore cæso
» Nil animæ lethale darum , moremque nefandæ
» Dirum sævitiae , pereuntis parcere morti.
» Avulsæ cecidere manus , exsectaque lingua
» Palpitat , & muto vacuum ferit aëra motu.
» Hic aures , alius spiramina naris aduncæ
» Amputat : ille cavis evolvit sedibus orbes ,
» Ultimaque effundit spectatis lumina membris.

- » Vix erit ulla fides , tam sævi criminis unum
» Tot pœnas cepisse caput. Sic mole ruinæ
» Fracta sub ingenti miscentur pondere membra :
» Nec magis informes veniunt ad litora trunci ,
» Qui medio periere freto. Quid perdere fructum
» Juvit , & , ut vilem , Marii confundere vultum ?
» Ut scelus hoc Syllæ , cædesque ostensa placeret ,
» Agnoscendus erat. Vidit Fortuna colonos
» Prænestina suos cunctos simul ense recisos ,
» Unius populum pereuntem tempore mortis.
» Tunc flos Hesperiaë , Latii jam sola juvenus ,
» Concidit , & miseræ maculavit ovilia Romæ.
» Tot simul infesto juvenes occumbere letho ,
» Sæpe fames ; pelagique furor , subitæque ruinæ ;
» Aut cœli , terræque lues , aut bellica clades ;
» Nunquam pœna fuit. Densi vix agmina vulgi
» Inter & exsanguis immissa morte catervas
» Victores movere manus. Vix cæde peracta
» Procumbunt , dubiaque labant cervice : sed illos
» Magna premit strages : peraguntque cadavera partem
» Cædis : viva graves elidunt corpora trunci.
» Intrepidus tanti sedit securus ab alto
» Spectator sceleris : miseri tot millia vulgi
» Non piguit jussisse mori. Congesta recepit
» Omnia Tyrrenus Syllana cadavera gurgis.
» In fluvium primi cecidere , in corpora summi ;
» Præcipites hæfere rates ; & strage cruenta

» Interruptus aquis fluxit prior amnis in æquor ,
» Ad molem stetit unda sequens : nam sanguinis alti
» Vis sibi fecit iter , campumque effusa per omnem ,
» Præcipitique ruens Tiberina ad flumina rivo
» Hærentes adjuvit aquas : nec jam alveus amnem ,
» Nec retinent ripæ , redditque cadavera campo.
» Tandem Tyrrhenas vix eluctatus in undas
» Sanguine cæruleum torrenti dividit æquor.
» Hisne , Salus rerum , Felix his Sylla vocari ,
» His meruit tumulum medio sibi tollere Campo ?
» Hæc rursus patiēda manent ; hoc ordine belli
» Ibitur ; hic stabit civilibus exitus armis :
» Quamquam agitant graviora metus , multumque coïtur
» Humani generis majore in proelia damno.
» Exulibus Mariis bellorum maxima merces
» Roma recepta fuit : nec plus victoria Syllæ
» Præstitit , invisas penitus quam tollere partes.
» Hos alio , fortuna , vocas ; olimque potentes
» Concurrunt : neuter civilia bella moveret ,
» Contentus , quo Sylla fuit ». Sic mœsta senectus
Præteritique memor flebat , metuensque futuri.

At non magnanimi percussit pectora Bruti
Terror ; & in tanta pavidi formidine motus
Pars populi lugentis erat : sed nocte sopora ,
Parrhasis obliquos Helice quum verteret axes ,
Atria cognati pulsat non ampla Catonis.
Invenit insomni volventem publica cura

Fata virum , casusque Urbis , cunctisque timentem ,
Securumque sui , farique his vocibus orsus :

» OMNIBUS expulsæ terris , olimque fugatæ

» Virtutis jam sola fides , quam turbine nullo

» Excutiet fortuna tibi ; tu mente labantem

» Dirige me ; dubium certo tu robore firma.

» Namque alii Magnum, vel Cæsaris arma sequantur ;

» Dux Bruto Cato solus erit ; pacemne tueris ,

» Inconcussa tenens dubio vestigia mundo ?

» An placuit , ducibus scelerum , populique furentis

» Cladibus immixtum civile absolvere bellum ?

» Quemque suæ rapiunt scelerata in proelia causæ :

» Hos polluta domus , legesque in pace timendæ ;

» Hos ferro fugienda fames , mundique ruinæ

» Permiscenda fides : nullum furor egit in arma.

» Castra petunt magna victi mercede : tibi uni

» Per se bella placent ? Quid tot durasse per annos

» Profuit immunem corrupti moribus ævi ?

» Hoc solum longæ pretium virtutis habebis ?

» Accipient alios , facient te bella nocentem.

» Ne tantum , ô Superi , liceat feralibus armis ,

» Has etiam movisse manus ; nec pila lacertis

» Missa tuis cæca telorum in nube ferantur ;

» Nec tanta in casum virtus eat : ingeret omnis

» Se belli fortuna tibi. Quis nolet ab isto

» Ense mori ; quamvis alieno vulnere labens ;

» Et scelus esse tuum ? Melius tranquilla sine armis

» Oria solus ages : sicut cœlestia semper
» Inconcussa suo volvuntur sidera lapsu.
» Fulminibus propior terræ succenditur aër ;
» Imaque telluris ventos , tractusque coruscus
» Flammarum accipiunt ; nubes excedit Olympus
» Lege Deum : minimas rerum discordia turbat ;
» Pacem summa tenent. Quam lætæ Cæsaris aures
» Accipient tantum venisse in proelia civem !
» Nam prælata suis nunquam diversa dolebit
» Castra ducis Magni ; nimium placet ipse , Catoni
» Si bellum civile placet. Pars magna Senatus ,
» Et duce privato gesturus proelia Consul
» Sollicitant, procuresque alii ; quibus adde Catonem
» Sub juga Pompeii : toto jam liber in orbe
» Solus Cæsar erit. Quod si pro legibus arma
» Ferre juvat patriis , libertatemque tueri ;
» Nunc neque Pompeii Brutum , neque Cæsaris hostem ;
» Post bellum victoris abest ». Sic fatur : at illi
Arcano sacras reddit Cato pectore voces.
» SUMMUM , Brute , nefas civilia bella fatemur ;
» Sed quo fata trahunt , virtus secura sequetur :
» Crimen erit Superis & me fecisse nocentem.
» Sidera quis , mundumque velit spectare cadentem
» Expers ipse metus ? quis , quum ruat arduus æther ,
» Terra labet , mixto coëuntis pondere mundi ,
» Complofas tenuisse manus ? Gentefne furorem
» Hesperium ignotæ , Romanaque bella sequentur ,

- » Deductique fretis alio sub fidere reges ?
» Oria solus agam ? procul hunc arcete furorem ,
» O Superi , motura Dacas ut clade Getasque ,
» Securo me Roma cadat. Ceu morte parentem
» Natorum orbatum , longum producere funus
» Ad tumulum jubet ipse dolor ; juvat ignibus atris
» Inferuisse manus , constructoque aggere busti
» Ipsum atras tenuisse faces : non ante revellar ,
» Exanimem quam te complectar , Roma , tuumque
» Nomen , Libertas , & inanem prosequar umbram.
» Sic eat : immites Romana piacula Divi
» Plena ferant , nullo fraudemus sanguine bellum.
» O utinam , coelique Deis , Erebiue liberet
» Hoc caput in cunctas damnatum exponere poenas !
» Devotum hostiles Decium pressere catervæ ;
» Me geminæ figant acies , me barbara telis
» Rheni turba petat : cunctis ego pervius hastis
» Excipiam medius totius vulnera belli.
» Hic redimat sanguis populos ; hac cæde luatur ,
» Quidquid Romani meruerunt pendere mores.
» Ad juga cur faciles populi , cur sæva volentes
» Regna pati , pereunt ? me solum invadite ferro ,
» Me frustra leges & inania jura tuentem.
» Hic dabit , hic pacem jugulus , finemque laborum
» Gentibus Hesperiiis : post me regnare volenti
» Non opus est bello. Quin publica signa , ducemque
» Pompeium sequimur ? nec , si fortuna favebit ,

» Hunc quoque totius sibi jus promittere mundi
» Non bene compertum est : ideo me milite vincat ,
» Ne sibi se vicisse putet ». Sic fatur : & acres
Irarum movit stimulos ; juvenisque calorem
Excitat in nimios belli civilis amores.

Interea , Phœbo gelidas pellente tenebras ,
Pulsatæ sonuere fores ; quas sancta relicto
Hortensi mærens irrupit Marcia busto.
Quondam virgo toris melioris juncta mariti ;
Mox ubi connubii pretium , mercesque soluta est ,
Tertia jam soboles , alios fecunda penates
Impletura datur , geminas e sanguine matris
Permixtura domos. Sed postquam condidit urna
Supremos cineres , miserando concita vultu ,
Effusas laniata comas , concussaue pectus
Verberibus crebris , cineresque ingesta sepulcri ,
Non aliter placitura viro , sic mœsta profatur :
» DUM sanguis inerat , dum vis materna , peregi
» Jussa , Cato ; & geminos excepi foeta maritos.
» Visceribus lassis , partuque exhausta , revertor
» Jam nulli tradenda viro. Da foedera prisca
» Illibata tori ; da tantum nomen inane
» Connubii ; liceat tumulo scripsisse , CATONIS
» MARCIA : nec dubium longo quærat in ævo ,
» Mutarim primas expulsa , an tradita , tædas.
» Non me lætorum comitem , rebusque secundis
» Accipis ; in curas venio , partemque laborum.

» Da mihi castra sequi : cur tuta in pace relinquer ,
» Et sit civili propior Cornelia bello ? »

Hæ flexere virum voces ; & tempora quanquam
Sunt aliena toris , jam fato in bella vocante ,
Foedera sola tamen , vanaque carentia pompa
Jura placent , sacrisque deos admittere testes.
Festa coronato non pendent limine fërta ;
Infulaque in geminos discurrit candida postes ,
Legitimæque faces , gradibusque acclivis eburnis
Stat torus , & picto vestes discriminat auro ;
Turritaque premens frontem matrona corona ,
Translata vetuit contingere limina planta.
Non timidum nuptæ leviter tectura pudorem
Lutea demissos velarunt flammea vultus ;
Balteus haud fluxos gemmis astrinxit amictus ;
Colla monile decens , humerisque hærentia primis
Suppara nudatos cingunt angusta lacertos.
Sicut erat , mœsti fervans lugubria cultus ,
Quoque modo natos , hoc est amplexa maritum.
Obsita funerea celatur purpura lana.
Non soliti lufere fales ; nec more Sabino
Excepit tristis convicia festa maritus.
Pignora nulla domus , nulli coïere propinqui :
Junguntur taciti , contentique auspice Bruto.
Ille nec horrificam sancto dimovit ab ore
Cæsariem , duroque admisit gaudia vultu ;
(Ut primum tolli feralia viderat arma ,

Intonsos rigidam in frontem descendere canos
 Passus erat, moestamque genis increfcere barbam.
 Uni quippe vacat studiisque odiisque carenti,
 Humanum lugere genus:) nec foedera prisci
 Sunt tentata tori: iusto quoque robur amori
 Restitit. Hi mores, hæc duri immota Catonis
 Secta fuit, fervare modum, finemque tenere,
 Naturamque sequi, patriæque impendere vitam;
 Nec sibi, sed toti genitum se credere mundo.
 Huic epulæ, vicisse famem; magnique penates,
 Submovisse hiemem tecto; pretiosaque vestis,
 Hirtam membra super, Romani more Quiritis,
 Induxisse togam; Venerisque huic maximus usus,
 Progenies: Urbi pater est, Urbique maritus;
 Justitiæ cultor, rigidi servator honesti;
 In commune bonus: nullosque Catonis in actus
 Subrepsit, partemque tulit sibi nata voluptas.

Interea trepido discedens agmine Magnus,
 Moenia Dardanii tenuit Campana coloni:
 Hæc placuit belli sedes; hinc summa moventis
 Hostis in occursum sparsas extendere partes,
 Umbrosis mediam qua collibus Appenninus
 Erigit Italiam, nulloque a vertice tellus
 Altius intumuit, propiusque accessit Olympo.
 Mons inter geminas medius se porrigit undas
 Inferni superique maris: collesque coërcent
 Hinc Tyrrhena vado frangentes æquora Pisæ,

Illinc Dalmaticis obnoxia fluctibus Ancon.
Fontibus hic vastis immensos concipit amnes ;
Fluminaque in gemini spargit divortia ponti.
In lævum cecidere latus , veloxque Metaurus ,
Crustumiumque rapax , & junctus Sapis Ifauro ,
Sennaque , & Adriacas qui verberat Aufidus undas :
Quoque magis nullum tellus se solvit in amnem ,
Eridanus , fractas devolvit in æquora filvas ,
Hesperiamque exhaurit aquis. Hunc fabula primum
Populea fluvium ripas umbrasse corona :
Quumque diem pronum transverso limite ducens ,
Succendit Phaëthon flagrantibus æthera loris ,
Gurgitibus raptis penitus tellure perusta ,
Hunc habuisse pares Phœbeis ignibus undas.
Non minor hic Nilo , si non per plana jacentis
Ægypti Libycas Nilus stagnaret arenas :
Non minor hic Istro , nisi quod , dum permeat orbem
Ister , casuros in quælibet æquora fontes
Accipit , & Scythicas exit non solus in undas.
Dexteriora petens montis declivia Tibrim
Unda facit , Rutubamque cavum : delabitur inde
Vulturnusque celer ; nocturnæque editor auræ
Sarnus ; & umbrosæ Liris per regna Maricæ
Vestinis impulsus aquis ; radensque Salerni
Culta Siler ; nullasque vado qui Macra moratus
Agnos , vicinæ procurrat in æquora Lunæ.
Longior educto qua surgit in aëra dorso ,

Gallica rura videt , devexasque excipit Alpes.
Tunc Umbris Marisque ferax , domitusque Sabello
Vomere , piniferis amplexus rupibus omnes
Indigenas Latii populos , non deferit ante
Hesperiam , quam quum Scyllæis clauditur undis ;
Extenditque suas in templa Lacinia rupes ,
Longior Italia , donec confinia pontus
Solveret incumbens , terrasque repelleret æquor.
At postquam gemino tellus elisa profundo est,
Extremi colles Siculo cessere Peloro.

Cæsar in arma furens , nullas , nisi sanguine fuso ;
Gaudet habere vias , quod non terat hoste vacantes
Hesperiae fines , vacuosque irrumpat in agros ,
Atque ipsum non perdat iter , confertaque bellis
Bella gerat. Non tam portas intrare patentes ,
Quam fregisse , juvat ; nec tam patiente colono
Arva premi , quam si ferro populetur , & igni :
Concessa pudet ire via , civemque videri.
Tunc urbes Latii dubiae , varioque favore
Ancipites ; quanquam primo terrore ruentis
Cessuræ belli , denso tamen aggere firmant
Moenia , & abrupto circumdant undique vallo ;
Saxorumque orbes , & quæ super eminus hostem
Tela petant , altis murorum turribus aptant.
Pronior in Magnum populus , pugnatque minaci
Cum terrore fides : ut quum mare possidet Auster
Flatibus horrifonis , hunc æquora tota sequuntur ;

Si rursus tellus, pulsu laxata tridentis
Æolii, tumidis immittat fluctibus Eurum;
Quamvis icta novo, ventum tenere priorem
Æquora, nubiferoque polus quum cesserit Euro,
Vindicat unda Notum. Facilis sed vertere mentes
Terror erat, dubiamque fidem fortuna ferebat.

Gens Etrusca fuga trepidi nudata Libonis,
Jusque sui pulso jam perdidit Umbria Thermo.
Nec gerit auspiciis civilia bella paternis,
Cæsaris audito conversus nomine, Sylla.
Varus, ut admotæ pulsarunt Auximon alæ,
Per diversa ruens neglecto mœnia tergo,
Qua silvæ, qua saxa, fugit. Depellitur arce
Lentulus Asculea: Victor cedentibus instat,
Divertitque acies; solusque ex agmine tanto
Dux fugit, & nullas ducentia signa cohortes.
Tu quoque nudatam commissæ deferis arcem
Scipio Luceriæ; quanquam firmissima pubes
His sedeat castris, jampridem Cæsaris armis
Parthorum subducta metu: qua Gallica damna
Supplevit Magnus, dumque ipse ad bella vocaret;
Donavit focero Romani sanguinis usum.

At te Corfini validis circumdata muris
Tecta tenent, pugnax Domiti: tua classica servat
Oppositus quondam polluto tiro Miloni.
Ut procul immensam campo confurgere nubem,
Ardentesque acies percussis sole corusco

Conspexit

Conspexit telis , » SOCII , decurrite , dixit ,
 » Fluminis ad ripas , undæque immergite pontem.
 » Et tu montanis totus nunc fontibus exi ;
 » Atque omnes trahe , gurgēs , aquas , ut spumeus alnos
 » Discussa compage feras. Hoc limite bellum
 » Hæreat , hac hostis lentus terat otia ripa.
 » Præcipitem cohibete ducem : victoria nobis
 » Hic primum stans Cæsar erit ». Nec plura locutus,
 Devolvit rapidum nequidquam mœnibus agmen.
 Nam prior e campis , ut conspicit amne soluto
 Rumpi Cæsar iter , calida prolatus ab ira ,
 » NON SATIS est muris latebras quæsisse pavori ?
 » Obstruitis campos , fluviis arcere paratis ,
 » Ignavi ? Non , si tumido me gurgite Ganges
 » Summoveat ; stabit jam flumine Cæsar in ullo ,
 » Post Rubiconis aquas ? Equitum properate catervæ ;
 » Ite simul pedites ; ruiturum ascendite pontem ».
 Hæc ubi dicta , levis totas accepit habenas
 In campum sonipes ; crebroque simillima nimbo
 Trans ripam validi torserunt tela lacerti.
 Ingreditur pulsa fluvium statione vacantem
 Cæsar , & ad tutas hostis compellitur arces.
 Et jam moturas ingentia pondera turres
 Erigit , & mediis subrepfit vinea muris.
 Ecce , nefas belli ! referatis agmina portis
 Captivum traxere ducem ; civisque superbi
 Constitit ante pedes : vultu tamen alta minaci

Nobilitas recta ferrum cervice poposcit.
Scit Cæsar pœnamque peti, veniamque timeri.
» VIVE, licet nolis, & nostro munere, dixit,
» Cerne diem: victis jam spes bona partibus esto,
» Exemplumque mei; vel, si libet, arma retenta,
» Et nihil hac venia, si viceris ipse, pacifcor.»
Fatur: & adstrictis laxari vincula palmis
Imperat. Heu! quanto melius, vel cæde peracta,
Parcere Romano potuit fortuna pudori!
Pœnarum extremum civi, quod castra secutus
Sit patriæ, Magnumque ducem, totumque Senatum,
Ignosci. Premit ille graves interritus iras;
Et secum: » ROMAMNE petes, pacisque recessus
» Degener? in medios belli non ire furores
» Jamdudum moriture paras? ruc certus, & omnes
» Lucis rumpe moras, & Cæsaris effuge munus».

Nescius interea capti ducis arma parabat
Magnus, ut admixto firmaret robore partes.
Jamque secuturo jussurus classica Phœbo,
Tentandasque ratus moturi militis iras,
Alloquitur tacitas veneranda voce cohortes:
» O SCELERUM ultores, melioraque signa secuti;
» O vere Romana manus; quibus arma Senatus
» Non privata dedit, votis deposcite pugnam.
» Ardent Hesperii sævis populatibus agri;
» Gallica per gelidas rabies effunditur Alpes;
» Jam tetigit sanguis pollutos Cæsaris enses,

» Dii melius ! belli tulimus quod damna priores :
 » Cœperit inde nefas. Jamjam me præfide Roma
 » Supplicium , pœnamque petat : neque enim ista vocari
 » Proelia justa decet , patriæ sed vindicis iram ;
 » Nec magis hoc bellum est , quam quum Catilina paravit
 » Arfuras in tecta faces , fociusque furoris
 » Lentulus , exertique manus vesana Cethegi.
 » O rabies miseranda ducis ! quum fata Camillis
 » Te , Cæsar , magnisque velint miscere Metellis ;
 » Ad Cinna , Mariosque venis. Sternere profecto ,
 » Ut Catulo jacuit Lepidus ; nostrasque secures
 » Passus , Sicanio tegitur qui Carbo sepulcro ;
 » Quique feros movit Sertorius exul Iberos :
 » Quanquam , si qua fides , his te quoque jungere , Cæsar ,
 » Invideo , nostrasque manus quod Roma furenti
 » Opposuit. Parthorum utinam post proelia sospes ,
 » Et Scythicis Crassus victor remeasset ab oris
 » Ut simili causa caderes , qua Spartacus , hostis.
 » Te quoque si Superi titulis accedere nostris
 » Jusserunt , valet in torquendo dextera pilo :
 » Fervidus hæc iterum circa præcordia sanguis
 » Incaluit : disces non esse ad bella fugaces ,
 » Qui pacem potuere pati. Licer ille solutum
 » Defectumque vocet , ne vos mea terreat ætas :
 » Dux sit in his castris senior , dum miles in illis.
 » Quo potuit civem populus perducere liber ,
 » Ascendi ; supraque nihil , nisi regna , reliqui.

„ Non privata cupit , Romana quisquis in urbe
„ Pompeium transire parat. Hinc Consul uterque ,
„ Hinc acies statuta ducum : Cæsarne Senatûs
„ Victor erit ? Non tam cæco trahis omnia cursu ,
„ Teque nihil , Fortuna , pudet. Multisne rebellis
„ Gallia jam lustris , ætasque impensa labori
„ Dant animos ? Rheni gelidis quod fugit ab undis ,
„ Oceanumque vocans incerti stagna profundi ,
„ Territa quæfitis ostendit terga Britannis ?
„ An vanæ tumuere minæ , quod fama furoris
„ Expulit armatam patriis e sedibus urbem ?
„ Heu demens ! non te fugiunt, me cuncta sequuntur:
„ Qui quum signa tuli toto fulgentia Ponto ,
„ Ante bis exactum quam Cynthia conderet orbem,
„ Omne fretum metuens pelagi pirata reliquit ,
„ Angustaue domum terrarum in sede poposcit.
„ Idem ego per Scythici profugum divortia ponti ,
„ Indomitum regem , Romanaque fata morantem ,
„ Ad mortem , Sylla felicior , ire coëgi.
„ Pars mundi mihi nulla vacat ; sed tota tenetur
„ Terra meis , quocumque jacet sub sole , trophæis.
„ Hinc me victorem gelidas ad Phasidos undas
„ Arctos habet : calida medius mihi cognitus axis
„ Ægypto , atque umbras nusquam flectente Syene.
„ Occasus mea jura timet , Tethynque fugacem
„ Qui ferit , Hesperius post omnia flumina Bætis.
„ Me domitus cognovit Arabs , me Marte feroces

„ Heniochi , notique erepto vellere Colchi.
 „ Cappadoces mea signa timent , & dedita sacris
 „ Incerti Judæa Dei , mollisque Sophene.
 „ Armenios , Cilicasque feros , Taurosque subegi.
 „ Quod focero bellum , præter civile , reliqui ? „

Verba ducis nullo partes clamore sequuntur ,
 Nec matura petunt promissæ classica pugnae.
 Sensit & ipse metum Magnus , placuitque referri
 Signa , nec in tantæ discrimina mittere pugnae
 Jam victum fama non visi Cæsaris agmen.
 Pulsus ut armentis primo certamine taurus
 Silvarum secreta petit , vacuosque per agros
 Exul in adversis explorat cornua truncis ,
 Nec redit in pastus , nisi quum cervice recepta
 Excussi placuere tori ; mox reddita victor
 Quoslibet in saltus comitantibus agmina tauris
 Invito pastore trahit : sic viribus impar
 Tradidit Hesperiam , profugusque per Appula rura
 Brundisii tutas concedit Magnus in arces.

Urbs est Dictæis olim possessa colonis ,
 Quos Creta profugos vexere per æquora puppes
 Cecropiæ , victum mentitis Thesea velis.
 Hanc latus angustum jam se cogentis in arctum
 Hesperiaë , tenuem producit in æquora linguam ,
 Adriacas flexis claudit quæ cornibus undas.
 Nec tamen hoc arctis immissum faucibus æquor
 Portus erat , si non violentos insula Coros

Exciperet faxis , lassasque refunderet undas.
Hinc illinc montes scopulosæ rupis aperto
Opposuit natura mari , flatusque removit ,
Ut tremulo starent contentæ fune carinæ.
Hinc late patet omne fretum , seu vela ferantur
In portus , Corcyra , tuos , seu læva petatur
Illyris Ionias vergens Epidamnus in undas.
Huc fuga nautarum , quum totas Adria vires
Movit , & in nubes abiere Ceraunia , quumque
Spumoso Calaber perfunditur æquore Sæon.

Ergo ubi nulla fides rebus post terga relictis ;
Nec licet ad duros Martem convertere Iberos ,
Quum mediæ jaceant immensis tractibus Alpes :
Tunc sobole e tanta natum , cui firmior ætas ,
Affatur : „ MUNDI jubeo tentare recessus.
„ Euphratem , Nilumque move , quo nominis usque
„ Nostri fama venit , quas est vulgata per urbes
„ Per me Roma ducem : sparsos per rura colonos
„ Redde mari Cilicas : Pharios hinc concute reges ;
„ Tigranemque meum. Nec Pharnacis arma relinquo ,
„ Admoneo , nec tu populos utraque vagantes
„ Armenia , Pontique feras per litora gentes ,
„ Rhiphæasque manus , & quas tenet æquore denso
„ Pigra palus , Scythici patiens Mæotica plaustris.
„ Sed quid plura moror ? totos mea , nate , per ortus
„ Bella feres , totoque urbes agitabis in orbe
„ Perdomitas : omnes redeant in castra triumphis.

„ At vos , qui Latios signatis nomine fastos ,
 „ Primus in Epirum Boreas agat : inde per arva
 „ Graiorum , Macedûmque novas acquirite vires ;
 „ Dum paci dat tempus hiems „. Sic fatur : & omnes
 Jussa gerunt , solvuntque cavas a litore puppes.

At nunquam patiens pacis , longæque quietis
 Armorum , ne quid fatis mutare liceret ,
 Assequitur , generique premit vestigia Cæsar.
 Sufficerent aliis tot primo moenia cursu
 Rapta ; tot oppressæ depulsis hostibus arces ;
 Ipsa caput mundi , bellorum maxima merces ,
 Roma capi facilis : sed Cæsar in omnia præceps ,
 Nil actum credens , quum quid superesset agendum ,
 Instat atrox ; & adhuc , quamvis possederit omnem
 Italiam , extremo sedeat quod litore Magnus ,
 Communem tamen esse dolet : nec rursus aperto
 Vult hostes errare freto , sed molibus undas
 Obstruit , & latum dejectis rupibus æquor.
 Cedit in immensum cassus labor ; omnia pontus
 Haurit saxa vorax , montesque immiscet arenis :
 Ut maris Ægæi medias si celsus in undas
 Depellatur Eryx , nullæ tamen æquore rupes
 Emineant ; vel si convulso vertice Gaurus
 Decidat in fundum penitus stagnantis Averni.
 Ergo ubi nulla vado tenuit sua pondera moles ,
 Tunc placuit cæsis innectere vincula silvis ,
 Roboraque immensis late religare catenis.

Tales fama canit tumidum super æquora Xerxem
Construxisse vias, multum quum pontibus ausus,
Europamque Asiæ, Sestonque admovit Abydo,
Incessitque fretum rapidi super Hellesponti,
Non Eurum, Zephyrumque timens: quum vela, ratesque
In medium deferret Athon. Sic ora profundi
Arstantur casu nemorum: tunc aggere multo
Surgit opus, longæque tremunt super æquora turres.

Pompeius tellure nova compressa profundi
Ora videns, curis animum mordacibus angit,
Ut referet pelagus, spargatque per æquora bellum.
Sæpe Noto plenæ, tensisque rudentibus actæ,
Ipsa maris per claustra rates fastigia molis
Discussere salo, spatiumque dedere carinis:
Tortaque per tenebras validis ballista lacertis,
Multifidas jaculata faces. Ut tempora tandem
Furtivæ placuere fugæ; ne litora clamor
Nauticus exagitet, neu buccinâ dividat horas,
Neu tuba præmonitos perducatur ad æquora nautas
Præcepit fociis. Jam coeperat ultima Virgo
Phœbum laturas ortu præcedere Chelas,
Quum taciti solvère rates. Non anchora voces
Movit, dum spissis avellitur uncus arenis:
Dum juga curvantur mali, dumque ardua pinus
Erigitur, pavidæ classis siluere magistri:
Strictaque pendentes deducunt carbasa nautæ,
Nec quatiunt validos, ne sibilet aura, rudentes.

Dux etiam votis hoc te , Fortuna , precatur ,
 „ QUAM retinere vëtas , liceat sibi perdere saltem
 „ Italiam „. Vix fata sinunt ; nam murmure vasto
 Impulsum rostris sonuit mare , fluctuat unda ,
 Totque carinarum permixtis æquora fulcis.

Ergo hostes portis , quas omnes solverat urbis
 Cum fato conversa fides , murisque recepti ,
 Præcipiti cursu flexi per cornua portus
 Ora petunt , pelagusque dolent contingere classẽm.
 Heu pudor ! exigua est fugiens victoria Magnus.
 Angustus puppes mittebat in æquora limes
 Arctior Euboica , qua Chalcida verberat , unda.
 Hic hæfere rates geminæ , classique paratas
 Excepere manus : tractoque in litora bello ,
 Hic primum rubuit civili sanguine Nereus.
 Cetera classis abit summis spoliata carinis ;
 Ut Pagasæa ratis peteret quum Phafidos undas ,
 Cyaneas tellus emisit in æquora cautes ,
 Rapta puppe minor subducta est montibus Argo ,
 Vanaque percussit pontum Symplegas inanem ,
 Et staturam redit. Jam Phœbum urgere monebat
 Non idem Eoi color ætheris , albaque nondum
 Lux rubet , & flammæ propioribus eripit astris ;
 Et jam Pleias hebet ; fessi jam plaustra Bootæ
 In faciem puri redeunt languentia cœli ;
 Majoresque latent stellæ ; calidumque refugit
 Lucifer ipse diem. Pelagus jam , Magne , tenebas ,

Non ea fata ferens , quæ , quum super æquora toto
Prædonem sequerere mari : lassata triumphis
Descivit fortuna tuis. Cum conjuge pulsus ,
Et natis , totosque trahens in bella penates ,
Vadis adhuc ingens , populis comitantibus , exul.
Quæritur indignæ sedes longinqua ruinae :
Non quia te Superi patrio privare sepulcro
Maluerint : Phariæ busto damnantur arenæ :
Parcitur Hesperiaë , procul hoc ut in orbe remoto
Abscondat Fortuna nefas , Romanaque tellus
Immaculata sui fervetur sanguine Magni.



S U M M A R I U M

LIBRI TERTII.

IN Epirum tendenti Pompeio , Juliae visa est per somnum imago , quæ malè ominatur. Dyrrachium adit Magnus ; interea Cæsar , pro commeatibus parandis misso in Siciliam & Sardiniam Curione , Romam petit , moxque in eam terrore attonitam ingreditur : Senatum nullo jure convocat ; ærarium prædari tentat ; sed prohibet Tribunus Metellus qui tamen, suadente Cottâ, victori cedit ; & spoliatur templum. Auxiliares Pompeii copiae recensentur. Cæsar, trepidante Româ relicta , transit Alpes. Massiliensium ad Cæsarem oratio , & hujus ad illos responsum. Tunc ad urbem convertit iter, castraque juxtâ constituit. Luci descriptio datur , qui mox concisus jacet , primo Cæsare bipennem librante. Hæsurus Martis impatiens dux fertur in Hispaniam, dum per legatos instat Massiliæ obsidio , & aggeres eriguntur. Noctu Massilienses erumpunt in hostem & incendunt machinas. Victi Romani fortunam mari tentant ; navale committitur prælium in quo superantur Massilienses.

Cvj



LIBER TERTIUS.

PROPULIT ut classem velis cedentibus Auster
Incumbens, mediumque rates tenuere profundum,
Omnis in Ionios spectabat navita fluctus:
Solut ab Hesperia non flexit lumina terra
Magnus, dum patrios portus, dum litora nunquam
Ad visus reditura suos, tectumque cacumen
Nubibus, & dubios cernit vanescere montes.
Inde soporifero cesserunt languida Somno
Membra ducis: diri tum plena horroris imago
Visa caput moestum per hiantes Julia terras.
Tollere, & accenso furialis stare sepulcro.
„SEDIBUS Elysiis, campoque expulsa piorum,
„Ad Stygias, inquit, tenebras, Manesque nocentes,
„Post bellum civile trahor. Vidi ipsa tenentes
„Eumenidas, quaterent quas vestris lampadas armis.
„Præparat innumeras puppes Acherontis adusti
„Portitor: in multas laxantur Tartara pœnas.
„Vix operi cunctæ, dextra properante, Sorores
„Sufficiunt: lassant rumpentes flamina Parcas.
„Conjuge me lætos duxisti, Magne, triumphos:
„Fortuna est mutata toris: semperque potentes
„Detrahare in cladem fato damnata maritos,
„Innupsit tepido pellex Cornelia busto.
„Hæreat illa tuis per bella, per æquora signis,
„Dum non securos liceat mihi rumpere somnos,

„ Et nullum vestro vacuum sit tempus amori ,
 „ Sed teneat Cæsarque dies , & Julia noctes .
 „ Me non Lethææ , conjux , oblivia ripæ
 „ Immemorem fecere tui , regesque silentium .
 „ Permisere sequi. Veniam , te bella gerente ,
 „ In medias acies : nunquam tibi , Magne , per umbras ,
 „ Perque meos manes genero non esse licebit .
 „ Abscindis frustra ferro tua pignora ; bellum
 „ Te faciet civile meum » . Sic fata , refugit
 Umbra per amplexus trepidi dilapsa mariti .

Ille , Dei quamvis cladem , manesque minentur ,
 Major in arma ruit , certa cum mente malorum .
 „ ET , QUID , ait , vani tremur imagine visus ?
 „ Aut nihil est sensus animis a morte relictum ,
 „ Aut mors ipsa nihil » . Titan jam pronus in undas
 Ibat , & igniferi tantum demerserat orbis ,
 Quantum deesse solet Lunæ , seu plena futura est ,
 Seu jam plena fuit : tunc obtulit hospita tellus .
 Puppibus accessus faciles ; legere rudentes ,
 Et posito remis petierunt litora malo .
 Cæsar , ut emissas venti rapuere carinas ,
 Absconditque fretum classes , & litore solus
 Dux stetit Hesperio , non illum gloria pulsi
 Lætificat Magni : queritur quod tuta per æquor
 Terga ferant hostes ; neque enim jam sufficit ulla
 Præcipiti fortuna viro ; nec vincere tanti ,
 Ut bellum differret , erat . Tunc pectore curas

Expulit armorum , pacique intentus agebat ,
Quoque modo vanos populi conciret amores
Gnarus , & irarum causas , & summa favoris
Annona momenta trahi : namque asserit urbes
Sola fames , emiturque metus , quum segne potentes
Vulgus alunt ; nescit plebes jejuna timere.
Curio Sicanias transcendere jussus in urbes ,
Qua mare tellurem subitis aut obruit undis ,
Aut scidit , & medias fecit sibi litora terras.
Vis illic ingens pelagi , semperque laborant
Æquora , ne rupti repetant confinia montes.
Bellaque Sardoas etiam sparguntur in oras.
Utraque frugiferis est insula nobilis arvis.
Nec plus Hesperiam longinquis messibus ullæ ,
Nec Romana magis complerunt horrea terræ.
Ubere vix glebæ superat , cessantibus Austris ,
Quum medium nubes Borea cogente sub axem
Effusis magnum Libye tulit imbribus annum.

Hæc ubi sunt provisa duci , tunc agmina victor
Non armata trahens , sed pacis habentia vultum ,
Tecta petit patriæ. Proh ! si remeasset in urbem ,
Gallorum tantum populis , Arctoque subacta ,
Quam seriem rerum longa præmittere pompa ,
Quas poruit belli facies ! ut vincula Rheno ,
Oceanoque daret ! celsos ut Gallia currus
Nobilis , & flavis sequeretur mixta Britannis !
Perdidit ô qualem vincendo plura triumphum !

Non illum lætis vadentem cœtibus urbes ,
 Sed tacitæ videre metu ; non constitit usquam
 Obvia turba duci : gaudet tamen esse timori
 Tam magno populis , & se non mallet amari.
 Jamque & præcipientes superaverat Anxuris arces ,
 Et qua Pontinas via dividit uda paludes ,
 Qua sublime nemus , Scythicæ qua regna Dianæ ;
 Quaque iter est Latiis ad summam fascibus Albam :
 Excelsa de rupe procul jam conspicit Urbem ,
 Arctoi toto non visam tempore belli :
 Miratusque suæ , sic fatur , mœnia Romæ :
 » TENE , Deum sedes , non ullo Marte coacti
 » Deseruere viri ! pro qua pugnabitur urbe ?
 » Dii melius , quod non Latias Eous in oras
 » Nunc furor incubuit , nec juncto Sarmata velox
 » Pannonio , Dacisque Getes admixtus ; habenti
 » Tam pavidum tibi Roma ducem Fortuna pepercit ,
 » Quod bellum civile fuit ». Sic fatur , & Urbem
 Attonitam terrore subit : namque ignibus ætris
 Creditur , ut captæ , rapturus mœnia Romæ ,
 Sparsurusque Deos. Fuit hæc mensura timoris :
 Velle putant , quodcumque potest. Non omina fausta ,
 Non fictas læto voces simulare tumultu :
 Vix odisse vacat. Phœbea palatia complet
 Turba Patrum , nullo cogendi jure Senatus ,
 E latebris educta suis ; non Consule sacrae
 Fulserunt sedes ; non proxima lege potestas ,

Prætor adest; vacuæque loco cessere curules :
Omnia Cæsar erat. Privatae Curia vocis
Testis adest. Sedere Patres censere parati ,
Si regnum , si templa sibi , jugulumque Senatus ,
Exiliumque petat : melius , quod plura jubere
Erubuit , quam Roma pati. Tamen exit in iram ,
Viribus an possint obsidere jura , per unum
Libertas experta virum : pugnaxque Metellus ,
Ut videt ingenti Saturnia templa revelli
Mole , rapit gressus , & Cæsaris agmina rumpens,
Ante fores nondum referatae constitit ædis ;
(Usque adeo solus ferrum , mortemque timere
Auri nescit amor : pereunt discrimine nullo
Amissæ leges : sed , pars vilissima rerum ,
Certamen movistis , opes ;) prohibensque rapina
Victorem , clara testatur voce Tribunus :
» NON NISI per nostrum vobis percussa patebunt
» Templa latus ; nullasque feres , nisi sanguine sacro
» Sparsas , raptor , opes. Certe violata potestas
» Invenit ista Deos ; Crassumque in bella secutæ
» Sæva Tribunitiæ voverunt prælia diræ.
» Detege jam ferrum ; neque enim tibi turba verenda est
» Spectatrix scelerum : deserta stamus in Urbe.
» Non feret e nostro sceleratus præmia miles :
» Sunt quos prosternas populi , quæ moenia dones.
» Pacis ad exhaustæ spoliū non cogit egestas :
» Bellum Cæsar habes ». His magnam victor in iram

Vocibus accensus : „ Vanam spem mortis honestæ
 „ Concipis : haud , inquit , jugulo se polluet isto
 „ Nostra , Metelle , manus : dignum te Cæsaris ira
 „ Nullus honor faciet : te vindice , tuta relicta est
 „ Libertas ? Non usque adeo permiscuit imis
 „ Longus summa dies , ut non , si voce Metelli
 „ Serventur leges , malint a Cæsare tolli „.

Dixerat : & nondum foribus cedente Tribuno
 Acrior ira subit : sævos circumspicit enses ,
 Oblitus simulare togam. Tum Cotta Metellum
 Compulit audaci nimium desistere cœpto.
 „ LIBERTAS , inquit , populi , quem regna coërcent,
 „ Libertate perit , cujus servaveris umbram ,
 „ Si , quidquid jubeare , velis. Tot rebus iniquis
 „ Paruimus victi : venia est hæc sola pudoris ,
 „ Degenerisque metus , nil jam potuisse negari.
 „ Ocius avertat diri mala semina belli :
 „ Damna movent populos , si quos sua jura tuentur;
 „ Non sibi , sed domino gravis est , quæ servit , egestas.
 Protinus abducto patuerunt templa Metello ;
 Tunc rupes Tarpeia sonat , magnoque reclusas
 Testatur stridore fores : tunc conditus imo
 Eruitur templo , multis intactus ab annis ,
 Romani census populi , quem Punica bella ,
 Quem dederat Perses , quem victi præda Philippì ;
 Quod tibi Roma fuga Pyrrhus trepidante reliquit ,
 Quo te Fabricius Regi non vendidit auro ;

Quidquid parcorum mores servastis avorum ;
Quod dites Asiæ populi misere tributum ,
Victorique dedit Minoïa Creta Metello ;
Quod Cato longinqua vexit super æquora Cypri :
Tunc Orientis opes , captorumque ultima regum
Quæ Pompeianis prælata est gaza triumphis
Egeritur : tristi spoliantur templa rapina ;
Pauperiorque fuit tunc primum Cæsare Roma.

Interea totum Magni fortuna per orbem
Secum casuras in prælia moverat urbes.
Proxima vicino vires dat Græcia bello.
Phocæicas Amphissa manus , scopulosaque Cyrrha ,
Parnassusque jugo misit desertus utroque.
Bœoti coïere duces , quos impiger ambit
Fatidica Cephissos aqua , Cadmeaque Dirce ,
Pisææque manus , populisque per æquora mittens
Sicaniis Alpheus aquas. Tunc Mænala liquit
Arcas , & Herculeam miles Trachinius Æten.
Thesproti , Dryopesque ruunt , quercusque silentes
Chaonio veteres liquerunt vertice Sellæ.
Exhaustit totas quamvis delectus Athenas ,
Exiguæ Phœbea tenent navalia puppes ,
Tresque petunt veram credi Salamina carinæ.
Jam dilecta Jovi centenis venit in arma
Creta vetus populis , Gnosfosque agitare pharetras
Docta , nec Eois pejor Gortyna sagittis.
Tunc qui Dardaniam tenet Oricon : & vagus altis

Dispersus filvis Athamas, & nomine prisco
 Encheliæ, versi testantes funera Cadmi.
 Colchis, & Adriacas spumans Absyrtos in undas,
 Et Penei qui rura colunt, quorumque labore
 Theſſalus Hæmoniam vomer proſcindit Iolcon;
 Inde laceſſitum primo mare, quum rudis Argo
 Miſcuit ignotas, temerato litore, gentes,
 Primaque cum ventis, pelagique furentibus undis
 Compoſuit mortale genus, fatisque per illam
 Acceſſit mors una ratem. Tunc linquitur Hæmus
 Thracius, & populum Pholoë mentita biſformem.
 Deſeritur Strymon, tepido committere Nilo
 Biſtonias conſuetus aves; & barbara Cone
 Sarmaticas ubi perdit aquas, ſparſamque profundo
 Multifidi Peucen unum caput alluit Iſtri;
 Myſiaque, & gelido tellus perſuſa Caïco
 Idalis, & nimium glebis exilis Arisbe.
 Quique colunt Pitanem; & quæ tua munera, Pallas,
 Lugent damnatæ Phœbo victore Celenæ,
 Qua celer & rectis descendens Marſya ripis
 Errantem Mæandron adit, mixtusque refertur;
 Paſſaque ab auriferis tellus exire metallis
 Paſtolon; qua culta ſecat non vilior Hermos.
 Iliacæ quoque ſigna manus, perituraque caſtra
 Ominibus petiere ſuis: nec fabula Trojæ
 Continuit, Phrygiique ferens ſe Cæſar Iuli.
 Accedunt Syriæ populi; deſertus Orontes;

Et felix, sic fama, Ninos; ventosa Damascus;
Gazaque; & arbuſto palmarum dives Idume;
Et Tyros inſtabilis; pretioſaque murice Sidon.
Has ad bella rates non flexo limite ponti,
Certior haud ullis duxit Cynofura carinis.
Phœnices primi, famæ ſi creditur, auſi
Manſuram rudibus vocem ſignare figuris:
Nondum flumineas Memphis contexere biblos
Noverat; & faxis tantum, volucresque feræque,
Sculptaque ſervabant magicas animalia linguas.
Deſeritur Taurique nemus, Perſæque Tarſos,
Coryciumque patens exeſis rupibus antrum,
Mallos, & extremæ reſonant navalibus Ægæ.
Itque Cilix juſta, jam non pirata, carina.
Movit & Eoos bellorum fama reſeſſus,
Qua colitur Ganges, toto qui ſolus in orbe
Oſtia naſcenti contraria ſolvere Phœbo
Audet, & adverſum fluctus impellit in Eurum:
Hic ubi Pellæus poſt Tethyos æquora ductor
Conſtitit, & magno vinci ſe ſaſſus ab orbe eſt.
Quaque ferens rapidum, diviſo gurgite, fontem
Vaſtis Indus aquis mixtum non ſentit Hydaſpen;
Quique bibunt tenera dulces ab arundine ſuccos,
Et qui tingentes croceo medicamine crinem
Fluxa coloratis aſtringunt carbaſa gemmis.
Quique ſuas ſtruxere pyras, vivique calentes
Conſcendêre rogos. Proh! quanta eſt gloria genti

Injecisse manum fatis, vitæque repletos,
 Quod superest, donasse deis! Venere feroces
 Cappadoces, duri populus nunc cultor Amani,
 Armeniusque tenens volventem saxa Niphatem:
 Æthera tangentes silvas liquere Coastræ.
 Ignotum vobis, Arabes, venistis in orbem,
 Umbras mirati nemorum non ire sinistras.
 Tunc furor extremos movit Romanus Oretas,
 Carmanosque duces, quorum devexus in Austrum
 Æther, non totam mergi tamen aspicit Arcton:
 Lucet & exigua velox ibi nocte Bootes.
 Æthiopumque solum, quod non premeretur ab ulla
 Signiferi regione poli, nisi poplite lapso
 Ultima curvati procederet ungula Tauri;
 Quaque caput rapido tollit cum Tigride magnus
 Euphrates, quos non diversis fontibus edit
 Persis, & incertum, tellus si misceat amnes,
 Quod potius sit nomen aquis; sed sparsus in agros
 Fertilis Euphrates Phariæ vice fungitur undæ:
 At Tigrim subito tellus absorbet hiatu,
 Occultosque tegit cursus, rursusque renatum
 Fonte novo flumen pelagi non abnegat undis.
 Inter Cæsareas acies, diversaque signa
 Pugnaces dubium Parthi tenuere favorem,
 Contenti fecisse duos. Tinxere sagittas
 Errantes Scythiæ populi, quos gurgite Bactros
 Includit gelido, vastisque Hyrcania silvis.

Hinc Lacedæmonii moto gens aspera freno
Heniochi, sævisque affinis Sarmata Moschis,
Colchorum qua rura secat ditissima Phasis:
Qua Cræso fatalis Halys, qua vertice lapsus
Rhiphæo Tanais diversi nomina mundi
Imposuit ripis, Asiæque, & terminus idem
Europæ, mediæ dirimens confinia terræ,
Nunc huc, nunc illuc, qua flectitur, ampliat orbem.
Quaque fretum torrens Mæotidas egerit undas
Pontus, & Herculeis aufertur gloria metis,
Occæumque negant solas admittere Gades.
Hinc & Sithoniæ gentes, auroque ligatas
Substringens, Arimaspe, comas: hinc fortis Arius,
Longaque Sarmatici solvens jejunia belli
Massagetes quo fugit equo, volucresque Geloni.
Non, quum Memnoniis deducens agmina regnis
Cyrus, & effusis numerato milite telis
Descendit Perses, fraternique ultor amoris
Æquora quum tantis percussit classibus, unum
Tot reges habuere ducem. Coïere nec unquam
Tam variæ cultu gentes, tam dissona vulgi
Ora. Tot immensæ comites mixtura ruinæ
Excivit populos, & dignas funere Magni
Exsequias Fortuna dedit. Non corniger Ammon
Mittere Marmaricas cessavit in arma catervas:
Quidquid ab occiduis Libye patet arida Mauris,
Usque Parætonias Eoa ad litora Syrtes,

Acciperet felix ne non semel omnia Cæsar,
Vincendum pariter Pharsalia præstitit orbem.

Ille ubi deferuit trepidantis moenia Romæ,
Agmine nubiferam rapto superevolat Alpem.
Quumque alii famæ populi terrore paverent,
Phocæis in dubiis ausa est servare juventus
Non Graia levitate fidem, signataque jura,
Et causas, non fata, sequi: tamen ante furorem
Indomitum, duramque viri deflectere mentem
Pacifero sermone parant, hostemque propinquum
Orant, Cecropiæ prælata fronde Minervæ;

„ SEMPER in externis populo communia vestro
„ Massiliam bellis testatur fata tulisse,
„ Comprensa est Latiis quæcumque annalibus ætas.
„ Et nunc, ignoto si quos petis orbe triumphos,
„ Accipe devotas externa in proelia dextras:
„ At si funestas acies, si dira paratis
„ Proelia discordes, lacrimas civilibus armis
„ Secretumque damus: tractentur vulnera nulla
„ Sacra manu. Si coelicolis furor arma dedisset,
„ Aut si terrigenæ tentarent astra gigantes;
„ Non tamen auderet pietas humana vel armis,
„ Vel votis, prodesse Jovi: fortisque deorum
„ Ignarum mortale genus, per fulmina tantum
„ Sciret adhuc coelo solum regnare Tonantem.
„ Adde quod innumeræ concurrunt undique gentes,
„ Nec sic horret iners scelerum contagia mundus,

- „ Ut gladiis egeant civilia bella coactis.
„ Sit mens ista quidem cunctis , ut vestra recusent
„ Fata , nec hæc alius committat proelia miles.
„ Cui non conspecto languebit dextra parente ?
„ Telaque diversi prohibebunt spargere fratres.
„ Finis adest rerum , si non committitis illis
„ Arma , quibus fas est. Nobis hæc summa precandi ;
„ Terribiles aquilas , infestaque signa relinquo
„ Urbe procul , nostrisque velis te credere muris ,
„ Excludique finas , admisso Cæsare , bellum.
„ Sit locus exceptus sceleri , Magnoque , tibi que
„ Tutus , ut , invictæ fatum si consulat Urbi ,
„ Fœdera si placeant , sit quo veniatis inermes.
„ Vel , quum tanta vocent discrimina Martis Iberi ,
„ Quid rapidum deflectis iter ? Non pondera rerum ,
„ Nec momenta sumus : nunquam felicibus armis
„ Usa manus patriæ primis a sedibus exul ;
„ Et post translatas exustæ Phocidos arces ,
„ Moenibus exiguis , alieno in litore , tuti ,
„ Illustrat quos sola fides. Si claudere muros
„ Obsidione paras , & vi perfringere portas ,
„ Excepisse faces tectis , & tela parati ,
„ Undarum raptos aversis fontibus haustus
„ Quærere , & effossam sitientes lambere terram ;
„ Et desit si larga Ceres , tunc horrida cerni ,
„ Fœdaque contingi maculato carpere morsu.
„ Nec pavet hic populus pro libertate subire ,
„ Obseffum

» Obsessum Poeno gessit quod Marte Saguntum :
 » Pectoribus rapti matrum , frustraue trahentes
 » Ubra sicca fame medios mittentur in ignes ;
 » Uxor & a caro poscet sibi fata marito ;
 » Vulnera miscebunt fratres : bellumque coacti
 » Hoc potius civile gerent ». Sic Graia juvenus
 Finierat ; quum turbato jam prodita vultu
 Ira ducis , tandem testata est voce dolorem.

» VANA movet Graios nostri fiducia cursus.
 » Quamvis Hesperium mundi properemus adaxem,
 » Massiliam delere vacat. Gaudete cohortes :
 » Obvia præbentur fatorum munere bella.
 » Ventus ut amittit vires , nisi robore densæ
 » Occurrant silvæ , spatio diffusus inani ;
 » Utque perit magnus nullis obstantibus ignis :
 » Sic hostes mihi deesse nocet ; damnumque putamus
 » Armorum , nisi , qui vinci potuere , rebellent.
 » Sed si solus eam dimissis degener armis ,
 » Tum mihi tecta patent ; jam non excludere tantum,
 » Inclusisse volunt : at enim contagia belli
 » Dira fugant. Dabitis poenas pro pace petita ;
 » Et nihil esse meo discetis tutius ævo ,
 » Quam duce me bellum ». Sic postquam fatus, ad urbem
 Haud trepidam convertit iter ; tunc moenia clausa
 Conspicit , & densa juvenum vallata corona.

Haud procul a muris tumulus surgentis in altum
 Telluris , parvum diffuso vertice campum

Explicat : hæc patiens longo munimine cingi
 Vifa duci rupes , tutisque aptissima castris.
 Proxima pars urbis celsam confurgit in arcem ,
 Par tumulo , mediisque sedent convallibus arva.
 Tunc res immenso placuit statura labore ,
 Aggere diversos vasto committere colles.
 Sed prius ut totam , qua terra cingitur , urbem
 Clauderet , a summis produxit ad æquora castris
 Longum Cæsar opus , fontesque & pabula campi
 Amplexus fossa , densas tollentia pinnas
 Cespitibus , crudaque exstruxit brachia terra.
 Jam fatis hoc Graiæ memorandum contigit urbi ;
 Æternumque decus , quod non impulsæ , nec ipso
 Strata metu , tenuit flagrantis in omnia belli
 Præcipitem cursum ; raptisque a Cæsare cunctis ;
 Vincitur una mora. Quantum est , quod fata tenentur !
 Quodque , virum toti properans imponere mundo,
 Hos perdit Fortuna dies ! Tunc omnia late
 Procumbunt nemora , & spoliantur robore silvæ ;
 Ut , quum terra levis mediam virgultaque molem
 Suspendant , structa laterum compage ligatam
 Arctet humum , pressus ne cedat turribus agger.

Lucus erat , longo nunquam violatus ab ævo ,
 Obscurum cingens connexis aëra ramis ,
 Et gelidas alte summotis solibus umbras.
 Hunc non ruricolæ Panes , nemorumque potentes
 Silvani , Nymphæque tenent , sed barbara ritu

Sacra Deūm , structæ diris altaribus aræ ;
 Omnis & humanis lustrata cruoribus arbor.
 Si qua fidem meruit Superos mirata vetustas ,
 Illis & volucres metuunt insidere ramis ,
 Et lustris recubare feræ : nec ventus in illas
 Incubuit filvas , excussaue nubibus atris
 Fulgura : non ullis frondem præbentibus auris ;
 Arboribus suos horror inest. Tum plurima nigris
 Fontibus unda cadit , simulacraque moesta deorum
 Arte carent , cæsisque exstant informia truncis.
 Ipse situs , putrique facit jam robore pallor
 Attonitos : non vulgatis sacrata figuris
 Numina sic metuunt : tantum terroribus addit ;
 Quos timeant non nosse deos. Jam fama ferebat
 Sæpe cavas motu terræ mugire cavernas ,
 Et procumbentes iterum consurgere taxos ,
 Et non ardentis fulgere incendia silvæ ,
 Roboraque amplexos circumfluxisse dracones.
 Non illum cultu populi propiore frequentant ;
 Sed cessere Deis. Medio quum Phoebus in axe est ,
 Aut cœlum nox atra tenet , pavet ipse sacerdos
 Accessus , dominumque timet deprendere luci.
 Hanc jubet immisso silvam procumbere ferro :
 Nam vicina operi , belloque intacta priori
 Inter nudatos stabat densissima montes.
 Sed fortes tremuere manus , motique verenda
 Majestate loci , si robora sacra ferirent ,

In sua credebant redituras membra secures.

Implicitas magno Cæsar terrore cohortes

Ut vidit , primus raptam librare hipennem

Aufus , & æriam ferro proscindere quercum ,

Effatur merso violata in robora ferro :

» JAM ne quis vestrûm dubitet subvertere silvam ;

» Credite me fecisse nefas ». Tunc paruit omnis

Imperiis , non sublato secura pavore ,

Turba , sed expensa Superiorum , & Cæsaris ira.

Procumbunt orni , nodosa impellitur ilex.

Silvaque Dodones , & fluctibus aptior alnus ,

Et non plebeios luctus testata cupressus ,

Tunc primum posuere comas , & fronde carentes

Admisere diem : propulsaque robore denso

Sustinuit se silva cadens. Gemuere videntes

Gallorum populi : muris sed clausa juvenus

Exsultat. Quis enim læsos impune putaret

Esse Deos ? Servat multos Fortuna nocentes ;

Et tantum miseris irasci numina possunt.

Utque fatis cæsi nemoris , quæsitæ per agros

Plaustra ferunt ; curvoque soli cessantis aratro

Agricolæ raptis annum flere juvenis.

Dux tamen , impatiens hæfuri ad mœnia Martis,

Versus ad Hispanas acies , extremaque mundi ,

Jussit bella geri. Stellatis axibus agger

Erigitur , geminasque æquantes mœnia turres

Accipit : hæ nullo fixerunt robore terram ,

Sed per iter longum causa repere latenti.
 Quum tantum nutaret onus , telluris inanes
 Concussisse sinus quærentem erumpere ventum
 Credidit , & muros mirata est stare juventus.
 Illinc tela cadunt excelsas urbis in arces.
 Sed major Graio Romana in corpora ferro
 Vis inerat : neque enim solis excussa lacertis
 Lancea , sed tenso balistæ turbine rapta ,
 Haud unum contenta latus transire , quiescit ;
 Sed pandens perque arma viam , perque ossa , relicta
 Morte fugit : superest telo post vulnera cursus.
 At saxum quoties ingenti verberis ictu
 Excutitur , qualis rupes , quam vertice montis
 Abscidit impulsu ventorum adjuta vetustas ,
 Frangit cuncta ruens : nec tantum corpora pressa
 Exanimat ; totos cum sanguine dissipat artus.
 Ut tamen hostiles densa testudine muros
 Tecta subit virtus , armisque innexa priores
 Arma ferunt , galeamque extensus protegit umbo ,
 Quæ prius ex longo nocuerunt missa recessu ,
 Jam post terga cadunt : nec Graiis flectere jactum ,
 Aut facilis labor est longinqua ad tela parati
 Tormenti mutare modum ; sed pondere solo
 Contenti , nudis evolvunt saxa lacertis.
 Dum fuit armorum series , ut grandine tecta
 Innocua percussa sonant , sic omnia tela
 Respuit : at postquam virtus incensa virorum

Perpetuam rupit, defesso milite, cratem;
Singula continuis cefferunt ictibus arma.
Tunc adoperta levi procedit vinea terra;
Sub cujus pluteis, & tecta fronte latentes
Moliri nunc ima parant, & vertere ferro
Moenia: nunc aries suspenso fortior ictu
Incussus densi compagem solvere muri
Tentat, & impositis unum subducere faxis.
Sed super & flammis, & magnæ fragmine molis,
Et sudibus crebris, & adusti roboris ictu
Percussæ cedunt crates, frustra que labore
Exhausto fessus repetit tentoria miles.
Summa fuit Graiis, starent ut moenia, voti.
Ultero acies inferre parant: armisque coruscas
Nocturni texere faces: audaxque juvenus
Erupit: non hasta viris, non lethifer arcus,
Telum flamma fuit; rapiensque incendia ventus
Per Romana tulit celeri munimina cursu.
Nec, quamvis viridi luctetur robore, lentas
Ignis agit vires; tæda sed raptus ab omni
Consequitur nigri spatiosa volumina fumi:
Nec solum silvas, sed faxa ingentia solvit,
Et crudæ putri fluxerunt pulvere cautes.
Procubuit, majorque jacens apparuit agger.
Spes victis telluris abit, placuitque profundo
Fortunam tentare mari. Non robore picto
Ornatas decuit fulgens tutela carinas;

Sed rudis , & qualis procumbit montibus arbor ,
 Conferitur stabilis navalibus area bellis .
 Et jam turrigeram Bruti comitata carinam
 Venerat in fluctus Rhodani cum gurgite classis ,
 Stoechados arva tenens. Nec non & Graia juvenus
 Omne suum fatis voluit committere robur ;
 Grandævusque senes mixtis armavit ephebis.
 Accepit non sola viros , quæ stabat in undis
 Classis ; & emeritas repetunt navalibus alnos.
 Ut matutinos spargens super æquora Phœbus
 Fregit aquis radios , & liber nubibus æther ,
 Et posito Borœa , pacemque tenentibus Austris ,
 Servatum bello jacuit mare , movit ab omni
 Quisque suam statione ratem , paribusque lacertis
 Cæsaris hinc pubes , hinc Graio remige classis
 Tollitur : impulsæ tonfis tremuere carinæ ,
 Crebraque sublimes convellunt verbera puppes.
 Cornua Romanæ classis , validæque triremes ,
 Quasque quater surgens exstructi remigis ordo
 Commovet , & plures quæ mergunt æquore pinus ,
 Multiplices cinxere rates. Hoc robur aperto
 Oppositum pelago. Lunata fronte recedunt ,
 Ordine contentæ gemino crevisse liburnæ.
 Celsior at cunctis Bruti prætoria puppis
 Verberibus senis agitur , molemque profundo
 Invehit , & summis longe petit æquora remis.
 Ut tantum medii fuerat maris , utraque classis

Quod semel excussis posset transcurrere tonsis,
Innumeræ vasto miscentur in æthere voces:
Remorumque sonus premitur clamore: nec ullæ
Audiri potuere tubæ. Tum cærule verrunt,
Atque in transtra cadunt, & remis pectora pulsan.
Ut primum rostris crepuerunt obvia rostra:
In puppim rediere rates, emissæque tela
Aëra texerunt, vacuumque cadentia pontum.
Et jam diductis extendunt cornua proris,
Diversæque rates laxata classe receptæ.
Ut, quoties æstus Zephyris, Eurisque repugnat,
Huc abeunt fluctus, illuc mare: sic ubi puppes
Sulcato varios duxerunt gurgite tractus,
Quod tulit illa ratis remis, hæc rettulit æquor:
Sed Graiis habiles, pugnamque laceßere pinus
Et tentare fugam, nec longo frangere gyro
Cursum, nec tarde flectenti cedere clavo.
At Romana ratis stabilem præbere carinam
Certior, & terræ similem bellantibus usum.
Tunc in signifera residenti puppe magistro
Brutus ait: » PATERISNE acies errare profundo?
» Artibus & certas pelagi? Jam confere bellum:
» Phocæicis medias rostris oppone carinas ».
Paruit, obliquas & præbuit hostibus alnos.
Tunc quæcumque ratis tentavit robora Bruti,
Ictu victa suo, percussæ capta cohæsit.
Ast alias manicæque ligant, teretesque catenæ,

Seque tenent remis : tecto stetit æquore bellum.
 Jam non excussis torquentur tela lacertis ,
 Nec longinqua cadunt jaculato vulnera ferro :
 Miscenturque manus : navali plurima bello
 Ensis agit. Stat quisque suæ de robore puppis
 Pronus in adversos ictus : nullique peremti
 In ratibus cecidere suis. Cruor altus in undis
 Spumat , & obducti concreescunt sanguine fluctus.
 Et quas immissi traxerunt vincula ferri ,
 Has prohibent jungi conferta cadavera puppes.
 Semianimes alii vastum subiere profundum ,
 Hauferuntque suo permixtum sanguine pontum.
 Hi luctantem animam lenta cum morte trahentes ,
 Fractarum subita ratium periere ruina.
 Irrita tela suas peragunt in gurgite cædes :
 Et quodcumque cadit frustrato pondere ferrum ;
 Exceptrum mediis invenit vulnus in undis.
 Phocæicis Romana ratis vallata carinis ,
 Robore diducto dextrum , lævumque tuetur
 Æquo Marte latus : cujus dum pugnat ab alta
 Puppe Tagus , Graiumque audax aplustre retentat ,
 Terga simul pariter missis & pectora telis
 Transigitur. Medio concurrat pectore ferrum ,
 Et stetit incertus fluere quo vulnere sanguis ;
 Donec utrasque simul largus cruor expulit hastas ,
 Divisitque animam , sparfitque in vulnera lethum.
 Dirigit huc puppim miseri quoque dextra Telonis ,

Qua nullæ melius , pelago turbante , carinæ
Audivere manum : nec lux est notior ulli
Craftina , seu Phoebum videat , seu cornua Lunæ ,
Semper venturis componere carbasa ventis.
Hic Latiae rostro compagem ruperat alni :
Pila sed in medium venere trementia pectus ,
Avertitque ratem morientis dextra magistri.
Dum cupit in sociam Gyareus erepere puppim ,
Excipit immissum suspensa per ilia ferrum ,
Affixusque rati , telo retinente , pependit.
Stant gemini fratres , secundæ gloria matris ,
Quos eadem variis genuerunt viscera fati :
(Discrevit mors sæva viros ; unumque relictum
Agnorunt miseri , sublato errore , parentes ,
Æternis causam lacrimis : tenet ille dolorem
Semper , & amissum fratrem lugentibus offert.)
Quorum alter , mixtis obliquo pectine remis ,
Ausus Romanæ Graia de puppe carinæ
Injectare manum ; sed eam gravis insuper ictus
Amputat : illa tamen nifu , quo prenderat , hæsit ,
Diriguitque tenens strictis immortua nervis.
Crevit in adversis virtus : plus nobilis iræ
Truncus habet : fortique instaurat proelia læva ,
Rapturusque suam procumbit in æquora dextram.
Hæc quoque cum toto manus est abscisa lacerto.
Jam clypeo , telisque carens , non conditur ima
Puppe ; sed expositus , fraternaue pectore nudo

Arma tegens , crebra confixus cuspide perstat ;
 Telaque multorum , letho casura fuorum ,
 Emerita jam morte tenet. Tum vulnere multo
 Effugientem animam lassos collegit in artus ;
 Membraque contendit toto quicumque manebat
 Sanguine ; & hostilem , defectis robore nervis ,
 Infiluit , solo nociturus pondere , puppim.
 Strage virum cumulata ratis , multoque cruore
 Plena , per obliquum crebros latus accipit ictus.
 At postquam ruptis pelagus compagibus hausit ,
 Ad fummos repleta foros , desidit in undas ,
 Vicinum involvens contorto vertice pontum.
 Æquora discedunt merfa diducta carina ,
 Inque locum puppis cecidit mare. Multaque ponto
 Præbuit ille dies varii miracula fati.
 Ferrea dum puppi rapidos manus inserit uncus ,
 Affixit Lycidam : merfus foret ille profundo ,
 Sed prohibent focii , suspensaque crura retentant.
 Scinditur avulsus : nec , sicut vulnere , sanguis
 Emicuit lentus ; ruptis cadit undique venis ,
 Discursusque animæ diversa in membra meantis
 Interceptus aquis. Nullius vita peremti
 Est tanta dimissa via. Pars ultima trunci
 Tradidit in lethum vacuos vitalibus artus.
 At tumidus qua pulmo jacet , qua viscera fervent ,
 Hæserunt ibi fata diu : luctataque multum
 Hac cum parte viri vix omnia membra tulerunt.

Dum nimium pugnax unius turba carinæ
Incumbit prono lateri, vacuamque relinquit;
Qua caret hoste, ratem; congesto pondere puppis
Versa, cava texit pelagus nautasque carina.
Brachia nec licuit vasto jactare profundo,
Sed clauso periere mari. Tunc unica diri
Conspecta est lethi facies, quum forte natantem
Diversæ rostris juvenem fixere carinæ.
Discessit medium tam vastos pectus ad ictus:
Nec prohibere valent obtritis ossibus artus,
Quo minus æra sonent. Eliso ventre per ora
Ejectat faniem permixtus viscere sanguis.
Postquam inhihent remis puppes, ac rostra recedunt,
Dejectum in pelagus, perfosso pectore, corpus
Vulneribus transmisit aquas. Pars maxima turbæ
Naufraga, jactatis morti obluctata lacertis,
Puppis ad auxilium fociaë concurrit: at illi
Robora quum vetitis prensarent arctius ulnis,
Nutaretque ratis, populo peritura recepto,
Impia turba super medios ferit ense lacertos.
Brachia linquentes Graia pendentia puppi,
A manibus cecidere suis: non amplius undæ
Sustinuere graves in summo gurgite truncos.
Jamque omni fufis nudato milite telis,
Invenit arma furor: remum contorsit in hostem
Alter, at hic tortum validis aplustre lacertis;
Avulsasque rotant excusso remige fedes:

In pugnam fregere rates : fidentia pectus
 Corpora caesa tenent , spoliantque cadavera ferro.
 Multi inopes teli , jaculum lethale revulsum
 Vulneribus traxere suis , & viscera laeva
 Oppressere manu , validos dum praebeat ictus
 Sanguis , & , hostilem quum torserit , exeat , hastam.
 Nulla tamen plures hoc edidit aequore clades ,
 Quam pelago diversa lues. Nam pinguibus ignis
 Affixus tedis , & tecto sulfure vivax
 Spargitur : at faciles praeberet alimenta carinae
 Nunc pice , nunc liquida rapuere incendia cera.
 Nec flammam superant undae : sparsisque per aequor
 Jam ratibus , fragmenta ferus sibi vindicat ignis.
 Hic recipit fluctus , extinguat ut aequore flammam :
 Hi , ne mergantur , tabulis ardentibus haerent.
 Mille modos inter lethi , mors una timori est ,
 Qua coepere mori : nec cessat naufraga virtus.
 Tela legunt dejecta mari , ratibusque ministrant :
 Incertasque manus , ictu languente , per undas
 Exercent. Nunc , rara datur si copia ferri ,
 Utuntur pelago : saevus complectitur hostem
 Hostis , & implicitis gaudent subsidere membris ,
 Mergentesque mori. Pugna fuit unus in illa
 Eximius Phoeus animam servare sub undis ,
 Scrutarique fretum , si quid merisset , arenis ,
 Et nimis affixos unci convellere morsus ,
 Adductum quoties non senserat anchora funem.

Hic ubi compressum penitus deduxerat hostem ,
Victor & incolumis summas remeabat in undas.
Sed se per vacuos credit dum surgere fluctus ,
Puppibus occurrit , tandemque sub æquore mansit.
Hi super hostiles jecerunt brachia remos ,
Et ratium tenuere fugam. Non perdere lethum
Maxima cura fuit. Multus sua vulnera puppi
Affixit moriens , & rostris abstulit ictus.
Stantem sublimi Tyrrhenum culmine proræ
Lygdamus excussa Balearis tortor habenæ
Glande petens , solido fregit cava tempora plumbo.
Sedibus expulsi , postquam cruor omnia rupit
Vincula , procumbunt oculi : stat lumine raptò
Attonitus , mortisque illas putat esse tenebras.
At postquam membris sensit constare vigorem ,
» Vos , ait , ô focii , sicut tormenta soletis ,
» Me quoque mittendis rectum componite telis.
» Egere quod superest animæ , Tyrrhene , per omnes
» Bellorum casus. Ingentem militis usum
» Hoc habet ex magna defunctum parte cadaver ;
» Viventis feriere loco ». Sic fatus in hostem
Cæca tela manu , sed non tamen irrita , mittit.
Excipit hæc juvenis generosi sanguinis Argus ,
Qua jam non medius descendit in ilia venter ,
Adjuvitque suo procumbens pondere ferrum,
Stabat diversa victæ jam parte carinæ
Infelix Argi genitor , (non ille juventæ

Tempore Phocæicis ulli cessurus in armis ;
 Victum ævo robur cecidit , fessusque senecta
 Exemplum , non miles erat :) qui funere viso ,
 Sæpe cadens longæ senior per transtra carinæ
 Pervenit ad puppim , spirantesque invenit artus.
 Non lacrimæ cecidere genis , non pectora tundit ,
 Distentis toto riguit sed corpore palmis.
 Nox subit , atque oculos vastæ obduxere tenebræ ,
 Et miserum cernens agnoscere definit Argum.
 Ille caput labens , & jam languentia colla
 Viso patre levat : vox fauces nulla solutas
 Prosequitur : tacito tantum petit oscula vultu ,
 Invitatque patris claudenda ad lumina dextram.
 Ut torpore senex caruit , viresque cruentus
 Cœpit habere dolor , » Non perdam tempora , dixit ,
 » A sævis permissa Deis ; jugulumque senilem
 » Confodiam. Veniam misero concede parenti ,
 » Arge , quod amplexus , extrema quod oscula fugi.
 » Nondum destituit calidus tua vulnera sanguis ,
 » Semianimisque jaces , & adhuc potes esse superstes ».
 Sic fatus , quamvis capulum per viscera missi
 Polluerat gladii , tamen alta sub æquora tendit
 Præcipiti saltu. Lethum præcedere nati
 Festinantem animam morti non credidit uni.

Inclinant jam fata ducum : nec jam amplius anceps
 Belli casus erat. Graiæ pars maxima classis
 Mergitur ; ast aliæ mutato remige puppes

Victores vexere suos : navalia pauca
Præcipiti tenuere fuga. Quis in urbe parentum
Fletus erat ! quanti matrum per litora planctus !
Conjux sæpe fui , confusis vultibus unda ,
Credidit ora viri , Romanum amplexa cadaver :
Accensisque rogis miseri de corpore trunco
Certavere patres. At Brutus in æquore victor ,
Primus Cæsareis pelagi decus addidit armis.




S U M M A R I U M

LIBRI QUARTI.

DESCRPTIO loci ubi castra collocarunt Pompeii legati, suaque Cæsar. Hic frustra tumulum occupare tentat. Post densissimos imbres, largâ aquarum colluvie superinducuntur castra Cæsaris; sua movet Pompeii exercitus, in Celtiberiam transiturus. Eum Cæsar assequitur. Romani milites quos separat vallum exiguum, mox illud transcendunt & in mutuos ruunt amplexus. Pacem disturbat Petreius ferox, & ad arma excitat. Ilerdam repetere mens est Pompeii legatis, quos collibus siccis includit Cæsar. Sitientes se dedunt: Cæsar eis ignoscit. At ejus legatus Antonius extremis Illyriæ oris inclusus & fame pressus fugam meditatur: Catenæ laxæ sub aquis immissæ Vulteii ratem tardant, qui erigit cohortis animos; quique eos hortatur ut se invicem trucident, potius quàm concedant victori. Ad mortem se omnes devovent. Curio navigat in Libyam. Moratur in exesis rupibus quæ vocantur Antæi regna: Gigantis

hujus cum Hercule certamen narratur. Varum Curio superat : cui victo opem fert Juba. Bellicis artibus instructus Numidiæ rex , simulat fugam ; quam veram credens incautus Curio , medios in agros aciem educit , cujus fit maxima clades.





LIBER QUARTUS.

AT procul extremis terrarum Cæsar in oris
Martem sævus agit non multa cæde nocentem,
Maxima sed fati ducibus momenta daturum.
Jure pari rector castris Afranius illis
Ac Petreius erat : concordia duxit in æquas
Imperium commune vices , tutelaque valli
Pervigil , alterno paret custodia signo.
His præter Latias acies erat impiger Astur ,
Vestonesque leves , profugique a gente vetusta
Gallorum Celtæ miscentes nomen Iberis.

Colle tumet modico , lenique excrevit in altum
Pingue solum tumulo : super hunc fundata vetusta
Surgit Ilerda manu : placidis prælabitur undis
Hesperios inter Sicoris non ultimus amnes ,
Saxeus ingenti quem pons amplectitur arcu ,
Hibernas passurus aquas. At proxima rupes
Signa tenet Magni : nec Cæsar colle minori ,
Castra levat : medius dirimit tentoria gurges.
Explicat hinc tellus campos effusa patentes ,
Vix oculo prendente modum : camposque coërcet,
Cinga rapax , vetitus fluctus & litora cursu
Oceani pepulisse suo ; nam gurgite mixto ,
Qui præstat terris , aufert tibi nomen Iberus.

Prima dies belli cessavit Marte cruento ,
Spectandasque ducum vires , numerosaque signa

Expofuit : piguit ſcleris : pudor arma furentum
 Continuit : patriæque , & ruptis legibus unum
 Donavere diem. Prono quum Cæſar Olympo
 In noctem ſubita circumdedit agmina foſſa ,
 Dum primæ perſtant acies , hoſtemque ſefellit ,
 Et prope confertis obduxit caſtra manipulis.
 Luce nova collem ſubito conſcendere curſu ,
 Qui medius tutam caſtris dirimebat Ilerdam ,
 Imperat. Huc hoſtem pariter terrorque , pudorque
 Impulit : & rapto tumulum prior agmine cepit.
 His virtus , ferrumque locum promittit : at illis
 Ipſe locus. Miles rupes oneratus in altis
 Nititur : adverſoque acies in monte ſupina
 Hæret , & in tergum caſura umbone ſequentis
 Erigitur. Nulli telum vibrare vacabat ,
 Dum labat , & fixo firmat veſtigia pilo ,
 Dum ſcopulos , ſtirpesque tenent , atque hoſte relicto
 Cædunt enſe viam. Vidit lapſura ruina
 Agmina dux , equitemque jubet ſuccedere bello ,
 Munitumque latus lævo præducere gyro.
 Sic pedes ex facili , nulloque urgente receptus ,
 Irritus & victor ſubducto Marte pependit.

Haſtenus armorum discrimina. Cetera bello
 Fata dedit variis incertus motibus ær.
 Pigro bruma gelu , ſiccisque Aquilonibus hærens,
 Æthere conſtricto pluvias in nube tenebat.
 Urebant montana nives , camposque jacentes

Non duraturæ conspecto sole pruina :
 Atque omnis propior mergenti fidera cœlo
 Aruerat tellus , hiberno dura sereno.
 Sed postquam vernus calidum Titana recepit ,
 Sidera respiciens delapsæ portitor Helles ,
 Atque iterum æquatis ad justæ pondera Libræ
 Tēporibus vicere dies : tunc , sole relicto ,
 Cynthia quo primum cornu dubitanda refulsit ,
 Exclusit Boream , flammisque accepit ab Euro.
 Ille suo nubes quascumque invenit in axe ,
 Torfit in occiduum Nabatæis flatibus orbem ,
 Et quas sentit Arabs , & quas Gangetica tellus
 Exhalat nebulas , quidquid concrefcere primus
 Sol patitur , quidquid cœli fuscator Eoi
 Impulerat Corus , quidquid defenderat Indos :
 Incendere diem nubes oriente remotæ ,
 Nec medio potuere graves incumbere mundo ,
 Sed nimbos rapuere fuga. Vacat imbris Arctos ,
 Et Notus : in solam Calpen fluit humidus ær.
 Hic ubi jam Zephyri fines , & summus Olympi
 Cârdo tenet Tethyn , vetitæ transcurrere densos
 Involvere globos , congestumque aëris atri
 Vix recipit spatium , quod separat æthere terram.
 Jamque polo pressæ largos densantur in imbres ;
 Spissatæque fluunt : nec servant fulmina flammæ ,
 Quamvis crebra micent : exstinguit fulgura nimbus.
 Hinc imperfecto complectitur aëra gyro

Arcus , vix ulla variatus luce colorem ,
Oceanumque bibit , raptosque ad nubila fluctus
Pertulit , & coelo defusum reddidit æquor.
Jamque Pyrenææ , quas nunquam solvere Titan
Evaluit , fluxere nives , fractoque madescunt
Saxa gelu : tum , quæ solitis e fontibus exit ,
Non habet unda vias : tam largas alveus omnis
A ripis accepit aquas. Jam naufraga campo
Cæsar's arma natant , impulsaque gurgite multo
Castra labant : alto restagnant flumina vallo.
Non pecorum raptus faciles , non pabula merfi
Ulla ferunt fulci : testarum errore viarum
Fallitur occultos sparsus populator in agros.
Jamque comes semper magnorum prima malorum
Sæva fames aderat : nulloque obsessus ab hoste
Miles eget : toto censu non prodigus emit
Exiguam Cererem. Proh lucri pallida tabes !
Non deest prolato jejunos venditor auro.
Jam tumuli , collesque latent : jam flumina cuncta
Condidit una palus , vastaue voragine merfit.
Absorpsit penitus rupes , ac testæ ferarum
Detulit , atque ipsas hausit : subitisque prementes
Vorticibus contorsit equos , & reppulit æstus
Fortior Oceani : nec Phœbum surgere sentit
Nox subtexta polo : rerum discrimina miscet
Deformis coeli facies , junctæque tenebræ.
Sic mundi pars ima jacet , quam zona nivalis ,

Perpetuæque premunt hiemes : non fidera cœlo
 Ulla videt , sterili non quidquam frigore gignit ,
 Sed glacie medios signorum temperat ignes.
 Sic , o summe parens mundi , sic sorte secunda
 Æquorei rector facias , Neptune , tridentis :
 Et tu perpetuis impendas aëra nimbis :
 Tu remeare vetes quoscumque emiseris æstus.
 Non habeant amnes declivem ad litora cursum ,
 Sed pelagi referantur aquis : concussaue tellus
 Laxet iter fluviis. Hos campos Rhenus inundet ,
 Hos Rhodanus : vastos obliquent flumina fontes.
 Rhiphæas huc solve nives , huc stagna , lacusque ,
 Et pigras , ubicumque jacent , effunde paludes :
 Et miseras bellis civilibus eripe terras.

Sed parvo Fortuna viri contenta pavore ,
 Plena redit , solitoque magis favere secundi ,
 Et veniam meruere Dei. Jam rarior aër ,
 Et par Phoebus aquis densas in vellera nubes
 Sparserat , & noctes ventura luce rubebant :
 Servatoque loco rerum , discessit ab astris
 Humor , & ima petit quidquid pendebat aquarum.
 Tollere silva comas , stagnis emergere colles
 Incipiunt , visoque die durefcere calles.
 Utque habuit ripas Sicoris , camposque reliquit ,
 Primum cana salix madefacto vimine parvam
 Texitur in puppim , cæsoque inducta juvenco
 Vectoris patiens tumidum superenatat amnem.

Faucibus , emitti terrarum in devia Martem ,
 Inque feras gentes Cæsar videt ». ITE fine ullo
 » Ordine , ait , raptumque fuga convertite bellum ,
 » Et faciem pugnæ , vultusque inferte minaces.
 » Nec liceat pavidis ignava occumbere morte :
 » Excipiant recto fugientes pectore ferrum ».
 Dixit : & ad montes tendentem prævenit hostem.
 Illic exiguo paulum distantia vallo
 Castra locant. Postquam spatio languentia nullo
 Mutua conspicuos habuerunt lumina vultus ;
 Et fratres , natosque suos videre , patresque ;
 Depreſsum eſt civile nefas. Tenuere parumper
 Ora metu : tantum nutu , motoque ſalutant
 Enſe ſuos. Mox ut ſtimulis maioribus ardens
 Rupit amor leges , audet transcendere vallum
 Miles , in amplexus effuſas tendere palmas.
 Hoſpitis ille ciet nomen , vocat ille propinquum ;
 Admonet hunc ſtudiis conſors puerilibus ætas :
 Nec Romanus erat , qui non agnoverat hoſtem.
 Arma rigant lacrimis , ſingultibus oſcula rumpunt :
 Et quamvis nullo maculatus ſanguine miles ,
 Quæ potuit feciſſe , timet. Quid peſtora pulſas ?
 Quid veſane gemis ? fletus quid fundis inanes ?
 Nec te ſponte tua ſceleri parere fateris ?
 Uſque adeone times , quem tu facis ipſe timendum ?
 Clafſica det bello ; ſævos tu negligè cantus.
 Signa ferat ; ceſſa, Jamjam civilis Erinnyſ

Concidet , & Cæſar generum privatus amabit.
Nunc ades , æterno complectens omnia nexu ,
O rerum , mixtique ſalus concordia mundi ,
Et facer orbis amor : magnum nunc ſecula noſtra
Venturi diſcrimen habent. Periere latebræ
Tot ſclerum : populo venia eſt erepta nocenti :
Agnovere ſuos. Proh numine fata ſiniſtro
Exigua requie tantas augmentia clades !
Pax erat , & miles caſtris permixtus utriſque
Errabat : duro concordες ceſpite menſas
Inſtituunt , & permixto libamina Baccho.
Graminei luxere foci : junctoꝛque cubili
Extrahit infomnes bellorum fabula noctes ;
Quo primum ſteterint campo , qua lancea dextra
Exierit. Dum , quæ geſſerunt fortia , jaſtant ,
Et dum multa negant , quod ſolum fata petebant ,
Eſt miſeris renovata fides , atque omne futurum
Crevit amore nefas. Nam poſtquam ſœdera pacis
Cognita Petreio , ſequē , & ſua tradita venum
Caſtra videt , famulas ſclerata ad prælia dextras
Excitat , atque hoſtes turba ſtipatus inermes
Præcipitat caſtris , junctosque amplexibus enſe
Separat , & multo diſturbat ſanguine pacem.
Addidit ira ferox , moturas prælia , voces :
» IMMEMOR ô patriæ , ſignorum oblite tuorum ,
» Non potes hoc cauſæ , miles , præſtare Senatus
» Aſſertor victo redeas ut Cæſare : certe ,

„ Ut vincere , potes. Dum ferrum , incertaque fata ,
 „ Quique fluat multo non deerit vulnere sanguis ,
 „ Ibitis ad dominum ? damnataque signa feretis ?
 „ Utque habeat famulos nullo discrimine Cæsar
 „ Exorandus erit ? Ducibus quoque vita petenda est ?
 „ Nunquam nostra salus pretium , mercesque nefandæ
 „ Proditionis erit : non hoc civilia bella ,
 „ Ut vivamus , agunt. Trahimur sub nomine pacis.
 „ Non chalybem gentes penitus fugiente metallo
 „ Eruerent , nulli vallarent oppida muri ,
 „ Non sonipes in bella ferox , non iret in æquor
 „ Turrigeras classis pelago sparsura carinas ,
 „ Si bene libertas unquam pro pace daretur.
 „ Hostes nempe meos sceleri jurata nefando
 „ Sacramenta tenent : at vobis vilior hoc est
 „ Vestra fides , quod pro causa pugnabitis æqua.
 „ Sed veniam sperare licet. Proh dira pudoris
 „ Funera ! Nunc toto fatorum ignarus in orbe ,
 „ Magne , paras acies , mundiue extrema tenentes
 „ Sollicitas reges , quum forsan foedere nostro
 „ Jam tibi sit promissa salus ». Sic fatur , & omnes
 Concussit mentes , scelerumque reduxit amorem,
 Sic ubi defuetae filvis in carcere clauso
 Mansuevere feræ , & vultus posuere minaces ,
 Atque hominem didicere pati : si torrida parvus
 Venit in ora cruor , redeunt rabiesque furorque ,
 Admonitæque tument gustato sanguine fauces :

Fervet, & a trepido vix abstinere ira magistro.
 Itur in omne nefas : & quæ Fortuna Deorum
 Invidia cæca bellorum in nocte tulisset,
 Fecit monstra fides : inter menfasque, torosque,
 Quæ modo complexu foverunt pectora, cædunt.
 Et quamvis primo ferrum strinxere gementes,
 Ut dextræ iusti gladius disfluasor adhæsit,
 Dum feriunt, odere suos, animosque labantes
 Confirmant ictu. Fervent jam castra tumultu,
 Et scelerum turba : rapiuntur colla parentum.
 Ac velut occultum pereat scelus, omnia monstra
 In facie posuere ducum : juvat esse nocentes.

Tu, Cæsar, quamvis spoliatus milite multo,
 Agnoscis superos : neque enim tibi major in arvis
 Emathiis fortuna fuit, nec Phocidos undis
 Massiliæ, Phario nec tantum est æquore gestum.
 Hoc siquidem solo civilis crimine belli
 Dux causæ melioris eris. Polluta nefanda
 Agmina cæde duces junctis committere castris
 Non audent, altæque ad mœnia rursus Ilerdæ
 Intendêre fugam ; campos eques obviis omnes
 Abstulit, & siccis inclusit collibus hostem.
 Tunc inopes undæ prærupta cingere fossa
 Cæsar avet, nec castra pati contingere ripas,
 Aut circum largos curvari brachia fontes.
 Ut lethi vidêre viam, conversus in iram
 Præcipitem timor est. Miles, non utile clausis



Auxilium , mactavit equos ; tandemque coactus
 Spe posita damnare fugam , casurus in hostes
 Fertur. Ut effuso Cæsar decurrere passu .
 Vidit , & ad certam devotos tendere mortem :
 » TELA tene jam , miles , ait , ferrumque ruenti
 » Subtrahe : non ullo constet mihi sanguine bellum :
 » Vincitur haud gratis , jugulo qui provocat hostem.
 « En sibi vilis adest invisa luce juvenus ,
 » Jam damno peritura meo : non sentiet ictus ,
 » Incumbet gladiis , gaudebit sanguine fuso.
 » Deferat hic fervor mentes , cadat impetus amens ;
 » Perdant velle mori ». Sic deflagrare minaces
 Incassum , & vetito passus languescere bello ,
 Substituit merso dum nox sua lumina Phoebo.
 Inde ubi nulla data est miscendæ copia mortis ,
 Paulatim cadit ira ferox , mentesque tepescunt.
 Saucia majores animos ut pectora gestant ,
 Dum dolor est , ictusque recens , & mobile nervis
 Conamen calidus præbet cruor , ossaque nondum
 Adduxere cutem : si conscius ensis adacti
 Stat victor , tenuitque manus , tum frigidus artus
 Alligat , atque animum subducto robore torpor ,
 Postquam sicca rigens astrinxit vulnera sanguis.
 Jamque inopes undæ , primum tellure refossa ,
 Occultos latices , abstrusaque flumina quærunt :
 Nec solum rastris , durisque ligonibus arva ,
 Sed gladiis fodere suis : puteusque cavati

Montis ad irrigui premitur fastigia campi.
 Non se tam penitus, tam longe luce relicta
 Merferit Assyrii scrutator pallidus auri.
 Non tamen aut tectis sonuerunt cursibus amnes,
 Aut micuere novi, percusso pumice, fontes:
 Antra nec exiguo stillant sudantia rore,
 Aut impulsa levi turbatur glarea vena.
 Tunc exhausta super multo sudore juventus
 Extrahitur, duris silicum lassata metallis.
 Quoque minus possent ficos tolerare vapores,
 Quæsitæ fecistis aquæ. Nec languida fessi
 Corpora sustentant epulis, mensasque perosi
 Auxilium fecere famem. Si mollius arvom
 Prodidit humorem, pingues manus utraque glebas
 Exprimit ora super. Nigro si turbida limo
 Colluvies immota jacet, cadit omnis in haustus
 Certatim obscœnos miles; moriensque recepit,
 Quas nollet victurus, aquas: ritumque ferarum
 Distentas ficcant pecudes, & lacte negato,
 Sordidus exhausto sorbetur ab ubere sanguis.
 Nunc herbas, frondesque terunt, & rore madentes
 Distringunt ramos: &, si quos palmitè crudo,
 Arboris aut tenera succos pressere medulla,

O fortunati, fugiens quos barbarus hostis
 Fontibus immixto stravit per rura veneno.
 Hos licet in flavios faniem, tabemque ferarum,
 Pallida Dictæis, Cæsar, nascentia faxis

Infundas aconita palam , Romana juvenus
 Non decepta bibet. Torrentur viscera flamma ,
 Oraque sicca rigent squamosis aspera linguis.
 Jam marcent venæ , nulloque humore rigatus
 Aëris alternos angustat pulmo meatus ,
 Rescissoque nocent suspiria dura palato.
 Pandunt ora siti , nocturnumque aëra captant.
 Exspectant imbres , quorum modo cuncta natabant
 Impulso , & ficcis vultus in nubibus hærent.
 Quoque magis miseros undæ jejunia solvant ,
 Non super arentem Meroën , Cancrique sub axe ,
 Qua nudi Garamantes arant , sedêre : sed inter
 Stagnantem Sicorim , & rapidum deprensus Iberum
 Spectat vicinos sitiens exercitus amnes.

Jam domiti cessere duces : pacisque petendæ
 Auctor damnatis supplex Afranius armis ,
 Semianimes in castra trahens hostilia turmas ,
 Victoris stetit ante pedes. Servata precanti
 Majestas , non fracta malis , interque priorem
 Fortunam , casusque novos , gerit omnia victi ,
 Sed ducis , & veniam securo pectore poscit.

» SI ME degeneri stravissent fata sub hoste ,
 » Non deerat fortis rapiendo dextera letho :
 » At nunc causâ mihi est orandæ sola salutis ,
 » Dignum donanda , Cæsar , te credere vita.
 » Non partis studiis agimur , nec sumsimus arma
 » Consiliis inimica tuis. Nos denique bellum

» Invenit civile duces : causæque priori ,
» Dum potuit , servata fides : nil fata moramur.
» Tradimus Hesperias gentes , aperimus Eoas ,
» Securumque orbis patimur post terga relictæ.
» Nec cruor effusus campis tibi bella peregit ,
» Nec ferrum , lassæque manus. Hoc hostibus unum ,
» Quod vincas , ignosce tuis : nec magna petuntur.
» Otia des fessis , vitam patiaris inermes
» Degere , quam tribuis : campis prostrata jacere
» Agmina nostra putes. Nec enim felicibus armis
» Misceri damnata decet , partemque triumphæ
» Captos ferre tui : turba hæc sua fata peregit.
» Hoc petimus , victos ne tecum vincere cogas ».

Dixerat : At Cæsar facilis , vultuque serenus
Flectitur , atque usum belli , pœnamque remittit.
Ut primum justæ placuerunt foedera pacis ,
Incustoditos decurrit miles ad amnes ;
Incumbit ripis , permissaque flumina turbat.
Continuus multis subitarum tractus aquarum
Aëra non passus vacuis discurrere venis ,
Arctavit , clausitque animam : nec fervida pestis
Cedit adhuc : sed morbus egens jam gurgite , plenis
Visceribus sibi poscit aquas. Mox robora nervis ,
Et vires rediere viris. O prodiga rerum
Luxuries ! nunquam parvo contenta paratu ,
Et quæditorum terra , pelagoque ciborum
Ambitiosa fames , & lautæ gloria mensæ ,

Discite , quam parvo liceat producere vitam ,
 Et quantum natura petat. Non erigit ægros
 Nobilis ignoto diffusus consule Bacchus :
 Non auro , myrrhaque bibunt ; sed gurgite puro
 Vita redivit. Satis est populis fluviisque Ceresque.
 Heu miseri ! qui bella gerunt. Tunc arma relinquens
 Victori miles , spoliato pectore tutus ,
 Innocuusque suas , curarum liber , in urbes
 Spargitur. O quantum donata pace potitos
 Excussis unquam ferrum vibrasse lacertis
 Pœnituit , tolerasse sitim , frustra que rogasse
 Prospera bella Deos ! Nempe usis Marte secundo
 Tot dubiæ restant acies , tot in orbe labores :
 Ut nunquam fortuna labet successibus anceps ,
 Vincendum toties : terras fundendus in omnes
 Est cruor , & Cæsar per tot sua fata sequendus.
 Felix , qui potuit , mundi nutante ruina ,
 Quo jaceat , jam scire , loco. Non prælia fessos
 Ulla vocant , certos non rumpunt classica somnos.
 Jam conjux , nati que rudes , & fœdida tecta ,
 Et non deductos recipit sua terra colonos.
 Hoc quoque securis oneris fortuna remisit ,
 Sollicitus menti quod abest favor : ille salutis
 Est auctor , dux ille fuit. Sic prælia soli
 Felices nullo spectant civilia voto.

Non eadem belli totum fortuna per orbem
 Constitit : in partes aliquid sed Cæsaris ausa est .

Qua maris Adriaci longas ferit unda Salonas ,
 Et tepidum in molles Zephyros excurrit lader :
 Illic bellaci confusus gente Curetum ,
 Quos alit Adriaco tellus circumflua ponto ,
 Clauditur extrema residens Antonius ora ,
 Cautus ab incurfu belli , si sola recedat ,
 Expugnat quæ tuta , fames. Non pabula tellus
 Pascendis submittit equis , non proferit ullam
 Flava Ceres fegetem : spoliabat gramine campum
 Miles , & attonso miseris jam dentibus arvo
 Castrorum ficas de cespite vulserat herbas.
 Ut primum adversæ socios in litore terræ
 Et Basilum vidēre ducem : nova furta per æquor
 Exquifita fugæ. Neque enim de more carinas
 Extendunt , puppesque levant , sed firma gerendis
 Molibus insolito contexunt robora ductu.
 Namque ratem vacuæ sustentant undique cupæ ,
 Quarum porrectis series constricta catenis
 Ordinibus geminis obliquas excipit alnos.
 Nec gerit expositum telis in fronte patenti
 Remigium ; sed , quod trabibus circumdedit æquor,
 Hoc ferit , & taciti præbet miracula cursus ,
 Quod nec vela ferat , nec apertas verberet undas.
 Tunc freta servantur , dum se declivibus undis
 Æstus agat , refluxoque mari nudentur arenæ.
 Jamque relabenti crescebant litora ponto ;
 Missa ratis prono defertur lapsa profundo ,

Et geminæ comites. Cunctas super ardua turris
 Eminent, & tremulis tabulata minantia pinnis.
 Noluit Illyricæ custos Octavius undæ
 Confestim tentare ratem, celeresque carinas
 Continuit, cursu crescat dum præda secundo:
 Et temere ingressos repetendum invitat ad æquor
 Pace maris. Sic dum pavidos formidine cervos
 Claudat odoratæ metuentes aëra pennæ;
 Aut dum dispositis attollat retia varis
 Venator, tenet ora levis clamosa Molossi;
 Spartanos, Cretasque ligat: nec creditur ulli
 Silva cani, nisi qui presso vestigia rostro
 Colligit, & præda nescit latrare reperta,
 Contentus tremulo monstrasse cubilia loro.
 Nec mora: complentur moles, avidæque petitis
 Insula deferitur ratibus; quo tempore primas
 Impulit ad noctem jam lux extrema tenebras.
 At Pompeianus fraudes innectere ponto
 Antiqua parat arte Cilix, passusque vacare
 Summa freti, medio suspendit vincula ponto,
 Et laxas fluitare finit, religatque catenas
 Rupis ab Illyricæ scopulis. Nec prima, nec illa,
 Quæ sequitur, tardata ratis: sed tertia moles
 Hæsit, & ad cautes adducto fune secuta est.
 Impendent cava saxa mari: ruituraque semper
 Stat (mirum) moles: & silvis æquor inumbrat.
 Huc fractas Aquilone rates, submersaque pontus
E vj

Corpora sæpe tulit , cæcisque abscondit in antris :
 Restituit raptus tectum mare , quumque cavernæ
 Evomuere fretum , contorti vorticis undæ
 Tauromenitanam vincunt fervore Charybdin.

Hic Opiterginis moles onerata colonis
 Constitit : hanc omni puppes statione solutæ
 Circueunt : alii rupes , ac litora complent.
 Vulteijs tacitas sensit sub gurgite fraudes :
 (Dux erat ille ratis.) frustra qui vincula ferro
 Rumpere conatus , poscit spe prælia nulla ;
 Incertus qua terga daret , qua pectora bello.
 Hoc tamen in casu , quantum deprensâ valebat ,
 Effecit virtus : inter tot millia captæ
 Circumfusa rati , & plenam vix inde cohortem ,
 Pugna fuit , non longa quidem : nam condidit atra
 Nox lucem dubiam , pacemque habuere tenebræ.
 Tunc sic attonitam , venturaque fata paventem
 Rexit magnanima Vulteijs voce cohortem :

» LIBERA , non ultra parva quam nocte , juvenus,
 » Consulite extremis angusto in tempore rebus.
 » Vita brevis nulli superest , qui tempus in illa
 » Quærendæ sibi mortis habet : nec gloria lethi
 » Inferior , juvenes , admoto occurrere fato.
 » Omnibus incerto venturæ tempore vitæ
 » Par animi laus est , & quos speraveris annos
 » Perdere , & extremæ momentum abrumpere lucis,
 » Arceffas dum fata manu. Non cogitur ullus

» Velle mori. Fuga nulla patet : stant undique nostris
 » Intenti cives jugulis. Decernite lethum ,
 » Et metus omnis abest : cupias quodcumque necesse est.
 » Non tamen in cæca bellorum nube cadendum est ,
 » Ut quum permixtis acies sua tela tenebris
 » Involvunt. Conferta jacent quum corpora campo.
 » In medium mors omnis abit. Perit obruta virtus.
 » Nos in conspicua fociis , hostique carina
 » Constituere Dei. Præbebunt æquora testes ,
 » Præbebunt terræ , summis dabit insula faxis.
 » Spectabunt geminæ diverso e litore partes.
 » Nescio quod nostris magnum & memorabile fatis
 » Exemplum , Fortuna , paras. Quæcumque per ævum
 » Exhibuit monimenta fides , servataque ferro
 » Militiæ pietas , transibit nostra juvenus.
 » Namque suis pro te gladiis incumbere , Cæsar ,
 » Esse parum scimus : sed non majora supersunt
 » Obsessis , tanti quæ pignora demus amoris.
 » Abscidit nostræ multum fors invida laudi ,
 » Quod non cum senibus capti natisque tenemur.
 » Indomitos sciat esse viros , timeatque furentes ,
 » Et morti faciles animos : & gaudeat hostis
 » Non plures hæsisse rates. Tentare parabunt
 » Foederibus , turpique volent corrumpere vita.
 » O utinam , quo plus habeat mors unica famæ ,
 » Promittant veniam , jubeant sperare salutem :
 » Ne nos , quum calido fodiemus viscera ferro ,

„ Desperasse putent. Magna virtute merendum est ,
 „ Cæsar , ut , amissis inter tot millia paucis ,
 „ Hoc damnum , clademque voces. Dent fata recessum ,
 „ Emittantque licet , vitare instantia nolim.
 „ Projeci vitam , comites , totusque futuræ
 „ Mortis agor stimulis : furor est. Agnoscere solis
 „ Permissum est , quos jam tangit vicinia fati :
 „ Victurosque Dei celant , ut vivere durent ,
 „ Felix esse mori ». Sic cunctas extulit ardor
 Nobilium mentes juvenum : quum sidera coeli ,
 Ante ducis voces , oculis humentibus omnes
 Aspicerent , flexoque Ursæ temone paverent ;
 Idem , quum fortes animos præcepta subissent ,
 Optavere diem. Nec segnis mergere ponto
 Tunc erat astra polus : nam sol Ledæa tenebat
 Sidera , vicino quum lux altissima Cancro est ;
 Nox tum Theſſalicas urgebat parva sagittas.
 Detegit orta dies stantes in rupibus Iſtros ,
 Pugnacesque mari Graia cum classe Liburnos.
 Tentavere prius suspenſo vincere bello
 Fœderibus , fieret captis si dulcior ipsa
 Mortis vita mora. Stabat devota juvenus ,
 Damnata jam luce ferox , securaque pugna
 Promisso sibi fine manu ; nullique tumultus
 Excussere viris mentes ad summa paratas ;
 Innumerasque simul pauci terraque marique
 Sustinuere manus : tanta est fiducia mortis.

Utque satis bello visum est fluxisse cruoris,
 Versus ab hoste furor. Primus dux ipse carinæ
 Vultei jugulo poscens jam fata resecto,
 » ET QUIS, ait, juvenes, cujus sit dextra cruore
 » Digna meo, certa que fide per vulnera nostra
 » Testetur se velle mori »? Nec plura locuto
 Viscera non unus jamdudum transigit ensis.
 Collaudat cunctos: sed eum, cui vulnera prima
 Debebat, grato moriens interficit ictu.
 Concurrunt alii, totumque in partibus unis
 Bellorum fecere nefas. Sic semine Cadmi
 Emicuit Dircaæ cohors, ceciditque suorum
 Vulneribus dirum Thebanis fratribus omen:
 Phasidos & campis infomni dente creati
 Terrigenæ, missa magicis e cantibus ira,
 Cognato tantos impleverunt sanguine fulcos;
 Ipsaque, inexpertis quod primum fecerat herbis;
 Expavit Medea nefas. Sic mutua pacti
 Fata cadunt juvenes: minimumque in morte virorum
 Mors virtutis habet: pariter sternuntque, caduntque
 Vulnere lethali; nec quemquam dextra fefellit,
 Quum feriat moriente manu. Nec vulnus adactis
 Debetur gladiis: percussum est pectore ferrum,
 Et jugulis pressere manum. Quum sorte cruenta
 Fratribus incurrant fratres, natusque parenti,
 Haud trepidante tamen toto cum pondere dextra
 Exegere enses. Pietas ferientibus una,

Non repetisse , fuit. Jam latis viscera lapsa
Semianimes traxere foris , multumque cruoris
Infudere mari. Despectam cernere lucem ,
Victoresque suos vultu spectare superbo ,
Et mortem sentire juvat. Jam strage cruenta
Conspicitur cumulata ratis ; bustisque remittunt
Corpora victores , ducibus mirantibus , ulli
Esse ducem tanti. Nullam majore locuta est
Ore ratem , totum discurrens fama per orbem.
Non tamen ignavæ post hæc exempla virorum
Percipient gentes , quam sit non ardua virtus
Servitium fugisse manu : sed regna timentur
Ob ferrum , & sævis libertas uritur armis ;
Ignoratque datos , ne quisquam serviat , enses.
Mors , utinam pavidos vitæ subducere nolles !
Sed virtus te sola daret. Non segnior illo
Marte fuit , qui tunc Libycis exarsit in arvis.
Namque rates audax Lilybæo litore solvit
Curio : nec forti velis aquilone recepto
Inter semirutas magnæ Carthaginis arces ,
Et Clupear , tenuit stationis litora notæ ;
Primaque castra locat cano procul æquore , qua se
Bagrada lentus agit , siccæ fulcator arenæ.
Inde petit tumulos , exesasque undique rupes ,
Antæi quæ regna vocat non vana vetustas.
Nominis antiqui cupientem noscere causas ,
Cognita per multos docuit rudis incola patres.

» *NONDUM* post genitos Tellus effœta gigantas ,
 » *Terribilem* Libycis partum concepit in antris.
 » *Nec* tam iusta fuit terrarum gloria Typhon ,
 » *Aut* Tityos , Briareusque ferox : cœloque pepercit ,
 » *Quod* non Phlegræis Antæum sustulit arvis.
 » *Hoc* quoque tam vastas cumulavit munere vires
 » *Terra* sui fœtus , quod , quum tetigere parentem ,
 » *Jam* defecta vigent , renovato robore , membra.
 » *Hæc* illi spelunca domus ; latuisse sub alta
 » *Rupe* ferunt , epulas raptos habuisse leones.
 » *Ad* somnos non terga feræ præbere cubile
 » *Affuerunt* , non silva torum ; viresque resumit
 » *In* nuda tellure jacens. Periere coloni
 » *Arvorum* Libyes ; pereunt , quos appulit æquor ,
 » *Auxilioque* diu virtus non usa cadendi ,
 » *Terræ* spernit opes : invictus robore cunctis ,
 » *Quamvis* staret , erat. Tandem vulgata cruenti
 » *Fama* mali , terras monstris æquorque levantem ,
 » *Magnanimum* Alciden Libycas excivit in oras.
 » *Ille* Cleonæi projecit terga leonis ,
 » *Antæus* Libyci. Perfudit membra liquore
 » *Hospes* , Olympiæ servato more palæstræ ;
 » *Ille* parum fidens pedibus contingere matrem ,
 » *Auxilium* membris calidas infundit arenas.
 » *Conseruere* manus , & multo brachia nexu.
 » *Colla* diu gravibus frustra tentata lacertis ,
 » *Immotumque* caput fixa cum fronte tenetur.

114 PHARSALIA.

„ Miranturque habuisse parem. Nec viribus uti
 „ Alcides primo voluit certamine totis ;
 „ Exhaustique virum : quod creber anhelitus illi
 „ Prodidit , & gelidus fesso de corpore sudor.
 „ Tunc cervix lassata quati : tunc pectore pectus
 „ Urgeri : tunc obliqua percussa labare
 „ Crura manu. Jam terga viri cedentia victor
 „ Alligat , & medium compressis ilibus arctat :
 „ Inguinaque insertis pedibus distendit , & omnem
 „ Explicuit per membra virum. Rapit arida tellus
 „ Sudorem : calido complentur sanguine venæ.
 „ Intumueret tori , totosque induruit artus ,
 „ Herculeosque novo laxavit corpore nodos.
 „ Constatit Alcides stupefactus robore tanto :
 „ Nec sic Inachiis , quamvis rudis esset , in undis
 „ Defectam timuit , reparatis anguibus , hydram.
 „ Confluxere pares , telluris viribus ille ,
 „ Ille suis. Nunquam sævæ sperare novercæ
 „ Plus licuit ; videt exhaustos sudoribus artus ,
 „ Cervicemque viri siccam, quum ferret Olympum.
 „ Utque iterum fessis injecit brachia membris ,
 „ Non expectatis Antæus viribus hostis ,
 „ Sponte cadit , majorque accepto robore surgit.
 „ Quisquis inest terris , in fessos spiritus artus
 „ Egeritur ; tellusque viro luctante laborat.
 „ Ut tandem auxilium tactæ prodesse parentis
 „ Alcides sensit , *STANDUM est tibi* , dixit , & *ultra*

» Non credere solo , sternique vetabere terra :
 » Harebis pressis intra mea pectora membris :
 » Huc , Antæ , cades. Sic fatus , sustulit alte
 » Nitentem in terras juvenem. Morientis in artus
 » Non potuit nati Tellus permittere vires.
 » Alcides medium tenuit. Jam pectora pigro
 » Stricta gelu , terrisque diu non credidit hostem.
 » Hinc , ævi veteris custos , famosa vetustas ,
 » Miratrixque sui signavit nomine terras.
 » Sed majora dedit cognomina collibus istis ,
 » Poenum qui Latiis revocavit ab arcibus hostem ,
 » Scipio. Nam fedes Libyca tellure potito
 » Hæc fuit. En veteris cernis vestigia valli.
 » Romana hos primum tenuit victoria campos.

Curio lætatus , tanquam fortuna locorum
 Bella gerat , fervetque ducum sibi fata priorum ,
 Felici non fausta loco tentoria ponens ,
 Indulset castris , & collibus abstulit omen ,
 Sollicitatque feros non æquis viribus hostes.
 Omnis Romanis quæ cesserat Africa signis ,
 Tunc Vari sub jure fuit ; qui robore quanquam
 Confusus Latio , regis tamen undique vires
 Excivit Libyæ gentes , extremaque mundi
 Signa suum comitata Jubam. Non fusior ulli
 Terra fuit domino : qua sunt longissima regna ,
 Cardine ab occiduo vicinus Gadibus Atlas
 Terminat ; a medio confinis Syrtibus Ammon :

At qua lata jacet, vasti plaga fervida regni
 Distinet Oceanum, zonæque exusta calentis
 Sufficiunt spatio. Populi tot castra sequuntur,
 Autololes, Numidæque vagi, semperque paratus
 Inculto Gætulus equo; tum concolor Indo
 Maurus, inops Nasamon, mixti Garamante perusto
 Marmaridæ volucres, æquaturusque sagittas
 Medorum, tremulum quum torfit missile, Mazax;
 Et gens, quæ nudo residens Massylia dorso
 Ora levi flectit frenorum nescia virga;
 Et solitus vacuis errare mapalibus Afer
 Venator, ferrique simul fiducia non est,
 Vestibus iratos laxis operire leones.

Nec solum studiis civilibus arma parabat,
 Privatae sed bella dabat Juba concitus iræ.
 Hunc quoque, quo superos humanaque polluit, anno,
 Lege Tribunitia folio depellere avorum
 Curio tentarat, Libyamque auferre tyranno,
 Dum regnum te, Roma, facit. Memor ille doloris
 Hoc bellum sceptri fructum putat esse retenti.
 Hac igitur regis trepidat jam Curio fama,
 Et quod Cæsareis nunquam devota juvenus
 Illa nimis castris, nec Rheni miles in undis
 Exploratus erat, Corfini captus in arce,
 Infidusque novis ducibus, dubiusque priori,
 Fas utrumque putat. Sed postquam languida segni
 Cernit cuncta metu, nocturnaue munia valli

Desolata fuga , trepida sic mente profatur :
 „ AUDENDO magnus tegitur timor. Arma capeffam
 „ Ipse prior. Campum miles descendat in æquum ,
 „ Dum meus est. Variam semper dant otia mentem.
 „ Eripe confilium pugna. Quum dira voluntas
 „ Ense fubit preffo , galeæ texere pudorem ,
 „ Quis conferre duces meminit ? quis pendere caufas ?
 „ Qua ftegit , inde favet : veluti fatalis arenæ
 „ Muneribus non ira vetus concurrere cogit
 „ Productos ; odere pares ». Sic fatus , apertis
 Inffruxit campis acies : quem blanda futuris
 Deceptura malis belli fortuna recepit ;
 Nam pepulit Varum campo , nudataque foeda
 Terga fuga , donec vetuerunt caffra , cecidit.
 Triffia fed poftquam fuperati proelia Vari
 Sunt audita Jubæ ; lætus quod gloria belli
 Sit rebus fervata fuis , rapit agmina furtim ,
 Obscuratque fuam per juffa fientia fantam ;
 Hoc folum metuens incautus ab hofte timeri.
 Mittitur , exigua qui proelia prima laceffat ,
 Eliciatque manu , Numidis a rege fecundus ,
 Ut fibi commiffi ffimulator Sabbura belli :
 Ipfe cava regni vires in valle retentat.
 Affidas ut Pharias cauda folertior hoftris
 Ludit , & iratas incerta provocat umbra ;
 Obliquusque caput vanas ferpentis in auras
 Effuffæ tuto comprehendit guttura morfu ,

Lethiferam citra faniem : tunc irrita pestis
Exprimitur , faucesque fluunt , pereunte veneno.
Fraudibus eventum dederat fortuna : feroxque
Non exploratis occulti viribus hostis ,
Curio nocturnum castris erumpere cogit ,
Ignotisque equitem late discurrere campis.
Ipse sub Auroræ primos excedere motus
Signa jubet castris , multum , frustra que rogatus
Ut Libycas metuat fraudes , infectaque semper
Punica bella dolis. Lethi fortuna propinqui
Tradiderat fatis juvenem : bellumque trahebat
Auctorem civile suum. Super ardua ducit
Saxa , super cautes abrupto limite signa.
Quum procul e summis conspecti collibus hostes
Fraude sua cessere parum , dum colle relicto
Effusam patulis aciem committeret arvis.
Ille fugam credens , simulatæ nescius artis ,
Ut victor , medios aciem projecit in agros.
Tunc primum patuere doli , Numidæque fugaces
Undique completis clauferunt montibus agmen.
Obstupuit dux ipse simul , perituraque turba.
Non timidi petiere fugam , non proelia fortes :
Quippe ubi non sonipes motus clangore tubarum
Saxa quatit pulsu , rigidos vexantia frenos
Ora terens , spargitque jubar , & surrigit aures ,
Incertoque pedum pugnat non stare tumultu.
Fessa jacet cervix ; fumant sudoribus armi ;

Oraque projecta squalent arentia lingua :
 Pectora rauca gemunt , quæ creber anhelitus urget ;
 Et defecta gravis longe trahit ilia pulsus ;
 Siccaque sanguineis durefcit spuma lupatis .
 Jamque gradum neque verberibus , stimulisque coacti ,
 Nec , quamvis crebris jussi calcaribus , addunt :
 Vulneribus coguntur equi ; nec profuit ulli
 Cornipedis rupisse moras ; neque enim imperus illis
 Incurfusque fuit : tantum profertur ad hostes ,
 Et spatium jaculis oblato vulnere donat .
 At vagus Afer equos ut primum emisit in agmen ,
 Tunc campi tremuere sono ; terraque soluta ,
 Quantus Bistonio torquetur turbine pulvis ,
 Aëra nube sua textit , traxitque tenebras .
 Ut vero in pedites fatum miserabile belli
 Incubuit , nullo dubii discrimine Martis
 Ancipites steterunt casus ; sed tempora pugnae
 Mors tenuit . Neque enim licuit procurrere contra ,
 Et miscere manus . Sic undique septa Juventus
 Cominus obliquis , & rectis eminus hastis
 Obruitur : non vulneribus ; nec sanguine , solum
 Telorum nimbo peritura , & pondere ferri .
 Ergo acies tantæ parvum spissantur in orbem :
 Ac , si quis metuens medium correpsit in agmen ,
 Vix impune suos inter convertitur enses .
 Densaturque globus , quantum pede prima relato
 Constrinxit gyros acies . Non arma movendi

Jam locus est pressis : stipataque membra teruntur.
 Frangitur armatum colliso pectore pectus.
 Non tam læta tulit victor spectacula Maurus ,
 Quam fortuna dabat : fluvios non ille cruoris ,
 Membrorumque videt lapsum , & ferientia terram
 Corpora : compressum turba stetit omne cadaver.

Excitet invisas diræ Carthaginis umbras
 Inferiis fortuna novis : ferat ista cruentus
 Annibal , & Pœni tam dira piacula manes.
 Romanam , Superi , Libyca tellure ruinam
 Pompeio prodesse nefas , votisque Senatus.
 Africa nos potius vincat sibi. Curio fufas
 Ut vidit campis acies , & cernere tantas
 Permisit clades compressus sanguine pulvis ,
 Non tulit afflicti animam producere rebus ,
 Aut sperare fugam : ceciditque in strage suorum
 Impiger ad lethum , & fortis virtute coacta.

Quid nunc rostra tibi profunt turbata , forumque,
 Unde Tribunitia plebeius signifer arce
 Arma dabas populis ? quid prodita jura Senatus ,
 Et gener , atque focer bello concurrere jussi ?
 Ante jaces , quam dira duces Pharsalia confert ,
 Spectandumque tibi bellum civile negatum est.
 Has Urbi miseræ vestro de sanguine pœnas
 Ferre datis : luitis jugulo sic arma , potentes.
 Felix Roma quidem , civesque habitura beatos ,
 Si libertatis superis tam cura placeret ,

Quam

Quam vindicta placet. Libycas en nobile corpus
 Pascit aves, nullo contestus Curio busto.
 At tibi nos (quando non proderit ista filere,
 A quibus omne ævi senium sua fama repellit,)
 Digna damus, juvenis, meritæ præconia vitæ.
 Haud alium tanta civem tulit indole Roma,
 Aut cui plus leges deberent recta sequenti.
 Perdita nunc Urbi nocuerunt secula, postquam
 Ambitus, & luxus, & opum metuenda facultas
 Transverso mentem dubiam torrente tulerunt.
 Momentumque fuit mutatus Curio rerum,
 Gallorum captus spoliis, & Cæsaris auro.
 Jus licet in jugulos nostros sibi fecerit ense,
 Sylla potens, Mariusque ferox, & Cinna cruentus,
 Cæsareæque domus series cui tanta potestas
 Concessa est; emere omnes, hic vendidit Urbem.




S U M M A R I U M

LIBRI QUINTI.

IN Epirum convocantur Senatores, de rebus præsentibus deliberaturi. Dux belli eligitur Pompeius. In reges & in populos merentes spargitur honor. Pro explorando belli civilis eventu Appius Delphicum consulit oraculum. Suis militibus Cæsar seditione agitatæ obviæ fit audax & intrepidus; minas jactat, & supplicio de contumacioribus sumto, cunctos in officium reducit. Exercitum ad naves cogendas Brundisium mittit, dum ipse sine milite repetit Romam, ubi ei contingunt consulatus honores. Revertitur Brundisium: ibi collectâ classe, copiarum partem in naves conscendere jubet, etsi procellosum cælum mala prænuntiat. In Epirum appellit. Stant in conspectu ambo exercitus. Cæsar moræ impatiens, dum tardat Antonius reliquas adducere copias, per noctem solus, ut se duce festinent iter, se credit cymbæ exiguæ; quæ, irato mari diu vexata,

*randem in Epiri litus revehit incolu-
mem. Temerariam virtutem ducis milites
blandè accusant. Venit cum classe An-
tonius. Ubi jam instat pugnae discrimen,
Corneliam uxorem Pompeius Lesbum se-
cedere jubet. Animi affectus varii quos
tunc sibi invicem proferunt.*





LIBER QUINTUS.

SIC alterna duces bellorum vulnera passos
In Macedûm terras , miscens adversa secundis ,
Servavit fortuna pares. Jam sparferat Hæmo
Bruma nives , gelidoque cadens Atlantis Olympo :
Instabatque dies , qui dat nova nomina fastis ,
Quique colit primus ducentem tempora Janum.
Dum tamen emeriti remanet pars ultima juris ,
Consul uterque vagos belli per munia Patres
Elicit Epirum. Peregrina ac sordida sedes
Romanos cepit proceres ; secretaque rerum
Hospes in externis audivit curia tectis :
Nam quis castra vocet tot strictas jure secures ;
Tot fasces ? docuit populos venerabilis ordo
Non Magni partes , sed Magnum in partibus esse.
Ut primum moestum tenuere silentia cœtum ,
Lentulus è celsa sublimis sede profatur.
» **INDOLE** si dignum Latia , si sanguine prisco
» Robur inest animis ; non , qua tellure coacti ,
» Quamque procul tectis captæ sedeamus ab urbis ,
» Cernite : sed vestræ faciem cognoscite turbæ :
» Cunctaque jussuri primum hoc decernite , Patres ,
» Quod regnis, populisque liquet, nos esse Senatum.
» Nam, vel Hyperboreæ plaustrum glaciale sub Ursæ.
» Vel plaga qua torrens , claususque vaporibus axis
» Nec patitur noctes , nec iniquos crescere soles ,

„ Si fortuna ferat , rerum nos summa sequetur ,
 „ Imperiumque comes. Tarpeia sede perusta
 „ Gallorum facibus , Veiosque habitante Camillo ,
 „ Illic Roma fuit. Non unquam perdidit ordo
 „ Mutato sua jura solo. Moerentia tecta
 „ Cæsar habet , vacuasque domos , legesque silentes ,
 „ Clausaque justitio tristi fora. Curia solos
 „ Illa videt Patres , plena quos urbe fugavit.
 „ Ordine de tanto quisquis non exulat , hic est.
 „ Ignaros scelerum , longaue in pace quietos
 „ Bellorum primus sparsit furor : omnia rursus
 „ Membra loco redeunt. En totis viribus orbis
 „ Hesperiam pensant superi : jacet hostis in undis
 „ Obrutus Illyricis ; Libyæ squalentibus arvis
 „ Curio Cæsarei cecidit pars magna Senatûs.
 „ Tollite signa duces : fatorum impellite cursum :
 „ Spem vestram præstare Deis : fortunaque tantos
 „ Det vobis animos , quantos fugientibus hostem
 „ Causa dabat. Nostrum exacto jus clauditur anno ;
 „ Vos quorum finem non est sensura potestas ,
 „ Consulite in medium Patres , Magnumque jubete
 „ Esse ducem ». Læto nomen clamore Senatus
 Excipit ; & Magno fatum patriæque , suumque
 Imposuit. Tunc in reges , populosque merentes
 Sparsus honos ; pelagique potens Phoebeia donis
 Exornata Rhodos , gelidique inculta juvenus
 Taygeti : fama veteres laudantur Athenæ :

Massiliæque suæ donatur libera Phocis.
 Tunc Sadalen, fortemque Cotyn, fidumque per arma
 Deiotarum, & gelidæ dominum Rhascupolin oræ
 Collaudant : Libyamque jubent, auctore Senatu
 Sceptrifero parere Jubæ. Proh tristia fata !
 Et tibi, non fidæ gentis dignissime regno,
 Fortunæ, Ptolemæe, pudor, crimenque Deorum,
 Cingere Pellæo pressos diademate crines
 Permissum : sævum in populos, puer, accipis ensen :
 Atque utinam in populos ! Donata est regia Lagi ;
 Accessit Magni jugulus : regnumque forori
 Ereptum est, foceroque nefas. Jam turba soluto
 Arma petit coetu : quæ quum populique, ducesque
 Casibus incertis, & cæca forte parent,
 Solus in ancipites metuit descendere Martis
 Appius eventus ; finemque expromere rerum
 Sollicitat superos, multosque obducta per annos
 Delphica fatidici referat penetralia Phœbi.

Hesperio tantum, quantum semotus Eoo
 Cardine, Parnassus gemino petit æthera colle,
 Mons Phœbo, Bromioque sacer, cui numine mixto
 Delphica Thebanæ referunt trieterica Bacchæ.
 Hoc solum, fluctu terras mergente, cacumen
 Eminuit, pontoque fuit discrimen, & astris.
 Tu quoque vix summam seductus ab æquore rupem
 Extuleras, unoque jugo, Parnasse, latebas.
 Ultor ibi expulsæ premeret quum viscera partus

Matris , adhuc rudibus Pæan Pythona sagittis
 Explicuit , quum regna Themis , tripodasque teneret.
 Ut vidit Pæan vastos telluris hiatus
 Divinam spirare fidem , ventosque loquaces
 Exhalare solum , sacris se condidit antris ,
 Incubuitque adyto , vates ibi factus , Apollo.
 Quis latet hic superùm ? quod numen ab æthere pressum
 Dignatur cæcas inclusum habitare cavernas ?
 Quis terram cœli patitur Deus , omnia cursus
 Æterni secreta tenens , mundique futuri
 Conscius , ac populis sese proferre paratus ,
 Contactumque ferens hominis ; magnusque , potensque ,
 Siue canit fatum , seu quod jubet ipse canendo
 Fit fatum ? Forfan terris inserta regendis ,
 Aëre libratum vacuo quæ sustinet orbem ,
 Totius pars magna Jovis Cirrhæa per antra
 Exit , & ætherio trahitur connexa Tonanti.
 Hoc ubi virgineo conceptum est pectore numen ,
 Humanam feriens animam sonat , oraque vatis
 Solvit , ceu Siculo flammis urgentibus Ætnam
 Undat apex ; Campana fremens ceu saxa vaporat
 Conditus Inarimes æterna mole Typhœus.
 Hoc tamen expositum cunctis , nullique negatum
 Numen , ab humani solum se labe furoris
 Vindicat. Haud illic tacito mala vota susurro
 Concipiunt , nam fixa canens , mutandaque nulli ,
 Mortales optare vetat : justisque benignus

Sæpe dedit sedem totas mutantibus urbes ;
 Ut Tyriis : dedit ille minas impellere belli ;
 Ut Salaminiacum meminit mare. Sustulit iras
 Telluris sterilis , monstrato fine : resolvit
 Aëra tabificum. Non ullo secula dono
 Nostra carent majore Deûm , quam Delphica sedes
 Quod filuit , postquam reges timuere futura ,
 Et superos vetuere loqui. Nec voce negata
 Cirrhææ moerent vates , templique fruuntur
 Justitio. Nam si qua Deus sub pectora venit ,
 Numinis aut poena est mors immatura recepti ,
 Aut pretium : quippe stimulo fluctuque furoris
 Compages humana labat , pulsusque Deorum
 Concutiunt fragiles animas. Sic tempore longo
 Immotos tripodas , vastæque silentia⁴ rupis
 Appius Hesperii scrutator ad ultima fati
 Sollicitat. Jussus sedes laxare verendas
 Antistes , pavidamque Deis immittere vatem ,
 Castalios circum latîces , nemorumque recessus
 Phemonoën errore vagam , curisque vacantem
 Corripuit , cogitque fores irrumpere templi.
 Limine terrifico metuens consistere Phœbas ,
 Absterrere ducem noscendi ardore futura
 Cassa fraude parat. » QUID spes , ait , improba veri
 » Te , Romane , trahit ? Muto Parnassus hiatu
 » Conticuit , pressitque Deum : seu spiritus istas
 » Destituit fauces , mundique in devia versum

» Duxit iter : seu barbarica quum lampade Python
 » Arsit , in immensas cineres abiere cavernas ,
 » Et Phœbi tenuere viam : seu sponte Deorum
 » Cirrha filet , farique sat est arcana futuri
 » Carmina longævæ , vobis commissa , Sibyllæ :
 » Seu Pæan solitus templis arcere nocentes ,
 » Ora quibus solvat nostro non invenit ævo » .
 Virginei patuere doli , fecitque , negatis
 Numinibus , metus ipse fidem . Tum torta priores
 Stringit vitta comas , crinesque in terga solutos
 Candida Phocæica complectitur infula lauro .
 Hærentem , dubiamque premens in templa sacerdos
 Impulit . Illa pavens adyti penetræ remoti
 Fatidicum , prima templorum in parte resistit :
 Atque Deum simulans , sub pectore ficta quieto
 Verba refert , nullo confusæ murmure vocis
 Instinctam sacro mentem testata furore ,
 Haud æque læsura ducem , cui falsa canebat ,
 Quam tripodas , Phœbique fidem . Non rupta trementi
 Verba sono , nec vox antri complere capacis
 Sufficiens spatium , nulloque horrore comarum
 Excussæ laurus , immotaque culmina templi ,
 Securumque nemus , veritam se credere Phœbo
 Prodiderant . Sensit tripodas cessare , furensque
 Appius : » ET NOBIS meritas dabis , impia , pœnas ,
 » Et superis , quos fingis , ait , nisi mergeris antris ,
 » Deque orbis trepidi tanto consulta tumultu

„Definis ipsa loqui». Tandem conterrita virgo
 Confugit ad tripodas, vastisque abducta cavernis.
 Hæsit, & insueto concepit pectore numen,
 Quod non exhaustæ per tot jam secula rupis
 Spiritus ingessit vati: tandemque potitus
 Pectore Cirrhæo, non unquam plenior artus
 Phœbados irrupit Pæan: mentemque priorem
 Expulit, atque hominem toto sibi cedere jussit
 Pectore. Bacchatur demens aliena per antrum
 Colla ferens, vittasque Dei, Phœbeaque ferta
 Erectis discussa comis, per inania templi
 Ancipiti cervice rotat, spargitque vaganti
 Obstantes tripodas, magnoque exæstuat igne,
 Iratum te, Phœbe, ferens: nec verberare solo
 Uteris, & stimulis: flammæ in viscera mergis.
 Accipit & frenos: nec tantum prodere vati,
 Quantum scire, licet. Venit ætas omnis in unam
 Congeriem: miserumque premunt tot secula pectus:
 Tanta patet rerum series, atque omne futurum
 Nititur in lucem: vocemque petentia fata
 Luctantur: non prima dies, non ultima mundi,
 Non modus Oceani, numerus non deerat arenæ.
 Talis in Euboïco vates Cumanæ recessu,
 Indignata suum multis servire furorem
 Gentibus, ex tanta fatorum strage superba
 Excerptis Romana manu: sic plena laborat
 Phemonœ Phœbo, dum te consultor operti:

Castalia tellure Dei vix invenit , Appi ,
 Inter fata diu quærens tam magna latentem.
 Spumea tunc primum rabies vefana per ora
 Effluit , & gemitus , & anhelio clara meatu
 Murmura : tunc mœstus vastis ululatus in antris ,
 Extremæque sonant domita jam virgine voces.
 » EFFUGIS ingentes , tanti discriminis expers ,
 » Bellorum , Romane , minas : solusque quietem
 » Euboïci vasta lateris convalle tenebis ».
 Cætera suppressit , faucesque obstruxit Apollo.
 Custodes tripodes fatorum , arcanæque mundi ,
 Tuque potens veri , Pæan , nullumque futuri
 A Superis celate diem , suprema ruentis
 Imperii , cæsosque duces , & funera regum ,
 Et tot in Hesperio collapsas sanguine gentes
 Cur aperire times ? An nondum numina tantum
 Decrevere nefas ? & adhuc dubitantibus astris
 Pompeii damnare caput , tot fata tenentur ?
 Vindicis an gladii facinus , pœnasque furorum ;
 Regnaque ad ultores iterum redeuntia Brutos ,
 Ut peragat fortuna , taces ? Tunc pectore vatis
 Impulsæ cessere fores , exclusæque templis.
 Profiluit : perstat rabies , nec cuncta locutæ.
 Quem non emisit , superest Deus. Ille feroces
 Torquet adhuc oculos , totoque vagantia cœlo
 Lumina : nunc vultu pavido , nunc torva minaci ,
 Stat nunquam facies : rubor igneus inficit ora ,

Liventesque genas : nec , qui solet esse timentis ,
 Terribilis sed pallor inest : nec fessa quiescunt
 Corda : sed ut tumidus Boreæ post flamina pontus
 Rauca gemit ; sic multa levant suspiria vatem.
 Dumque a luce sacra , qua vidit fata , refertur
 Ad vulgare jubar , mediæ venere tenebræ.
 Immisit Stygiam Pæan in viscera Lethen ,
 Quæ raperet secreta Deum. Tum pectore verum
 Fugit , & ad Phœbi tripodas rediere futura :
 Vixque resecta cadit. Nec te vicinia lethi
 Territat ambiguis frustratum fortibus , Appi :
 Jure sed incerto mundi , subsidere regnum
 Chalcidos Euboicæ , vana spe rapte , parabas.
 Heu demens , nullum belli sentire fragorem ,
 Tot mundi caruisse malis , præstare Deorum ,
 Excepta quis Morte , potest ! Secreta tenebis
 Litoris Euboici , memorando condite busto ,
 Qua maris angustat fauces saxosa Carystos ,
 Et tumidis infecta colit qua numina Rhamnus ;
 Arctatus rapido fervet qua gurgite pontus ,
 Euripusque trahit , cursum mutantibus undis ,
 Chalcidicas puppes ad iniquam classibus Aulin.

Interea domitis Cæsar remeabat Iberis ,
 Victrices aquilas alium laturus in orbem :
 Quum prope fatorum tantos per prospera cursus
 Avertère Dei. Nullo nam Marte subactus
 Intra castrorum timuit tentoria ductor .

Perdere successus scelerum : quum pæne fideles
 Per tot bella manus fatiatæ sanguine tandem
 Destituère ducem ; seu mœsto classica paulum
 Intermissa sono , claususque , & frigidus ensis ,
 Expulerat belli furias : seu , præmia miles
 Dum majora petit , damnat causamque , ducemque ,
 Et scelere imbutos etiam nunc venditat enses.
 Haud magis expertus discrimine Cæsar in ullo est ,
 Quam non e stabili , tremulo sed culmine cuncta
 Despiceret , staretque super titubantia fultus.
 Tot raptis truncus manibus , gladioque relictus
 Pæne suo , qui tot gentes in bella trahebat ,
 Scit non esse ducis strictos , sed militis , enses.
 Non pavidum jam murmur erat , nec pectore tecto
 Ira latens : nam quæ dubias constringere mentes
 Causa solet , dum quisque pavet , quibus ipse timor est ,
 Seque putat solum regnorum injusta gravari ,
 Haud retinet. Quippe ipsa metus exsolverat audax
 Turba suos. Quidquid multis peccatur , inultum est.
 Effudere minas : » LICEAT discedere , Cæsar ,
 » A rabie scelerum. Quæris terraque marique
 » His ferrum jugulis , animasque effundere viles
 » Quolibet hoste paras. Partem tibi Gallia nostri
 » Eripuit : partem duris Hispania bellis :
 » Pars jacet Hesperia : totoque exercitus orbe
 » Te vincente perit. Terris fudisse cruorem
 » Quid juvat Arctoïis , Rhodano , Rhenoque subactis ?

- » Tot mihi pro bellis bellum civile dedisti.
 » Cepimus expulso patriæ quum tecta Senatu,
 » Quos hominum, vel quos licuit spoliare Deorum ?
 » Imus in omne nefas, manibus, ferroque nocentes,
 » Paupertate pii. Finis quis quæritur armis ?
 » Quid satis est, si Roma parum ? Jam respice canos,
 » Invalidasque manus, & inanes cerne lacertos.
 » Usus abit vitæ : bellis consumsimus ævum.
 » Ad mortem dimitte senes. En improba vota :
 » Non duro liceat morientia cespite membra
 » Ponere, non anima glebam fugiente ferire,
 » Atque oculos morti clausuram quærere dextram,
 » Conjugis illabi lacrymis, unique paratum
 » Scire rogum. Liceat morbis finire senectam.
 » Sit præter gladios aliquod sub Cæsare fatum.
 » Quid, velut ignaros ad quæ portenta paremur,
 » Spe trahis ? Usque adeo soli civilibus armis
 » Nescimus cuius sceleris sit maxima merces ?
 » Nil actum est bellis, si nondum comperit istas
 » Omnia posse manus. Nec fas, nec vincula juris
 » Hoc audere vetant. Rheni mihi Cæsar in undis
 » Dux erat, hic socius. Facimus quos inquinat, æquat.
 » Adde, quod ingrato meritum iudice virtus
 » Nostra perit. Quidquid gerimus, fortuna vocatur.
 » Nos fatum sciat esse suum. Licet omne Deorum
 » Obsequium speres, irato milite, Cæsar,
 » Pax erit ». Hæc fatus, totis discurrere castris

Cœperat, infestoque ducem deposcere vultu.
 Sic erat, o Superi, quando pietasque, fidesque
 Destituunt, moresque malos sperare relictum est,
 Finem civili faciat discordia bello.

Quem non ille ducem potuit terrere tumultus?
 Fata sed in præceps solitus demittere Cæsar,
 Fortunamque suam per summa pericula gaudens
 Exercere, venit: nec, dum defæviat ira,
 Exspectat: medios properat tentare furores.
 Non illis urbes, spoliandaque templa negasset,
 Tarpeiamque Jovis sedem, matresque Senatus,
 Passurasque infanda nurus. Vult omnia certe
 A se sæva peti, vult præmia Martis amari:
 Militis indomiti tantum mens sana timetur.
 Non pudet, heu! Cæsar, soli tibi bella placere
 Jam manibus damnata tuis? Hos ante pigebit
 Sanguinis? His ferri grave jus erit? Ipse per omne
 Fasque nefasque rues? Lassare, & disce sine armis
 Posse pati: liceat scelerum tibi ponere finem.
 Sæve quid insequeris? quid jam nolentibus instas?
 Bellum te civile fugit. Stetit aggere fultus.
 Cespitis, intrepidus vultu, meruitque timeri
 Non metuens: atque hæc, ira dictante, profatur.
 » QUI modo in absentem vultu, dextraque furebas,
 » Miles, habes nudum, promptumque ad vulnera pectus.
 » Hic, fuge, si belli finis placet, ense relicto.
 » Detegit imbelles animos nil fortiter ausa.

- » Seditio , tantumque fugam meditata juvenus ;
 » Ac ducis invicti rebus lassata secundis.
 » Vadite , meque meis ad bella relinquire fatis :
 » Invenient hæc arma manus , vobisque repulsis
 » Tot reddet Fortuna viros , quot tela vacabunt.
 » Anne , fugam Magni tanta quum classe sequuntur
 » Hesperiae gentes , nobis victoria turbam
 » Non dabit , impulsi tantum quæ præmia belli
 » Auferat , & vestri rapta mercede laboris ,
 » Lauriferos nullo comitetur vulnere currus ?
 » Vos despecta , senex , exhaustaque sanguine turba
 » Cernetis nostros , jam plebs Romana , triumphos.
 » Cæsaris an cursus vestrae sentire putatis
 » Damnum posse fugæ ? Veluti si cuncta minentur
 » Flumina , quos miscent pelago , subducere fontes,
 » Non magis ablatis unquam decresceret æquor ,
 » Quam nunc crescit , aquis : an vos momenta putatis
 » Ulla dedisse mihi ? nunquam sic cura Deorum
 » Se premit , ut vestrae morti , vestraeque saluti
 » Fata vacent. Procerum motus hæc cuncta sequuntur.
 » Humanum paucis vivit genus. Orbis Iberi
 » Horror , & Arctoi , nostro sub nomine miles ,
 » Pompeio certe fugeres duce. Fortis in armis
 » Cæsareis Labienus erat ; nunc transfuga vilis
 » Cum duce prælato terras , atque æquora lustrat.
 » Nec melior mihi vestra fides , si bella nec hoste,
 » Nec duce me , gemitis. Quisquis mea signa relinquit ,

» Nec Pompeianis tradit sua partibus arma ,
 » Hic nunquam vult esse meus. Sunt ista profecto
 » Curæ castra Deis , qui me committere tantis ,
 » Non nisi mutato voluerunt milite , bellis.
 » Heu , quantum Fortuna humeris jam pondere fessis
 » Amolitur onus ! Sperantes omnia dextras
 » Exarmare datur , quibus hic non sufficit orbis.
 » Jam certe mihi bella geram : discedite castris ,
 » Tradite nostra viris , ignavi , signa , Quirites.
 » At paucos , quibus hæc rabies auctoribus arsit ,
 » Non Cæsar , sed poena tenet. Procumbite terræ ,
 » Infidumque caput , feriendaque tendite colla. .
 » Et tu , quo solo stabunt jam robore castra ,
 » Tiro rudis , specta poenas & disce ferire ,
 » Disce mori ». Tremuit sæva sub voce minantis
 Vulgus iners : unumque caput , tam magna juvenus
 Privatum factura timet ; velut ensibus ipsis
 Imperet , invito moturus milite ferrum.
 Ipse pavet , ne tela sibi dextræque negentur
 Ad scelus hoc Cæsar : vicit patientia sævi
 Spem ducis , & jugulos , non tantum præstitit enses.
 Nil magis , adfuetas sceleri quam perdere mentes ,
 Atque perire timet. Tam diri foederis ictu
 Parta quies , poenæque redit placata juvenus.
 Brundisium decimis jubet hanc attingere castris ;
 Et cunctas revocare rates , quas avius Hydrus ,
 Antiquusque Taras , secretaque litora Leucæ ,

Quas recipit Salapina palus, & subdita Sipus
 Montibus : Ausoniam qua torquens frugifer oram,
 Dalmatico Boreæ, Calabroque obnoxius Austro,
 Appulus Adriacas exit Garganus in undas.

Ipse petit trepidam tutus sine milite Romam,
 Jam doctam servire togæ : populoque precanti
 Scilicet indulgens, summum Dictator honorem
 Contigit, & lætos fecit, se Consule, fastos.

Namque omnes voces, per quas jam tempore tanto
 Mentitur dominos, hæc primum repperit ætas,
 Qua sibi ne ferri jus ullum Cæsar abesset,
 Ausonias voluit gladiis miscere secures.

Addidit & fasces aquilis, & nomen inane
 Imperii rapiens, signavit tempora digna
 Mœsta nota. Nam quo melius Pharsalicus annus
 Consule notus erit? Fingit solemnia campus:

Et non admittæ dirimit suffragia plebis,
 Decantatque tribus, & vana versat in urna.
 Nec coelum servare licet: tonat augure furdo,
 Et lætæ jurantur aves, bubone sinistro.

Inde perit primum quondam veneranda potestas,
 Juris inops: careat tantum ne nomine tempus,
 Menstruus in fastos distinguit secula Consul.

Nec non Iliacæ numen quod præsidet Albæ,
 Haud meritum Latio solemnia sacra subacta,
 Vidit flammifera confectas nocte Latinas.

Inde rapit cursus, &, quæ piger Appulus arva

Deferuit rastris , & inertis tradidit herbæ ,
 Ocior & coeli flammis , & tigride foeta ,
 Transcurrit : curvique tenens Minoïa tecta
 Brundusii , clausas ventis brumalibus undas.
 Invenit , & pavidas hiberno fidere classes.
 Turpe duci visum est rapiendi tempora belli
 In segnes hæsisse moras , portuque teneri ,
 Quum pateat tutum vel non felicibus æquor.
 Expertes animos pelagi sic robore complet :
 » FORTIUS hiberni flatus , coelumque fretumque
 » Quum coepere , tenent , quam quos incumbere certos
 » Perfida nubiferi vetat inconstantia veris.
 » Nec maris anfractus , lustrandaque litora nobis ,
 » Sed recti fluctus , soloque Aquilone secandi.
 » Hic utinam summi curvet carchesia mali ,
 » Incumbatque furens , & Graia ad moenia perflet ,
 » Ne Pompeiani Phæacum e litore toto
 » Languida jactatis comprehendant carbasa remis !
 » Rumpite , quæ retinent felices vincula proras.
 » Jamdudum nubes , & sævas perdimus undas » .

Sidera prima poli , Phoebo labente sub undas ,
 Exierant , & Luna suas jam fecerat umbras ;
 Quum pariter solvère rates , totosque rudentes
 Laxavere sinus : & flexo navita cornu
 Obliquat lævo pede carbasa , summaque pandens
 Suppara velorum perituras colligit auras.
 Ut primum levior propellere lintea ventus

Incipit , exiguumque tument ; mox reddita malo
In mediam cecidere ratem : terraque relicta
Non valet ipsa sequi puppes , quæ vexerat , aura.
Æquora lenta jacent , alto torpore ligata.
Pigrius immotis hæfere paludibus undæ.
Sic stat iners Scythicas astringens Bosporos undas ;
Quum , glacie retinente , fretum non impulit Ister ,
Immensumque gelu tegitur mare : comprimit unda,
Deprendit quascumque , rates : nec pervia velis
Æquora frangit eques , fluctûque latente sonantem
Orbita migrantis scindit Mæotida Bessi.
Sæva quies pelagi , mœstoque ignava profundo
Stagna jacentis aquæ , veluti deserta rigente
Æquora natura cessant : pontusque , vetustas
Oblitus fervare vices , non comseat æstu ,
Non horrore tremit : non Solis imagine vibrat.
Casibus innumeris fixæ patuere carinæ.
Illinc infestæ classes , & inertia tonsis
Æquora moturæ ; gravis hinc languore profundi
Obsessis ventura fames. Nova vota timori
Sunt inventa novo , fluctus , nimiasque precari
Ventorum vires , dum se torpentibus unda
Excutiat stagnis , & sit mare. Nubila nusquam ,
Undarumque minæ : cœlo languente , fretoque
Naufragii spes omnis abit. Sed nocte fugata :
Læsum nube dies jubar extulit , imaque sensim
Concussit pelagi , movitque Ceraunia nautis.

Inde rapi cœpere rates , atque æquora classem
 Curva sequi , quæ jam vento , fluctuque secundo
 Lapfa Palæstinas uncis confixit arenas.
 Prima duces vidit junctis consistere castris
 Tellus , quam volucer Genusus , quam mollior Apfus
 Circumeunt ripis. Apso gestare carinas
 Causa palus , leni quam fallens egerit unda.
 At Genusum nunc sole nives , nunc imbre solutæ
 Præcipitant : neuter longo se gurgite lassat ,
 Sed minimum terræ , vicino litore , novit.
 Hoc fortuna loco tantæ duo nomina famæ
 Composuit : miserique fuit spes irrita mundi ,
 Posse duces , parva campi statione diremtos ,
 Admotum damnare nefas : nam cernere vultus ,
 Et voces audire datur ; multosque per annos
 Dilectus tibi , Magne , socer , post pignora tanta ,
 Sanguinis infausti sobolem , mortemque nepotis ,
 Te nisi Niliaca propius non vidit arena.

Cæsaris attonitam miscenda ad proelia mentem
 Ferre moras scelerum partes jussere relictæ.
 Ductor erat cunctis audax Antonius armis ,
 Jam tum civili meditatus Leucada bello.
 Illum sæpe minis Cæsar , precibusque morantem
 Evocat : „ O MUNDI tantorum causa laborum ,
 „ Quid Superos , & fata tenes ? Sunt cetera cursu
 „ Acta meo , summam rapti per prospera belli
 „ Te poscit Fortuna manum , Non rupta vadosis

» Syrtibus incerto Libye nos dividit æstu.
 » Numquid inexperto tua credimus arma profundo ?
 » Inque novos traheris casus ? Ignave , venire
 » Te Cæsar , non ire , jubet. Prior ipse per hostes
 » Percussi medias alieni juris arenas.
 » Tu mea castra times ? Pereuntia tempora fati
 » Conqueror : in ventos impendo vota , fretumque.
 » Ne retine dubium cupientes ire per æquor :
 » Si bene nota mihi est , ad Cæsaris arma juvenus
 » Naufragio venisse volet. Jam voce doloris
 » Utendum est : non ex æquo divisimus orbem.
 » Epirum Cæsarque tenet , totusque Senatus :
 » Aufoniam tu solus habes ». His terque , quaterque
 Vocibus excitum postquam cessare videbat ,
 Dum se deesse Deis , at non sibi numina , credit :
 Sponte per incautas audet tentare tenebras ,
 Quod jussi timuere , fretum : temeraria prono
 Expertus cessisse Deo : fluctusque verendos
 Classibus , exigua sperat superare carina.

Solverat armorum fessas nox languida curas ,
 Parva quies miseris ; in quorum pectora somno
 Dat vires fortuna minor : jam castra silebant :
 Tertia jam vigiles commoverat hora secundos ;
 Cæsar sollicito per vasta silentia gressu
 Vix famulis audenda parat : cunctisque relictis ,
 Sola placet Fortuna comes. Tentoria postquam
 Egredius , vigilum somno cedentia membra

Tranfiluit, queſtus tacite quod fallere poſſet;
 Litora curva legit, primisque invenit in undis
 Rupibus exefis hærentem fune carinam.
 Rectorem, dominumque ratis ſecura tenebat
 Haud procul inde domus, non ullo robore fulta;
 Sed ſterili juncō, cannaque intexta paluſtri,
 Et latus inverſa nudum munita phaſelo.
 Hæc Cæſar bis terque manu quaſſantia teſtum
 Limina commovit. Molli conſurgit Amyclas,
 Quem dabat alga, toro. » Quiſnam mea naufragus, inquit,
 » Teſta petit? aut quem noſtræ Fortuna coëgit
 » Auxilium ſperare caſæ »? Sic fatus, ab alto
 Aggere, jam tepidæ ſublato fune favillæ,
 Scintillam tenuem commotos pavit in ignes,
 Securus belli: prædam civilibus armis
 Scit non eſſe caſas. O vitæ tuta facultas
 Pauperis, anguſtique lares! O munera nondum
 Intellecta Deūm! quibus hoc contingere templis,
 Aut potuit muris, nullo trepidare tumultu,
 Cæſarea pulſante manu? Tum poſte recluſo,
 Dux ait: » EXSPECTA votis majora modeſtis,
 » Spesque tuas laxa, juvenis, ſi juſſa ſecutus
 » Me vehis Heſperiam, non ultra cuncta carinæ
 » Debebis, manibusque inopem duxiſſe ſenectam.
 » Ne ceſſa præbere Deo tua fata, volenti
 » Anguſtos opibus ſubitis implere Penates ».
 Sic fatur: quanquam plebeio teſtus amiſtu,

Indocilis privata loqui. Tum pauper Amyclas :

„ *MULTA* quidem prohibent nocturno credere ponto.

„ Nam sol non rutilas deduxit in æquora nubes ,

„ Concordesque tulit radios : Noton altera Phœbi,

„ Altera pars Borean diducta luce vocabat.

„ Orbe quoque exhaustus medio, languensque recessit,

„ Spectantes oculos infirmo lumine passus.

„ Lunaque non gracili surrexit lucida cornu ,

„ Aut orbis medii puros exesa recessus :

„ Nec duxit recto tenuata cacumina cornu ,

„ Ventorumque nota rubuit : tum lurida pallens

„ Ora tulit vultu sub nubem tristis ituro.

„ Sed mihi nec motus nemorum , nec litoris ictus ,

„ Nec placet incertus, qui provocat æquora, Delphin :

„ Aut ficcum quod mergus amat : quodque ausa volare

„ Ardea sublimis , pennæ confisa natanti :

„ Quodque caput spargens undis, velut occupet imbrem,

„ Instabili gressu metitur litora cornix.

„ Sed si magnarum poscunt discrimina rerum ,

„ Haud dubitem præbere manus : vel litora tangam

„ Jussa , vel hoc potius pelagus , flatusque negabunt „

Hæc fatur , solvensque ratem dat carbasa ventis ;

Ad quorum motus non solum lapsa per altum

Aëra dispersos traxere cadentia fulcos

Sidera , sed summis etiam quæ fixa tenentur

Astra pœlis , sunt visa quati. Niger inficit horror

Terga maris : longo per multa volumina tractu

Æstuat

Æstuat unda minax : flatusque incerta futuri ,
 Turbida testantur conceptos æquora ventos.
 Tunc rector trepidæ fatur ratis : » ASPICE sævum
 » Quanta paret pelagus : Zephyrosne intendat , an Euros
 » Incertum est : puppim dubius ferit undique pontus.
 » Nubibus , & cœlo Notus est : si murmura ponti
 » Consulimus , Cori verrunt mare. Gurgite tanto ,
 » Nec ratis Hesperias tanget , nec naufragus , oras.
 » Desperare viam , & vetitos convertere cursus
 » Sola salus. Liceat vexata litora puppe
 » Prendere , nè longe nimium sit proxima tellus ».
 Fîsus cuncta sibi cessura pericula Cæsar ,
 » SPERNE minas , inquit , pelagi , ventoque furenti
 » Trade sinum. Italiam si cœlo auctore recusas ,
 » Me pete. Sola tibi causa hæc est justa timoris ,
 » Vectorem non nosse tuum ; quem numina nunquam
 » Destituunt ; de quo male tunc Fortuna meretur ,
 » Quum post vota venit : medias perrumpe procellas ,
 » Tutela secure mea. Cœli iste fretique ,
 » Non puppis nostræ , labor est : hanc Cæsare pressam
 » A fluctu defendet onus. Nec longa furori
 » Ventorum sævo dabitur mora : proderit undis
 » Ista ratis. Ne flecte manum : fuge proxima velis
 » Litora : tum Calabro portu te crede potitum ,
 » Quum jam non poterit puppi , nostræque saluti
 » Altera terra dari. Quid tanta strage paretur
 » Ignoras ? Quærit pelagi , cœlique tumultu

» Quid præstet Fortuna mihi ». Non plura locuto
Avulsit laceros percussa puppe rudentes
Turbo rapax , fragilemque supervolitantia malum
Vela tulit : sonuit , victis compagibus , alnus.
Inde ruunt toto concita pericula mundo.
Primus ab Oceano caput exeris Atlanteo ,
Core , movens æstus : jam te tollente furebat
Pontus , & in scopulos totas erexerat iras.
Occurrit gelidus Boreas , pelagusque retundit :
Et dubium pendet , vento cui concidat , æquor.
Sed Scythici vicit rabies Aquilonis , & undas
Torfit , & abstrusas penitus vada fecit arenas.
Nec perfert pontum Boreas ad faxa , suumque
In fluctus Cori frangit mare : motaque possunt
Æquora subductis etiam concurrere ventis.
Non Euri cessasse minas , non imbris atrum
Æolii jacuisse Notum sub carcere faxi
Crediderim : cunctos solita de parte ruentes
Defendisse suas violento turbine terras ,
Sic pelagus mansisse loco. Nec parva procellis
Æquora rapta ferunt : Ægæas transit in undas
Tyrrhenum : sonat Ionio vagus Adria ponto.
Ah quoties frustra pulsatos æquore montes
Obruit illa dies ! quam celsa cacumina pessum
Tellus victa dedit ! Non ullo litore surgunt
Tam validi fluctus , alioque ex orbe voluti
A Magno venere mari , mundumque coërcens

Monstriferos agit unda sinus. Sic rector Olympi
 Cuspide fraterna lassatum in secula fulmen
 Adjuvit, regnoque accessit terra secundo,
 Quum mare convolvit gentes, quum litora Tethys
 Noluit ulla pati, cœlo contenta teneri.
 Tunc quoque tanta maris moles crevisset in astra,
 Ni Superum rector pressisset nubibus undas.
 Non cœli nox illa fuit: latet obsitus aër
 Infernae squalore domus, nimisque gravatus
 Deprimitur, fluctusque in nubibus accipit imbrem.
 Lux etiam metuenda perit, nec fulgura currunt
 Clara, sed obscurum nimbofus diffilit aër.
 Tunc Superum convexa tremunt, atque arduus axis
 Intonuit, motaque poli compage laborant.
 Extimuit Natura chaos: rupisse videntur
 Concordes elementa moras, rursusque redire
 Nox manes mixtura Deis. Spes una salutis,
 Quod tanta mundi nondum periere ruina.
 Quantum Leucadio placidus de vertice pontus
 Despicitur; tantum nautæ videre trementes
 Fluctibus e summis præceps mare: quumque tumentes
 Rursus hiant undæ, vix eminent æquore malus.
 Nubila tanguntur velis, & terra carina.
 Nam pelagus, qua parte sedet, non celat arenas
 Exhaustum in cumulos, omnisque in fluctibus unda est.
 Artis opem vicere metus: nescitque magister
 Quam frangat, cui cedat aquæ. Discordia ponti

Succurrit miseris , fluctusque evertere puppim
 Non valet in fluctus : victum latus unda repellens
 Erigit , atque omni surgit ratis ardua vento.
 Non humilem Sadona vadis , non litora curvæ
 Theſſaliæ ſaxoſa pavent , oræque malignos
 Ambraciæ portus : ſcopuloſa Ceraunia nautæ
 Summa timent. Credit jam digna pericula Cæſar
 Fatis eſſe ſuis. » TANTUSNE evertere , dixit,
 » Me Superis labor eſt : parva quem puppe ſedentem
 » Tam magno petiere mari ? Si gloria lethi
 » Eſt pelago donata mei , bellisque negamur ;
 » Intrepidus , quamcumque datis mihi numina , mortem
 » Accipiam. Licet ingentes abruperit actus
 » Feſtinata dies fatis , ſat magna peregi.
 » Arctoas domui gentes : inimica ſubegi
 » Arma metu : vidit Magnum mihi Roma ſecundum.
 » Juſſa plebe tuli faſces per bella negatos :
 » Nulla meis aberit titulis Romana poteſtas.
 » Nec ſciat hoc quiſquam , niſi tu , quæ ſola meorum
 » Conſciâ votorum eſ , me , quamvis plenus honorum,
 » Et Dictator eam Stygias , & Conſul ad umbras ,
 » Privatum , Fortuna , mori. Mihi funere nullo
 » Eſt opus , ô Superi : lacerum retinete cadaver
 » Fluctibus in mediis : deſint mihi buſta , roguſque ,
 » Dum metuar ſemper , terraque exſpectet ab omni ».
 Hæc fatum decimus , (dictu mirabile ,) fluctus
 Invalida cum puppe levat : nec ruruſ ab alto

Aggere dejecit pelagi , fed pertulit unda ,
 Scrupofisque angufta vacant ubi litora faxis ,
 Impofuit terræ. Pariter tot regna , tot urbes
 Fortunamque fuam tacta tellure recepit.

Sed non tam remeans Cæfar jam luce propinqua ,
 Quam tacita fua cafta fuga , comitesque fefellit.
 Circumfufa duci flevit , gemituque fuorum ,
 Et non ingratis inceffit turba querelis.

» QUO TE , dure , tulit virtus temeraria , Cæfar ?
 » Aut quæ nos viles animas in fata relinquens ,
 » Invitis fpargenda dabas tua membra procellis ?
 » Quum tot in hac anima populorum vita , falusque
 » Pendeat , & tantus caput hoc tibi fecerit orbis ,
 » Sævitia eft voluiffe mori. Nullusne tuorum
 » Emeruit comitum , fatis non poffe fuperftes
 » Effe tuis ? Quum te raperet mare , corpora fegnīs
 » Nofta fopor tenuit. Pudet heu ! tibi caufa petendæ
 » Hæc fuit Hefperiæ ? Vifum eft committere quemquam
 » Tam fævo crudele mari ? Sors ultima rerum
 » In dubios cafus , & prona pericula mortis
 » Præcipitare folet : mundi jam fuma tenentem
 » Permiſiſſe mari ! Tantum quid numina laſſas ?
 » Sufficit ad fatum belli favor iſte , laborque
 » Fortunæ , quod te noſtris impegit arenis ?
 » Hinc uſus placuere Deum , non rector ut orbis ,
 » Nec dominus rerum , fed felix naufragus eſſes » ?
 Talia jaçantēs , diſcuſſa nocte , ſerenus

Oppressit cum Sole dies , fessumque tumentes
Composuit pelagus , ventis patientibus , undas.

Nec non Hesperii lassatum fluctibus æquor
Ut videre duces , purumque insurgere cœlo
Fracturum pelagus Boream , solvère carinas ,
Quas ventus , doctæque pari moderamine dextræ
Permixtas habuere diu : latumque per æquor ,
Ut terrestre , coit , confertis puppibus , agmen.
Sed nox sæva modum venti , velique tenorem
Eripuit nautis , excussitque ordine puppes.
Strymona sic gelidum , bruma pellente , relinquunt
Poturæ te , Nile , grues , primoque volatu
Effingunt varias , casu monstrante , figuras.
Mox ubi percussit densas Notus altior alas ;
Confusos temere immixtæ glomerantur in orbes ,
Et turbata perit dispersis litera pennis.
Quum primum , redeunte die , violentior aër
Puppibus incubuit , Phœbeo concitus ortu ,
Prætereunt frustra tentati litora Lissi ,
Nymphæumque tenent , nudas Aquilonibus undas
Succedens Boreæ jam portum fecerat Auster.

Undique collatis in robur Cæsaris armis ,
Summa videns duri Magnus discrimina Martis
Jam castris instare suis ; seponere tutum
Conjugii decrevit onus , Lesboque remotam
Te procul a sævi strepitu , Cornelia , belli
Occulere. Heu quantum mentes dominatur in æquas

Justa Venus ! Dubium , trepidumque ad prælia , Magne ,
 Te quoque fecit amor : quod nolles stare sub ictu
 Fortunæ , quo mundus erat , Romanaque fata ,
 Conjux sola fuit. Mentem jam verba paratam
 Destituunt , blandæque juvat ventura trahentem
 Indulgere moræ , & tempus subducere fatis.
 Nocte sub extrema , pulso torpore quietis ,
 Dum fovet amplexu gravidum Cornelia curis
 Pectus , & averſi petit oscula grata mariti :
 Humentes mirata genas , percuſſaque cæco
 Vulnere , non audet flentem deprendere Magnum.
 Ille gemens , „ VITA non nunc mihi dulcior , inquit,
 „ Quum tædet vitæ , læto ſed tempore , conjux ,
 „ Venit mœſta dies , & quam nimiumque , parumque
 „ Diſtulimus : jam totus adest in prælia Cæſar.
 „ Cedendum eſt bellis : quorum tibi tuta latebra
 „ Lesbos erit , deſiſte preces tentare : negavi
 „ Jam mihi : non longos a me patiere reſceſſus.
 „ Præcipites aderunt caſus : properante ruina ,
 „ Summa cadunt. Satis eſt audiſſe pericula Magni.
 „ Meque tuus decepit amor , civilia bella
 „ Si ſpectare potes : nam me , jam Marte parato ,
 „ Securos cepiſſe pudet cum conjuge ſomnos ,
 „ Eque tuo , miſerum quatiens quum clafſica mundum ,
 „ Surrexiſſe ſinu. Vereor civilibus armis
 „ Pompeium nullo triſtem committere damno.
 „ Tutior interea populis , & tutior omni

» Rege late , positamque procul fortuna mariti
 » Non tota te mole premat. Si numina nostras
 » Impulerint acies , maneat pars optima Magni ;
 » Sitque mihi , si fata premant , victorque cruentus ,
 » Quo fugisse velim ». Vix tantum infirma dolorem
 Cepit , & attonito cesserunt pectore sensus.
 Tandem ut vox mœstas potuit proferre querelas :
 » NIL MIHI de fatis thalami , Superisque relictum est ,
 » Magne , queri : nostros non rumpit funus amores ,
 » Nec diri fax summa rogi : sed sorte frequenti ,
 » Plebeiaque nimis careo dimissa marito.
 » Hostis ad adventum rumpamus fœdera tædæ :
 » Placemus focerum. Sic est tibi cognita , Magne ,
 » Nostra fides ? Credisne aliquid mihi tutius esse ,
 » Quam tibi ? Nonne olim casu pendemus ab uno ?
 » Fulminibus me , sæve , jubes , tantæque ruinæ
 » Absentem præstare caput ? Secura videtur
 » Sors tibi , quum facias etiam nunc vota , perisse :
 » Ut nolim fervire malis ; sed morte parata ,
 » Te sequar ad Manes : feriat dum mœsta remotas
 » Fama procul terras , vivam tibi nempe superstes.
 » Adde , quod assuescis fatis , tantumque dolorem ,
 » Crudelis , me ferre doces. Ignosce fatenti ,
 » Posse pati , timeo. Quod si sunt vota , Deisque
 » Audior , eventus rerum sciet ultima conjux.
 » Sollicitam rupes jam te victore tenebunt ,
 » Et puppim , quæ fata feret tam læta , timebo.

» Nec solvent audita metus mihi prospera belli ,
 » Quum vacuis projecta locis a Cæsare possim
 » Vel fugiente capi. Notescant litora clari
 » Nominis exilio , positaque ibi conjuge Magni ,
 » Quis Mitylenæas poterit nescire latebras ?
 » Hoc precor extremum , si nil tibi victa relinquent
 » Tutius arma fuga , quum te commiseris undis ,
 » Quolibet infauftam potius defleſte carinam :
 » Litoribus quærere meis ». Sic fata , relictis
 Exsiluit stratis amens , tormentaſque nulla
 Vult differre mora. Non mœſti pectora Magni
 Suſtinet amplexu dulci , non colla tenere :
 Extremusſque perit tam longi fructus amoris :
 Præcipitantſque ſuos luſtus : neuterſque recedens
 Suſtinuit dixiſſe vale ; vitamſque per omnem
 Nulla fuit tam mœſta dies. Nam cetera damna
 Durata jam mente malis , firmaſque tulerunt.

Labitur infelix , manibusſque excepta ſuorum
 Fertur ad æquoreas , ac ſe proſternit , arenas ,
 Litoraſque ipſa tenet , tandemſque illata carinæ eſt.
 Non ſic infelix patriam , portusſque reliquit
 Heſperios , ſævi premerent quum Cæſaris arma.
 Fida comes Magni vadit duce ſola relictô ,
 Pompeiumſque fugit. Quæ nox ſibi proxima venit ,
 Infomnis. Viduo tum primum frigida lecto ,
 Atque inſueta quies uni , nudumſque marito
 Non hærente latus. Somno quam ſæpe gravata


Deceptis vacuum manibus complexa cubile est,
Atque oblita fugæ quæsit nocte maritum!
Nam, quamvis flamma tacitas urente medullas,
Non juvat in toto corpus jactare cubili,
Servatur pars illa tori. Caruisse timebat
Pompeio: sed non Superi tam læta parabant:
Instabat, miseræ Magnum quæ redderet, hora,



S U M M A R I U M

LIBRI SEXTI.

CÆSAR, dum videt Pompeium in pugnam exciri non posse, præcep̃s ad rapiendas Dyrrachii arces tendit. Castra movet Magnus, ut hostem irrupturum anteveniat; sed eum fallit Cæsar impiger, eumque vasto aggere tenet inclusum. Interea dira pestis infestat castra Pompeii, dum Cæsar sævam patitur famem. At Pompeius ruptis claustris evadere aggreditur: primum à solo Scævæ impulsu repellitur; sed mox ipse victor abit. Quo tristem hanc cladem reparet Cæsar, renovato prælio, ipse jam circumventus præcipitat fugam, petitque Theſſaliam. Hunc insequitur Pompeius. Exaratur Theſſaliæ topographia. Magicæ Hæmonidum artes narrantur; inter eas potentissimæ Erichthûs secreta infanda ritusque panduntur. Sextus illam consulturus adit, qui, audito Hæmonidis responso, castra repetit.



LIBER SEXTUS.

POSTQUAM castra duces pugnae jam mente propinqui
Imposuere jugis, admotaque cominus arma,
Parque suum videre Dei, capere omnia Caesar
Moenia Graiorum spernit, Martemque secundum
Jam nisi de genere fatis debere recusat.
Funestam mundo votis petit omnibus horam,
In casum quae cuncta ferat. Placet alca fati
Alterutrum mersura caput. Ter collibus omnes
Explicuit turmas, & signa minantia pugnam,
Testatus nunquam Latiae se deesse ruinae.
Ut videt ad nullos exciri posse tumultus
In pugnam generum, sed clauso fidere vallo,
Signa movet, tectusque via dumosa per arva
Dyrrachii praecipit rapiendas tendit ad arces.
Hoc iter aequoreo praecipit limite Magnus,
Quemque vocat collem Taulantius incola Petram,
Infedit castris. Ephyreaque moenia tervat,
Defendens tutam vel solis turribus urbem.
Non opus hanc veterum, nec moles structa tuetur,
Humanusque labor, facilis, licet ardua tollat,
Cedere vel bellis, vel cuncta moventibus annis.
Sed munimen habet nullo quassabile ferro,
Naturam, sedemque loci. Nam clausa profundo
Undique praecipiti, scopulisque vomentibus aequor,
Exiguo debet, quod non est insula, colli.

Terribiles ratibus sustentant mœnia cautes ,
 Ioniumque furens , rapido quum tollitur austro ,
 Templâ, domosque quatit, spumatque in culmina pontus.
 Hinc avidam belli rapuit spes improba mentem
 Cæsaris , ut vastis diffusum collibus hostem
 Cingeret ignarum , ducto procul aggere valli.
 Metitur terras oculis : nec cespite tantum
 Contentus fragili subitos attollere muros ,
 Ingentes cautes , avulsaque saxa metallis ,
 Graiorumque domos , direptaque mœnia transfert.
 Exstruitur , quod non aries impellere sævus ,
 Quod non ulla queat violenti machina belli.
 Franguntur montes , planumque per ardua Cæsar
 Ducit opus : pandit fossas , turritaque summis.
 Disponit castella jugis , magnoque recessu
 Amplexus fines , saltus , nemorosaque tesqua ,
 Et silvas , vastaque feras indagine claudit.
 Non defunt campi , non defunt pabula Magno ,
 Castraque Cæsareo circumdatus aggere mutat.
 Flumina tot cursus illic exorta fatigant ,
 Illic merfa suos : operumque ut summa revisat ,
 Defessus Cæsar mediis intermanet agris.
 Nunc vetus Iliacos attollat fabula muros ,
 Adscribatque Deis : fragili circumdata testa
 Mœnia mirentur refugi Babylonia Parthi.
 En quantum Tigris , quantum celer ambit Orontes ,
 Assyriis quantum populus telluris Eoæ

Sufficit in regnum , subitum , bellicque tumultu
 Raptum clausit opus. Tanti periere labores.
 Tot potuere manus aut jungere Seston Abydo ,
 Ingestoque solo Phryxeum elidere pontum :
 Aut Pelopis latis Ephyren abrumpere regnis ,
 Et ratibus longæ flexus donare Maleæ :
 Aut aliquem mundi , quamvis Natura negasset ,
 In melius mutare locum. Coit area belli :
 Hic alitur sanguis terras fluxurus in omnes ,
 Hic & Theſſalicæ clades , Libycæque tenentur.
 Æstuat angusta rabies civilis arena.

Prima quidem surgens operum structura fefellit
 Pompeium. Veluti mediæ qui tutus in arvis
 Sicaniaæ rabidum nescit latrare Pelorum :
 Aut vaga quum Tethys , Rutupinaque litora fervent ,
 Unda Caledonios fallit turbata Britannos.
 Ut primum vasto septas videt aggere terras :
 Ipse quoque a tuta deducens agmina Petra
 Diversis spargit tumulis , ut Cæsar's arma
 Laxet , & effuso claudentem milite tendat.
 Ac tantum septi vallo sibi vendicat agri ,
 Parva , Mycenææ quantum sacrata Dianæ ,
 Distat ab excelsa nemoralis Aricia Roma :
 Quoque modo Romæ prælapsus moenia Tibris
 In mare descendit , si nusquam torqueat amnem.
 Classica nulla sonant , injussaque tela vagantur :
 Et fit sæpe nefas , jaculum tentante lacerto.

Major cura ducem miscendis abstrahit armis
 Pompeium , exhaustæ præbenda ad pabula terræ ,
 Quæ currens obtrivit eques , gradibusque citatis
 Ungula frondentem discussit cornea campum.
 Belliger attonsis sonipes defessus in arvis ,
 Advectos dum plena ferant præsepia culmos ,
 Ore novas poscens moribundus labitur herbas ,
 Et tremulo medios abruptit poplite gyros.
 Corpora dum solvit tabes , & digerit artus ,
 Traxit iners coelum fluidæ contagia pestis
 Obscuram in nubem. Tali spiramine Nefis
 Emitterit Strygium nebulosis aëra faxis ,
 Antraque lethiferi rabiem Typhonis anhelant :
 Inde labant populi , coeloque paratior unda
 Omne pati virus , duravit viscera coeno.
 Jam riget atra cutis , distentaque lumina rumpit :
 Igneaque in vultus , & sacro fervida morbo
 Pestis abit , fessumque caput se ferre recusat.
 Jam magis atque magis præceps agit omnia fatum :
 Nec medii dirimunt morbi vitamque necemque :
 Sed languor cum morte venit , turbaque cadentum
 Aucta lues , dum mixta jacent incondita vivis
 Corpora : nam miseros ultra tentoria cives
 Spargere , funus erat. Tamen hos minuere labores
 A tergo pelagus , pulsusque Aquilonibus aër ,
 Litoraque , & plenæ peregrina messe carinæ.
 At liber terræ spatiosis collibus hostis

Aëre non pigro , nec inertibus angitur undis :
 Sed patitur sævam , veluti circumdatus arcta
 Obsidione , famem. Nondum furgentibus altam
 In fegetem culmis , cernit miserabile vulgus
 In pecudum cecidisse cibos , & carpere dumos ,
 Et morfu spoliare nemus , lethumque minantes
 Vellere ab ignotis dubias radicibus herbas :
 Quæ mollire queunt flamma , quæ frangere morfu ,
 Quæque per abrasas utero demittere fauces ,
 Plurimaque , humanis ante hoc incognita mensis ,
 Diripiens miles , saturum tamen obsidet hostem.

Ut primum libuit ruptis evadere claustris
 Pompeio , cunctasque sibi permittere terras :
 Non obscura petit latebrosæ tempora noctis ,
 Et raptum furto foceri cessantibus armis
 Dedignatur iter : latis exire ruinis
 Quærit , & impulsu turres confringere valli ,
 Perque omnes gladios , & qua via cæde paranda est.
 Opportuna tamen valli pars visa propinqui ,
 Qua Minuti castella vacant , & confraga densis
 Arboribus dumeta tegunt. Huc pulvere nullo
 Proditus agmen agit , subitusque ad mœnia venit.
 Tot simul e campis Latiae fulsere volucres :
 Tot cecinere tubæ. Ne quid victoria ferro
 Deberet , pavor attonitos confecerat hostes.
 Quod solum valuit virtus , jacuere peremti ,
 Debuerant quo stare loco : qui vulnera ferrent

Jam deerant, & nimbus, agens tot tela, peribat.
 Tum piceos volvunt immiffæ lampades ignes :
 Tum quaffæ nutant turres, lapfumque minantur.
 Roboris impacti crebros gemit agger ad iñtus.
 Jam Pompeianæ celfi super ardua valli
 Exierant Aquilæ : jam mundi jura patebant.
 Quem non mille fimul turmis, nec Cæfare toto
 Auferret Fortuna locum, victoribus unus
 Eripuit, vetuitque capi : feque arma tenente,
 Ac nondum frato, Magnum viciffè negavit.
 Scæva viro nomen : castrorum in plebe merebat
 Ante feras Rhodani gentes : ibi fanguine multo
 Promotus Latiam longo gerit ordine vitem.
 Pronus ad omne nefas, & qui nesciret, in armis
 Quam magnum virtus crimen civilibus effet.
 Hic ubi quærentes focios jam Marte relicto
 Tuta fugæ cernit, » Quo vos pavor, inquit, abegit
 » Impius; & cunctis ignotus Cæfaris armis ?
 » O famuli turpes, fervum pecus, abfque cruore
 » Terga datis morti ? Cumulo vos deeffe virorum
 » Non pudet, in buftis, interque cadavera quæri ?
 » Non ira faltem juvenes, pietate remota,
 » Stabitis ? E cunctis, per quos erumperet hostis,
 » Nos fumus electi. Non parvo fanguine Magni
 » Ifta dies ierit. Peterem felicior umbras
 » Cæfaris in vultu. Testem hunc Fortuna negavit :
 » Pompeio laudante cadam, Confringite tela

» Pectoris incurfu , jugulisque retundite ferrum.
 » Jam longinqua petit pulvis , sonitusque ruinæ ,
 » Securasque fragor concussit Cæsaris aures.
 » Vincimus , ô focii ; veniet , qui vindicet arces ,
 » Dum moritur ». Movit tantum vox illa furorem ,
 Quantum non primo succendunt classica cantu :
 Mirantesque virum , atque avidi spectare , sequuntur
 Scituri juvenes , numero deprensa , locoque ,
 An plus quam mortem virtus daret. Ille ruenti
 Aggere consistit , primumque cadavera plenis
 Turribus evolvit , subeuntesque obruit hostes
 Corporibus : totæque viro dant tela ruinæ ,
 Roboraque , & moles , hosti seque ipse minatur.
 Nunc fude , nunc duro contraria pectora conto
 Detrudit muris , & valli summa tenentes
 Amputat ense manus : caput obterit , ossaque faxo ,
 Ac male defensum fragili compage cerebrum
 Dissipat : alterius flamma crinesque , genasque
 Succendit : strident oculis ardentibus ignes.

Ut primum cumulo crescente cadavera murum
 Admovère solo : non segnior extulit illum
 Saltus , & in medias jecit super arma catervas ,
 Quam per summa rapit celerem venabula pardum.
 Tunc densos inter cuneos compressus , & omni
 Vallatus bello vincit , quem respicit , hostem.
 Jamque hebes , & crasso non asper sanguine , mucro
 Percussum Scævæ frangit , non vulnerat , hostem :

Perdidit ensis opus , frangit sine vulnere membra.
 Illum tota premit moles , illum omnia tela.
 Nulla fuit non certa manus , non lancea felix :
 Parque novum Fortuna videt concurrere , bellum
 Atque virum. Fortis crebris sonat ictibus umbo ,
 Et galeæ fragmenta cavæ compressa perurunt
 Tempora : nec quidquam nudis vitalibus obstat
 Jam , præter stantes in summis ossibus hastas.
 Quid nunc vefani jaculis , levibusque sagittis
 Perditis hæfuros nunquam vitalibus ictus ?
 Hunc aut tortilibus vibrata phalarica nervis
 Obruat , aut vasti muralia pondera saxi :
 Hunc aries ferro , balistæque limine portæ
 Promoveat : stat non fragilis pro Cæsare murus ,
 Pompeiumque tenet : jam pectora non tegit armis :
 Ac veritus credi clypeo , lævaque vacasse ,
 Aut culpa vixisse sua , tot vulnera belli
 Solus obit , densamque forens in pectore silvam ,
 Jam gradibus fessis , in quem cadat , eligit hostem ,
 Par pelagi monstribus. Libycæ sic bellua terræ ,
 Sic Libycus densis Elephas oppressus ab armis
 Omne percussum squalenti missile tergo
 Frangit , & hærentes mota cute discutit hastas.
 Viscera tuta latent penitus , citraque cruorem
 Confixæ stant tela feræ : tot facta sagittis ,
 Tot jaculis , unam non explent vulnera mortem.
 Dictæa procul ecce manu Gortynis arundo

Tenditur in Scævam , quæ voto certior omni
 In caput , atque oculi lævum descendit in orbem.
 Ille moras ferri , nervorum & vincula rumpit ,
 Affixam vellens oculo pendente sagittam
 Intrepidus ; telumque suo cum lumine calcat.
 Pannonis haud aliter post ictum sævior urſa ,
 Quum jaculum parva Libys amentavit habena ,
 Se rotat in vulnus : telumque irata receptum
 Impetit , & secum fugientem circuit hastam.
 Perdiderat vultus rabiem : stetit imbre cruento
 Informis facies : lætus fragor æthera pulsat
 Victorum : majora viris e sanguine parvo
 Gaudia non faceret conspectum in Cæsare vulnus.
 Ille tegens alta suppressum mente dolorem ,
 Mitis , & a vultu penitus virtute remota ,
 » PARCITE , ait, cives : procul hinc avertite ferrum :
 » Collatura meæ nil sunt jam vulnera morti :
 » Non eget ingestis , sed vulsis pectore telis.
 » Tollite , & in Magni viventem ponite castris :
 » Hoc vestro præstate duci : sit Scæva relictæ
 » Cæsaris exemplum potius , quam mortis honestæ».

Credidit infelix simulatis vocibus Aulus :
 Nec vidit recto gladium mucrone tenentem :
 Membraque captivi pariter laturus , & arma ,
 Fulmineum mediis excepit faucibus enssem.
 Incaluit virtus : atque una cæde reſectus
 » SOLVAT , ait , poenas , Scævam quicumque subactum

» Speravit : pacem gladio si quærit ab isto
 » Magnus , adorato submittat Cæsare signa.
 » An similem vestri , segnemque ad fata putatis ?
 » Pompeii minor est vobis , causæque Senatus ,
 » Quam mihi mortis amor ». Simul hæc effatur , & altus
 Cæsareas pulvis testatur adesse cohortes.
 Dedecus hic belli Magno , crimenque remisit ,
 Ne solum totæ fugerent te , Scæva , catervæ :
 Subducto qui Marte ruis : nam sanguine fuso
 Vires pugna dabat. Labentem turba suorum
 Excipit , atque humeris defectum imponere gaudet.
 Ac velut inclusum perfosso in pectore numen ,
 Et vivam magnæ speciem Virtutis adorant :
 Telaque confixis certant evellere membris ,
 Exornantque Deos , ac nudum pectore Martem
 Armis , Scæva , tuis : felix hoc nomine famæ ,
 Si tibi durus Iber , aut si tibi terga dedisset
 Cantaber exiguis , aut longis Teutonus armis.
 Non tu bellorum spoliis ornare Tonantis
 Tempa potes , non tu lætis ululare triumphis.
 Infelix , quanta dominum virtute parasti !
 Nec magis hac Magnus castrorum parte repulsus
 Intra claustra piger dilato Marte quievit ,
 Quam mare lassatur , quum se tollentibus Euris
 Frangentem fluctus scopulum ferit , aut latus alti
 Montis adest , seramque sibi parat unda ruinam.
 Hinc vicina petens placido castella profundo

Incurfu gemini Martis rapit : armaque late
 Spargit , & effuso laxat tentoria campo :
 Mutandæque juvat permiffa licentia terræ.
 Sic pleno Padus ore tumens super aggere tutas
 Excurrit ripas , & totos concutit agros ,
 Succubuit fi qua tellus , cumulumque furentem
 Undarum non paffa , ruit : tum flumine toto
 Tranfit , & ignotos aperit sibi gurgite campos.
 Illos terra fugit dominos : hic rura colonis
 Accedunt , donante Pado. Vix prælia Cæfar
 Senferat , elatus specula quæ prodidit ignis.
 Invenit impulfos preffo jam pulvere muros ,
 Frigidaque ut veteris deprendit figna ruinæ ,
 Accendit pax ipfa loci , movitque furorem
 Pompeiana quies , & viâto Cæfare fomnus.
 Ire vel in clades properat , dum gaudia turbet.
 Torquato ruit inde minax : qui Cæfaris arma
 Sègnius haud vidit , quam malo nauta tremante
 Omnia Circeæ subducit vela procellæ :
 Agminaque interius muro brevior receptit ,
 Densius ut parva disponderet arma corona.
 Tranfierat primi Cæfar munimina valli ,
 Quum super e totis emifit collibus agmen ,
 Effuditque acies obfeptum Magnus in hoftem.
 Non fic Ætnæis habitans in vallibus horret
 Enceladum , fpirante Noto , quum tota cavernas
 Egerit , & torrens in campos defluit Ætna :

Cæſaris ut miles glomerato pulvere victus
 Ante aciem, cæci trepidus ſub nube timoris
 Hoſtibus occurrit fugiens, inque ipſa pavendo
 Fata ruit. Totus mitti civilibus armis
 Uſque vel in pacem potuit cruor: ipſe furentes
 Dux tenuit gladios. Felix, ac libera regum,
 Roma, fores, jurisque tui, viciffet in illo
 Si tibi Sylla loco. Dolet heu, ſemperque dolebit,
 Quod ſclerum Cæſar prodeſt tibi ſumma tuorum,
 Cum genero pugnaſſe pio. Proh triſtia fata!
 Non Uticæ Libye clades, Hiſpania Mundæ
 Fleſſet, & infando pollutus ſanguine Nilus
 Nobilius Phario geſtaſſet rege cadaver:
 Nec Juba Marmaricas nudus preſſiſſet arenas,
 Pœnorumque umbras placatſet ſanguine fuſo
 Scipio, nec ſancto caruiſſet vita Cato.
 Ultimus eſſe dies potuit tibi Roma malorum:
 Exire e mediis potuit Pharfalia fatiſ.

Deſerit adverſo poſſeſſam numine ſedem
 Cæſar, & Emathias lacero petit agmine terras.
 Arma ſecuturum focerî, quacumque fugatſet,
 Tentavere ſui comites divertere Magnum,
 Hortati, patrias ſedes, atque hoſte carentem
 Aufoniam peteret. » NUNQUAM me Cæſaris, inquit,
 » Exemplo reddam patriæ, nunquamque videbit
 » Me, niſi dimiſſo redeuntem milite, Roma.
 » Heſperiam potui, motu ſurgente, tenere,

„ Si vellem patriis aciem committere templis ;
 „ Ac medio pugnare foro. Dum bella relegem ,
 „ Extremum Scythici transcendam frigoris orbem ,
 „ Ardentesque plagas. Victor tibi , Roma , quietem
 „ Eripiam , qui , ne premerent te prælia , fugi ?
 „ Ah potius ! ne quid patiaris in isto ,
 „ Te Cæsar putet esse suam „. Sc fatus , in ortus
 Phœbeos convertit iter , terræque secutus
 Devia , qua vastos aperit Candavia saltus ,
 Contigit Emathiam , bello quam fata parabant.

Theſſaliam , qua parte diem brumalibus horis
 Attollit Titan , rupes Oſſæa coërcet.
 Quum per ſumma poli Phœbum trahit altior æſtas ,
 Pelion opponit radiis naſcentibus umbras.
 At medios ignes cœli , rabidique Leonis
 Solſtitiale caput nemoroſus ſubmovet Othrys.
 Excipit adverſos Zephyros , & Iapyga Pindus ,
 Et maturato præcidit veſpere lucem.
 Nec metuens imi Borean habitator Olympi
 Lucentem totis ignorat noctibus Arcton.
 Hos inter montes media qui valle premuntur ,
 Perpetuis quondam latuere paludibus agri :
 Flumina dum campi retinent , nec pervia Tempe
 Dant aditus pelago , ſtagnumque implentibus undis
 Creſcere curſus erat. Poſtquam diſceſſit Olympo
 Herculeæ gravis Oſſa manu , ſubitæque ruinam
 Senſit aquæ Nereus : melius manſura ſub undis ,
 Emathis ,

Emathis , æquorei regnum Pharsalos Achillis ,
 Eminent , & prima Rhoeteia litora pinu
 Quæ tetigit Phylace , Pteleosque , & Dortion ira
 Flebile Pieridum ; Trachin , pretioque nefandæ
 Lampados Herculeis fortis Melibœa pharetris :
 Atque olim Larissa potens : ubi nobile quondam
 Nunc super Argos arant : veteres ubi fabula Thebas
 Monstrat Echionias : ubi quondam Pentheos exul ,
 Colla , caputque ferens supremo tradidit igni ,
 Quæsta quod hoc solum nato rapuisset Agave.
 Ergo abrupta palus multos discessit in amnes.
 Purus in occasus , parvi sed gurgitis , Æas
 Ionio fluit inde mari : nec fortior undis
 Labitur avectæ pater Isidis , & tuus , Æneu ;
 Pene gener crassus oblimat Echinadas undis :
 Et Meleagrean maculatus sanguine Nessi
 Evenos Calydona fecat. Ferit amne citato
 Maliacas Spercheos aquas : & flumine puro
 Irrigat Amphryfos famulantis pascua Phœbi.
 Quique nec humentes nebulas , nec rore madentem
 Aëra , nec tenues ventos suspirat Anauros.
 Et quisquis pelago per se non cognitus amnis
 Peneo donavit aquas. It gurgite rapto
 Apidanos : nunquamque celer , nisi mixtus , Enipeus.
 Accipit Asopos cursus , Phœnixque , Melasque.
 Solus , in alterius nomen quum venerit undæ ,
 Defendit Titaresus aquas , lapsusque superne

Gurgite Penei pro siccis utitur arvis.
 Hunc fama est Stygiis manare paludibus amnem,
 Et capitis memorem, fluvii contagia vilis
 Nolle pati, superumque sibi fervare timorem.

Ut primum emissis patuerunt amnibus arva,
 Pinguis Bæbricio discessit vomere fulcus:
 Mox Lelegum dextra pressum descendit aratrum,
 Æolidæ, Dolopesque solum rupere coloni,
 Et Magnetes equis, Minyæ gens cognita remis:
 Illic semiferos Ixionidas Centauros
 Foeta Pelethroniis nubes effudit in antris.
 Aspera te Pholoës frangentem, Monyche, faxes,
 Teque sub Ætæo torquentem vertice vulsas,
 Rhœte ferox, quas vix Borcas inverteret, ornos:
 Hospes & Alcidæ magni, Phole: teque per amnem
 Improbe Lernæas vector passure sagittas:
 Teque senex Chiron, gelido qui fidere fulgens
 Impetis Hæmonio majorem Scorpion arcu.

Hac tellure feri micuerunt semina Martis.
 Primus ab æquorea percussis cuspide faxis
 Thessalicus sonipes, bellis feralibus omen,
 Exsiluit; primus chalybem, frenosque momordit,
 Spumavitque novis Lapithæ domitoris habenis.
 Prima fretum scindens Pegasæo litore pinus,
 Terrenum ignotas hominem projecit in undas.
 Primus Thessalicæ rector telluris Itonos.
 In formam calidæ percussit pondera massæ,

Fudit & argentum flammis, aurumque moneta
 Fregit, & immensis coxit fornacibus æra.
 Illic, quod populos scelerata impegit in arma,
 Divitias numerare datum est. Hinc maxima serpens
 Descendit Python, Cyrrhæaque fluxit in antra:
 Unde & Thieffalicæ veniunt ad Pythia laurus.
 Impius hinc prolem superis immisit Aloëus,
 Inseruit celsis prope se quum Pelion astris,
 Sideribusque vias incumbens abstulit Ossa.

Hac ubi damnata fati tellure locarunt
 Castra duces; cunctos belli præsaga futuri
 Mens agitat, summique gravem discriminis horam
 Adventare palam est. Propius jam fata moveri
 Degeneres trepidant animi, pejoraque versant:
 Ad dubios pauci, præsumto robore, casus
 Spemque metumque ferunt. Turbæ sed mixtus inert
 Sextus erat, Magno proles indigna parente,
 Qui mox Scyllæis exul grassatus in undis,
 Polluit æquoreos, Siculo pirata, triumphos.
 Qui stimulante metu fati prænosceret cursus,
 Impatiensque moræ, venturisque omnibus æger;
 Non tripodas Deli, non Pythia consulit antra,
 Nec quæfisse libet, primis quid frugibus altrix
 Ære Jovis Dodona sonet, quis noscere fibra
 Fata queat, quis prodat aves, quis fulgura cœli
 Servet, & Assyria scrutetur sidera cura,
 Aut si quid tacitum, sed fas, erat. Ille supernis

Detestanda Deis sævorum arcana Magorum
 Noverat , & tristes facris feralibus aras ,
 Umbrarum , Ditisque fidem : miseroque liquebat
 Scire parum Superos. Vanum , sævumque furorem
 Adjuvat ipse locus , vicinaque mœnia castris
 Hæmonidum , ficti quas nulla licentia monstri
 Transierat , quarum , quidquid non creditur , ars est.
 Thessala quin etiam tellus herbasque nocentes
 Rupibus ingenuit , sensuraque saxa canentes
 Arcanum ferale Magos. Ibi plurima surgunt
 Vim factura Deis. Et terris hospita Colchis
 Legit in Hæmoniis , quas non advexerat , herbas.
 Impia , tot populis , tot surdas gentibus aures
 Coelicolum , diræ convertunt carmina gentis.
 Una per ætherios exit vox illa recessus ,
 Verbaque ad invitum perfert cogentia numen ,
 Quod non cura poli , cœlique volubilis unquam
 Avocat. Infandum tetigit quum sidera murmur ,
 Tunc Babylon Persea licet , secretaque Memphis
 Omne vetustorum solvat penetrabile Magorum :
 Abducit superos alienis Thessalis aris.
 Carmine Thessalidum dura in præcordia fluxit
 Non fatis adductus amor : flammisque severi
 Illicitis arfere senes. Nec noxia tantum
 Pocula proficiunt , aut quum turgentia succo
 Frontis amaturæ subducunt pignora foetæ.
 Mens , hausti nulla sanie polluta veneni ,

Excantata perit. Quos non concordia mixti
 Alligat ulla tori, blandæque potentia formæ,
 Traxerunt torti magica vertigine fili.
 Cessavere vices rerum : dilataque longa
 Hæsit nocte dies : legi non paruit æther.
 Torpuit & præceps, audito carmine, mundus :
 Axibus & rapidis impulsos Jupiter urgens
 Miratur non ire polos. Nunc omnia complent
 Imbribus, & calido præducunt nubila Phœbo :
 Et tonat ignaro cœlum Jove. Vocibus iisdem
 Humentes late nebulas, nimbosque solutis
 Excussere comis. Ventis cessantibus, æquor
 Intumuit : rursus vetitum sentire procellas
 Conticuit, turbante Noto : puppimque ferentes
 In ventum tumuere sinus. De rupe pependit
 Abscissa fixus torrens : amnisque cucurrit
 Non qua pronus erat. Nilum non extulit æstas :
 Mæander direxit aquas : Rhodanumque morantem
 Præcipitavit Arar : submisso vertice montes
 Explicuere jugum. Nubes suspexit Olympus :
 Solibus & nullis Scythicæ, quum bruma rigeret,
 Dimaduere nives. Impulsam fidere Tethyn
 Reppulit Hæmonidum, defenso litore, carmen.
 Terra quoque immoti concussit ponderis axem,
 Et medium vergens nisu titubavit in orbem.
 Tantæ molis onus percussum voce recessit,
 Perspectumque. dedit circum labentis Olympi.

Omne potens animal lethi , genitumque nocere ,
 Et pavet Hæmonias , & mortibus instruit artes.
 Has avidæ tigres , & nobilis ira leonum
 Ore foveant blando : gelidos his explicat orbes ,
 Inque pruinoso coluber distenditur arvo.
 Viperei coëunt , abrupto corpore , nodi :
 Humanoque cadit serpens afflata veneno.
 Quis labor hic superis , cantus herbasque sequendi ,
 Sprenndique timor ? cujus commercia pacti
 Obstrictos habuere Deos ? Parere necesse est ,
 An juvat ? Ignota tantum pietate merentur ?
 An tacitis valere minis ? Hoc juris in omnes
 Est illis superos ? An habent hæc carmina certum
 Imperiosa Deum , qui mundum cogere , quidquid
 Cogitur ipse , potest ? Illis & sidera primum
 Præcipiti deducta polo : Phœbeque serena
 Non aliter diris verborum obsessa venenis
 Palluit , & nigris , terrenisque ignibus arsit ,
 Quam si fraterna prohiberet imagine tellus ,
 Infereretque suas flammis coelestibus umbras.
 Et patitur tantos cantu depressa labores
 Donec suppositas propior despumet in herbas.

Hos scelerum ritus , hæc diræ carmina gentis
 Effera damnarat nimiae pietatis Erichtho ,
 Inque novos ritus pollutam duxerat artem.
 Illi namque nefas urbis submittere testæ
 Aut laribus ferale caput : desertaque busta

Incolit, & tumultos expulſis obtinet umbris,
 Grata Deis Erebi. Coetus audire ſilentium,
 Noſſe domos Stygias, arcanaque Ditis operti
 Non Superi, non vita vetat. Tener ora profanæ
 Fœda ſitu macies, cœloque ignota ſereno,
 Terribilis Stygio facies pallore gravatur,
 Impexis onerata comis. Si nimbus, & atræ
 Sidera ſubducunt nubes, tunc Theſſala nudis
 Egreditur buſtis, nocturnaſque fulgura captat.
 Semina fecundæ ſegetis calcata peruſſit,
 Et non lethiferas ſpirando perdidit auras.
 Nec ſuperos orat, nec cantu ſupplice numen
 Auxiliare vocat, nec fibras illa litantes
 Novit: funereas aris imponere flammæ
 Gaudet, & accenſo rapuit quæ tura ſepulcro.
 Omne nefas Superi prima jam voce præcantis
 Concedunt, carmenque timent audire ſecundum.
 Viventes animas, & adhuc ſua membra regentes,
 Infodit buſto: fatiſ debentibus annos
 Mors invita ſubit; perverſa funera pompa
 Rettulit a tumultis: fugère eadavèra lectum.
 Fumantes juvenum cineres, ardentiaque oſſa
 E mediis rapit ipſa rogis, ipſamque, parentes
 Quam tenuerè, facem: nigroque volantiâ fumo
 Feraliſ fragmenta tori, veſteſque fluentès
 Colligit in cineres, & olentes membra favillas.
 Aſt ubi ſervantur ſaxis, quibus intimus humor

Ducitur , & tracta durescunt tabe medullæ
 Corpora ; tunc omnes avide desævitur in artus.
 Immergitque manus oculis : gaudetque gelatos
 Effodisse orbes : & ficcæ pallida rodit
 Excrementa manus : laqueum , nodosque nocentes
 Ore suo rumpit : pendentia corpora carpsit ,
 Abrafitque cruces : percussaue viscera nimbis
 Vulsit , & incoctas admissio sole medullas.
 Insertum manibus chalybem , nigramque per artus
 Stillantis tibi saniem , virusque coactum
 Sustulit , & , nervo morsus retinente , pependit.
 Et quacumque jacet nudum tellure cadaver ,
 Ante feras , volucresque sedet : nec carpere membra
 Vult ferro , manibusque suis , morsusque luporum
 Exspectat , ficcis raptura e faucibus artus.
 Nec cessant a cæde manus , si sanguine vivo
 Est opus , erumpat jugulo qui primus aperto.
 Nec refugit cædes , vivum si sacra cruorem ,
 Extaque funereæ poscunt trepidantia mensæ :
 Vulnere sic ventris , non , qua Natura vocabat ,
 Extrahitur partus , calidis ponendus in aris.
 Et quoties sævis opus est , ac fortibus umbris ,
 Ipsa facit manes : hominum mors omnis in usu est.
 Illa genæ florem primævo corpore vulsit ,
 Illa comam læva morienti abscidit ephebo.
 Sæpe etiam caris , cognato in funere , dira
 Thessalis incubuit membris : atque oscula figens ,

Truncavitque caput , compressaque dentibus ora
 Laxavit : siccoque hærentem gutture linguam
 Præmordens , gelidis infudit murmura labris ,
 Arcanumque nefas Stygias mandavit ad umbras.

Hanc ut fama loci Pompeio prodidit , alta
 Nocte poli , Titan medium quo tempore ducit
 Sub nostra tellure diem , deserta per arva
 Carpit iter. Fidi scelerum fuetique ministri
 Effractus circum tumulos , ac busta vagati ,
 Conspxere procul prærupta in caute sedentem ,
 Qua juga devexus Pharsalia porrrigit Hæmus.
 Illa Magis , magicisque Deis incognita verba
 Tentabat , carmenque novos fingebat in usus.
 Namque timens , alium ne Mars vagus iret in orbem ,
 Emathis & tellus tam multa cæde careret ;
 Pollutos cantu dirisque venefica succis
 Consperfos , vetuit transmittere bella Philippos ,
 Tot mortes habitura suas , usuraque mundi
 Sanguine : cæforum truncare cadavera Regum
 Sperat , & Hesperiaë cineres avertere gentis ,
 Ossaque nobilium , tantosque acquirere manes.
 Hic ardor , solusque labor , quid corpore Magni
 Projecto rapiat , quos Cæsaris invollet artus.

Quam prior affatur Pompeii ignava propago.
 » O DECUS Hæmonidum , populis quæ pandere fata ,
 » Quæque suo ventura potes devertere cursu ,
 » Te precor , ut certum liceat mihi noscere finem ,

- » Quem belli fortuna parat. Non ultima turbae
» Pars ego Romanae, Magni clarissima proles;
» Vel dominus rerum, vel tanti funeris heres.
» Mens dubiis percussa pavet, rursusque parata est
» Certos ferre metus. Hoc casibus eripe juris;
» Ne subiti, cæcique ruant: vel numina torque,
» Vel tu parce Deis, & Manibus exprime verum.
» Elysiæ resera sedes, ipsamque vocatam,
» Quos petat e nobis, Mortem tibi coge fateri.
» Non humilis labor est: dignum, quod quærere cures.
» Vel tibi, quo tanti præponderet alea fati».
Impia lætatur vulgatæ nomine famæ
Thessalis, & contra: » SI FATA minora moveres,
» Pronumerat, ô juvenis, quos velles, inquit, in actus
» Invitos præbere Deos. Conceditur arti,
» Unam quum radiis presserunt fidera mortem,
» Inferuisse moras: &, quamvis fecerit omnis
» Stella senem, medios herbis abrumpimus annos.
» At simul a prima descendit origine mundi
» Causarum series, atque omnia fata laborant.
» Si quidquam mutare velis, unoque sub ictu
» Stat genus humanum: runc (Thessala turba fatemur)
» Plus Fortuna potest. Sed si prænoscere casus
» Contentus, facilesque aditus, multique patebunt
» Ad verum: tellus nobis, ætherque, chaosque,
» Æquoraque, & campi, Rhodopeaque saxa loquentur.
» Sed pronum, quum tanta novæ sit copia mortis,

» Emathiis unum campis attollere corpus ,
 » Ut modo defuncti , tepidique cadaveris ora
 » Plena voce sonent : ne membris sole perustis ,
 » Auribus incertum feralis strideat umbra ».
 Dixerat : & noctis geminatis arte tenebris ,
 Mœstum tecta caput , squalenti nube , pererrat
 Corpora cætorum , tumulis projecta negatis .
 Continuo fugère lupi , fugère revulsis
 Unguibus impastæ volucres , dum Thessala vatem
 Eligit , & gelidas letho scrutata medullas
 Pulmonis rigidi stantes sine vulnere fibras
 Invenit , & vocem defuncto in corpore quærit .
 Fata peremtorum pendent jam multa virorum ,
 Quem superis revocasse velit . Si tollere totas
 Tentasset campis acies , & reddere bello :
 Cessissent leges Erebi , monstroque potenti
 Extractus Stygio populus pugnasset Averno .
 Electum tandem trajecto gutture corpus
 Ducit , & inserto laqueis feralibus unco ,
 Per scopulos miserum trahitur , per saxa cadaver
 Victurum : montisque cavi , quem tristis Erichtho
 Damnarat sacris , alta sub rape locatur .

Haud procul a Ditis cæcis depressa cavernis
 In præceps subsedit humus : quam pallida promis
 Urget silva comis , & nullo vertice cœlum
 Suspiciens , Phœbo non pervia taxus opacat .
 Marcentes iatus tenebræ , pallensque sub antris

Longa nocte situs, nunquam, nisi carmine factum,
 Lumen habet. Non Tænareis sic faucibus aër
 Sedit iners, mœstum mundi confine latentis,
 Ac nostri: quo non metuant emittere manes
 Tartarei reges. Nam quamvis Thessala vates
 Vim faciat fatis, dubium est, quod traxerit illuc
 Aspiciat Stygias, an quod descenderit, umbras.
 Discolor, & vario furialis cultus amictu
 Induitur, vultusque aperitur crine remoto,
 Et coma vipereis substringitur horrida fertis.
 Ut pavidos juvenis comites, ipsumque trementem
 Conspicit, exanimi defixum lumina vultu:
 » PONITE, ait, trepida conceptos mente timores.
 » Jam nova, jam vera reddetur vita figura:
 » Ut quamvis pavidi possint audire loquentem.
 » Si vero Stygiosque lacus, ripamque sonantem
 » Ignibus ostendam, si me præsentem videri
 » Eumenides possunt, villosaque colla colubris
 » Cerberus excutens, & vincti terga Gigantes:
 » Quis timor, ignavi, metuentes cernere manes »?

Pectora tunc primum ferventi sanguine supplet
 Vulneribus laxata novis: taboque medullas
 Abluit: & virus large lunare ministrat.
 Huc quidquid foetu genuit Natura sinistro
 Miscetur. Non spuma canum, quibus unda timori est,
 Viscera non lyncis, non duræ nodus hyænæ
 Defuit, & cervi pasti serpente medulla:

Non puppim retinens , Euro tendente rudentes ,
 In mediis echeneis aquis , oculique draconum ,
 Quæque sonant foeta tepefacta sub alite faxa :
 Non Arabum volucer serpens , innataque rubris
 Æquoribus custos pretiosæ vipera conchæ :
 Aut viventis adhuc Libyci membrana cerastræ ,
 Aut cinis Eoa positi Phoenicis in ara.
 Quo postquam viles , & habentes nomina pestes
 Consulit : infando saturatas carmine frondes ,
 Et , quibus os dirum nascentibus inspuit , herbas
 Addidit , & quidquid mundo dedit ipsa veneni :
 Tunc vox , Lethæos cunctis pollentior herbis
 Excantare Deos , confundit murmura primum
 Diffona , & humanæ multum discordia linguæ.
 Latratus habet illa canum , gemitusque luporum.
 Quod trepidus bubo , quod strix nocturna queruntur ,
 Quod strident ululantque feræ , quod sibilat anguis
 Exprimit , & planctus illisæ cautibus undæ ,
 Silvarumque sonum , fractæque tonitrua nubis.
 Tot rerum vox una fuit. Mox cetera cantu
 Explicat Hæmonio , penetratque in Tartara lingua.
 » Eumenides , Stygiumque nefas , Pœnæque nocentum ,
 » Et Chaos innumeros avidum confundere mundos ;
 » Et Rector terræ , quem longa in secula torquet
 » Mors dilata deum : Styx , & , quos nulla meretur
 » Thessalis , Elysios , coelum , matremque perosa
 » Persephone : nostræque Hecates pars ultima , per quam

» Manibus & mihi sunt tacitæ commercia linguae :
 » Janitor & sedis laxæ , qui viscera sævo
 » Spargis nostra cani : repetitaque fila sorores
 » Fracturæ : tuque ô flagrantis portitor undæ ,
 » Jam lassate senex , ad me redeuntibus umbris :
 » Exaudite preces : si vos fatis ore nefando ,
 » Pollutoque voco , si nunquam hæc carmina fibris
 » Humanis jejuna cano , si pectora plena
 » Sæpe dedi , & lavi calido profecta cerebro :
 » Si quis , qui vestris caput , extaque lancibus infans
 » Imposuit , victurus erat , parete precanti.
 » Non in Tartareo latitantem poscimus antro ,
 » Affuetamque diu tenebris , modo luce fugata
 » Descendentem animam : primo pallentis hiatus
 » Hæret adhuc Orci. Licet has exaudiat herbas
 » Ad manes ventura semel. Ducis omina nato
 » Pompeiana canat nostri modo militis umbra ,
 » Si bene de vobis civilia bella merentur ».

Hæc ubi fata , caput , spumantiaque ora levavit ,
 Aspicit adstantem projecti corporis umbram ,
 Exanimis artus , invisæque claustra timentem
 Carceris antiqui. Pavet ire in pectus apertum ,
 Visceraque , & ruptas lethali vulnere fibras.
 Ah miser , extremum cui mortis munus iniquæ
 Eripitur , non posse mori. Miratur Erichtho ,
 Has fatis licuisse moras , irataque Morti
 Verberat immotum vivo serpente cadaver :

Perque cavas terræ, quas egit carmine, rimas.
 Manibus illatrat, regnique silentia rumpit.
 » TISIPHONE, vocisque meæ secura Megara,
 » Non agitis sævis Erebi per inane flagellis
 » Infelicem animam? Jam vos ego nomine vero
 » Eliciam, Strygiasque canes in luce superna
 » Destituam: per busta sequar, per funera custos.
 » Expellam tumulis, abigam vos omnibus urnis.
 » Teque Deis, ad quos alio procedere vultu
 » Ficta soles, Hecate, pallenti tabida forma,
 » Ostendam, faciemque Erebi mutare vetabo.
 » Eloquar immenso terræ sub pondere, quæ te
 » Contineant, Ennæa, dapes, quo foedere moestum
 » Regem noctis ames, quæ te contagia passam
 » Noluerit revocare Ceres. Tibi, pessime mundi
 » Arbiter, immittam ruptis Titana cavernis,
 » Et subito feriere die. Paretis? an ille
 » Compellandus erit, quo nunquam terra vocato
 » Non concussat remit, qui Gorgona cernit apertam,
 » Verberibusque suis trepidam castigat Erinny,
 » Indespecta tenet vobis qui Tartara; cujus
 » Vos estis superi, Strygias qui pejerat undas »
 » Protinus adstrictus caluit cruor, atraque fovit
 » Vulnere, & in venas extremaque membra cucurrit.
 Percussæ gelido trepidant sub pectore fibræ:
 Et nova defuetis subrepens vita medullis,
 Miscetur morti. Tunc omnis palpitat artus:

Tenduntur nervi : nec se tellure cadaver
 Paulatim per membra levat, terraque repulsum est,
 Erectumque simul. Distento lumina rictu
 Nudantur. Nondum facies viventis in illo,
 Jam morientis erat. Remanet pallorque rigorque;
 Et stupet illatus mundo. Sed murmure nullo
 Ora adstricta sonant. Vox illi, linguaque tantum
 Responsura datur, „DIC, inquit Theffala, magna,
 „Quod jubeo, mercede mihi : nam vera locutum
 „Immunem toto mundi præstabimus ævo,
 „Artibus Hæmoniiis : tali tua membra sepulcro,
 „Talibus exuram, Stygio cum carmine, filvis,
 „Ut nullos cantata magos exaudiat umbra.
 „Sit tanti vixisse iterum : nec verba, nec herbæ
 „Audebunt longæ somnum tibi solvere Lethes,
 „A me morte data. Tripodas, vatesque Deorum
 „Sors obscura decet. Certus discedat, ab umbris
 „Quisquis vera petit, duræque oracula Mortis
 „Fortis adit. Ne parce, precor. Da nomina rebus,
 „Da loca, da vocem, qua mecum fata loquantur „.
 Addidit & carmen, quo, quidquid consulit umbram,
 Scire dedit. Mœstum fletu manante cadaver,
 „TRISTIA non equidem Parcarum flamina, dixit,
 „Aspexi, tacitæ revocatus ab aggere ripæ :
 „Quod tamen e cunctis mihi noscere contigit umbris,
 „Effera Romanos agitat discordia manes,
 „Impiaque infernam ruperunt arma quietem.

» Elyfias alii fedes , ac Tartara mœſta
 » Diverſi liquere duces : quid fata pararent ,
 » Hi fecere palam. Triftis felicibus umbris
 » Vultus erat : vidi Decios , natumque , patremque ,
 » Luſtrales bellis animas , flentemque Camillum ,
 » Et Curios ; Syllam de te , Fortuna , querentem.
 » Deplorat Libycis perituram Scipio terris
 » Infaufam ſobolem. Major Carthaginis hoſtis ,
 » Non ſervituri mœret Cato fata nepotis.
 » Solum te , Conſul , depulſis prime tyrannis ,
 » Brute , pias inter gaudentem vidimus umbras.
 » Abruptis Catilina minax , fractisque catenis
 » Exſultat , Mariique truces , nudique Cethegi.
 » Vidi ego lætantes popularia nomina Drufos ;
 » Legibus immodicos , auſosque ingentia Gracchos.
 » Æternis Chalybum nodis , & carcere Ditis
 » Conſtrictæ plauſere manus , camposque piorum
 » Poſcit turba nocens. Regni poſſeſſor incertis
 » Pallentes aperit fedes , abruptaque faxes
 » Aſperat , & durum vinclis adamanta , paratque
 » Pœnam victori. Refer hæc ſolatia tecum ,
 » O juvenis , placido manes , patremque , domumque
 » Exſpectare ſinu , regnique in parte ſerena
 » Pompeiis ſervare locum. Nec gloria parvæ
 » Sollicitet vitæ : veniet quæ miſceat omnes
 » Hora duces. Properate mori , magnoque ſuperbi
 » Quamvis e parvis animo deſcendite buſtis ,

» Et Romanorum manes calcate Deorum.
 » Quem tumulum Nili, quem Tiberidis adluat unda,
 » Quæritur, & ducibus tantum de funere pugna est.
 » Tu fatum ne quære tuum; cognoscere Parcæ,
 » Me reticente, dabunt: tibi certior omnia Vates
 » Ipse canet Siculis genitor Pompeius in arvis:
 » Ille quoque incertus, quo te vocet, unde repellat,
 » Quas jubeat vitare plagas, quæ fidera mundi.
 » Europam, miseri, Libyamque, Asiamque timete.
 » Distribuit tumulos vestris fortuna triumphis.
 » O miseranda domus, toto nihil orbe videbis
 » Tutius Emathia ». Sic postquam fata peregit;
 Stat vultu moestus tacito, mortemque reposcit.
 Carminibus magicis opus est, herbisque, cadaver
 Ut cadat, & nequeant animam sibi-reddere fata,
 Consumto jam jure semel. Tum robore multo
 Exstruit illa rogam: venit defunctus ad ignes:
 Accensa juvenem positum strue liquit Erichtho,
 Tandem passa mori. Sextoque ad castra parentis
 It comes: & coelo lucis ducente colorem,
 Dum ferrent tutos intra tentoria gressus,
 Jussa tenere diem densas nox præstitit umbras.




S U M M A R I U M

LIBRI SEPTIMI.

POMPEII Somnium. Excusso sopore ; milites mixto murmure frementes audit , signumque prælii petentes. Tullii oratio , qua Magno suadet ut in pugnae discrimen veniat. Subjungit hic quæ ab eo proposito detertere debeant ; cui tamen invitus assentitur. Prodigia quæ venturos casus malè produnt. In aciem instruuntur ambo exercitus. Suos Cæsar , suosque Pompeius hortatur. Commissi prælii descriptio. Pompeianæ copiae funduntur , dux ipse vectus equo fugit. Expugnata hujus castra diripiuntur. Per somnum sua quemque victorum premit imago terroris. Occisorum cadavera jacent insepulta. Poeta cernens Pharsaliæ campos sanguine inquinatos in sævum Cæsarem invehitur.





LIBER SEPTIMUS.

SEGNIOR Oceano , quam lex æterna vocabat ,
Luctificus Titan nunquam magis æthera contra
Egit equos , currumque polo rapiente retorfit :
Defectusque pati voluit , raptæque labores
Lucis : & attraxit nubes , non pabula flammis ,
Sed ne Theſſalico purus luceret in orbe.

At nox felicitis Magno pars ultima vitæ
Sollicitos vana decepit imagine ſomnos.
Nam Pompeiani viſus ſibi ſede theatri
Innumeram effigiem Romanæ cernere plebis ,
Attollique ſuum lætis ad ſidera nomen
Vocibus , & plauſu cuneos certare ſonantes.
Qualis erat populi facies , clamorque ſaſentum ,
Olim quum juvenis , primique ætate triumphî ,
Poſt domitas gentes , quas torrens ambit Iberus ,
Et quæcumque fugax Sertorius impulit arma ,
Veſpere pacato , pura venerabilis æque ,
Quam currus ornante , toga , plaudente Senatu ,
Sedit adhuc Romanus eques. Seu fine bonorum
Anxia venturis ad tempora læta refugit :
Sive per ambages ſolitas contraria viſis
Vaticinata quies , magni tulit omina planctus :
Seu vetito patrias ultra tibi cernere ſedes ,
Sic Romam Fortuna dedit. Ne rumpite ſomnos ,
Caſtrorum vigiles , nullas tuba verberet aures.

Crastina dira quies, & imagine mœsta diurna
 Undique funestas acies feret, undique bellum.
 Unde pares somnos populi, noctemque beatam?
 O felix, si te vel sic tua Roma videret.
 Donassent utinam Superi, patriæque, tibi que
 Unum, Magne, diem, quo fati certus uterque
 Extremum tanti fructum caperetis amoris.
 Tu velut Ausonia vadis moriturus in urbe:
 Illa rati semper de te sibi conscia voti
 Hoc scelus haud unquam fatis hære putavit,
 Sic se dilecti tumulum quoque perdere Magni.
 Te mixto fleffet luctu, juvenisque, senexque,
 Injussusque puer: lacerasset crine soluto
 Pectora femineum, ceu Bruti funere, vulgus.
 Nunc quoque tela licet paveant victoris iniqui,
 Nuntiet ipse licet Cæsar tua funera, flebunt:
 Sed dum tura ferunt, dum laurea ferta Tonanti.
 O miseri, quorum gemitus edère dolorem,
 Qui te non pleno pariter planxere theatro.

Vicerat astra jubar, quum mixto murmure turba
 Castrorum fremuit, fatisque trahentibus orbem,
 Signa petit pugnæ. Miseri pars maxima vulgi
 Non totum visura diem, tentoria circum
 Ipsa ducis queritur, magnoque accensa tumultu
 Mortis vicinæ properantes admovet horas.
 Dira subit rabies: sua quisque, ac publica fata
 Præcipitare cupit: segnus, pavidusque vocatur,

Ac nimium patiens foci Pompeius, & orbis
 Indulgens regno, qui tot simul undique gentes
 Juris habere sui vellet, pacemque timeret.
 Nec non & reges, populique queruntur Eoi
 Bella trahi, patriaque procul tellure teneri.
 Hoc placet, o Superi, quum vobis vertere cuncta
 Propositum, nostris erroribus addere crimen.
 Cladibus irruimus, nocituraque poscimus arma:
 Jam Pompeianis votum est Pharsalia castris.
 Cunctorum voces Romani maximus auctor
 Tullius eloquii, cujus sub jure, togaque
 Pacificas sævus tremuit Catilina secures,
 Pertulit, iratus bellis, quum rostra forumque
 Optaret, passus tam longa silentia miles.
 Addidit invalidæ robur facundia causæ.

» Hoc pro tot meritis solum te, Magne, precatur,
 » Uti se, Fortuna, velis, procuresque tuorum
 » Castrorum, regesque tui cum supplice mundo
 » Affusi, vinci focerum patiare rogamus.
 » Humani generis tam longo tempore bellum
 » Cæsar erit? Merito, Pompeium vincere lente,
 » Gentibus, indignum est, a transcurrente subactis.
 » Quo tibi fervor abit? aut quo fiducia fati?
 » De Superis, ingratis, times? causamque Senatus
 » Credere Dis dubitas? Ipsæ sua signa revellent,
 » Profilientque acies; Pudeat vicisse coactum.
 » Si duce te jussu, si nobis bella gerantur,

» Sit juris quocumque velint concurrere campo.
 » Quid mundi gladios a sanguine Cæsaris arces ?
 » Vibrant tela manus : vix signa morantia quisquam
 » Exspectat : propera , ne te tua classica linquant.
 » Scire Senatus avet , miles te , Magne , sequatur ,
 » An comes ». Ingemuit Rector , sensitque Deorum
 Esse dolos , & fata suæ contraria menti.
 » SI PLACET, hoc, inquit, cunctis, si milite Magno,
 » Non duce tempus eget , nil ultra fata morabor.
 » Involvat populos una Fortuna ruina ,
 » Sitque hominum magnæ lux ista novissima parti.
 » Testor , Roma, tamen, Magnum , quo cuncta perirent,
 » Accepisse diem. Poruit tibi vulnere nullo
 » Stare labor belli : potuit sine cæde subactum ,
 » Captivumque ducem violatæ tradere Paci.
 » Quis furor , ô cæci , scelerum ? Civilia bella
 » Gesturi , metuunt , ne non cum sanguine vincant.
 » Abstulimus terras , exclusimus æquore toto ,
 » Ad præmaturas segetum jejuna rapinas
 » Agmina compulimus , votumque effecimus hosti ,
 » Ut mallet sterni gladiis , mortemque suorum
 » Permiscere meis. Belli pars magna peracta est.
 » His , quibus effectum est , ne pugnam tiro paveret:
 » Si modo virtutis stimulis , iræque calore
 » Signa petunt. Multos in summa pericula misit
 » Venturi timor ipse mali. Fortissimus ille est ,
 » Qui promptus metuenda pati , si cominus insent ,

» Et differre potest. Placet hæc tam prospera rerum
 » Tradere Fortunæ? Gladio permittere mundi
 » Discrimen? Pugnare ducem, quam vincere, malunt.
 » Res mihi Romanas dederas, Fortuna, regendas:
 » Accipe majores, & cæco in Marte tuere.
 » Pompeii nec crimen erit, nec gloria bellum.
 » Vincis apud Superos votis me Cæsar iniquis:
 » Pugnetur. Quantum scelerum, quantumque malorum
 » In populos lux ista feret! quot regna jacebunt!
 » Sanguine Romano quam turbidus ibit Enipeus!
 » Prima velim caput hoc funesti lancea belli,
 » Si sine momento rerum, partisque ruina
 » Casurum est, feriat: neque enim victoria Magno
 » Latior. Aut populis invisum, hac clade peracta,
 » Aut hodie, Pompeius erit miserabile nomen.
 » Omne malum victi, quod fors feret ultima rerum;
 » Omne nefas victoris erit. Sic fatur, & arma
 Permittit populis, frenosque furentibus ira
 Laxat: & ut victus violento navita Coro,
 Dat regimen ventis, ignavumque arte relicta
 Puppis onus trahitur. Trepido confusa tumultu
 Castra fremunt, animique truces sua pectora pulsan
 Ictibus incertis. Multorum pallor in ore
 Sortis venturæ est, faciesque simillima letho.
 Advenisse diem, qui fatum rebus in ævum
 Conderet humanis, & quæri Roma quid esset,
 Illo Marte palam est. Sua quisque pericula nescit,
Attonitus

Attonitus majore metu. Quis litora ponto
 Obruta, quis fummis cernens in montibus æquor,
 Ætheraque in terras, dejecto sole, cadentem,
 Tot rerum finem, timeat sibi? Non vacat ullos
 Pro se ferre metus: Urbi, Magnoque timetur.
 Nec gladiis habuere fidem, nisi cotibus asper
 Exarsit mucro. Tunc omnis lancea saxo
 Erigitur: tendunt nervis melioribus arcus:
 Cura fuit lectis pharetras implere sagittis.
 Auget eques stimulos, frenorumque aptat habenas.
 Si liceat Superis hominum conferre labores,
 Non aliter, Phlegra rabidos tollente Gigantas,
 Martius incaluit Siculis incudibus ensis:
 Et rubuit flammis iterum Neptunia cuspis,
 Spiculaque extenso Pæan Pythone recoxit,
 Pallas Gorgoneos diffudit in Ægida crines,
 Pallænæ Jovi mutavit fulmina Cyclops.

Non tamen abstinuit venturos prodere casus
 Per varias Fortuna notas. Nam Theffala rura
 Quum peterent, totus venientibus obstitit æther:
 Inque oculis hominum fregerunt fulmina nubes:
 Adversasque faces, immensoque igne columnas,
 Et trabibus mixtis avidos siphonas aquarum
 Detulit, atque oculos ingesto fulgure clausit,
 Excussit cristas galeis, capulosque solutis
 Perfudit gladiis, ereptaque pila liquavit:
 Ætherioque nocens fumavit sulfure ferrum.

Nec non innumero cooperta examine signa ;
 Vixque revulsa solo ; majori pondere pressum
 Signiferi mersere caput , rorantia fletu ,
 Usque ad Thessaliam Romana , & publica signa.
 Admotus Superis discussa fugit ab ara
 Taurus , & Emathios præceps se jecit in agros ;
 Nullaque funestis inventa est victima sacris.

At tu , quos scelerum Superos ? quas rite vocasti
 Eumenidas Cæsar ? Stygii quæ numina regni ?
 Infernumque nefas ? & mersos nocte furores ?
 Impia tam sævè gesturus bella litasti ?
 Jam dubium monstribusne Deum , nimione pavori
 Crediderint : multis concurrere visus Olympo
 Pindus , & abruptis mergi convallibus Hæmus ,
 Edere nocturnas belli Pharsalia voces ,
 Ire per Ossæam rapidus Boëbeida sanguis :
 Inque vicem vultus tenebris mirantur opertos ,
 Et pallere diem , galeisque incumbere noctem ,
 Defunctosque patres , & cunctas sanguinis umbras
 Ante oculos volitare suos. Sed mentibus unum
 Hoc solamen erat , quod voti turba nefandi
 Conscia , quæ patrum jugulos , quæ pectora fratrum
 Sperabat , gaudet monstribus , mentisque tumultu ,
 Atque omen scelerum subitos putat esse furores.
 Quid mirum , populos , quos lux extrema vocabat,
 Lymphato trepidasse metu , præfaga malorum
 Si data mens homini est ? Tyriis qui Gadibus hospes

Adjacet , Armeniumque bibit Romanus Araxem ,
 Sub quocumque die , quocumque est fidere mundi ,
 Mœret , & ignorat causas , animumque dolentem
 Corripit ; Emathiis , quid perdat nescius , arvis.
 Euganeo , si vera fides memorantibus , Augur
 Colle sedens , Aponus terris ubi fumifer exit ,
 Atque Antenorei dispergitur unda Timavi ,
 » VENIT summa dies , geritur res maxima , dixit :
 » Impia concurrunt Pompeii & Cæsaris arma » .
 Seu tonitrus , ac tela Jovis præfaga notavit :
 Aëra seu totum discordi obfistere cœlo ,
 Prospexitque polos : seu lumen in æthere mœstum
 Solis , in obscuro pugnam pallore notavit.
 Dissimilem certe cunctis , quos explicat , egit
 Thessalicum Natura diem : si cuncta perito
 Augure mens hominum cœli nova signa notasset ,
 Spectari toto potuit Pharfalia mundo.
 O summos hominum , quorum Fortuna per orbem
 Signa dedit , quorum fati cœlum omne vacavit !
 Hæc & apud feras gentes , populosque nepotum ,
 Sive sua tantum venient in secula fama ,
 Sive aliquid magnis nostri quoque cura laboris
 Nominibus prodesse potest : quum bella legentur ,
 Spesque metusque simul , perituraque vota movebunt :
 Attonitique omnes veluti venientia fata ,
 Non transmissa legent , & adhuc tibi , Magne , favebunt.
 Miles ut adverso Phœbi radiatus ab ictu

Descendens totos perfudit lumine colles,
 Non temere immissus campis : stetit ordine certo
 Infelix acies. Cornus tibi cura sinistri,
 Lentule, cum prima, quæ tum fuit optima bello,
 Et quarta legione, datur : tibi numine pugnax
 Adverso, Domiti, dextri frons tradita Martis.
 At medii robur belli fortissima densant
 Agmina, quæ Cilicum terris deducta tenebat
 Scipio, miles in hoc, Libyco dux primus in orbe.
 At juxta fluvios, & stagna undantis Enipei,
 Cappadocum montana cohors, & largus habenæ
 Ponticus ibat eques. Sicci sed plurima campi
 Tetrarchæ, regesque tenent, magnique tyranni,
 Atque omnis Latio quæ servit purpura ferro.
 Illuc, & Libye Numidas, & Creta Cydonas
 Misit : Ituræis cursus fuit inde sagittis :
 Inde truces Galli solitum prodistis in hostem.
 Illic pugnaces commovit Iberia cetras.
 Eripe victori gentes, & sanguine mundi
 Fuso, Magne, semel totos consume triumphos.
 Illo forte die Cæsar, statione relicta,
 Ad segetum raptus moturus signa, repente
 Conspicit in planos hostem descendere campos,
 Oblatumque videt votis sibi mille petitem
 Tempus, in extremos quo mitteret omnia casus.
 Æger quippe moræ, flagransque cupidine regni,
 Cœperat exiguo tractu civilia bella

Ut lentum damnare nefas. Discrimina postquam
Adventare ducum , supremæque proelia vidit ,
Casuram & fati sensit nutare ruinam ,
Illa quoque in ferrum rabies promptissima , paulum
Languit , & casus audax spondere secundos
Mens stetit in dubio , quam nec sua fata timere ,
Nec Magni sperare sinunt : formidine merfa ,
Profilit : hortando melior fiducia vulgo.

» O DOMITOR mundi , rerum fortuna mearum ,
» Miles , adest toties optatæ copia pugnae.
» Nil opus est votis : jam fatum arcessite ferro.
» In manibus vestris , quantus sit Cæsar , habetis.
» Hæc est illa dies , mihi quam Rubiconis ad undas
» Promissam memini , cujus spe movimus arma ,
» In quam distulimus vetitos remeare triumphos.
» Hæc eadem est , hodie quæ pignora , quæque penates
» Reddat , & emerito faciat vos Marte colonos.
» Hæc , fato quæ teste probet , quis justius arma
» Sumserit , hæc acies victum factura nocentem est.
» Si pro me patriam ferro flammisque petistis ,
» Nunc pugnate truces , gladiosque exsolvite culpa.
» Nulla manus , belli mutato iudice , pura est.
» Non mihi res agitur , sed vos , ut libera sitis
» Turba , precor , gentes ut jus habeatis in omnes.
» Ipse ego , privatæ cupidus me reddere vitæ ,
» Plebeiaque toga modicum componere civem :
» Omnia dum vobis liceant , nihil esse recluso.

- » Invidia regnate mea. Nec fanguine multo
 » Spem mundi petitis : Graiis delecta Juventus
 » Gymnasiis aderit , studioque ignava palæstræ ,
 » Et vix arma ferens , & mixtæ dissona turbæ
 » Barbaries ; non illa tubas , non agmine moto
 » Clamorem latura suum. Civilia paucæ
 » Bella manus facient : pugna pars magna levabit
 » His orbem populis , Romanumque obteret hostem.
 » Ite per ignavas gentes , famosaque regna ,
 » Et primo ferri motu prosternite mundum :
 » Sitque palam , quas tot duxit Pompeius in urbem
 » Curribus , unius gentes non esse triumphi.
 » Armeniosne movet , Romana potentia cujus
 » Sit ducis ? aut entum minimo vult fanguine quisquam
 » Barbarus Hesperiiis Magnum præponere rebus ?
 » Romanos odere omnes , dominosque gravantur ,
 » Quo novere magis. Sed me Fortuna meorum
 » Commisit manibus , quarum me Gallia testem
 » Tot fecit bellis. Cujus non militis ens
 » Agnoscam ? coelumque tremens quum lancea transit ,
 » Dicere non fallar , quo fit vibrata lacerto.
 » Quod si signa ducem nunquam fallentia vestrum
 » Conspicio , faciesque truces , oculosque minaces :
 » Vicistis. Videor fluvios spectare cruoris ,
 » Calcatosque simul Reges , sparsumque Senatus
 » Corpus , & immensa populos in cæde natantes.
 » Sed mea fata moror , qui vos in tela ruentes

» Vocibus his teneo. Veniam date bella trahenti :
 » Spe trepido : haud unquam vidi tam magna duros,
 » Tam prope me Superos : camporum limite parvo
 » Absumus a votis. Ego sum , cui Marte peracto ,
 » Quæ populi , Regesque tenent , donare licebit.
 » Quone poli motu , quo cœli fidere verso ,
 » Theſſalicæ tantum , Superi , permittitis oræ ?
 » Aut merces hodie bellorum , aut pœna paratur.
 » Cæſareas ſpectate cruces , ſpectate catenas ,
 » Et caput hoc poſitum roſtris , effuſaque membra ,
 » Septorumque nefas , & clauſi proelia Campi.
 » Cum duce Syllano gerimus civilia bella.
 » Veſtri cauſa movet. Nam me ſecura manebit
 » Sors quæſita manu : fodientem viſcera cernet
 » Me mea , qui nondum victo reſpexerit hoſte.
 » Dii , quorum curas abduxit ab æthere tellus ,
 » Romanusque labor , vincat , quicumque neceſſe
 » Non putat in victos ſævum diſtringere ferrum ,
 » Quique ſuos cives , quod ſigna adverſa tulerunt ,
 » Non credit feciſſe nefas. Pompeius in arcto
 » Agmina veſtra loco , vetita virtute moveri ,
 » Quum tenuit , quanto ſatiavit ſanguine ferrum !
 » Vos tamen hoc oro , juvenes , ne cædere quiſquam
 » Hoſti terga velit : civis , qui fugerit , eſto.
 » Sed dum tela micant , non vos pietatis imago
 » Ulla , nec adverſa conſpecti fronte parentes
 » Commoveant : vultus gladio turbate verendos.

» Sive quis infesto cognata in pectora ferro
» Ibit , seu nullum violabit vulnere pignus ,
» Ignoti jugulum , tanquam scelus , imputet hostis.
» Sternite jam vallum , fossasque implete ruina ,
» Exeat ut plenae acies non sparsa manipulis.
» Parcite ne castris : vallo tendetis in illo ,
» Unde acies peritura venit ». Vix cuncta locuto
Cæsare , quemque suum munus trahit , armaque raptim
Sumta , Ceresque viris. Capiunt præfagia belli ;
Calcatisque ruunt castris ; stant ordine nullo ,
Arte ducis nulla : permittunt omnia fati.
Si totidem Magni foceros , totidemque petentes
Urbis regna suæ ; funesto in Marte locasset ,
Non tam præcipiti ruerent in proelia cursu.

Vidit ut hostiles in rectum exire catervas
Pompeius , nullasque moras permittere bello ,
Sed Superis placuisse diem : stat corde gelato
Attonitus : tantoque duci sic arma timere
Omen erat. Premit inde metus , totumque per agmen
Sublimi pervectus equo : » QUEM flagitat , inquit ,
» Vestra diem virtus , finis civilibus armis ,
» Quem quæstistis , adest. Totas effundite vires ;
» Extremum ferri superest opus , unaque gentes
» Hora trahit. Quisquis patriam , carosque penates ,
» Qui sobolem , ac thalamos , defertaque pignora quærit ,
» Ense petat : medio posuit Deus omnia campo.
» Causa jubet melior Superos sperare secundos ;

» Ipsi tela regent per viscera Cæsaris , ipsi
 » Romanas fancire volent hoc sanguine leges.
 » Si focero dare regna meo , mundumque pararent ,
 » Præcipitare meam fatis potuere senectam. *
 » Non iratorum populis urbiq̃ue Deorum est
 » Pompeium fervare ducem. Quæ vincere possent
 » Omnia contulimus. Subiere pericula clari
 » Sponte viri , sacraque antiquus imagine miles.
 » Si Curios his fata darent , reducesque Camillos
 » Temporibus , Deciosque caput fatale voventes ,
 » Hinc starent. Primo gentes oriente coactæ ,
 » Innumeræque urbes , quantas in prælia nunquam
 » Excivere manus. Toto simul utimur orbe.
 » Quidquid signiferi compressum limite cœli
 » Sub Noton, & Borean hominum fumus, arma movemus.
 » Nonne superfusis collectum cornibus hostem
 » In medium dabimus ? Paucas victoria dextras
 » Exigit : at plures tantum clamore catervæ
 » Bella gerent. Cæsar nostris non sufficit armis.
 » Credite pendentes e summis mœnibus urbis
 » Crinibus effusis hortari in prælia matres.
 » Credite grandævum , vetitumque ætate Senatum
 » Arma sequi , sacros pedibus prosternere canos :
 » Atque ipsam domini metuentem occurrere Romam.
 » Credite , qui nunc est populis , populumque futurum
 » Permixtas afferre preces. Hæc libera nasci ,
 » Hæc vult turba mori , si quis post pignora tanta

„ Pompeio locus est , cum prole , & conjuge supplex ;
 „ Imperii salva si majestate liceret ,
 „ Volverer ante pedes. Magnus , nisi vincitis , exul ,
 „ Ludibrium foceri , vester pudor , ultima fata
 „ Deprecor , ac turpes extremi cardinis annos ,
 „ Ne discam servire senex „. Tam moesta locuti
 Voce ducis flagrant animi , Romanaque virtus
 Erigitur , placuitque mori , si vera timeret.

Ergo utrimque pari procurrunt agmina motu
 Irarum : metus hos regni , spes excitat illos.
 Hæ facient dextræ , quidquid non expleat ætas
 Ulla , nec humanum reparet genus omnibus annis ;
 Ut vacet a ferro. Gentes Mars iste futuras
 Obruet , & populos ævi venientis in orbem
 Erepto natale feret. Tunc omne Latinum
 Fabula nomen erit : Gabios , Veiosque , Coramque
 Pulvere vix tectæ poterunt monstrare ruinæ ,
 Albanosque lares , Laurentinosque penates
 Rus vacuum , quod non habiter , nisi nocte coacta ,
 Invitus , questusque Numam jussisse , Senatus.
 Non ætas hæc carpsit edax , monimenta que rerum
 Putria destituit : crimen civile videmus ,
 Tot vacuas urbes. Generis quo turba redacta est
 Humani ? Toto populi qui nascimur orbe ,
 Nec muros implere viris , nec possumus agros ,
 Urbs nos una capit : vincto fossore coluntur
 Hesperia segetes : stat tectis putris avitis

In nullos ruitura domus , nulloque frequentem
 Cive suo Romam , sed mundi fæce repletam :
 Cladis eo dedimus , ne tanto in tempore bellum
 Jam possit civile geri : Pharsalia tanti
 Causa mali. Cedant feralia nomina Cannæ ,
 Et damnata diu Romanis Allia fastis.
 Tempora signavit leviorum Roma malorum :
 Hunc voluit nescire diem. Proh tristia fata !
 Aëra pestiferum tractu , morbosque fluentes ,
 Insanamque famem , permissasque ignibus urbes ,
 Moeniaque in præceps laturos plena tremores
 Hi possent explere viri , quos undique traxit
 In miseram Fortuna necem , dum munera longi
 Explicat eripiens ævi , populosque , ducesque ,
 Constituit campis : per quos tibi , Roma , ruenti
 Ostendat quam magna cadas. Quo latius orbem
 Possedit , citius per prospera fata cucurrit.
 Omne tibi bellum gentes dedit omnibus annis :
 Te geminum Titan procedere vidit in axem.
 Haud multum terræ spatium restabat Eoæ ,
 Ut tibi nox , tibi tota dies , tibi curreret æther ,
 Omniaque errantes stellæ Romana viderent.
 Sed retro tua fata tulit par omnibus annis
 Emathiæ funesta dies. Hac luce cruenta
 Effectum , ut Latios non horreat India fasces ,
 Nec vetitos errare Daas in mœnia ducat :
 Sarmaticumque premat succinctus Consul aratrum :

Quod semper sævas debet tibi Parthia poenas ,
 Quod fugiens civile nefas , redituraque nunquam
 Libertas , ultra Tigrim , Rhenumque recessit ,
 Ac , toties nobis jugulo quæsitæ , negatur ,
 Germanum , Scythicumque bonum . nec respicit ultra
 Ausoniam : vellem , populis incognita nostris ;
 Vulturis ut primum lævo fundata volatu
 Romulus infami complevit mœnia luco ,
 Usque ad Theffalicas serviffes Roma ruinas .
 De Brutis , Fortuna , queror . Quid tempora legum
 Egimus , aut annos a Consule nomen habentes ?
 Felices Arabes , Medique , Eoaque tellus ,
 Quam sub perpetuis tenuerunt fata Tyrannis .
 Ex populis , quæ regna ferunt , fors ultima nostra est ,
 Quos servire pudet . Sunt nobis nulla profecto
 Numina : quum cæco rapiantur secula casu ,
 Mentimur regnare Jovem . Spectabit ab alto
 Æthere Theffalicas , teneat quum fulmina , cædes ?
 Scilicet ipse petet Pholoën ? Petet ignibus Æten ,
 Immeritæque nemus Rhodopes , pinusque Mimantis ?
 Cassius hoc potius feriet caput ? Astra Thyestæ
 Intulit , & subitis damnavit noctibus Argos :
 Tot similes fratrum gladios , patrumque gerenti
 Theffaliæ dabit ille diem ? Mortalia nulli
 Sunt curata Deo . Cladis tamen hujus habemus
 Vindictam , quantam terris dare numina fas est .
 Bella pares Superis facient civilia divos :

Fulminibus manes , radiisque ornabit , & astris ,
Inque Deum templis jurabit Roma per umbras.

Ut rapido cursu fati suprema morantem
Consumere locum : parva tellure diremti ,
Inde manus spectant , vultusque agnoscere quærunt,
Quo sua pila cadant , aut quâ sibi fata minentur.
Facturi quæ monstra forent , vidêre parentes
Frontibus adversis , fraternaue cominus arma ,
Nec libuit mutare locum : tamen omnia torpor
Pectora constrinxit : gelidusque in viscera sanguis
Percussa pietate coit : totaque cohortes
Pila parata diu tensis tenere lacertis.
Dii tibi non mortem , quæ cunctis poena paratur ;
Sed sensum post fata tuæ dent , Crastine , morti ,
Cujus torta manu commisit lancea bellum ,
Primaque Thessaliam Romano sanguine tinxit.
O præceps rabies , quum Cæsar tela teneret ,
Inventa est prior ulla manus ! Tunc stridulus æs
Elifus lituis , conceptaque classica cornu :
Tunc ausæ dare signa tubæ : tunc æthera tendit ,
Extremique fragor convexa irrumpit Olympi :
Unde procul nubes , quo nulla tonitrua durant.
Excepit resonis clamorem vallibus Hæmus ,
Peliacisque dedit rursus geminare cavernis :
Pindus agit fremitus , Pangæaque saxa resultant,
Ætææque gemunt rupes. Vocesque furoris
Expavêre sui tota tellure relatas,

Spargitur innumerum diversis missile votis.
 Vulnere pars optat, pars terræ figere tela,
 Ac puras fervare manus. Rapiunt omnia casus;
 Atque incerta facit, quos vult, Fortuna nocentes.
 Sed quota pars cladis jaculis, ferroque volanti
 Exacta est? Odiis solus civilibus ensis
 Sufficit, & dextras Romana in viscera ducit.
 Pompeii densas acies stipata catervis,
 Junxerat in seriem nexis umbonibus arma.
 Vixque habitura locum dextras, ac tela movendi,
 Constitit, gladiosque suos compressa timebat.
 Præcipiti cursu vesanum Cæsaris agmen
 In densos agitur cuneos: perque arma, per hostem
 Quærit iter, qua torta graves lorica catenas
 Opponit, tutoque latet sub tegmine pectus.
 Hac quoque perventum est ad viscera: totque per arma
 Extremum est, quod quisque ferit. Civilia bella
 Una acies patitur, gerit altera: frigidus inde
 Stat gladius; calet inde nocens a sanguine ferrum.
 Nec Fortuna diu rerum tot pondera vergens,
 Abstulit ingentes fato torrente ruinas.

Ut primum toto diduxit cornua campo
 Pompeianus eques, bellicæ per ultima fudit:
 Sparsa per extremos levis armatura maniplos
 Insequitur, sævasque manus immittit in hostem.
 Illic quæque suo miscet gens proelia telo:
 Romanus cunctis petitur cruor. Inde sagittæ,

Inde faces , & saxa volant , spatioque solutæ
 Aëris , & calido liquefactæ pondere glandes.
 Tunc & Ituræi , Medique , Arabesque soluti,
 Arcu turba minax , nusquam rexere sagittas :
 Sed petitur solus , qui campis imminet , aër :
 Inde cadunt mortes : sceleris sed crimine nullo
 Externum maculant chalybem ; stetit omne coactum
 Circa pila nefas : ferro subtexitur æther ,
 Noxque super campos telis conferta pependit.
 Quum Cæsar metuens , ne frons sibi prima labaret
 Incurfu , tenet obliquas post signa cohortes :
 Inque latus belli , qua se vagus hostis agebat ,
 Immittit subitum , non motis cornibus , agmen.
 Immemores pugnæ , nulloque pudore tenendi ,
 Præcipites fecere palam , civilia bella
 Non bene barbaricis unquam commissa catervis.
 Ut primum sonipes transfixus pectora ferro ,
 In caput effusi calcavit membra regentis :
 Omnis eques cessit campis , glomerataque pubes
 In sua conversis præceps ruit agmina frenis.
 Perdidit inde modum cædes , ac nulla secuta est
 Pugna : sed hinc jugulis , hinc ferro , bella geruntur.
 Nec valet hæc acies tantum prostræare , quantum
 Inde perire potest. Utinam , Pharsalia , campis
 Sufficiat cruor iste tuis , quem barbara fundunt
 Pectora , non alio mutentur sanguine fontes !
 Hic numerus totos tibi vestiât ossibus agros :

Aut si Romano compleri sanguine mavis ,
 Istis parce , precor : vivant Galatæque , Syrique ,
 Cappadoces , Gallique , extremique orbis Iberi ,
 Armeni , Cilices : nam post civilia bella
 Hic populus Romanus erit. Semel ortus in omnes
 It timor , & fatis datus est pro Cæsare cursus.

Ventum erat ad robur Magni , mediasque catervas ;
 Quod totos errore vago perfuderat agros ,
 Constitit hic bellum , fortunaque Cæsaris hæsit .
 Non illic regum auxiliis collecta Juventus
 Bella gerit , ferrumque manus movère rogatæ ;
 Ille locus fratres habuit , locus ille parentes .
 Hic furor , hic rabies , hic sunt tua crimina , Cæsar .
 Hanc fuge , mens , partem belli , tenebrisque relinque ,
 Nullaque tantorum discat me vate malorum ,
 Quam multum bellis liceat civilibus , ætas .
 Ah potius pereant lacrimæ , pereantque querelæ !
 Quidquid in hac acie gessisti , Roma , tacebo .
 Hic Cæsar , rabies populi , stimulusque furorum ;
 Ne qua parte sui pereat scelus , agmina circum
 It vagus , atque animis ignes flagrantibus addit .
 Conspicit & gladios , qui toti sanguine manent ,
 Qui niteant primo tantum mucrone cruenti ,
 Quæ pressô tremat ense manus , quis languida tela ,
 Quis contenta ferat , quis præstet bella jubenti ,
 Quem pugnare juvet , quis vultum cive perempto
 Mutet : obit latis projecta cadavera campis ,

Vulnere multorum , totum fufura cruorem ,
 Oppofita premit ipfe manu. Quacumque vagatur ,
 Sanguineum quatiens veluti Bellona flagellum ,
 Biftonas aut Mavors agitans , fi verbere fævo
 Palladia ftimulet turbatos ægide currus ,
 Nox ingens fcclerum , & cædes oriuntur , & inftar
 Immenfæ vocis gemitus , & pondere lapfi
 Pectoris arma fonant , confractique enfibus enfes.
 Ipfe manu fubicit gladios , ac tela miniftrat ,
 Adverfosque jubet ferro confundere vultus.
 Promovet ipfe acies : impellit terga fuorum :
 Verbere converfæ ceffantes excitat haftæ.
 In plebem vetat ire manus , monftratque Senatum.
 Scit cruor imperii qui fit , quæ viscera regum ;
 Unde petat Romam , libertas ultima mundi
 Quo fteterit ferienda loco. Permifta fecundo
 Ordine nobilitas , venerandaque corpora ferro
 Urgentur : cædunt Lepidos , cæduntque Metellos ,
 Corvinosque fimul , torquataque nomina , regum
 Sæpe duces , fummosque hominum te , Magne , remoto.
 Illic plebeia contectus cafside vultus ,
 Ignotusque hofti , quid ferrum , Brute , tenebas ?
 O decus imperii , fpes ô fuprema Senatus ,
 Extremum tanti generis per fecula nomen ?
 Ne rue per medios nimium temerarius hoftes ,
 Nec tibi fatales admoveris ante Philippos ,
 Theffalia periture tua. Nil proficis iftic

Cæfaris intentus jugulo : nondum attigit arcem ;
 Juris & humani culmen , quo cuncta premuntur ,
 Egredius , meruit fatis tam nobile lethum :
 Vivat , & ut Bruti procumbat victima , regnet.

Hic patriæ perit omne decus : jacet aggere magno
 Patricium campis , commixta plebe , cadaver.
 Mors tamen eminuit clarorum in strage virorum
 Pugnacis Domiti ; quem clades fata per omnes
 Ducebant. Nusquam Magni fortuna sine illo
 Succubuit : victus toties a Cæsare , salva
 Libertate perit : tunc mille in vulnera lætus
 Labitur , ac venia gaudet caruisse secunda.
 Viderat in crasso versantem sanguine membra
 Cæsar , & increpitans ; » JAM Magni deferis arma ,
 » Successor Domiti : sine te jam bella geruntur ».
 Dixerat : ast illi suffecit pectora pulsans
 Spiritus in vocem , morientiaque ora resolvit.
 » NON TE funesta scelerum mercede potitum ,
 » Sed dubium fati , Cæsar , generoque minorem
 » Aspiciens , Stygias , Magno duce , liber ad umbras
 » Et securus eo : te sævo Marte subactum ,
 » Pompeioque graves pœnas , nobisque daturum ,
 » Quum moriar , sperare licet » . Non plura locutum
 Vita fugit , densæque oculos pressere tenebræ.
 Impendisse pudet lacrimas in funere mundi
 Mortibus innumeris , ac singula fata sequentem
 Quærere , lethiferum per cujus viscera vulnus

Exierit? Quis fusa solo vitalia calcet;
 Ore quis adverso, demisso faucibus ense,
 Exspuerit moriens animam; quis corruat ictu,
 Quis steterit, dum membra cadunt: qui pectore tela
 Transmittant, aut quos campis affixerit hasta:
 Quis cruor emissus perruperit aëra venis,
 Inque hostis cadat arma sui: quis pectora fratris
 Cædat, &, ut notum possit spoliare cadaver,
 Abscisum longe mittat caput: ora parentis
 Quis laceret, nimiaque probet spectantibus ira
 Quem jugulat, non esse patrem. Mors nulla querela
 Digna sua est, nullosque hominum lugere vacamus.
 Non istas habuit pugnae Pharsalia partes,
 Quas aliæ clades: illic per fata virorum,
 Per populos hic Roma perit: quod militis illic,
 Mors hic gentis erat: sanguis ibi fluxit Achæus,
 Ponticus, Assyrius: cunctos hædere cruores
 Romanus, campisque vetat consistere, torrens.
 Majus in hac acie, quam quod sua secula ferrent,
 Vulnus habent populi: plus est, quam vita, salusque
 Quod perit: in totum mundi prosternimur ævum.
 Vincimur his gladiis omnis, quæ serviat, ætas.
 Proxima quid soboles, aut quid meruere nepotes
 In regnum nasci? Pavidi num gessimus arma?
 Teximus aut jugulos? alieni poena timoris
 In nostra cervice sedet. Post prœlia natis
 Si dominum Fortuna dabis, & bella dedisses,

Jam Magnus tranſiſſe Deos , Romanaque fata
 Senſerat infelix : tota vix clade coaſtus
 Fortunam damnare ſuam. Stetit aggere campi
 Eminus , unde omnes , ſparſas per Theſſala rura ,
 Aſpiceret clades , quæ , bello obſtante , latebant.
 Tot telis ſua fata peti , tot corpora fuſa ,
 Ac ſe tam multo pereuntem ſanguine vidit.
 Nec , ſicut mos eſt miſeris , trahere omnia ſecum
 Merſa juvat , gentesque ſuæ miſcere ruinæ :
 Ut Latiae poſt ſe vivat pars maxima turbæ ,
 Suſtinuit dignos etiam nunc credere votis
 Cœlicolas volvitque ſui ſolatia caſus :
 » PARCITE , ait , Superi cunctas proſternere gentes :
 » Stante poteſt mundo , Romaque ſuperſtite , Magnus
 » Eſſe miſer. Si plura juvant mea vulnera , conjux
 » Eſt mihi , ſunt nati ; dedimus tot pignora fatiſ.
 » Civile parum eſt bello , ſi meque , meosque
 » Obruat ? Exiguæ clades ſumus , orbe remoto ?
 » Omnia quid laceras ? quid perdere cuncta laboras ?
 » Jam nihil eſt , Fortuna , meum ». Sic fatur : & arma,
 Signaque , & afflictaſ omni jam parte catervas
 Circuit , & revocat matura in fata ruentes ,
 Seque negat tanti. Nec deerat robur in enſes
 Ire duci , juguloque pati , vel pectore lethum :
 Sed timuit ſtrato miles ne corpore Magni
 Non fugeret , ſupraque ducem procumberet orbis :
 Cæſaris aut oculis voluit ſubducere mortem.

Ne quidquam : infelix , focero spectare volenti
 Præstandum est ubicumque caput. Sed tu quoque conjux
 Causa fugæ , vultusque tui : fatisque probatum
 Te præsentem mori. Tunc Magnum concitus aufert
 A bello sonipes , non tergo tela paventem ,
 Ingentesque animos extrema in fata ferentem.
 Non gemitus , non fletus erat , salvaque verendus
 Majestate dolor , qualem te , Magne , decebat
 Romanis præstare malis. Non impare vultu
 Aspicias Emathiam : nec te videre superbum
 Prospera bellorum , nec fractum adversa videbunt.
 Quamque fuit læto per tres infida triumphos ,
 Tam misero Fortuna minor. Jam pondere fati
 Deposito securus abis : nunc tempora læta
 Respexisse vacat : spes nunquam implenda recessit :
 Quid fueris nunc scire licet. Fuge proelia dira ,
 Ac testare Deos , nullum qui persistet in armis ,
 Jam tibi , Magne , mori : ceu flebilis Africa damnis ,
 Et ceu Munda nocens , Pharioque a gurgite clades ,
 Sic & Thessalicæ post te pars maxima pugnæ.
 Non jam Pompeii nomen popolare per orbem ,
 Nec studium belli : sed par , quod semper habemus ,
 Libertas , & Cæsar erunt : teque inde fugato
 Ostendet moriens , sibi se pugnasse , Senatus.
 Nonne juvat pulsum bellis cessisse , nec istud
 Perspectare nefas , spumantes cæde catervas ?
 Respice turbatos incursum sanguinis amnes ,

Et foci miſerere tui. Quo peſtore Romam
 Intrabit campis factus felicior iſtis?
 Quidquid in ignotis ſolus regionibus exul,
 Quidquid ſub Phario poſitus patiſſe tyranno?
 Crede Deis, longo fatorum crede favori,
 Vincere pejus erat. Prohibe lamenta ſonare,
 Flere veta populos: lacrimas, luſtusque remitte.
 Tam mala Pompeii, quam proſpera mundus adoret.
 Aſpice ſecurus vultu non ſupplique reges:
 Aſpice poſſeſſas urbes, donataque regna,
 Ægyptum, Libyamque, & terras elige morti.
 Vidit prima tuæ teſtis Lariffa ruinæ
 Nobile, nec victum fatiſ caput: omnibus illa
 Civibus effudit totas per mœnia virés;
 Omnia, ceu læto, promittunt munera flentes:
 Pandunt templa, domos: ſocios ſe cladibus optant.
 Scilicet immenſo ſupereſt ex nomine multum,
 Teque minor ſolo: cunctas impellere gentes
 Rurſus in arma poteſ, rurſusque in fata redire.
 „SED QUID opus victo populis, aut urbibus, inquit?
 „Victori præſtate fidem“. Tu, Cæſar, in alto
 Cædis adhuc cumulo patriæ per viſcera vadis:
 At tibi jam populos donat gener. Avehit inde
 Pompeium ſonipes: gemitus, lacrimæque ſequuntur:
 Plurimaque in fævos populi convicia divos.
 Nunc tibi vera fides quæſiti, Magne, favoris
 Contigit, ac fructus. Felix ſe nescit amari.

Cæsar ut Hesperio vidit fatis arva natare
 Sanguine , parcendum ferro , manibusque fuorum
 Jam ratus , ut viles animas , perituraque frustra
 Agmina permisit vitæ. Sed castra fugatos
 Ne revocent , pellatque quies nocturna pavorem ;
 Protinus hostili statuit succedere vallo ,
 Dum fortuna calet , dum conficit omnia terror ,
 Non veritus grave ne fessis , aut Marte subactis
 Hoc foret imperium. Non magno hortamine miles
 In prædam ducendus erat : » VICTORIA nobis
 » Plena , viri , dixit , supereſt pro ſanguine merces ,
 » Quam monſtrare meum eſt : nec enim donare vocabo ,
 » Quod ſibi quiſque dabit ; cunctis en plena metallis
 » Caſtra patent : raptum Heſperiis e gentibus aurum
 » Hic jacet : Eoasque premunt tentoria gazas.
 » Tot regum fortuna ſimul Magnique coacta
 » Exſpectat dominos : propera præcedere miles
 » Quos ſequeris : quaſcumque tuas Pharfalia fecit ,
 » A victis rapiuntur opes. » Nec plura locutus
 Impulit amentes , aurique cupidine cæcos
 Ire ſuper gladios , ſupraque cadavera patrum ,
 Et cæſos calcare duces. Quæ foſſa , quis agger
 Sufſtineat pretium belli , ſclerumque petentes ?
 Scire volunt quanta fuerint mercede nocentes.
 Invenere quidem ſpoliato plurima mundo
 Bellorum in ſuntus congeſtæ pondera mæſſæ :
 Sed non implevit cupientes omnia mentes

Quidquid fodit Iber, quidquid Tagus expulit auri;
 Quodque legit dives summis Arimaſpus arenis.
 Ut rapiant, parvo ſcelus hoc væniffe putabunt,
 Quum ſibi Tarpeias victor deſponderit arces:
 Quum ſpe Romanæ promiſerit omnia prædæ:
 Decipitur, quod caſtra rapit. Capit impia plebes
 Ceſpite patricio ſomnos: ſtratumque cubile
 Regibus infandus miles premit: inque parentum,
 Inque toris fratrum poſuerunt membra nocentes:
 Quos agitat veſana quies, ſomnique furentes
 Theſſalicam miſeri verſant in pectore pugnam.
 Invigilat cunctis ſævum ſcelus, armaque tota
 Mente agitant, capuloque manus abſente moventur.
 Ingemuiffe putem campos, terramque nocentes
 Inſpiſaſſe animas, infectumque aëra totum
 Manibus, & Strygia ſuperam formidine noctem.
 Exigit a meritis triftes victoria poenas,
 Sibilaque & flammæ infert ſopor: umbra peremti
 Civis adefſt: ſua quemque premit terroris imago.
 Ille ſenum vultus, juvenum videt ille figuras:
 Hunc agitant totis fraterna cadavera ſomnis:
 Pectore in hoc pater eſt; omnes in Cæſare manes.
 Haud alios nondum Scythica purgatus in ara
 Eumenidum vidit vultus Pelopeus Oreſtes:
 Nec magis attonitos animi ſenſere tumultus,
 Quum fureret, Pentheus; aut quum deſiſſet, Agave.
 Hunc omnes gladii, quos aut Pharfalia vidit,

Aut

Aut ultrix visura dies, stringente Senatu,
 Illa nocte premunt: hunc infera monstra flagellant.
 Et quantum poenæ misero mens conscia donat,
 Quod Styga, quod manes, ingestaque Tartara somnis
 Pompeio vivente, videt! Tamen omnia passio,
 Postquam clara dies Pharfalica damna rexit,
 Nulla loci facies revocat feralibus arvis
 Hærentes oculos. Cernit propulsa cruore
 Flumina, & excelsos cumulis æquantia colles
 Corpora, fidentes in tabem spectat acervos,
 Et Magni numerat populos: epulisque paratur
 Ille locus, vultus ex quo, faciesque jacentum
 Agnoscat. Juvat Emathiam non cernere terram,
 Et lustrare oculis campos sub clade latentes.
 Fortunam, Superosque suos in sanguine cernit.
 Ac ne læta furens scelerum spectacula perdat,
 Invidet igne rogi miseris, cœloque nocenti
 Ingerit Emathiam. Non illum Pœnus humator
 Consulis, & Libyca succensæ lampade Cannæ
 Compellunt, hominum ritus ut servet in hostes:
 Sed meminit nondum satiata cædibus ira,
 Cives esse suos. Petimus non singula busta,
 Discretosque rogos: unum da gentibus ignem:
 Non interpositis urantur corpora flammis.
 Aut generi si poena juvat, nemus exstrue Pindi
 Erige congestas Ætæo robore sylvas,
 Thessalicam videat Pompeius ab æquore flammam.

Nil agis hac ira : tabesne cadavera solvat ;
 An rogos , haud refert : placido Natura receptat
 Cuncta sinu , finemque sui sibi corpora debent.
 Hos , Cæsar , populos si nunc non ufferit ignis ,
 Uret cum terris , uret cum gurgite ponti.
 Communis mundo superest rogos , ossibus astra
 Mixturus. Quocumque tuam Fortuna vocabit ,
 Hæ quoque eunt animæ. Non altius ibis in auras ,
 Non meliore loco Stygia sub nocte jacebis.
 Libera Fortunæ mors est : capit omnia tellus
 Quæ genuit : cœlo tegitur , qui non habet urnam.
 Tu , cui dant poenas inhumato funere gentes ,
 Quid fugis hanc cladem ? quid olentes deferis agros ?
 Has trahe , Cæsar , aquas : hoc , si potes , utere cœlo.
 Sed tibi tabentes populi Pharsalica rura
 Eripiunt , camposque tenent victore fugato.

Non solum Hæmonii funesta ad pabula belli
 Bistonii venere lupi , tabemque cruentæ
 Cædis odorati Pholoën liquere leones.
 Tunc ursæ latebras , obscoenæ recta , domosque
 Deferuere canes , & quidquid nare sagaci
 Aëra non sanum , motumque cadavere sentit.
 Jamque diu volucres civilia castra secutæ
 Conveniunt. Vos , quæ Nilo mutare soletis
 Threïcias hiemes , ad mollem serius Austrum
 Istis aves. Nunquam se tanto vulture cœlum
 Induit , aut plures presserunt aëra pennæ.

Omne nemus misit volucres, omnisque cruenta
 Alite sanguineis stillavit roribus arbor.
 Sæpe super vultus victoris, & impia signa
 Aut cruor, aut alto defluxit ab æthere tabes,
 Membraque dejecit jam lassis unguibus ales.
 Sic quoque non omnis populus pervenit ad ossa,
 Inque feras discerptus abijt: non intima curant
 Viscera; nec totas avide sorbere medullas:
 Degustant artus. Latiae pars maxima turbæ
 Fastidita jacet; quam sol, nimbiq̃ue, diesque
 Longior, Emathiis resolutam miscuit arvis.

Thessalia infelix, quo tanto crimine, tellus,
 Læstisti Superos, ut te tot mortibus unam,
 Tot scelerum fatis premerent? Quod sufficit ævum,
 Immemor ut donet belli tibi damna vetustas?
 Quæ seges infecta surget non decolor herba?
 Quo non Romanos violabis vomere manes?
 Ante novæ venient acies, scelerique secundo
 Præstabis nondum ficos hoc sanguine campos.
 Omnia majorum vertamus busta licebit,
 Et stantes tumulos, & qui radice vetusta
 Effudere suas, victis compagibus, urnas:
 Plus cinerum Hæmoniae fulcis telluris aratur,
 Pluraque ruricolis feriuntur dentibus ossa.
 Nullus ab Emathio religasset litore funem
 Navita, nec terram quisquam movisset arator,
 Romani bustum populi: fugerentque coloni

Umbrarum campos , gregibus dumeta carerent :
Nullusque auderet pecori permittere pastor
Vellere surgentem de nostris ossibus herbam :
Ac , velut impatiens hominum , vel solis iniqui
Limite , vel glacie , nuda atque ignota jaceres ;
Si non prima nefas belli , sed sola tulisses.
O Superi , liceat terras odisse nocentes.
Quid totum premitis , quid totum absolvitis orbem ?
Hesperiaë clades , & flebilis unda Pachyni ,
Et Mutina , & Leucas pueros fecere Philippos.



S U M M A R I U M

LIBRI OCTAVI.

POMPEIUS fugiens vela flectere jubet in Lesbum ubi latet Cornelia ; cujus uxoris immodicos dolores voce castigat. Ingemit populus , ubi civem suam videt cum Magno discedentem. Ei obviam fit Dejotarus quem in exteras gentes mittit auxilia petiturum. In Cilicum litus appellit Pompeius ; ibi deliberatur apud quem regem securas sedes obtinere possint. Magno placet Phraatis regnum ; à Lentulo rejicitur , qui Ptolemæi præfert. In Ægyptum navigat classis , quæ Pelusiæ Nili ostium subit. Animos invadit timor ; quid sit agendum deliberatur. Pompeium letho damnat Pothinus , cui sceleri assensere omnes. Magnum confodit Septimius. Ad Ptolemæum fertur illius caput cervice avulsum , quod

*arte conditum victori servatur ; truncum
verò projicitur in mare. Per noctem Cor-
dus Pompeii truncum in undis jactatum
aufert , bustum struit , ignem injicit ,
collectosque cineres juxta litus saxo con-
tegit.*





LIBER OCTAVUS.

JAM super Herculeas fauces, nemorosaque Tempe,
Hæmoniaë deserta petens dispendia silvæ,
Cornipedem exhaustum cursu, stimulisque negantem
Magnus agens, incerta fugæ vestigia turbat,
Implicitasque errore vias. Pavet ille fragorem
Motorum ventis nemorum, comitumque suorum,
Qui post terga redit, trepidum, laterique timentem
Exanimat. Quamvis summo de culmine lapsus,
Nondum vile sui pretium scit sanguinis esse,
Seque, memor fati, tantæ mercedis habere
Credit adhuc jugulum, quantam pro Cæsaris ipse
Avulsa cervice daret. Deserta sequentem
Non patitur tutis fatum celare latebris
Clara viri facies. Multi Pharfalica castra
Quum peterent, nondum fama prodente ruinas,
Occursum stupuere ducis, vertigine rerum
Attoniti: cladisque suæ vix ipse fidelis
Auctor erat. Gravis est Magno, quicumque malorum
Testis adest. Cunctis ignotus gentibus esse
Mallet, & obscuro, tutus transire per urbes,
Nomine: sed longi pœnas Fortuna favoris
Exigit a misero, quæ tanto pondere famæ
Res premit adversas, fatisque prioribus urget.
Nunc festinatos nimium sibi sentit honores,
Actaque lauriferæ damnat Syllana juventæ.

Nunc & Corycias classes , & Pontica signa
 Dejectum meminisse pudet. Sic longius ævum
 Destruit ingentes animos , & vita superstes
 Imperio , nisi summa dies cum fine bonorum
 Adfuit , & celeri prævertit tristia letho ,
 Dedecori est fortuna prior. Quisquamne secundis
 Tradere se fatis audet , nisi morte parata ?

Litora contigerat , per quæ Peneius amnis
 Emathia jam clade rubens exhibat in æquor.
 Inde ratis trepidum , ventis , & fluctibus impar ,
 Flumineis vix tuta vadis , evexit in altum :
 Cujus adhuc remis quatitur Corcyra , sinusque
 Leucadii : Cilicum dominus , terræque Liburnæ ,
 Exiguam vector pavidus correpsit in alnum.
 Conscia curarum secretæ in litora Lesbi
 Flectere vela jubet , qua tum tellure latebas ,
 Mœstior , in mediis quam si , Cornelia , campis
 Emathiæ stares. Tristes præfagia curas
 Exagitant : trepidâ quatitur formidine somnus :
 Thessaliam nox omnis habet : tenebrisque remotis
 Rupis in abruptæ scopulos extremaque currens
 Litora , prospiciens fluctus , nutantia longe
 Semper prima vides venientis vela carinæ ,
 Quærere nec quidquam de fato conjugis audes.
 En ratis , ad vestros quæ tendit carbasa portus ,
 Quid ferat ignoras : sed nunc tibi summa pavoris
 Nuntius armorum tristis , rumorque sinister.

Victus adest conjux. Quid perdis tempora luctus ?
 Quum possis jam flere , times. Tunc puppe propinqua
 Profiluit , crimenque Deum crudelè notavit ,
 Deformem pallore ducem , vultusque prementem
 Canitie , atque atro squalentes pulvere vestes.
 Obvia nox miseræ cœlum , lucemque tenebris
 Abstulit , atque animam clausit dolor : omnia nervis
 Membra relicta labant : riguerunt corda , diuque
 Spe mortis decepta jacet. Jam fune ligato
 Litoribus , lustrat vacuas Pompeius arenas.
 Quem postquam propius famulæ videre fideles
 Non ultra gemitus tacitos incessere fatum
 Permisere sibi , frustra que attollere terra
 Semianimem conantur heram : quam pectore Magnus
 Ambit , & adstrictos refovet complexibus artus.
 Cœperat in summum revocato sanguine corpus
 Pompeii sentire manus , mœstamque mariti
 Posse pati faciem : prohibet succumbere fatis
 Magnus , & immodicos castigat voce dolores.
 » NOBILE cur robur Fortunæ vulnere primo ,
 » Femina , tantorum titulis insignis avorum ,
 » Frangis ? Habes aditum mansuræ in secula famæ.
 » Laudis in hoc sexu , non legum jura , nec arma ,
 » Unica materia est conjux miser. Erige mentem ,
 » Et tua cum fatis pietas decertet , & ipsum ,
 » Quod sum victus , ama : nunc sum tibi gloria major ,
 » A me quod fasces , & quod pia turba Senatus ,

„Tantaque discessit regum manus : incipe Magnum
 „Sola sequi. Deformis , adhuc vivente marito ,
 „Summus , & augeri vetitus dolor : ultima debet
 „Esse fides , lugere virum. Tu nulla tulisti
 „Bello damna meo. Vivit post prœlia Magnus ,
 „Sed fortuna perit : quod defles , illud amasti „.

Vocibus his correpta viri , vix ægra levavit
 Membra solo , tales gemitu rumpente querelas :

„O UTINAM in thalamos invisi Cæsaris issem
 „Infelix conjux , & nulli læta marito !
 „Bis nocui mundo : me pronuba duxit Erinnyes ,
 „Crassorumque umbræ , devotaque manibus illis
 „Assyrios in castra tuli civilia casus :

„Præcipitesque dedi populos , cunctosque fugavi
 „A causa meliore Deos. O maxime conjux ,
 „O thalamis indigne meis , hoc juris habebit
 „In tantum Fortuna caput ! Cur impia nupsi ,
 „Si miserum factura fui ? Nunc accipe poenas ,
 „Sed quas sponte luam. Quo sit tibi mollius æquor ,
 „Certa fides regum , totusque paratior orbis ,
 „Spargere mari comitem. Mallem felicibus armis
 „Dependisse caput : nunc clades denique lustra ,
 „Magne , tuas. Ubicumque jaces , civilibus armis
 „Nostros ulta toros , ades huc , atque exige poenas ,
 „Julia , crudeles , placataque pellice cæsa ,
 „Magno parce tuo „. Sic fata , iterumque refusa
 Conjugis in gremium , cunctorum lumina solvit

In lacrimas. Duri flectuntur pectora Magni,
Siccaque Theſſaliæ confundit lumina Lesbos.

Tunc Mitylenæum pleno jam litore vulgus
Affatur Magnum: „SI MAXIMA gloria nobis
„Semper erit tanti pignus ſervaffe mariti,
„Tu quoque devotos ſacro tibi foedere muros,
„Oramus, ſociosque lares dignare vel una
„Nocte: tuum fac, Magne, locum, quem cuncta revifant
„Secula; quem veniens hoſpes Romanus adoret.
„Nulla tibi ſubeunda magis ſunt moenia victo.
„Omnia victoris poſſunt ſperare favorem:
„Hæc jam crimen habent. Quid, quod jacet inſula ponto;
„Cæſar eget ratibus: Procerum pars magna coibit
„Certa loci. Noto reparandum eſt litore fatum.
„Accipe templorum cultus, aurumque Deorum
„Accipe: ſi terris, ſi puppibus, iſta juvenus
„Aptior eſt, tota, quantum valet, utere Lesbo.
„Accipe: ne Cæſar rapiat, tu victus habeto.
„Hoc ſolum crimen meritæ bene detrahe terræ,
„Ne noſtram videre fidem ſelixque ſecutus,
„Et damnaffe miſer. Tali pietate virorum
Lætus, in adverſis, & mundi nomine gaudens
Eſſe fidem, „NULLUM toto mihi, dixit, in orbe
„Gratius eſſe ſolum, non parvo pignore vobis
„Oſtendi. Tenuit noſtros hac obſide Lesbos
„Affectus: hic ſacra domus, carique penates,
„Hic mihi Roma fuit. Non ulla in litora puppim

» Ante dedi fugiens, sævi quum Cæsaris iram
 » Jam scirem meritam, servata conjuge, Lesbos,
 » Non veritus tantam veniæ committere vobis
 » Materiem. Sed jam satis est fecisse nocentes:
 » Fata mihi totum mea sunt agitanda per orbem.
 » Heu nimium felix æterno nomine Lesbos!
 » Sive doces populos, Regesque admittere Magnum,
 » Seu præstas mihi sola fidem. Nam quærere certum est
 » Fas quibus in terris, ubi sit scelus. Accipe, numen,
 » Si quod adhuc mecum est, votorum extrema meorum:
 » Da similes Lesbo populos, qui Marte subactum
 » Non intrare suos, infesto Cæsare, portus,
 » Non exire vetent ». Dixit, mœstamque carinæ
 Imposuit comitem. Cunctos mutare putares
 Tellurem, patriæque solum: sic litore toto
 Plangitur, infestæ tenduntur in æthera dextræ:
 Pompeiumque minus, cujus Fortuna dolorem
 Moverat, ast illam, quam toto tempore belli
 Ut civem videre suam, discedere cernens,
 Ingemuit populus: quamvis, si castra mariti
 Victoris peteret, siccis dimittere matres
 Non poterant oculis: tanto devinxit amore
 Hos pudor, hos probitas, castique modestia vultus,
 Quod submissa nimis, nulli gravis hospita turbæ,
 Stantis adhuc fati vixit quasi conjuge victo.

Jam pelago medios Titan demissus ad ignes,
 Nec quibus abscondit, nec si quibus exferit orbem,

Totus erat : vigiles Pompeii pectore curæ
 Nunc focias adeunt Romani fœderis urbes,
 Et varias regum mentes, nunc invia mundi
 Arva super nimios soles, Austrumque jacentis.
 Sæpe labor mœstus curarum, odiumque futuri
 Projecit fessos incerti pectoris æstus,
 Rectoremque ratis de cunctis consulit astris;
 Unde notet terras; quæ sit mensura secandi
 Æquoris in cœlo; Syriam quo fidere servet:
 Aut quotus in plaustrò Libyam bene dirigat ignis.
 Doctus ad hæc fatur taciti servator Olympi:
 „SIGNIFERO quæcumque fluunt labentia cœlo,
 „Nunquam stante polo, miseros fallentia nautas
 „Sidera non sequimur: sed qui non mergitur undis
 „Axis innociduus, gemina clarissimus Arcto,
 „Ille regit puppes. Hic quum mihi semper in altum
 „Surget, & instabit summis minor Ursa ceruchis;
 „Bosporon, & Scythiæ curvantem litora pontum
 „Spectamus. Quidquid descendet ab arbore summa
 „Arctophylax, propiorque mari Cynosura feretur,
 „In Syriæ portus tendet ratis. Inde Canopos
 „Excipit Australi cœlo contenta vagari,
 „Stella timens Borean: illa quoque perge sinistra,
 „Trans Pharon: in medio tanget ratis æquore Syrtim.
 „Sed quo vela dari, quo nunc pede carbasæ tendi
 „Nostra jubes?” Dubio contra cui pectore Magnus,
 „HOC SOLUM toto, respondit, in æquore serva,

„ Ut fit ab Emathiis semper tua longius oris
 „ Puppis, & Hesperiam pelago, cœloque relinquo:
 „ Cetera da ventis. Comitum, pignusque recepi
 „ Depositum: tunc certus eram, quæ litora vellem;
 „ Nunc portum Fortuna dabit. Sic fatur: at ille
 Justo vela modo pendentia cornibus æquis
 Torfit, & in lævum puppim dedit, utque secaret,
 Quas Asiæ cautes, & quas Chios asperat, undas,
 Hos dedit in proram, tenet hos in puppe rudentes.
 Æquora senserunt motus, aliterque secante
 Jam pelagus rostro, nec idem spectante carina,
 Mutavere sonum. Non sic moderator equorum,
 Dexteriore rota lævum quum circuit orbem,
 Cogit inoffensæ currus accidere metæ.

Ostendit terras Titan, & sidera texit.
 Sparsus ab Emathia fugit quicumque procella,
 Assequitur Magnum: primusque a litore Lesbi
 Occurrit natus, procerum mox turba fidelis.
 Nam neque dejecto fatis, acieque fugato
 Abstulerat Magno reges Fortuna ministros:
 Terrarum dominos, & sceptrâ tenentes
 Exul habet comites. Jubet ire in devia mundi
 Dejotarum, qui sparsa ducis vestigia legit.

„ QUANDO, ait, Emathiis amissus cladibus orbis
 „ Qua Romanus erat, superest, fidissime regum,
 „ Eoam tentare fidem, populosque bibentes
 „ Euphraten, & adhuc securum a Cæsare Tigrim:

» Ne pigeat Magno quærentem fata , remotas
 » Medorum penetrare domos , Scythicosque recessus ,
 » Et totum mutare diem , vocesque superbo
 » Arfacidæ perferre meas : Si foedera nobis
 » Prisca manent , mihi per Latium jurata Tonantem,
 » Per vestros adstricta Magos , implete pharetras ,
 » Armeniosque arcus Geticis intendite nervis :
 » Si vos , ô Parthi , peterem quum Caspia claustra ,
 » Et sequerer duros æterni Martis Alanos ,
 » Passus Achæmeniis late decurrere campis ,
 » In tutam trepidos nunquam Babylona coëgi :
 » Arva super Cyri , Chaldæique ultima regni ,
 » Qua rapidus Ganges , & qua Nysæus Hydaspes
 » Accedunt pelago , Phœbi surgentis ab igne
 » Jam propior, quam Persis, eram : tamen omnia vincens
 » Sustinui nostris vos tantum deesse triumphis ,
 » Solusque e numero regum telluris Eoæ ,
 » Ex æquo me Parthus adit. Nec munere Magni
 » Stant semel Arfacidæ. Quis enim post vulnera cladis
 » Assyriæ , justas Latii compescuit iras ?
 » Tot meritis obstricta meis , nunc Parthia ruptis
 » Excedat claustris vetitam per secula ripam ,
 » Zeugmaque Pellæum. Pompeio vincite , Parthi ;
 » Vinci Roma volet ». Regem parere jubenti
 Ardua non piguit , positisque insignibus aulæ
 Egreditur famulo raptos indutus amictus.
 In dubiis tutum est inopem simulare tyranno.

Quanto igitur mundi dominis securius ævum
 Verus pauper agit ! Dimisso in litore rege ,
 Ipse per Icarix scopulos , Ephesonque relinquens ,
 Et placidi Colophona maris , spumantia parvæ
 Radit faxa Sami : spirat de litore Coo
 Aura fluens : Gnidon inde fugit , claramque reliquit
 Sole Rhodon , magnosque sinus Telmessidos undæ
 Compensat medio pelagi. Pamphylia puppi
 Occurrit tellus : nec se committere muris
 Ausus adhuc ullis , te primum , parva Phaselis ,
 Magnus adit. Nam te metui vetat incola rarus ,
 Exhaustæque domus populis ; majorque carinæ
 Quam tua turba fuit. Tendens hinc carbasa rursus ,
 Jam Taurum , Tauroque videt Dipfanta cadentem.

Crederet hoc Magnus , pacem quum præstitit undis
 Et sibi consultum ? Cilicum per litora tutus
 Parva puppe fugit : sequitur pars magna Senatus ,
 Ad profugum collecta ducem : parvisque Syedris ,
 Quo portu mittitque rates recipitque Selinus ,
 In Procerum coetu tandem mœsta ora resolvit
 Vocibus his Magnus : » COMITES bellicæ , fugæque ,
 » Atque instar patriæ , quamvis in litore nudo ,
 » In Cilicum terra , nullis circumdatus armis ,
 » Consultem , rebusque meis exordia quæram ,
 » Ingentes præstate animos : non omnis in arvis
 » Emathiis cecidi , nec sic mea fata premuntur ,
 » Ut nequeam relevare caput , cladesque receptas

- » Excutere. An Libycæ Marium potuere ruinæ
 » Erigere in fasces , plenis & reddere fastis ,
 » Me pulsum levioꝛe manu Fortuna tenebit ?
 » Mille meæ Graio volvuntur in æquore puppes ,
 » Mille duces : sparſit potius Pharfalia noſtras ,
 » Quam ſubvertit , opes , ſed me vel ſola tueri
 » Fama poteſt rerum , toto quas geſſimus orbe ,
 » Et nomen , quod mundus amat. Vos pendite regna
 » Viribus , atque fide , Libyen, Parthosque , Pharonque ,
 » Quænam Romanis deceat ſuccurrere rebus.
 » Aſt ego curarum vobis arcana mearum
 » Expromam , mentisque meæ quo pondera vergant.
 » Ætas Niliaci nobis ſuſpecta tyranni eſt :
 » Ardua quippe fides robuſtos exigit annos.
 » Hinc anceps dubii terret ſolertia Mauri :
 » Namque memor generis , Carthaginis impia proles ,
 » Imminet Hesperia , multusque in pectore vano eſt
 » Annibal , obliquo maculat qui ſanguine regnum ,
 » Et Numidas contingit avos : jam ſupplici Varo
 » Intumuit , viditque loco Romana ſecundo.
 » Quare agite , Eoum comites properemus in orbem.
 » Dividit Euphrates ingenti gurgite mundum ,
 » Caſpiaque immenſos ſeducunt clauſtra reſeſſus ,
 » Et polus Aſſyrias alter noctesque , diesque
 » Vertit , & abruptum eſt noſtro mare diſcolor unda ,
 » Oceanusque ſuus. Regnandi ſola voluptas.
 » Celfior in campis ſonipes , & fortior arcus ;

- „ Nec puer , aut senior lethales tendere nervos
 „ Segnis , & a nulla mors est incerta sagitta.
 „ Primi Pellæas arcu fregere sariffas ,
 „ Bactraque Medorum sedem , murisque superbam
 „ Assyrias , Babylona , domos. Nec pila timentur
 „ Nostra nimis Parthis , audentque in bella venire ,
 „ Experti Scythicas , Crasso pereunte , pharetras.
 „ Spicula nec solo spargunt fidentia ferro ;
 „ Stridula sed multo saturantur tela veneno.
 „ Vulnere parva nocent , fatumque in sanguine summo est.
 „ O utinam non tanta mihi fiducia sævis
 „ Effet in Arfacidis ! Fatis nimis æmula nostris
 „ Fata movent Medos , multumque in gente Deorum est.
 „ Effundam populos alia tellure revulsos ,
 „ Excitosque suis immittam sedibus ortus.
 „ Quod si nos Eoa fides , & Barbara fallunt
 „ Fœdera ; vulgati supra commercia mundi
 „ Naufragium Fortuna ferat. Non regna precabor ,
 „ Quæ feci ; sat magna feram solatia mortis
 „ Orbe jacens alio , nil hæc in membra cruenta ,
 „ Nil focerum fecisse pie. Sed cuncta revolvens
 „ Vitæ fata meæ , semper venerabilis illa
 „ Orbis parte fui : quantus Mæotida supra ,
 „ Quantus apud Tanaim toto conspectus in ortu ?
 „ Quas magis in terras nostrum felicibus actis
 „ Nomen abit , aut unde redit majore triumpho ?
 „ Roma , fave cœptis : quid enim tibi lætius unquam

„ Præstiterint Superi , quam , si civilia Partho
 „ Milite bella geras , tantam consumere gentem ,
 „ Et nostris miscere malis ? Quum Cæsaris arma
 „ Concurrent Medis , aut me Fortuna necesse est
 „ Vindicet , aut Crassos „. Sic fatus , murmure sentit
 Consilium damnasse viros : quos Lentulus omnes
 Virtutis stimulis , & nobilitate dolendi
 Præcessit , dignasque tulit modo Consule voces :
 „ SICCINE Thessalicæ mentem fregere ruinæ ?
 „ Una dies mundi damnavit fata ? Secundum
 „ Emathiam lis tanta datur ? Jacet omne cruenti
 „ Vulneris auxilium ? Solos tibi , Magne , reliquit
 „ Parthorum Fortuna pedes ? Quid transfuga mundi
 „ Terrarum totos tractus , cœlumque perosus ,
 „ Averfosque polos , alienaque sidera quæris ,
 „ Chaldæos culture focos & barbara sacra ,
 „ Parthorum famulus ? Quid causa obtenditur armis
 „ Libertatis amor ? Miserum quid decipis orbem ,
 „ Si servire potes ? Te , quem Romana regentem
 „ Horruit auditu , quem captos ducere Reges
 „ Vidit ab Hyrcanis , Indoque a litore , silvis ,
 „ Dejectum fatis , humilem fractumque videbit ,
 „ Extolletque animos Latium vefanus in orbem ,
 „ Se simul , & Romam Pompeio supplice mensus ?
 „ Nil animis , fatisque tuis effabere dignum :
 „ Exigit ignorans Latiae commercia linguæ ,
 „ Ut lacrimis se , Magne , roges. Patimurne pudoria

- » Hoc vulnus , clades ut Parthia vindicet ante
 » Hesperias , quam Roma suas ? Civilibus armis
 » Elegit te nempe ducem. Quid vulnera nostra
 » In Scythicos spargis populos , cladesque latentes ?
 » Quid Parthos transire doces ? Solatia tanti
 » Perdit Roma mali , nullos admittere Reges ,
 » Sed civi servire suo. Juvat ire per orbem
 » Ducentem sævas Romana in mœnia gentes ,
 » Signaque ab Euphrate cum Crassis capta sequentem ?
 » Qui solus regum , fato celante favorem ,
 » Defuit Emathiæ , nunc tantas ille laceffet
 » Auditi victoris opes , aut jungere fata
 » Tecum , Magne , volet ? non hæc fiducia genti est.
 » Omnis in Arctoïs populus quicumque pruinis
 » Nascitur , indomitus bellis , & mortis amator.
 » Quidquid ad Eoos , tractus , mundique teporem
 » Labitur , emollit gentes clementia cœli.
 » Illic & laxas vestes , & fluxa virorum
 » Velamenta vides. Parthus per Medica rura ,
 » Sarmaticos inter campos , effusaque plano
 » Tigridis arva solo , nulli superabilis hosti est
 » Libertate fugæ : sed non , ubi terra tumebit ,
 » Aspera conscendet montis juga ; nec per opacas
 » Bella geret tenebras incerto debilis arcu ,
 » Nec franget nando violenti vorticis amnem ,
 » Nec tota in pugna perfusus sanguine membra
 » Exiget æstivum calido sub pulvere solem.

» Non aries illis , non ulla est machina belli :
 » Haud fossas implere valent : Parthoque sequenti
 » Murus erit , quodcumque potest obstare sagittæ.
 » Pugna levis, bellumque fugax, turmæque vagantes,
 » Et melior cessisse loco , quam pellere , miles.
 » Illata tela dolis , nec Martem cominus unquam
 » Ausa pati virtus , sed longe tendere nervos,
 » Et, quo ferre velint , permittere vulnera ventis:
 » Ensis habet vires , & gens quæcumque virorum est,
 » Bella gerit gladiis. Nam Medos prælia prima
 » Exarmant , vacuæque jubent remeare pharetræ.
 » Nulla manus illis , fiducia tota veneni est.
 » Credis , Magne , viros , quos in discrimina belli
 » Cum ferro misisse parum est ? Tentare pudendum
 » Auxilium tanti est , toto divisus ut orbe
 » A terra moriari tua ? Tibi barbara tellus
 » Incumbat ? Te parva tegant , ac vilia busta ,
 » Invidiosa tamen , Crasso quærente sepulcrum.
 » Sed tua fors levior, quoniam mors ultima poena est,
 » Nec metuenda viris. At non Cornelia lethum
 » Infando sub rege timet. Num barbara nobis
 » Est ignota Venus , quæ ritu cæca ferarum
 » Polluit innumeris leges , & fœdera tædæ
 » Conjugibus ? Thalamique patent secreta nefandi
 » Inter mille nurus. Epulis vesana , meroque
 » Regia , non ullos exceptos legibus horret
 » Concubitus : tot femineis complexibus unum

- „ Non lassat nox tota marem. Jacuere sorores
 „ In regum thalamis , sacrataque pignora matres.
 „ Damnat apud gentes sceleris non sponte peracti
 „ Œdipodionias infelix fabula Thebas :
 „ Parthorum dominus quoties sic sanguine mixto
 „ Nascitur Arfacides ? Cui fas implere parentem ,
 „ Quid rear esse nefas ? Proles tam clara Metelli
 „ Stabit barbarico conjux millesima lecto.
 „ Quanquam non ulli plus regia , Magne vacabit
 „ Sævitia stimolata Venus , titulisque virorum.
 „ Nam quo plura juvent Parthum portenta , fuisse
 „ Hanc sciet & Crassi : ceu pridem debita fatis
 „ Assyriis , trahitur cladis captiva vetustæ.
 „ Hæreat Eoæ vulnus miserabile fortis ;
 „ Non solum auxilium funesto ab rege petisse ,
 „ Sed gessisse prius bellum civile pudebit.
 „ Nam quod apud populos crimen focerique , tuumque
 „ Majus erit , quam quod vobis miscentibus arma ,
 „ Crassorum vindicta perit ? Incurrere cuncti
 „ Debuerant in Bactra duces , & ne qua vacarent
 „ Arma , vel Arctoum Dacis , Rhenique catervis
 „ Imperii nudare latus , dum perfida Susa
 „ In tumulos prolapsa ducum , Babylonque jaceret.
 „ Assyriæ paci finem , Fortuna , precamur :
 „ Et , si Thessalia bellum civile peractum est ,
 „ Ad Parthos , qui vicit , eat. Gens unica mundi est ,
 „ De qua Cæsareis possim gaudere triumphis.

» Non tibi, quamprimum gelidum transibis Araxen,
 » Umbra senis mœsti Scythicis confixa sagittis
 » Ingeret has voces? Tu, quem post funera nostra
 » Ultorem cinerum nudæ speravimus umbræ,
 » Ad foedus, pacemque venis? Tum plurima cladis
 » Occurrent monumenta tibi: quæ moenia trunci
 » Lustrarunt cervice duces, ubi nomina tanta
 » Obruit Euphrates, & nostra cadavera Tigris
 » Detulit in terras, ac reddidit. Ire per ista
 » Si potes, in media focerum quoque, Magne, sedentem
 » Thessalia placare potes. Quin respicis orbem
 » Romanum? Si regna times projecta sub Austro,
 » Infidumque Jubam, petimus Pharon, arvaque Lagi.
 » Syrtibus hinc Libycis tuta est Ægyptus: at inde
 » Gurgite septeno rapidus mare summovet amnis:
 » Terra suis contenta bonis, non indiga mercis,
 » Aut Jovis: in solo tanta est fiducia Nilo.
 » Sceptra puer Ptolemæus habet tibi debita, Magne,
 » Tutelæ commissa tuæ. Quis nominis umbram
 » Horreat? Innocua est ætas: ne jura, fidemque,
 » Respectumque Deum veteris speraveris aulæ.
 » Nil pudet affuetos sceptris: mitissima fors est
 » Regnorum sub rege novo ». Non plura locutus
 Impulit huc animos. Quantum spes ultima rerum
 Libertatis habes? Victa est sententia Magni.

Tunc Cilicum liquere solum, Cyproque citatas
 Immisere rates, nullas cui prætulit aras

Undæ Diva memor Paphiæ , si numina nasci
 Credimus , aut quemquam fas est cœpisse Deorum.
 Hæc ubi deferuit Pompeius litora , totos
 Emensus Cypri scopulos , quibus exit in Austrum ,
 Inde maris vasti transfuso vertitur æstu :
 Nec tenuit gratum nocturno lumine montem ,
 Infimaque Ægypti pugnaci litora velo
 Vix tetigit , qua dividui pars maxima Nili
 In vada decurrit Pelusia septimus amnis.
 Tempus erat , quo Libra pares examinat horas
 Non uno plus æqua die , noctique rependit
 Lux minor hibernæ verni solatia damni.
 Comperit ut regem Casio se monte tenere ,
 Flestit iter : nec Phœbus adhuc, nec carbasa languent.

Jam rapido speculator eques per litora cursu
 Hospitis adventu pavidam compleverat aulam.
 Consilii vix tempus erat : tamen omnia monstra
 Pellææ coiere domus : quos inter Achoreus
 Jam placidus senio , fractisque modestior annis ,
 (Hunc genuit custos Nili crescentis in arva
 Memphis vana sacris ; illo cultpre Deorum
 Lustra suæ Phœbes non unus vixerat Apis ;)
 Consilii vox prima fuit , meritumque , fidemque ,
 Sacraque defuncti jactavit pignora patris.
 Sed melior suadere malis , & nosse tyrannos ,
 Ausus Pompeium letho damnare Pothinus ;
 „ Jus , & fas multos faciunt , Ptolemæe , nocentes.
 „ Dat

» Dat poenas laudata fides , quum sustinet , inquit ,
 » Quos Fortuna premit. Fatis accede , Deisque ,
 » Et cole felices , miseros fuge. Sidera terra
 » Ut distant , ut flamma mari , sic utile recto.
 » Sceptrorum vis tota perit , si pendere iusta
 » Incipit : evertitque arces respectus honesti.
 » Libertas scelerum est , quæ regna invisa tuetur ,
 » Sublatusque modus gladiis. Facere omnia sæve
 » Non impune licet , nisi dum facis. Exeat aula ,
 » Qui vult esse pius. Virtus , & summa potestas
 » Non coëunt : semper metuet , quem sæva pudebunt.
 » Non impune tuos Magnus contemferit annos :
 » Qui te nec victos arcere a litore nostro
 » Posse putat. Neu te sceptris privaverit hospes ,
 » Pignora sunt propiora tibi : Nilonque , Pharonque ,
 » Si regnare piget , damnatæ redde forori.
 » Ægyptum certe Latiis tueamur ab armis.
 » Quidquid non fuerit Magni , dum bella geruntur ,
 » Nec victoris erit. Toto jam pulsus ab orbe ,
 » Postquam nulla manet rerum fiducia , querit
 » Cum qua gente cadat : rapitur civilibus umbris.
 » Nec foci tantum arma fugit : fugit ora Senatus ,
 » Cujus Thessalicas faturat pars magna volucres.
 » Et metuit gentes , quas uno in sanguine mixtas
 » Deferuit : regesque timet , quorum omnia merfit :
 » Thessaliæque reus , nulla tellure receptus ,
 » Sollicitat nostrum , quem nondum perdidit , orbem.

„ Justior in Magnum nobis , Ptolemæe , querelæ
 „ Causa data est. Quid sepositam , semperque quietam
 „ Crimine bellorum maculas Pharon , arvaque nostra
 „ Victori suspecta facis ? Cur sola cadenti
 „ Hæc placuit tellus , in quam Pharfalica fata
 „ Conferres , pœnasque tuas ? Jam crimen habemus
 „ Purgandum gladio. Quod nobis sceptrâ Senatus ,
 „ Te suadente , dedit , votis tua fovimus arma.
 „ Hoc ferrum , quod fata jubent proferre , paravi
 „ Non tibi , sed victo. Feriam tua viscera , Magne ,
 „ Malueram sociari : rapimur , quo cuncta feruntur.
 „ Tene mihi dubitas an sit violare necesse ,
 „ Quum liceat ? Quæ te nostri fiducia regni
 „ Huc agit infelix ? Populum non cernis inermem ,
 „ Arvaque vix refugo fodientem mollia Nilo ?
 „ Metiri sua regna decet , viresque fateri.
 „ Tu , Ptolemæe , potes Magni fulcire ruinam ,
 „ Sub qua Roma jacet ? Bustum , cineresque movere
 „ Thessalicos audes , bellumque in regna vocare ?
 „ Ante aciem Emathiam nullis accessimus armis :
 „ Pompeii nunc castra placent , quæ deserit orbis ?
 „ Nunc victoris opes , & cognita fata laceassis ?
 „ Adversis non deesse decet , sed læta secutos.
 „ Nulla fides unquam miseros elegit amicos „.
 Assensere omnes sceleri. Lætatur honore
 Rex puer infueto , quod jam sibi tanta jubere
 Permittunt famuli. Sceleri delectus Achilles.

Perfida qua tellus Casiis excurrit arenis ,
 Et vada testantur junctas Ægyptia Syrtes ,
 Exiguam fociis monstri , gladiisque carinam
 Instruit. O superi, Nilusne , & barbara Memphis ,
 Et Pelusiaci tam mollis turba Canopi
 Hos animos ! Sic fata premunt civilia mundum !
 Sic Romana jacent ! Ullusne in cladibus istis
 Est locus Ægypto ? Phariusque admittitur ensis ?
 Hanc certe servate fidem , civilia bella ,
 Cognatas præstare manus , externaque monstra
 Pellite , si meruit tam claro nomine Magnus
 Cæsaris esse nefas. Tanti , Ptolemæe , ruinam
 Nominis haud metuis ? Cœloque tonante profanas
 Inferuisse manus , impure , ac semivir , audes ?
 Non domitor mundi , nec ter Capitolia curru
 Invectus , regumque potens , vindexque Senatus ,
 Victorisque gener ; Phario satis esse tyranno
 Quod poterat , Romanus erat. Quid viscera nostra
 Scrutaris gladio ? Nescis , puer improbe , nescis
 Quo tua sit fortuna loco : jam jure sine ullo
 Nili sceptrum tenes : cecidit civilibus armis ,
 Qui tibi regna dedit. Jam vento vela negarat
 Magnus , & auxilio remorum infanda petebat
 Litora : quem contra non longa vecta biremi
 Appulerat scelerata manus : Magnoque patere
 Fingens regna Phari , celsæ de puppe carinæ
 In parvam jubet ire ratem , litusque malignum

Incusat, bimaremque vadis frangentibus æstum;
 Qui vetet externas terras advertere classes.
 Quod nisi fatorum leges, intentaque jussu
 Ordinis æterni miseræ vicinia mortis
 Damnatum letho traherent ad litora Magnum;
 Non ulli comitum sceleris præfagia deerant.
 Quippe fides si pura foret, si regia Magno
 Sceptrorum auctori vera pietate pateret,
 Venturum tota Pharium cum classe tyrannum.
 Sed cedit fatis, classemque relinquere jussus
 Obsequitur, lethumque juvat præferre timori.
 Ibat in hostilem præceps Cornelia puppim,
 Hoc magis impatiens egresso deesse marito,
 Quod metuit clades. » REMANE, temeraria conjux,
 » Et tu, nate, precor, longeque e litore casus
 » Expectate meos : & in hac cervice tyranni
 » Explorete fidem ». Dixit : sed furda vetanti
 Tendeat geminas amens Cornelia palmas :
 » QUO SINE ME crudelis abis ? Iterumne relinquor
 » Thesfalicis summtota malis ? Nunquam omine læto
 » Distrahimur miseri. Poteras non flectere puppim,
 » Quum fugeres alio, latebrisque relinquere Lesbi,
 » Omnibus a terris si nos arcere parabas ?
 » An tantum in fluctus placeo comes ? » Hæc ubi frustra
 Effudit, prima pendet tamen anxia puppe :
 Attonitoque metu nec quoquam advertere visus,
 Nec Magnum spectare potest. Stetit anxia classis

Ad ducis eventum , metuens non arma , nefasque ;
 Sed ne submissis precibus Pompeius adoret
 Sceptræ sua donata manu. Transire parantem
 Romanus Pharia miles de puppe salutat
 Septimius : qui , proh Superûm pudor , arma fatelles
 Regia gestabat posito deformia pilo ,
 Immanis , violentus , atrox , nullaque ferarum
 Mitior in cædes. Quis non , Fortuna , putasset
 Parcere te populis , quod bello hæc dextra vacasset ,
 Thessaliaque procul tam noxia tela fugasset ?
 Disponis gladios , ne quo non fiat in orbe ,
 Heu , facinus civile tibi. Victoris ip[s]is
 Dedecus , & nunquam Superûm caritura pudore
 Fabula ; Romanus Regi sic paruit ensis ;
 Pellæusque puer gladio tibi colla recidit
 Magne tuo. Qua posteritas in secula mittet
 Septimium fama ? Scelus hoc quo nomine dicent ,
 Qui Bruti dixere nefas ? Jam venerat horæ
 Terminus extremæ , Phariamque ablatus in alnum
 Perdiderat jam jura sui. Tum stringere ferrum
 Regia monstra parant. Ut vidit cominus enses ,
 Involvit vultus : atque indignatus apertum
 Fortunæ præbere caput , tunc lumina pressit ,
 Continuitque animam , ne quas effundere voces
 Posset , & æternam fletu corrumpere famam.

At postquam mucrone latus funestus Achillas
 Perfodit , nullo gemitu consensit ad ictum :

Despexitque nefas , servatque immobile corpus ,
 Seque probat moriens , atque hæc in pectore volvit :
 » *SECULA* Romanos nunquam tacitura labores
 » Attendunt , ævumque sequens speculatur ab omni
 » Orbe ratem , Phariamque fidem. Nunc consule famæ.
 » Fata tibi longæ fluxerunt prospera vitæ.
 » Ignorant populi , si non in morte probaris ,
 » An scieris adversa pati. Ne cede pudori ,
 » Auctoremque dole fati. Quacumque feriris ,
 » Crede manum foci. Spargant , lacerentque licebit ,
 » Sum tamen , ô superi , felix , nullique potestas
 » Hoc auferre Deo. Mutantur prospera vita :
 » Non fit morte miser. Videt hanc Cornelia cædem ,
 » Pompeiusque meus. Tanto patientius , oro ,
 » Claude dolor gemitus : natus , conjuxque peremptum
 » Si mirantur , amant ». Talis custodia Magno
 Mentis erat : jus hoc animi morientis habebat.

At non tam patiens Cornelia cernere sævum ;
 Quam perferre nefas , miserandis æthera complet
 Vocibus : » *O CONJUX* , ego te scelerata peremi.
 » Lethiferæ tibi causa moræ fuit avia Lesbos ,
 » Et prior in Nili pervenit litora Cæsar.
 » Nam cui jus alii sceleris ? Sed quisquis in istud
 » A superis immisse caput , vel Cæsaris iræ ,
 » Vel tibi prospiciens , nescis crudelis , ubi ipsa
 » Viscera sunt Magni : properas , atque ingeris ictus ,
 » Qua votum est victo. Poenas non morte minores

» Pendat, & ante meum videat caput. Haud ego culpa
 » Libera bellorum, quæ matrum sola per undas,
 » Et per castra comes, nullis absterrita fatis,
 » Victum, quod reges etiam timuere, recepi.
 » Hoc merui conjux, in tuta puppe relinqui?
 » Perfide, parcebas? Te fata extrema petente
 » Vita digna fui? Moriar, nec munere regis.
 » Aut mihi præcipitem nautæ permittite saltum:
 » Aut laqueum collo tortosque aptare rudentes:
 » Aut aliquis Magno dignus comes exigat enses.
 » Pompeio præstare potest, quod Cæsaris armis
 » Imputet. O sævi, properantem in fata tenetis?
 » Vivis adhuc, conjux, & jam Cornelia non est
 » Juris, Magne, fui. Prohibent arcessere mortem:
 » Servor victori». Sic fata, interque suorum
 Lapsa manus, rapitur, trepida fugiente carina.
 At Magni quum terga sonent, & pectora ferro,
 Permanisse decus sacræ venerabile formæ,
 Iratamque Deis faciem, nihil ultima mortis
 Ex habitu, vultuque viri mutasse, fatentur
 Qui lacerum videre caput. Nam sævus in ipso
 Septimius sceleris majus scelus invenit actu:
 Ac reteggit sacros, scisso velamine, vultus
 Semianimis Magni, spirantiaque occupat ora,
 Collaque in obliquo ponit languentia transtro.
 Tunc nervos, venasque secat, nodosaque frangit
 Ossa diu: nondum artis erat caput ense rotare.

At postquam trunco cervix abscisa recessit,
 Vindicat hoc Pharius dextra gestare fatelles,
 Degener, atque operæ miles Romane secundæ,
 Pompeio sacrum diro caput ense recidis,
 Ut non ipse feras? O summi fata pudoris!
 Impius ut Magnum nosset puer, illa verenda
 Regibus hirta coma, & generosa fronte decora
 Cæsaries compressa manu est: Pharioque veruto,
 Dum vivunt vultus, atque os in murmura pulsant
 Singultus animæ, dum lumina nuda rigescent,
 Suffixum caput est, quo nunquam bella jubente
 Pax fuit: hoc leges, campumque, & rostra movebat:
 Hac facie Fortuna tibi Romana placebas.
 Nec fatis infando fuit hoc vidisse tyranno:
 Vult sceleris superesse fidem. Tunc arte nefanda
 Submota est capiti tabes, raptoque cerebro
 Exsiccata cutis, putrisque effluxit ab alto
 Humor, & infuso facies solidata veneno est.

Ultima Lageæ stirpis, perituraque proles,
 Degener, incestæ sceptris cessare sorori,
 Quum tibi sacrato Macedo fervetur in antro,
 Et regum cineres extructo monte quiescant,
 Quum Ptolemæorum manes, feriemque pudendam,
 Pyramides claudant, indignaque Mausolea:
 Litora Pompeium feriunt, truncusque vadosis
 Huc illuc jactatur aquis. Adeone molesta
 Totum cura fuit socero servare cadaver?

Hac fortuna fide Magni tam prospera fata
 Pertulit : hac illum summo de culmine rerum
 Morte petit : cladesque omnes exegit in uno
 Sæva die , quibus immunes tot præstitit annos :
 Pompeiusque fuit , qui nunquam mixta videret
 Læta malis : felix nullo turbante Deorum ,
 Et nullo parcente miser. Semel impulit illum
 Dilata Fortuna manu. Pulsatur arenis ,
 Carpitur in scopulis , hausto per vulnera fluctu ,
 Ludibrium pelagi. Nullaque manente figura ,
 Una nota est Magno capitis jactura revulsi.

Ante tamen Pharias victor quam tangat arenas ,
 Pompeio raptim tumulum Fortuna paravit ,
 Ne jaceat nullo , vel ne meliore sepulcro.
 E latebris pavidus decurrit ad æquora Cordus.
 Quæstor ab Idalio Cinyrææ litore Cypri
 Infaustusque fugæ fuerat comes. Ille per umbras
 Ausus ferre gradum , victum pietate timorem
 Compulit , ut mediis quæsitum corpus in undis
 Duceret ad terram , traheretque ad litora Magnum.
 Lucis mœsta parum per densas Cynthia nubes
 Præbebat ; cano sed discolor æquore truncus
 Conspicitur. Tenet ille ducem complexibus artcis
 Eripiente mari : nunc victus pondere tanto
 Exspectat fluctus , pelagoque juvante cadaver
 Impellit. Postquam sicco jam litore sedit ,
 Incubuit Magno , lacrimasque effudit in omne

Vulnus , & ad Superos , obscuraque sidera fatur :

» NON PRETIOSA petit cumulatò ture sepulcra

» Pompeius , Fortuna , tuus : non pinguis ad astra

» Ut ferat e membris Eoos fumus odores ,

» Ut Romana suum gestent pia colla parentem ,

» Præferat ut veteres feralis pompa triumphos ,

» Ut resonent tristi cantu fora , totus ut ignem

» Proiectis mœrens exercitus ambiat armis.

» Da vilem Magno plebeiî funeris arcam ,

» Quæ lacerum corpus siccos effundat in ignes.

» Robora non desint misero , nec sordidus ustor.

» Sit fatis , ô Superi , quod non Cornelia fuso

» Crine jacet , subicique facem complexa maritum

» Imperat , extremo sed abest a funere busti

» Infelix conjux , adhuc a litore longe est ».

Sic fatus , parvos juvenis procul aspicit ignes ,

Corpus vile suis , nullo custode , cremantes.

Inde rapit flammâs , femiustaque robora membris

Subducens , » QUÆCUMQUE ES , ait , neglecta , nec ulli

» Cara tuo , sed Pompeio felicior umbra :

» Quod jam compositum violat manus hospita bustum ,

» Da veniam : si quid sensus post fata relictum est ,

» Cedis & ipsa rogo , paterisque hæc damna sepulcri ,

» Teque pudet , sparsis Pompeii manibus , uri ».

Sic fatur : plenusque sinus ardente favilla

Pervolat ad truncum ; qui fluctu pæne relatus

Litore pendebat. Summas dimovit arenas ,

Et collecta procul laceræ fragmenta carinæ
 Exigua trepidus posuit scrobe. Nobile corpus
 Robora nulla premunt, nulla strue membra recumbunt:
 Admorus Magnum, non subditus, accipit ignis.
 Ille sedens juxta flammæ, » O MAXIME, dixit,
 » Ductor, & Hesperii majestas nominis una,
 » Si tibi jactatu pelagi, si funere nullo
 » Tristior iste rogos; manes, animamque potentem
 » Officiis averte meis: injuria fati
 » Hoc fas esse jubet; ne ponti bellua quidquam,
 » Ne fera, ne volucres, ne sævi Cæsaris ira
 » Audeat, exiguam, quantum potes, accipe flammam;
 » Romana succense manu. Fortuna recursus
 » Si det in Hesperiam, non hac in sede quiescent
 » Tam sacri cineres: sed te Cornelia, Magne,
 » Accipiet, nostraque manu transfundet in urnam.
 » Interea parvo signemus litora saxo,
 » Ut nota sit busti; si quis placare peremtum
 » Forte volet, plenos & reddere mortis honores;
 » Inveniat trunci cineres, & norit arenas,
 » Ad quas, Magne, tuum referat caput ». Hæc ubi fatus,
 Excitat invalidas admoto fomite flammæ.
 Carpitur, & lentum Magnus destillat in ignem,
 Tabe fovens bustum. Sed jam percusserat astra
 Auroræ promissa dies: ille, ordine rupto
 Funeris, attonitus latebras in litore quærit.
 Quam metuis, demens, isto pro crimine pœnam,

Quo te fama loquax omnes accepit in annos ?
 Condita laudabit Magni focer impius ossa.
 I modo securus veniæ, fassusque sepulcrum
 Posce caput. Cogit pietas imponere finem
 Officio. Semiusta rapit, resolutaque nondum
 Ossa fatis, nervis, & iniustis plena medullis
 Æquorea restinguit aqua, congestaque in unum
 Parva clausit humo. Tum ne levis aura relictos
 Auferret cineres, saxo compressit arenam :
 Nautaque ne bustum religato fune moveret,
 Inscriptis sacrum semiusto stipite nomen :
 Hic situs est Magnus. Placet hoc, Fortuna, sepulcrum
 Dicere Pompeii, quo condi maluit illum,
 Quam terra caruisse focer ? Temeraria dextra
 Cur obicis Magno tumulum, manesque vagantes
 Includis. Situs est, qua terra extrema refuso
 Pendet in Oceano. Romanum nomen, & omne
 Imperium Magno est tumuli, modus. Obrue saxa
 Crimine plena Deum. Si tota est Herculis Æte,
 Et juga tota vacant Bromio Nyfcia ; quare
 Unus in Ægypto est Magni lapis ? Omnia Lagi
 Rura tenere potest. Si nullo cespice nomen
 Hæferit, erremus populi, cinerumque tuorum,
 Magne, metu nullas Nili calcemus arenas.

Quod si tam sacro dignaris nomine faxum ;
 Adde actus tantos, monumentaque maxima rerum :
 Adde trucidis Lepidi motus, Alpinaque bella,

Armaque Sertori, revocato Consule, victa,
 Et currus, quos egit eques: commercia tuta
 Gentibus: & pavidos Cilicas maris, adde subactam
 Barbariem, gentesque vagas, & quidquid in Euro
 Regnorum, Boreaque jacet. Dic semper ab armis
 Civilem repetisse togam: ter curribus actis
 Contentum patriæ multos donasse triumphos.
 Quis capit hæc tumulus? Surgit miserabile bustum
 Non ullis plenum titulis, non ordine tanto
 Fastorum: solitumque legi super alta Deorum
 Culmina, & extructos spoliis hostilibus arcus,
 Haud procul est ima Pompeii nomen arena,
 Depressum tumulo, quod non legat advena rectus,
 Quod nisi monstratum Romanus transeat hospes.

Noxia civili tellus Ægyptia fato,
 Haud equidem immerito Cumanæ carmine Vatis
 Cautum, ne Nili Pelusia tangeret ora
 Hesperius miles, ripasque æstate tumentes.
 Quid tibi sæva precer pro tanto crimine tellus?
 Vertat aquas Nilus, quo nascitur orbe, retentus,
 Et steriles egeant hibernis imbribus agri,
 Totaque in Æthiopum putres solvaris arenas.
 Nos in templa tuam Romana recepimus Isim,
 Semideosque canes, & fistra jubentia luctus,
 Et quem tu plangens hominem testaris Osirim:
 Tu nostros, Ægypte, tenes in pulvere Manes.
 Tu quoque, quum sævo dederis jam templa tyranno,

- Nondum Pompeii cineres , ô Roma , petisti :
Exul adhuc jacet umbra ducis. Si secula prima
Victoris timuere minas ; nunc excipe saltem
Ossa tui Magni , si nondum subruta fluctu
Invisa tellure sedent. Quis busta timebit ?
Quis sacris dignam movisse verebitur urnam ?
Imperet hoc nobis utinam scelus , & velit uti
Nostro Roma sinu : satis ô nimiumque beatus ,
Si mihi contingat manes transferre revulso
Aufoniam , si tale ducis violare sepulcrum.
Forſitan aut ſulco ſterili quum poſcere finem
A Superis , aut Roma volet feralibus Auſtris ,
Ignibus aut nimiis , aut terræ teſta moventi :
Conſilio , juſſuque Deûm tranſibis in urbem ,
Magne , tuam , ſummusque feret tua buſta ſacerdos.
Nam quis ad exuſtam , Cancro torrente , Syenem
Ibit , & imbrifera ficcas ſub Pleiade Thebas
Spectator Nili : quis rubri ſtagna profundi ,
Aut Arabum portus mercis mutator Eoæ ,
Magne , petet , quem non tumuli venerabile ſaxum ,
Et cinis in ſummis forſan turbatus arenis
Advertet ? Manesque tuos placare jubebit ,
Et Caſio præferre Jovi ? Nil iſta nocebunt
Famæ buſta tuæ. Templis , auroque ſepultus
Vilior umbra fores : nunc eſt pro numine ſummo ,
Hoc tumulo Fortuna jacens. Auguſtius aris
• Victoris Libyco pulſatur ab æquore ſaxum.

Tarpeiis qui sæpe Deis sua tura negarunt ,
Inclusum Thusco venerantur cespite fulmen.

Proderit hoc olim , quod non mansura futuris
Ardua marmoreo surrexit pondere moles.
Pulveris exigui sparget non longa verustas
Congeriem , bustumque cadet , mortisque peribunt
Argumenta tuæ. Veniet felicior ætas ,
Qua sit nulla fides saxum monstrantibus illud :
Atque erit Ægyptus populis fortasse nepotum
Tam mendax Magni tumulo , quam Creta Tonantis.



S U M M A R I U M

LIBRI NONI.

POMPEII anima sedes æthereas petit. Cato in Libyam portat Pharsaliæ reliquias. Cornelia Ægypti oras deserere coacta, conqueritur quod iuxta viro patrare per se non licuerit. Ad bellum hortatur Sextum filium. Luctus gemitusque Corneliæ; Classis qua ipsa vehitur, Catonis Classi fit obvia. Sextus Cneio fratri Pompeii patris lethum nunciat; in Pompeii honorem, funerei instituuntur apparatus: compresso motu, per syrtes Cato Libyam appellit. Inter arenas exoritur procella. Ammonis oraculum consulere detrectat Cato. Libyæ serpentum origo. Recensentur plurimi qui serpentum dente petiti cadunt. Contra serpentum venena opem dant Psilii; Romani Leptim ingrediuntur, ubi hiemant. Trojâ prætergressus Cæsar, in Ægyptum advenit; ibi ei offertur Pompeii caput, quo viso lacrimatur.

LIBER NONUS.

AT non in Pharia manes jacuere favilla,
Nec cinis exiguus tantam compescuit umbram:
Profiluit busto, femiustaque membra relinquens,
Degeneremque rogam, sequitur convexa Tonantis:
Qua niger astriferis connectitur axibus aër,
Quodque patet terras inter, Lunæque meatus
Semidei manes habitant, quos ignea virtus
Innocuos vitæ, patientes ætheris imi
Fecit, & æternos animam collegit in orbes.
Non illuc auro positi, nec ture sepulti
Perveniunt. Illic, postquam se lumine vero
Implevit, stellasque vagas miratus, & astra
Fixa polis, vidit quanta sub nocte jaceret
Nostra dies, risitque sui ludibria trunci.
Hinc super Emathiæ campos, & signa cruenti
Cæsaris, ac sparsas volitavit in æquore classes;
Et scelerum vindex in sancto pectore Bruti
Sedit, & invicti posuit se mente Catonis.

Ille, ubi pendebant casus, dubiumque manebat,
Quem dominum mundi facerent civilia bella,
Oderat & Magnum, quamvis comes isset in arma,
Auspiciis raptus patriæ, ductuque Senatus.
At post Thessalicas clades jam pectore toto
Pompeianus erat. Patriam tutore carentem
Excepit, populi trepidantia membra refovit,

Ignavis manibus projectos reddidit enses :
 Nec regnum cupiens gessit civilia bella ,
 Nec servire timens. Nil causa fecit in armis
 Ipse sua : totæ post Magni funera partes
 Libertatis erant : quas ne per litora fusas
 Colligeret rapido victoria Cæsaris actu ,
 Corcyræ secreta petit , ac mille carinis
 Abstulit Emathiæ secum fragmenta ruinæ.
 Quis ratibus tantis fugientia crederet ire
 Agmina ? Quis pelagus victas arctasse carinas ?

Dorida tunc Malean , & apertam Tænaron umbris,
 Inde Cythera petit : Boreaue urgente carinas
 Creta fugit : Diçtæa legit , cedentibus undis ,
 Litora. Tunc ausum classi præcludere portus
 Impulit , ac sævas meritum Phycunta rapinas
 Sparsit : & hinc placidis alto delabitur auris
 In litus , Palinure , tuum : (neque enim æquore tantum
 Ausonio monumenta tenes : portusque quietos
 Testatur Libye Phrygio placuisse magistro.)
 Quum procul ex alto tendentes vela carinæ
 Ancipites tenuere animos , sociosne malorum ,
 An veherent hostes : præceps facit omne timendum
 Victor , & in nulla non creditur esse carina.
 Ast illæ puppes luctus , planctusque ferebant ,
 Et mala vel duri lacrimas motura Catonis.

Nam postquam frustra precibus Cornelia nautas
 Privignique fugam tenuit , ne forte repulsus

Litoribus Phariis remearet in æquora truncus ,
 Ostenditque rogam non iusti flamma sepulcri :
 » ERGO indigna fui , dixit , fortuna , marito.
 » Accendisse rogam , gelidos effusa per artus
 » Incubuisse viro , laceros exurere crines ,
 » Membraque dispersi pelago componere Magni ?
 » Vulneribus cunctis largos infundere fletus ?
 » Ossibus , & tepida vestes implere favilla ?
 » Quidquid ab extincto licuisset tollere busto ,
 » In templis sparsura Deum. Sine funeris ullo
 » Ardet honore rogam : manus hoc Ægyptia forsan
 » Obtulit officium grave manibus. O bene nudi
 » Crassorum cineres ! Pompeio contigit ignis
 » Invidia majore Deum. Similisne malorum
 » Sors mihi semper erit ? Nunquam dare iusta licebit.
 » Conjugibus : nunquam plenas plangemus ad urnas ?
 » Quid porro tumulis opus est , aut ulla requiris
 » Instrumenta dolor ? Non toto pectore portas
 » Impia Pompeium ? non imis hæret imago
 » Visceribus ? Quærat cineres victura superstes.
 » Nunc tamen hic , longe qui fulget luce maligna ,
 » Ignis , adhuc aliquid , Phario de litore surgens
 » Ostendit mihi , Magne , tui : jam flamma residit ,
 » Pompeiumque ferens vanescit Solis ad ortus
 » Fumus , & invisi tendunt mihi carbasa venti.
 » Non mihi nunc tellus Pompeio si qua triumphos
 » Victa dedit , non alta terens Capitolia currus

» Grator : elapsus felix de pectore Magnus :
 » Hunc volumus , quem Nilus habet , terræque nocenti
 » Non hæere queror : crimen commendat arenas.
 » Linquere , si qua fides , Pelusia litora nolo.
 » Tu pete bellorum casus , & signa per orbem ,
 » Sexte , paterna move : namque hæc mandata reliquit »
 Pompeius , vobis in nostra condita cura.
 Me quum fatalis letho damnaverit hora ,
 Excipite , ô nati , bellum civile , nec unquam ,
 Dum terris aliquis nostra de stirpe manebit ,
 Cæsaribus regnare vacet. Vel sceptrâ , vel urbes
 Libertate sua validas impellite fama
 Nominis : has vobis partes , hæc arma relinquo.
 Inveniet classes quisquis Pompeius in undas
 Venerit : & noster nullis non gentibus heres
 Bella dabit : tantum indomitos , memoresque paterni
 Juris habete animos. Uni parere decebit ,
 Si faciet partes pro libertate , Catoni.
 » *EXSOLVI* tibi , Magne , fidem , mandata peregi.
 » Infidiæ valuere tuæ , deceptaque vixi ,
 » Ne mihi commissas auferrem perfida voces.
 » Jam nunc te per inane chaos , per Tartara , conjux ,
 » Si sunt ullâ , sequar : quam longo tradita letho
 » Incertum est : pœnas animæ vivacis ab ipsa
 » Ante feram. Potuit cernens tua vulnera , Magne ,
 » Non fugere in mortem : planctu contusa peribit :
 » Effluet in lacrimas : nunquam veniemus ad enses ,

» Aut laqueos , aut præcipites per inania jactus.
 » Turpe mori post te solo non posse dolore ».
 Sic ubi fata , caput ferali obduxit amictu ,
 Decrevitque pati tenebras , puppisque cavernis
 Delituit : sævumque arcte complexa dolorem
 Perfruitur lacrimis , & amat pro conjuge luctum.
 Illam non fluctus , stridensque rudentibus Euris
 Movit , & exurgens ad summa pericula clamor :
 Votaque sollicitis faciens contraria nautis ,
 Composita in mortem jacuit , favitque procellis.

Prima ratem Cypros spumantibus accipit undis :
 Inde tenens pelagus , sed jam moderatior , Euris
 In Libycas egit sedes , & castra Catonis.

Tristis , ut in multo mens est præfaga timore ,
 Aspexit patrios comites a litore Magnus ,
 Et fratrem : medias præceps tunc fertur in undas.

» DIC UBI SIT, Germane, parens : stat summa, caputque
 » Orbis , an occidimus ? Romanaque Magnus ad umbras
 » Abstulit ? » Hæc fatur : quem contra talia frater.
 » O FELIX , quem fors alias dispersit in oras ,
 » Quique nefas audis : oculos , Germane , nocentes
 » Spectato genitore fero. Non Cæsaris armis
 » Occubuit , dignoque perit auctore ruinæ.
 » Rege sub impuro , Nilotica rura tenente ,
 » Hospitii fretus Superis , & munere tanto
 » In proavos , cecidit donati victima regni.
 » Vidi ego magnanimi lacerantes pectora patris :

- » Nec credens Pharium tantum potuisse tyrannum ,
 » Litore Niliaco focerum jam stare putavi.
 » Sed me nec sanguis , nec tantum vulnera nostri
 » Affecere senis , quantum gestata per urbes
 » Ora ducis , quæ transfixo sublimia pilo
 » Vidimus : hæc , fama est , oculis victoris iniqui
 » Servari , scelerisque fidem quæsisse tyrannum.
 » Nam corpus Phariæne canes , avidæque volucres
 » Distulerint , an furtivus , quem vidimus , ignis
 » Solverit , ignoro. Quæcumque injuria fati
 » Abstulit hos artus , Superis hæc crimina dono :
 » Servata de parte queror ». Quum talia Magnus
 Audisset : non in gemitus , lacrimasque dolorem
 Effudit ; iustaque furens pietate profatur :
 » PRÆCIPITATE rates e sicco litore nautæ ;
 » Classis in adversos erumpat remige ventos :
 » Ite , duces , mecum : nunquam civilibus armis
 » Tanta fuit merces , inhumatos condere manes ,
 » Sanguine femiviri Magnum fatiare tyranni.
 » Non ego Pellæas arces , adytisque resectum
 » Corpus Alexandri pigra Mareotide mergam ?
 » Non mihi Pyramidum tumulis evulsus Amasis ,
 » Atque alii reges Nilo torrente natabunt ?
 » Omnia dent pœnas nudo tibi , Magne , sepulcra :
 » Evolvam busto jam numen gentibus Isim ,
 » Et tectum lino spargam per vulgus Osirim ,
 » Et facer in Magni cineres mactabitur Apis ,

» Suppositisque Deis uram caput. Has mihi poenas
 » Terra dabit : linquam vacuos cultoribus agros ;
 » Nec , Nilus cui crescat , erit : solusque tenebis
 » Ægyptum , genitor , populis Superisque fugatis ».
 Dixerat , & classem sævas rapiebat in undas.
 Sed Cato laudatam juvenis compefcuit iram.

Interea totis , audito funere Magni ,
 Litoribus sonuit percussus planctibus æther :
 Exemploque carens , & nulli cognitus ævo
 Luctus erat , mortem populos deflere potentis.
 Sed magis , ut visa est lacrimis exhausta , solutas
 In vultus effusa comas , Cornelia puppe
 Egrediens , rursus geminato verbere plangunt.
 Ut primum in sociæ pervenit litora terræ ,
 Collegit vestes , miserique insignia Magni ,
 Armaque ; & impressas auro , quas gesserat olim ,
 Exuvias , pictasque togas , velamina summo
 Ter conspecta Jovi , funestoque intulit igni.
 Ille fuit miseræ Magni cinis. Accipit omnis
 Exemplum pietas , & toto litore busta
 Surgunt , Theffalicis reddentia manibus ignem.
 Sic , ubi depastis submittere germina campis
 Et renovare parans hibernas Apulus herbas ,
 Igne foveat terras , simul & Garganus , & arva
 Vulturis , & calidi lucent buceta Matini. /
 Non tamen ad Magni pervenit gratius umbram ,
 Omne quod in Superos audet convicia vulgus ,

Pompeiumque Deis obicit , quam pauca Catonis
Verba , sed a pleno venientia pectore veri.

» CIVIS OBIT , inquit , multo majoribus impar

» Nosse modum juris , sed in hoc tamen utilis ævo,

» Cui non ulla fuit justî reverentia : salva

» Libertate potens , & solus plebe parata

» Privatus servire sibi , rectorque Senatus ,

» Sed regnantis , erat. Nil belli jure poposcit :

» Quæque dari voluit , voluit sibi posse negari.

» Immodicas possedit opes : sed plura retentis

» Intulit : invasit ferrum , sed ponere norat.

» Prætulit arma togæ : sed pacem armatus amavit.

» Juvit summa ducem , juvit dimissa potestas.

» Casta domus , luxuque carens , corruptaque nunquam

» Fortuna domini. Clarum , & venerabile nomen

» Gentibus , & multum nostræ quod proderat urbi.

» Olim vera fides Sylla Marioque receptis

» Libertatis obit : Pompeio rebus adempto

» Nunc & ficta perit. Non jam regnare pudebit :

» Nec color imperii , nec frons erit ulla Senatus.

» O felix , cui summa dies fuit obvia victo ,

» Et cui quærendos Pharium scelus obtulit enses :

» Forsitan in foceri potuisses vivere regno.

» Scire mori , fors prima viris , sed proxima cogi.

» Et mihi , si fati aliena in jura venimus ,

» Da talem , Fortuna , Jubam : non deprecor hosti

» Servari , dum me servet cervice recisa ».

Vocibus

Vocibus his major , quam si Romana sonarent
 Rostra ducis laudes , generosam venit ad umbram
 Mortis honos. Fremit interea discordia vulgi
 Castrorum , bellique piget post funera Magni :
 Quum Tarchondimotus linquendi signa Catonis
 Sustulit ; hunc rapta fugientem classe secutus
 Litus in extremum , tali Cato voce notavit :

* O NUNQUAM pacate Cilix ! iterumne rapinas
 » Vadis in æquoreas ? Magnum Fortuna removit :
 » Jam pelago pirata redis ». Tunc respicit omnes
 In coetu , motuque viros : quorum unus aperta
 Mente fugæ , tali compellat voce regentem :
 » Nos , CATO , da veniam , Pompeii duxit in arma ,
 » Non belli civilis amor , partesque favore
 » Fecimus. Ille jacet , quem paci prætulit orbis ,
 » Causaque nostra perit : patrios permitte penates ,
 » Desertamque domum , dulcesque revifere natos.
 » Nam quis erit finis , si nec Pharsalia , pugnae ,
 » Nec Pompeius erit ? Perierunt tempora vitæ ,
 » Mors eat in tutum : justas sibi nostra senectus
 » Prospiciat flammæ. Bellum civile sepulcra
 » Vix ducibus præstare potest. Non barbara victos
 » Regna manent : non Armenium mihi sæva minatur ,
 » Aut Scythicum Fortuna jugum : sub jura togati
 » Civis eo. Quisquis Magno vivente secundus ,
 » Hic mihi primus erit : sacris præstabitur umbris
 » Summus honor : dominum , quem clades cogit , habebō :

» Nullum , Magne , ducem , te solum in bella secutus ,
 » Post te , fata sequar : neque enim sperare secunda
 » Fas mihi , nec liceat. Fortuna cuncta tenentur
 » Cæsaris : Emathium sparsit victoria ferrum.
 » Clausa fides miseris , & toto solus in orbe est ,
 » Qui velit , ac possit victis præstare salutem.
 » Pompeio , scelus est bellum civile , peremto ,
 » Quo , fuerat , vivente , fides. Si publica jura ,
 » Si semper patriam sequeris , Cato , signa petamus ,
 » Romanus quæ Consul habet ». Sic ille profatus
 Insiluit puppi , juvenum comitante tumultu.

Actum Romanis fuerat de rebus , & omnis
 Indiga servitii fervebat litore plebes.

Erupere ducis sacro de pectore voces :

» ERGO pari voto gessisti bella , juvenus ,
 » Tu quoque pro dominis , & Pompeiana fuisti ,
 » Non Romana manus ? Quod non in regna laboras ,
 » Quod tibi , non ducibus , vivis morerisque ; quod orbem
 » Acquiris nulli , quod jam tibi vincere tutum est ,
 » Bella fugis , quærisque jugum cervice vacante ,
 » Et nescis sine rege pati. Nunc causa pericli
 » Digna viris. Potuit vestro Pompeius abuti
 » Sanguine : nunc patriæ jugulos ensesque negatis ,
 » Quum prope libertas. Unum Fortuna reliquit
 » Jam tribus e dominis. Pudeat : plus regia Nili
 » Contulit in leges , & Parthi militis arcus.
 » Ite , ô degeneres , Ptolemæi munus , & arma

»Spernite. Quis vestras ulla putet esse nocentes
 »Cæde manus? Credet faciles sibi terga dedisse,
 »Credet ab Emathiis primos fugisse Philippis.
 »Vadite securi: meruistis iudice vitam
 »Cæsare, non armis, non obsidione subacti.
 »O famuli turpes, domini post fata prioris
 »Itis ad heredem. Cur non majora mereri,
 »Quam vitam, veniamque libet? Rapiatur in undas
 »Infelix Magni conjux, prolesque Metelli:
 »Ducite Pompeios: Ptolemæi vincite munus.
 »Nostra quoque inviso quisquis feret ora tyranno,
 »Non parva mercede dabit. Sciat ista juvenus
 »Cervicis pretio bene se mea signa secutam.
 »Quin agite, & magna meritum cum cæde parate:
 »Ignavum scelus est tantum fuga». Dixit, & omnes
 Haud aliter medio revocavit ab æquore puppes,
 Quam simul effoetas relinquunt examina ceras,
 Atque oblita favi non miscent nexibus alas,
 Sed sibi quæque volat, nec jam degustat amarum
 Desidiosa thymum: Phrygii sonus increpet æris,
 Attonitæ posuere fugam, studiumque laboris
 Floriferi repetunt, & sparsi mellis amorem:
 Gaudet in Hyblæo securus gramine pastor
 Divitias servasse casæ: sic voce Catonis
 Inculcata viris justæ patientia Martis.

Jamque actu belli non doctas ferre quietem
 Constituit mentes, serieque agitare laborum.

Primum litoreis miles lassatur arenis.
 Proximus in muros, & mœnia Cyrenarum
 Est labor : exclusus nulla se vindicat ira :
 Pœnaque de victis sola est, vicisse, Catoni.
 Inde peti placuit Libyci contermina Mauris
 Regna Jubæ, sed iter mediis Natura vetabat
 Syrtibus : has audax sperat sibi cedere virtus.
 Syrtis, vel primam mundo Natura figuram
 Quum daret, in dubio pelagi terræque reliquit.
 (Nam neque subsedit penitus, quo stagna profundum
 Acciperet, nec se defendit ab æquore tellus :
 Ambigua sed lege loci jacet invia sedes :
 Æquora fracta vadis, abruptaque terra profundo,
 Et post multa sonant projecti litora fluctus.
 Sic male deferuit, nullosque exegit in usus
 Hanc partem natura sui) vel plenior alto
 Olim Syrtis erat pelago, penitusque natabat ;
 Sed rapidus Titan ponto sua lumina pascens,
 Æquora subduxit zonæ vicina perustæ :
 Et nunc pontus, adhuc Phœbo siccante, repugnat.
 Mox ubi damnosum radios admoverit ævum,
 Tellus Syrtis erit : nam jam brevis unda superne
 Innatat, & late periturum deficit æquor.

Ut primum remis actum mare propulit omne.
 Classis onus, densis fremuit niger imbris auster,
 In sua regna furens : tentatum classibus æquor
 Turbine defendit, longeque a Syrtibus undas

Egit , & illato confregit litore pontum.
 Tum quarum recto deprendit carbasa malo
 Eripuit nautis , frustraue rudentibus ausis
 Vela negare Notò , spatium vicere carinæ ,
 Atque ultra proram tumuit sinus. Omnia si quis
 Providus antennæ suffixit lintea summæ ,
 Vincitur , & nudis avertitur armamentis.
 Sors melior classi , quæ fluctibus incidit altis ,
 Et certo jactata mari. Quæcumque levatæ
 Arboribus cæsis flatum effugère prementem :
 Abstulit has ventis liber contraria volvens
 Æstus , & obnixum victor detrusit in Austrum.
 Has vada destituunt , atque interrupta profundo
 Terra ferit puppes : dubioque obnoxia fato
 Pars sedet una ratis , pars altera pendet in undis.
 Tunc magis impactum brevibus mare , terraque sævit
 Obvia confurgens : quamvis elifus ab Austro ,
 Sæpe tamen cumulos fluctus non vincit arenæ.
 Eminent in tergo pelagi procul omnibus arvis ,
 Inviolatus aqua , ficci jam pulveris agger ,
 Stant miseri nautæ , terræque hærente carina
 Litora nulla vident. Sic partem intercipit æquor :
 Pars ratium major regimen , clavumque secuta est ,
 Tuta fugæ , nautasque loci fortita peritos ,
 Torpentem Tritonos adit illæsa paludem.

Hanc , ut fama , Deus , quem toto litore pontus
 Audit ventosa perflantem marmora concha ,

Hanc & Pallas amat : patrio quæ vertice nata
 Terrarum primam Libyen (nam proxima coelo est ,
 Ut probat ipse calor) tetigit : stagnique quieta
 Vultus vidit aqua , posuitque in margine plantas ,
 Et se dilecta Tritonida dixit ab unda.

Quam juxta Lethon tacitus prælabitur amnis ,
 Infernis , ut fama , trahens obliviam venis :
 Atque insopiti quondam tutela draconis ,
 Hesperidum pauper spoliatus frondibus hortus.
 Invidus , annofo famam qui derogat ævo ,
 Qui vates ad vera vocat. Fuit aurea silva ,
 Divitiisque graves , & fulvo germine rami ,
 Virgineusque chorus , nitidi custodia luci ,
 Et nunquam somno damnatus lumina serpens ,
 Robora complexus rutilo curvata metallo.

Abstulit arboribus pretium , nemorique laborem
 Alcides : passusque inopes sine pondere ramos
 Rettulit Argolico fulgentia poma tyranno.

His igitur depulsa locis , ejectaque classis
 Syrtibus , haud ultra Garamantidas attigit undas :
 Sed duce Pompeio Libyæ melioris in oris
 Manfit. At impatiens virtus hædere Catonis
 Audet in ignotas agmen committere gentes ,
 Armorum fidens : & terra cingere Syrtim
 Hæc eadem suadebat hiems , quæ clauferat æquor.
 Et spes imber erat , nimios metuentibus ignes :
 Ut neque sole viam , nec duro frigore sævam ,

Inde polo Libyes , hinc bruma temperet annus :
 Atque ingressurus steriles , sic fatur , arenas.
 » O QUIBUS una salus placuit mea castra secutis
 » Indomita cervice mori , componite mentes
 » Ad magnum virtutis opus , summosque labores.
 » Vadimus in campos steriles , exustaue mundi ,
 » Qua nimius Titan , & raræ in fontibus undæ ,
 » Siccaque lethiferis squalent serpentibus arva ,
 » Durum iter ad leges , patriæque ruentis amorem.
 » Per mediam Libyen veniant , atque invia tentent,
 » Si quibus in nullo positum est evadere voto ,
 » Si quibus ire sat est, (neque enim mihi fallere quemquam
 » Est animus , tectoque metu perducere vulgus.)
 » Hi mihi sint comites , quos ipsa pericula ducent ,
 » Qui me teste , pati vel quæ tristissima , pulcrum ,
 » Romanumque putant. At qui sponfore salutis
 » Miles eget , capiturque animæ dulcedine , vadat
 » Ad dominum meliore via. Dum primus arenas
 » Ingrediar , primusque gradus in pulvere ponam;
 » Me calor ætherius feriat , mihi plena veneno
 » Occurrat serpens ; fatoque pericula vestra
 » Prætentate meo : sitiat , quicumque hibentem
 » Viderit : aut umbras nemorum quicumque petentem ,
 » Æstuet : aut equitem peditum præcedere turmas ,
 » Deficiat ; si quo fuerit discrimine notum
 » Dux , an miles eam. Serpens , sitis , ardor arenæ ,
 » Dulcia virtuti : Gaudet patientia duris.

„ Lætius est , quoties magno sibi constat , honestum.
 „ Sola potest Libye turba præstare malorum ,
 „ Ut deceat fugisse viros „. Sic ille paventes
 Incendit virtute animos , & amore laborum ,
 Irreducemque viam deserto limite carpit :
 Et sacrum parvo nomen claufura sepulcro
 Invasit Libye securi fata Catonis.

Tertia pars rerum Libye , si credere famæ
 Cuncta velis : at si ventos cœlumque sequaris ,
 Pars erit Europæ. Nec enim plus litora Nili ,
 Quam Scythicus Tanais primis a Gadibus absunt :
 Unde Europa fugit Libyen , & litora flexu
 Oceano fecere locum : sed major in unam
 Orbis abit Asiam. Nam quum communiter istæ
 Effundant Zephyrum , Boreæ latus illa finistrum
 Contingens , dextrumque Noti , discedit in ortus ,
 Eurum sola tenens. Libycæ quod fertile terræ est ,
 Vergit in occasus : sed & hæc non fontibus ullis
 Solvitur : Arctæos raris Aquilonibus imbres
 Accipit , & nostris reficit sua rura serenis.
 In nullas vitatur opes ; non ære , nec auro
 Excoquitur , nullo glebarum crimine , pura ,
 Et penitus terra est. Tantum Maurusia genti
 Robora divitiæ , quarum non noverat usum :
 Sed citri contenta comis vivebat , & umbra.
 In nemus ignorum nostræ venire secures :
 Extremoque epulas , menfasque petivimus orbe.

At quæcumque vagam Syrtim complectitur ora
 Sub nimio projecta die, vicina perusti
 Ætheris, exurit mæsses, & pulvere Bacchum
 Enecat, & nulla putris radice tenetur.
 Temperies vitalis abest: & nulla sub illa
 Cura Jovis terra est: Natura deside torpet
 Orbis, & immotis annum non sentit arenis.
 Hoc tam segne solum raras tamen exferit herbas,
 Quas Nasamon gens dura legit, qui proxima pontø
 Nudus rura tenet, quem mundi barbara damnis
 Syrtis alit. Nam litoreis populator arenis
 Imminet, & nulla portus tangente carina,
 Novit opes. Sic cum toto commercia mundo
 Naufragiis Nasamones habent. Hac ire Catonem
 Dura jubet virtus. Illic secura juvenus
 Ventorum, nullasque timens tellure procellas,
 Æquoreos est passa metus. Nam litore sicco,
 Quam pelago, Syrtis violentius accipit Austrum,
 Et terræ magis ille nocet. Non montibus ortum
 Adversis frangit Libye, scopulisque repulsum
 Dissipat, & liquidas e turbine solvit in auras:
 Nec ruit in silvas, annosæque robora torquens
 Lassatur: patet omne solum, liberque meatu
 Æoliam rabiem totis exercet arenis:
 At non imbriferam contorto pulvere nubem
 In flexum violentus agit: pars plurima terræ
 Tollitur, & nunquam resoluta vertice pendet.

Regna videt pauper Nafamon errantia vento ;
 Discuffasque domos : volitant a culmine raptæ
 Detecto Garamante cafæ. Non altius ignis
 Rapta vehit : quantumque licet confurgere fumo ,
 Et violare diem , tantum tenet aëra pulvis.
 Tum quoque Romanum folito violentior agmen
 Aggreditur , nullusque poteft confiftere miles ,
 Inftabilis raptis etiam , quas calcat , arenis.
 Concuteret terras , orbemque a fede moveret ,
 Si folida Libye compage , & pondere duro
 Clauderet exefis Austrum scopulofa cavernis :
 Sed quia mobilibus facilis turbatur arenis ,
 Nusquam luftando ftabilis manet : imaque tellus
 Stat , quia fumma fugit. Galeas , & fcuta virorum ,
 Pilaque contorfit violento fpiritus actu ,
 Intentusque tulit magni per inania cœli.
 Illud in extrema forfan longeque remota
 Prodigium tellure fuit : delapfaque cœlo
 Arma timent gentes , hominumque erepta lacertis
 A Superis demiffa putant. Sic illa profecto
 Sacrifico cecidere Numæ , quæ lecta juvenus
 Patricia cervice movet : fpoliaverat Auffer
 Aut Boreas populos , ancilia nofta ferentes.

Sic orbem torquente Noto Romana juvenus
 Procubuit , metuensque rapi , conftinxit amictus ,
 Inferuitque manus terræ : nec pondere folo ,
 Sed nifu jacuit , vix fic immobilis Auftro ,

Qui super ingentes cumulos involvit arenæ,
 Atque operit tellure viros. Vix tollere miles
 Membra valet multo congestu pulveris hærens.
 Alligat & stantes affusæ magnus arenæ
 Agger, & immoti terra surgente tenentur.
 Saxa tulit penitus discussis proruta muris,
 Effuditque procul miranda forte malorum:
 Qui nullas vidêre domos, vidêre ruinas.
 Jamque iter omne latet: nec sunt discrimina terræ
 Ulla, nisi ætheriæ, medio velut æquore, flammæ.
 Sideribus novere viam: nec sidera tota
 Ostendit Libycæ finitor circulus oræ,
 Multaque devexo terrarum margine celat.
 Utque calor solvit, quem torserat, aëra, ventus,
 Incensusque dies, manant sudoribus artus:
 Arent ora fiti: conspecta est parva maligna
 Unda procul vena: quam vix e pulvere miles
 Corripuens, galeæ convexum infudit in orbem,
 Porrexitque duci. Squalebant pulvere fauces
 Cunctorum: minimumque tenens dux ipse liquoris
 Invidiosus erat. » MENE, inquit, degener unum
 » Miles in hac turba vacuum virtute putasti?
 » Usque adeo mollis, primisque caloribus impar
 » Sum visus? Quanto pœna tu dignior ista,
 » Qui populo sitiente bibas ». Sic concitus ira
 Excussit galeam, suffecitque omnibus unda.

Ventum erat ad templum, Libycis quod gentibus unum.

Inculti Garamantes habent : stat corniger illic.
 Jupiter , ut memorant , sed non aut fulmina vibrans,
 Aut similis nostro , sed tortis cornibus Ammon:
 Non illic Libycæ posuerunt ditia gentes
 Templâ , nec Eois splendent donaria gemmis
 Quamvis Æthiopum populis , Arabumque beatis
 Gentibus , atque Indis unus sit Jupiter Ammon,
 Pauper adhuc Deus est , nullis violata per ævum
 Divitiis delubra tenens : morumque priorum
 Numen Romano templum defendit ab auro.
 Esse locis Superos testatur silva per omnem
 Sola virens Libyen. Nam quidquid pulvere sicco
 Separat ardentem tepida Berenicida Lepti ,
 Ignorat frondes : solus nemus abstulit Ammon.
 Silvarum fons causa loco , qui putria terræ
 Alligat , & domitas unda connectit arenas.
 Sic quoque nil obstat Phœbo , quum cardine summo
 Stat librata dies : truncum vix protegit arbor :
 Tam brevis in medium radiis compellitur umbra.
 Deprensus est hunc esse locum , qua circulus alti
 Solstitii medium signorum percutit orbem.
 Non obliqua meant , nec Tauro Scorpius exit.
 Rectior , aut Aries donat sua tempora Libræ ,
 Aut Astræa jubet lentos descendere Pisces.
 Par Geminis Chiron , & idem quod Carcinus ardens
 Humidus Ægoceros : nec plus Leo tollitur Urna.
 At tibi , quæcumque es Libyco gens igne dirempta ,

In Noton umbra cadit, & quæ nobis exit in Arcton
 Te segnis Cynosura subit : tu sicca profundo
 Mergi plauftra putas, nullumque in vertice semper
 Sidus habes immune maris, procul axis uterque est,
 Et fuga signorum medio rapit omnia cœlo.
 Stabant ante fores populi, quos miserat Eos,
 Cornigerique Jovis monitu nova fata petebant :
 Sed Latio cessere duci : comitesque Catonem
 Orant, exploret Libycum memorata per orbem
 Numina, de fama tam longi judicet ævi.
 Maximus hortator scrutandi voce Deorum
 Eventus Labienus erat. » Sors obtulit, inquit,
 » Et fortuna viæ, tam magni numinis ora,
 » Consiliumque Dei : tanto duce possumus uti,
 » Per Syrtes, bellicque datos cognoscere casus.
 » Nam cui crediderim Superos arcana daturos,
 » Dicturosque magis, quam sancto vera Catoni?
 » Certe vita tibi semper directa supernas
 » Ad leges, sequerisque Deum. Datur, ecce, loquendi
 » Cum Jove libertas : inquire in fata nefandi
 » Cæsaris, & patriæ venturos excute mores :
 » Jure suo populis uti, legumque licebit,
 » An bellum civile perit. Tua pectora sacra
 » Voce reple : duræ saltem virtutis amator
 » Quære quid est virtus, & posce exemplar honesti.
 Ille Deo plenus, tacita quem mente gerebat,
 Effudit dignas adytis e pectore voces.

» QUID QUÆRI, Labiene, jubes? An liber in armis
 » Occubuisse velim potius, quam regna videre?
 » An sit vita nihil. Si longa, an differat ætas?
 » An noceat vis ulla bono? Fortunaque perdat
 » Opposita virtute minas, laudandaque velle
 » Sit satis, & nunquam successu crescat honestum?
 » Scimus, & hoc nobis non altius inferet Ammon.
 » Hæremus cuncti Superis, temploque tacente
 » Nil facimus non sponte Dei: nec vocibus ullis
 » Numen eget: dixitque semel nascentibus auctor
 » Quidquid scire licet: sterilesne elegit arenas,
 » Ut caneret paucis, merfitque hoc pulvere verum?
 » Estne Dei sedes nisi terra, & pontus, & aer,
 » Et cœlum, & virtus? Superos quid quærimus ultra?
 » Jupiter est quodcumque vides, quocumque moveris.
 » Sortilegis egeant dubii, semperque futuris
 » Casibus ancipites: me non oracula certum
 » Sed mors certa facit: pavido, fortique cadendum est.
 » Hoc satis est dixisse Jovem ». Sic ille profatur,
 Servataque fide templi discedit ab aris,
 Non exploratum populis Ammonia relinquens.

Ipse manu sua pila gerit, præcedit anhelis
 Militis ora pedes: monstrat tolerare vapores,
 Non jubet: & nulla vehitur cervice supinus,
 Carpentove sedens. Somni parcissimus ipse est,
 Ultimus haustor aquæ. Quum tandem fonte reperto
 Indiga cogatur latices potare juvenus

Stat, dum lixa bibat. Si veris magna paratur
 Fama bonis, & si successu nuda remoto
 Inspicitur Virtus, quidquid laudamus in ullo
 Majorum, fortuna fuit. Quis Marte secundo,
 Quis tantum meruit populorum sanguine nomen?
 Hunc ego per Syrtes, Libyæque extrema triumphum
 Ducere maluerim, quam ter Capitolia curru
 Scandere Pompeii, quam frangere colla Jugurthæ.
 Ecce parens verus patriæ, dignissimus aris
 Roma tuis: per quem nunquam jurare pudebit,
 Et quem, si steteris unquam cervice soluta,
 Nunc olim factura Deum. Jam spissior ignis,
 Et plaga, qua nullam Superi mortalibus umbram
 A medio fecere die, calcatur; & unda
 Rarior: inventus mediis fons unus arenis,
 Largus aquæ: sed quem serpentum turba tenebat,
 Vix capiente loco. Stabant in margine siccæ
 Aspides, in mediis sitiebant Dipsades undis.
 Ductor, ut aspexit perituros fonte relicto,
 Alloquitur: »VANA SPECIE conterritæ lethi,
 »Ne dubita, miles, tutos haurire liquores:
 »Noxia serpentum est admixto sanguine pestis:
 »Morsu virus habent, & fatum dente minantur:
 »Pocula morte carent». Dixit; dubiumque venenum
 Haufit: & in tota Libyæ fons unus arena
 Ille fuit, de quo primus sibi posceret undam.

Cur Libycus tantis exundet pestibus ær

Fertilis in mortes , aut quid secreta nocenti
 Misceuerit Natura solo , non cura , laborque
 Noster scire valet : nisi quod vulgata per orbem
 Fabula pro vera decepit secula causa.

Finibus extremis Libyes , ubi fervida tellus
 Accipit Oceanum , demisso sole calentem ,
 Squalebant late Phorcynidos arva Medusæ
 Non nemorum protecta coma , non mollia fulco ,
 Sed dominæ vultu conspectis aspera saxis.

Hoc primum natura nocens in corpore sævas
 Eduxit pestes : illis e faucibus angues
 Stridula fuderunt vibratis sibila linguis ,
 Femineæ qui more comæ per terga soluti ,
 Ipsa flagellabant gaudentis colla Medusæ ,
 Surgunt aduersa subrectæ fronte colubræ ,
 Vipereumque fluit , depexo crine , venenum.
 Hoc habet infelix , cunctis impune , Medusa ,
 Quod spectare licet. Nam rictus , oraque monstri
 Quis timuit ? Quem , qui recto se lumine vidit ,
 Passa Medusa mori est ? Rapuit dubitantia fata ,
 Præuenitque metus : anima periere , retenta
 Membra , nec emissæ riguere sub ossibus umbræ.
 Eumenidum crines solos movere furores :

Cerberus Orpheo lenivit sibila cantu :
 Amphitryoniades vidit , quum vinceret , Hydram :
 Hoc monstrum timuit genitor , numenque secundum
 Phorcys aquis , Cetoque parens ipsæque sorores

Gorgones : hoc potuit cœlo pelagoque minari
 Torporem insolitum , mundoque obducere terram.
 E cœlo volucres subito cum pondere lapsæ :
 In scopulis hæfere feræ : vicina colentes
 Æthiopum totæ riguerunt marmore gentes.
 Nullum animal visus patiens , ipsique retrorsum
 Effusi faciem vitabant Gorgonos angues.
 Illa sub Hesperiiis stantem Titana columnis
 In cautes Atlanta dedit : cœloque timente
 Olim Phlegræos , stantes serpente , gigantes ,
 Erexit montes , bellumque immane Deorum
 Pallados in medio confecit pectore Gorgon.

Quo postquam partu Danaës , & divite nimbo
 Ortum Parrhasiæ vexerunt Persea pennæ
 Arcados , auctoris citharæ , liquidæque palæstræ ,
 Et subitus præpes Cyllenida sustulit Harpen ,
 Harpen alterius monstri jam cæde rubentem ,
 [A Jove dilectæ fuso custode juvencæ :]
 Auxilium volucris Pallas tulit innuba fratri ,
 Pacta caput monstri : terræque in fine Libyssæ
 Persea Phœbeos converti jussit ad ortus ,
 Gorgonos averso sulcantem regna volatu :
 Et clypeum lævæ fulvo dedit ære nitentem ,
 In quo saxificam jussit spectare Medusam ,
 Quam sopor æternam tracturus morte quietem
 Obruit haud totam. Vigilat pars magna comarum ,
 Defenduntque caput protenti crinibus hydri :

Pars jacet in medios vultus , oculique tenebras.
 Ipsa regit trepidum Pallas , dextraque trementem
 Perseos averſi Cyllenida dirigit Harpen ,
 Lata colubriferi rumpens confinia colli.
 Quos habuit vultus lunati vulnere ferri
 Cæſa caput Gorgon ! Quanto ſpiraſſe veneno
 Ora rear ! quantumque oculos effundere mortis !
 Nec Pallas ſpectare poteſt : vultusque gelaffent
 Perſeos adverſi , ſi non Tritonia denſos
 Sparſiſſet crines , texiſſetque ora colubris.
 Aliger in cœlum ſic rapta Gorgone fugit.
 Ille quidem penſabat iter , propiusque ſecabat
 Æthera , ſi medias Europæ ſcinderet urbes ;
 Pallas frugiferas juſſit non lædere terras ,
 Et parci populis. Quis enim non præpete tanto
 Æthera reſpiceret ? Zephyro convertitur ales ,
 Itque ſuper Libyen , quæ , nullo conſita cultu ,
 Sideribus , Phœboque vacat : premit orbita ſolis ,
 Exuritque ſolum : nec terra celfior ulla
 Nox cadit in cœlum , Lunæque meatibus obſtat ,
 Si flexus oblita vagi per recta cucurrit
 Signa , nec in Borean , aut in Noton effugit umbram.
 Illa tamen ſterilis tellus , ſecundaque nullo
 Arva bono , virus ſtillantibus tabe Medusæ
 Conciipiunt , diroſque fero de ſanguine rores ,
 Quos calor adjuvit , putrique incoxit arenæ.

Hic , quæ prima caput movit de pulvere tabes ,

Aspida somniferam tumida cervice levavit.
 Plenior huic sanguis, & crassi gutta veneni
 Decidit : in nulla plus est serpente coactum.
 Ipsa caloris egens gelidum non transit in orbem
 Sponte sua, Niloque tenuis metitur arenas.
 Sed quis erit nobis lucri pudor ? Inde petuntur
 Huc Libycæ mortes, & fecimus aspida mercem.
 At non stare suum miseris passura cruorem,
 Squamiferos ingens Hæmorrhoids explicat orbis :
 Natus & ambigua coleret qui Syrtidos arva
 Chersydros, tractique via fumante Chelydri :
 Et semper rectò lapsurus limite Cenchris :
 Pluribus ille notis variatam pingitur alvum,
 Quam parvis tinctus maculis Thebanus Ophites :
 Concolor exustis, atque indiscretus arenis
 Ammodytes : spinaque vagi torquente Cerastræ :
 Et Scytale sparsis etiam nunc sola pruinis
 Exuvias positura suas : & torrida Dipfas :
 Et gravis in geminum surgens caput Amphibæna :
 Et Natrix violator aquæ, Jaculique volucres,
 Et contentus iter cauda fulcare Pareas :
 Oraque distendens avidus spumantia Prester :
 Ossaue dissolvens cum corpore tabificus Seps.
 Sibilaque effundens cunctas terrentia pestes,
 Ante venena nocens, late sibi submovet omne
 Vulgus, & in vacua regnat Basiliscus arena.
 Vos quoque, qui cunctis innoxia numina terris

Serpitis , aurato nitidi fulgore Dracones ,
 Pestiferos ardens facit Africa : ducitis altum
 Aëra cum pennis , armentaque tota secuti
 Rumpitis ingentes amplexi verberare tauros.
 Nec tutus spatium est Elephas : datis omnia letho :
 Nec vobis opus est ad noxia fata veneno.

Has inter pestes duro Cato milite ficcum
 Emetitur iter : tot tristitia fata suorum ,
 Insolitasque videns parvo cum vulnere mortes.
 Signiferum juvenem Tyrrheni sanguinis Aulum
 Torta caput retro Dipfas calcata momordit.
 Vix dolor , aut sensus dentis fuit : ipsaque lethi
 Frons caret invidia : nec quidquam plaga minatur.
 Ecce subit virus tacitum , carpitque medullas
 Ignis edax , calidaque incendit viscera tabe.
 Ebibit humorem circum vitalia fuscum
 Pestis , & in sicco linguam torrere palato
 Coepit. Defessos iret qui sudor in artus
 Non fuit , atque oculos lacrimarum vena refugit.
 Non decus imperii , non moesti jura Catonis
 Ardentem tenuere virum , quin spargere signa
 Auderet , totisque furens exquireret agris ,
 Quas poscebat aquas sitiens in corde venenum.
 Ille vel in Tanaim missus, Rhodanumque, Padumque
 Arderet , Nilumque bibens per rura vagantem.
 Accessit morti Libye , fatique minorem
 Famam Dipfas habet terris adjuta perustis.

Scrutatur venas penitus squalentis arenæ :
 Nunc redit ad Syrtes , & fluctus accipit ore :
 Æquoreusque placet , sed non & sufficit , humor.
 Nec sentit fatigue genus , mortemque veneni :
 Sed putat esse sitim : ferroque aperire tumentes
 Sustinuit venas , atque os implere cruore.

Iussit signa rapi propere Cato : discere nulli
 Permissum est hoc posse sitim. Sed tristior illâ
 Mors erat ante oculos : miserique in crure Sabelli
 Seps stetit exiguus , quem flexo dente tenacem
 Avulsitque manu , piloque affixit arenis.
 Parva modo serpens ; sed quam non ulla cruentæ
 Tantum mortis habet. Nam plagæ proxima circum
 Fugit rapta cutis , pallentiaque ossa retexit.
 Jamque sinu laxo nudum est sine corpore vulnus.
 Membra natant sanie : furæ fluxere : sine ullo
 Tegmine poples erat : femorum quoque musculus omnis
 Liquitur , & nigra destillant inguina tabe.
 Dissiluit stringens uterum membrana , fluuntque
 Viscera : nec , quantum toto de corpore debet ,
 Effluit in terras : sævum sed membra venenum
 Decoquit , in minimum mors contrahit omnia virus.
 Vincula nervorum , & laterum textura , cavumque
 Pectus , & abstrusum fibris vitalibus ; omne
 Quidquid homo est , aperit pestis. Natura profanâ
 Morte patet : manant humeri , fortesque lacerti :
 Colla , caputque fluunt. Calido non ocius Austro

Nix resoluta cadit , nec Solem cera sequetur.
 Parva loquor ; corpus fanie stillasse perustum :
 Hoc & flamma potest. Sed quis rogos abstulit ossa ?
 Hæc quoque discedunt , putresque secuta medullas
 Nulla manere sinunt rapidi vestigia fati.
 Cyniphias inter pestes tibi palma nocendi est :
 Eripiunt omnes animam , tu sola cadaver.

Ecce subit facies letho diversa fluenti.
 Nasidium Marfi cultorem torridus agri
 Percussit Prester. Illi rubor igneus ora
 Succendit , tenditque cutem , pereunte figura ,
 Miscens cuncta tumor toto jam corpore major :
 Humanumque egressa modum super omnia membra
 Efflatur fanies , late tollente veneno ,
 Ipse latet penitus congesto corpore mersus :
 Nec lorica tenet distenti corporis auctum.
 Spumeus accenso non sic exundat aheno
 Undarum cumulus : nec tantos carbasa Coro
 Curvavere sinus. Tumidos jam non capit artus
 Informis globus , & confuso pondere truncus.
 Intactum volucrum rostris , epulasque daturum
 Haud impune feris , non ausi tradere busto ,
 Nondum stante modo , crescens fugere cadaver.

Sed majora parant Libycæ spectacula pestes.
 Impressit dentes Hæmorrhoids aspera Tullo
 Magnanimo juveni , miratorique Catonis.
 Utque solet pariter totis se effundere signis

Corycii pressura croci : sic omnia membra
 Emisere simul rutilum pro sanguine virus.
 Sanguis erant lacrimæ : quæcumque foramina novit
 Humor , ab his largus manat cruor : ora redundant,
 Et patulæ nares : sudor rubet : omnia plenis
 Membra fluunt venis : totum est pro vulnere corpus.

At tibi , Leve miser , fixus præcordia pressit
 Niliaca serpente cruor : nulloque dolore
 Testatus morsus subita caligine mortem
 Accipis , & socias fomno descendis ad umbras.
 Non tam veloci corrumpunt pocula letho ,
 Stipite quæ diro virgas mentita Sabæas
 Toxicæ fatilegi carpunt matura Sabæi.

Ecce procul sævus sterilis se robore trunci
 Torfit , & immisit (jaculum vocat Africa) serpens :
 Perque caput Pauli transactaque tempora fugit.
 Nil ibi virus agit : rapuit cum vulnere fatum.
 Deprensus est , quæ funda rotat , quam lenta volaret ,
 Quam segnis Scythicæ strideret arundinis aër.

Quid prodest miseri Basiliscus cuspide Murri
 Transactus ? Velox currit per tela venenum ,
 Invaditque manum : quam protinus ille resecto
 Ense ferit , totoque simul demittit ab armo :
 Exemplarque sui spectans miserabile lethi
 Stat vivus , pereunte manu. Quis fata putaret
 Scorpion , aut virès maturæ mortis habere ?
 Ille minax nodis , & recto verbere sævus ,

Teste tulit cœlo victi decus Orionis.

Quis calcare tuas metuit, Solpuga, latebras?

Et tibi dant Stygiæ jus in sua fila sorores.

Sic nec clara dies, nec nox dabat atra quietem,
Suspecta miseris in qua tellure jacebant.

Nam neque congestæ struxere cubilia frondes,

Nec culmis crevere tori: sed corpora fatis

Expositi volvuntur humo, calidoque vapore

Alliciunt gelidas nocturno frigore pestes:

Innocuosque diu rictus torpente veneno

Inter membra sovent: nec, quæ mensura viarum,

Quisve modus norant, cœlo duce: sæpe querentes,

„REDDITE, Dî, clamant, miseris, quæ fugimus, arma,

„Reddite Thessaliam. Patimur cur segnia fata

„In gladios jurata manus? Pro Cæsare pugnant

„Dipsades, & peragunt civilia bella Cerastræ.

„Ire libet qua Zona rubens, atque axis inustus

„Solis equis: juvat ætheriis adscribere causis

„Quod peream, cœloque mori. Nil, Africa, de te,

„Nec de te, Natura, queror: tot monstra ferentem,

„Gentibus ablatum dederas serpentibus orbem:

„Impatiensque solum Cereris, cultore negato

„Damnasti, atque homines voluisti deesse venenis.

„In loca serpentum nos venimus: accipe pœnas,

„Tu quisquis Superûm commercia nostra perosus,

„Hinc torrente plaga, dubiis hinc Syrtibus orbem

„Abrumpens, medio posuisti limite mortes.

„Per

» Per secreta tui bellum civile recessus
 » Vadit ; & arcani miles sibi conscius orbis
 » Claustra petit mundi. Forſan majora ſuperſunt
 » Ingreſſis. Coëunt ignes ſtridentibus undis ,
 » Et premitur natura poli. Sed longius iſta
 » Nulla jacer tellus , quam fama cognita nobis
 » Triftia regna Jubæ. Quæremus forſitan iſtas
 » Serpentum terras : habet hoc ſolatia cœlum :
 » Vivit adhuc aliquid. Patriæ non arva requiro ,
 » Europamque , alios Soles , Aſiamque videntem.
 » Qua te parte poli , qua te tellure reliqui ,
 » Africa ? Cyrenis etiam nunc bruma rigeſcit.
 » Exiguane via legem convertimus anni ?
 » Imus in adverſos axes : evolvimur orbe :
 » Terga damus ferienda Noto. Nunc forſitan ipſa eſt
 » Sub pedibus jam Roma meis. Solatia fati
 » Hæc petimus : veniant hoſtes , Cæſarque ſequatur
 » Qua fugimus ». Sic dura ſuos patientia queſtus
 Exonerat : cogit tantos tolerare labores
 Summa ducis virtus , qui nuda fuſus arena
 Excubat , atque omni Fortunam provocat hora.
 Omnibus unus aſeſt fatis : quocumque vocatus
 Advolat , atque ingens meritum , majusque ſalute
 Contulit , in lethum vires : puduitque gementem
 Illo teſte mori. Quod jus habuiſſet in ipſum
 Ulla lues ? Caſus alieno in peſtore vincit ,
 Spectatorque docet magnos nil poſſe dolores.

Vix miseris serum tanto lassata periclo
 Auxilium Fortuna dedit. Gens unica terras
 Ineolit a sævo serpentum innoxia morfu ,
 Marmaridæ Pfylli : par lingua potentibus herbis :
 Ipse cruor tutus , nullumque admittere virus ,
 Vel cantu cessante , potest. Natura locorum
 Jussit ut immunes mixti serpentibus essent.
 Profuit in mediis sedem posuisse venenis.
 Pax illis cum morte data est. Fiducia tanta est
 Sanguinis : in terram parvus quum decidit infans ,
 Ne qua sit externæ Veneris mixtura timentes ,
 Lethifica dubios explorant aspide partus.
 Utque Jovis volucer , calido quum protulit ovo
 Implumes natos , solis convertit ad ortus :
 Qui potuere pati radios , & lumine recto
 Sustinuere diem , cœli servantur in usus ;
 Qui Phœbo cessere , jacent : sic pignora gentis
 Pfyllus habet , si quis tactos non horruit angues ,
 Si quis donatis lussit serpentibus infans.
 Nec solum gens illa sua contenta salute ,
 Excubat hospitibus , contraque nocentia monstra
 Pfyllus adest populis. Qui tunc Romana secutus
 Signa , simul jussit statui tentoria ductor ,
 Primum quas valli spatium comprehendit arenas
 Expurgat cantu , verbisque fugantibus angues.
 Ultima castrorum medicatus circuit ignis.
 Hic ebulum stridet , peregrinaque galbana sudant ,

Et tamarix non læta comis , Eoque costos ,
 Et panacea potens , & Theſſala centaurea :
 Peucedanonque ſonat flammis , Erycinaque thapſos ,
 Et larices , fumoque gravem ſerpentibus urunt
 Abrotonum , & longe naſcentis cornua cervi.
 Sic nox tuta viris. At ſi quis peſte diurna
 Fata trahit , tunc ſunt magicæ miracula gentis ;
 Pſyllorumque ingens & rapti pugna veneni.

Nam primum tacta deſignat membra ſaliva ,
 Quæ cohibet virus , retinetque in vulnere peſtem.
 Plurima tum volvit ſpumanti carmina lingua ,
 Murmure continuo , nec dat ſuſpiria curſus
 Vulneris , aut minimum patiuntur fata tacere.
 Sæpe quidem peſtis nigris inſerta medullis
 Excantata fugit : ſed ſi quod tardius audit
 Virus , & elicited , juſſumque exire repugnat ;
 Tunc ſuperincumbens pallentia vulnere lambit ,
 Ore venena trahens , & ſiccat dentibus artus ,
 Extractamque tenens gelido de corpore mortem
 Exſpuit : & cujus morſus ſuperaverit anguis ,
 Jam promptum Pſyllis vel guſtu noſſe veneni.
 Hoc igitur levior tandem Romana juvenus
 Auxilio , late ſqualentibus errat in arvis.
 Bis poſitis Phœbe flammis , bis luce recepta ,
 Vidit arenivagum ſurgens fugiensque Catonem.

Jamque illis magis , atque magis dureſcere pulvis
 Cœpit , & in terram Libye ſpiſſata redire.

Jamque procul nemorum raræ se tollere frondes;
 Surgere congesto non culta mapalia culmo.
 Quanta dedit miseris melioris gaudia terræ,
 Quam primum sævos contra vidère leones!
 Proxima Leptis erat, cujus statione quieta
 Exegere hyemem, nimbis flammisque carentem.

Cæsar ut Emathia satiatuſ clade recessit,
 Cetera curarum projecit pondera, soli
 Intentus genero: cujus vestigia frustra
 Terris sparsa legens, fama duce tendit in undas,
 Threiciasque legit fauces, & amore notatum
 Æquor, & Heroas lacrimoso litore turres,
 Qua pelago nomen Nephelæas abstulit Helle.
 Non Asiam brevioris aquæ disternat usquam
 Fluctus ab Europa, quamvis Byzantion arcto
 Pontus, & ostriferam dirimat Chalcedona cursu,
 Euxinumque ferens parvo ruat ore Propontis.
 Sigeasque petit famæ mirator arenas,
 Et Simoëntis aquas, & Graio nobile busto
 Rheetion, & multum debentes vatibus umbras.
 Circuit exustæ nomen memorabile Trojæ,
 Magnaque Phœbei quærit vestigia muri.
 Jam silvæ steriles, & putres robore trunci
 Assaraci pressere domos, & templa Deorum
 Jam laſſa radice tenent: ac tota teguntur
 Pergama dumetis: etiam periire ruinæ.
 Aspicit Hefiones scopulos, filvasque, latentes

Anchisæ thalamos ; quo iudex federit antro :
 Unde puer raptus cœlo : quo vèrtice Nais
 Luferit Cœnone : nullum est sine nomine saxum.
 Inscius in ficco serpentem pulvere rivum
 Transierat , qui Xanthus erat : securus in alto
 Gramine ponebat gressus ; Phryx incola manes
 Hectoreos calcare vetat. Discussa jacebant
 Saxa , nec ullius faciem servantia sacri ;
 „ HERCEAS , monstrator ait , non respicis aras „ ?

O facer , & magnus vatum labor , omnia fato
 Eripis , & populis donas mortalibus ævum.
 Invidia sacræ , Cæsar , ne tangere famæ :
 Nam si quid Latii fas est promittere Musis ,
 Quantum Smyrnæi durabunt vatis honores ,
 Venturi me , teque legent : Pharsalia nostra
 Vivet , & a nullo tenebris damnabitur ævo.

Ut ducis implevit visus veneranda vetustas ,
 Erexit subitas congestu cespitis aras ,
 Votaque turicremos non irrita fudit in ignes.
 „ DI CINERUM, Phrygias cqlitis quicumque ruinas,
 „ Æneæque mei , quos nunc Lavinia sedes
 „ Servat & Alba lares , & quorum lucet in aris
 „ Ignis adhuc Phrygius , nullique aspecta virorum
 „ Pallas , in abstruso pignus memorabile templo ,
 „ Gentis Iulææ vestris clarissimus aris
 „ Dat pia tura nepos , & vos in sede priori

» Rite vocat : date felices in cetera cursus :
 » Restituam populos. Grata vice moenia reddent
 » Aufonidæ Phrygibus, Romanaque Pergama surgent.
 Sic fatus , repetit classes , & tota secundis
 Vela dedit Coris , avidusque urgente procella
 Iliacas pensare moras , Asiamque potentem
 Prævehitur , pelagoque Rhodon spumante relinquit.
 Septima nox , Zephyro nunquam laxante rudentes ,
 Ostendit Phariis Ægyptia litora flammis.
 Sed prius orta dies nocturnam lampada texit ,
 Quam tutas intraret aquas. Ibi plena tumultu
 Litora , & incerto turbatas murmure voces
 Accipit : ac dubiis veritus se credere regnis
 Abstinit tellure rates. Sed dira fatelles
 Regis dona ferens , medium provectus in æquor ,
 Colla gerit Magni , Phario velamine tecta :
 Ac prius infanda commendat crimina voce.
 » TERRARUM domitor , Romanæ maxime gentis ;
 » Et quod adhuc nescis , genero secure perempto ;
 » Rex tibi Pellæus belli pelagique labores
 » Donat , & , Emathiis quod solum defuit armis ,
 » Exhibet : absenti bellum civile peractum est.
 » Thessalicas quærens Magnus reparare ruinas ,
 » Ense jacet nostro : tanto te pignore , Cæsar ,
 » Emimus : hoc tecum percussum est sanguine foedus.
 » Accipe regna Phari , nullo quæsitâ cruore :

„ Accipe Niliaci jus gurgitis : accipe quidquid
 „ Pro Magni cervice dares ; dignumque clientem
 „ Castris crede tuis , cui tantum fata licere
 „ In generum voluere tuum. Nec vile putaris
 „ Hoc meritum , facili nobis quod cæde peractum est.
 „ Hospes avitus erat : depulso sceptrâ parenti
 „ Reddiderat. Quid plura feram ? Tu nomina tantò
 „ Invenies operi ; vel famam consule mundi.
 „ Si scelus est , plus te nobis debere fateris ,
 „ Quod scelus hoc non ipse facis ». Sic fatus , opertum
 Detexit , tenuitque caput. Jam languida morte
 Effigies habitum noti mutaverat oris.
 Non primo Cæsar damnavit munera visu ,
 Avertitque oculos : vultus , dum crederet , hæsit :
 Utque fidem vidit sceleris , tutumque putavit
 Jam bonus esse socer ; lacrimas non sponte cadentes
 Effudit. Gemitusque expressit pectore læto ,
 Non aliter manifesta potens abscondere mentis
 Gaudia , quam lacrimis. Meritumque immane tyranni
 Destruit , & generi mavult lugere revulsum ,
 Quam debere caput. Qui duro membra Senatus
 Calcarat vultu , qui sicco lumine campos
 Viderat Emathios , uni tibi , Magne , negare
 Non audet gemitus. O fors durissima fati !
 Huncine tu , Cæsar , scelerato Marte petisti ,
 Qui tibi flendus erat ? Non mixti foedera tangunt

Te generis ? Nec nata jubet moerere , neposque ?
 Credis apud populos ; Pompeii nomen amantes ,
 Hoc castris prodesse tuis ? Fortasse tyranni
 Tangeris invidia , captique in viscera Magni
 Hoc alii licuisse doles , quererisque perisse
 Vindictam belli , raptumque e jure superbi
 Victoris generum. Quisquis te flere coëgit
 Impetus , a vera longe pietate recessit.

Scilicet hoc animo terras , atque æquora lustras ,
 Necubi suppressus pereat gener. O bene rapta
 Arbitrio mors ista tuo ! Quam magna remisit
 Crimina Romano tristis Fortuna pudori ,
 Quod te non passa est misereri , perfide , Magni
 Viventis ! Nec non his fallere vocibus audet ,
 Acquirisque fidem simulati fronte doloris :

» *AUFER* ab aspectu nostro funesta , satelles ,

» Regis dona tui : pejus de Cæsare vestrum ,

» Quam de Pompeio meruit scelus. Unica belli

» Præmia civilis , victis donare salutem ,

» Perdidimus. Quod si Phario germana tyranno

» Non invisa foret , potuissem reddere regi ,

» Quod meruit ; fratrique tuum pro munere tali

» Misissem , Cleopatra , caput. Secreta quid arma

» Movit , & inseruit nostro sua tela labori ?

» Ergo in Thessalicis Pellæo fecimus arvis

» Jus gladio ? Vestris quæsitæ licentia regnis ?

„ Non tuleram Magnum mecum Romana regentem :
 „ Te , Ptolemæe , feram ? Frustra civilibus armis
 „ Miscuimus gentes , si qua est hoc orbe potestas
 „ Altera , quam Cæsar : si tellus ulla duorum est.
 „ Vertissem Latias a vestro litore proras :
 „ Famæ cura vetat , ne non damnasse cruentam ,
 „ Sed videar timuisse Pharon. Nec fallere vos me
 „ Credite victorem : nobis quoque tale paratum
 „ Litoris hospitium : ne sic mea colla gerantur ,
 „ Thessaliæ fortuna facit. Majore profecto ,
 „ Quam metui poterat , discrimine gessimus arma :
 „ Exilium , generique minas , Romamque timebam :
 „ Poena fugæ Ptolemæus erat. Sed parcimus annis ,
 „ Donamusque nefas. Sciât hac pro cæde tyrannus
 „ Nil venia plus posse dari. Vos condite busto
 „ Tanti colla ducis : sed non , ut crimina tantum
 „ Vestra tegat tellus , justo date turâ sepulcro ,
 „ Et placate caput , cineresque in litore fufos
 „ Colligite , atque unam sparsis date manibus urnam.
 „ Sentiat adventum foci , vocesque querentis
 „ Audiat umbra pias. Dum nobis omnia præfert ,
 „ Dum vitam Phario mavult debere clienti ,
 „ Læta dies rapta est populis : concordia mundo
 „ Nostra perit : caruere Deis mea vota secundis :
 „ Ut te complexus , positis felicibus armis ,
 „ Affectus a te veteres , vitamque rogarem ,

» Magne , tuam : dignaque fatis mercede laborum
» Contentus par esse tibi. Tunc pace fideli
» Fecissem , ut victus posses ignoscere Divis ,
» Fecisses , ut Roma mihi ». Nec talia fatus
Invênit fletus comitem , nec turba querenti
Credidit : abscondunt gemitus , & pectora læta
Fronte tegunt , hilaresque nefas spectare cruentum
(O bona libertas) quum Cæsar lugeat , audent.



S U M M A R I U M

LIBRI DECIMI.

CÆSAR Alexandri tumulum adit. In hunc invehit poëta. Hospitans in regiâ Cæsar , obsidem habet Ptolemæum. Cleopatra ex Pharo turri ubi eam frater inclusam tenebat , evadit , & ad Cæsarem penetrat , quem placat precibus vultuque. Hic eam cum fratre in grâtiâ reducit. Splendidas Cæsari epulas dat Cleopatra; iis finitis , Isidis Sacerdos Acho-reus à Cæsare rogatus Nili ortum cursumque aperit. Interea de occidendo Cæsare conspirât unâ cum Achillâ Pothinus. Achillæ milites regiam circumdant. Mari terræque obsessus Cæsar , secum deducens Ptolemæum , fortiter pugnat. Obsidentium navibus injicit ignem , cymbâ aufugit , Pharum subit , Pothinoque

*caput jubet amputari. Achillam suâ manu
trucidat soror Ptolemæi minima Arsinoë.
Novus Ægyptiorum dux Ganimedes Cæ-
sarem urget acriter.*





LIBER DECIMUS.

UT primum terras Pompeii colla secutus
Attigit, & diras calcavit Cæsar arenas:
Pugnavit fortuna ducis, fatumque nocentis
Ægypti, regnum Lagi Romana sub arma
Iret; an eriperet mundo Memphiticus ensis
Victoris, victique caput. Tua profuit umbra;
Magne, tui focerum tapuere a sanguine manes.
Ne populus post te Nilum Romanus haberet
Inde Parætôniam fertur securus in urbem
Pignore tam sævi sceleris, sua signa secutus.
Sed fremitu vulgi fasces, & jura querentis
Inferri Romana suis, discordia sensit
Pectora, & ancipites animos, Magnumque perisse
Non sibi. Tum vultu semper celante pavores,
Intrepidus Superùm sedes, & templa vetusti
Numinis, antiquas Macedùm testantia vires,
Circuit: & nulla captus dulcedine rerum,
Non auro, cultuque Deùm, non moenibus urbis,
Effossum tumulis cupide descendit in antrum.
Illic Pellæi proles vefana Philippi.
Felix prædo jacet, terrarum vindice fato
Raptus: sacratissimum totum spargenda per orbem
Membra viri posuere adytis: Fortuna pepercit
Manibus, & regni duravit ad ultima fatum.
Nam sibi libertas unquam si redderet orbem,

Ludibrio servatus erat , non utile mundo
 Editus exemplum , terras tot posse sub uno
 Esse viro. Macedum fines , latebrasque fuorum
 Deseruit , victasque patri despexit Athenas :
 Perque Asiae populos fatis urgentibus actus
 Humana cum strage ruit , gladiumque per omnes
 Exegit gentes : ignotos miscuit amnes ,
 Persarum Euphraten , Indorum sanguine Gangem :
 Terrarum fatale malum , fulmenque , quod omnes
 Percuteret pariter populos , & sidus iniquum
 Gentibus. Oceano classes inferre parabat
 Exteriore mari. Non illi flamma , nec undae ,
 Nec sterilis Libye , nec Syrticus obstitit Ammon.
 Iffet in occasum , mundi devexa secutus ,
 Ambissetque polos , Nilumque a fonte bibisset :
 Occurrit suprema dies , naturaque solum
 Hunc potuit finem vesano ponere regi :
 Qui secum invidia , qua totum ceperat orbem ,
 Abstulit imperium ; nulloque herede relicto
 Totius fati , lacerandas praebuit urbes.
 Sed cecidit Babylone sua , Parthoque verendus.
 Proh pudor ! Eoi propius timere sarissas ,
 Quam nunc pila timent populi ; licet usque sub Arcto
 Regnemus , Zephyrique domos , terrasque premamus
 Flagrantis post terga Noti : cedemus in ortus
 Arsacidum domino. Non felix Parthia Crassis ,
 Exiguæ secuta fuit provincia Pellæ.

Jam Pelusiaco veniens a gurgite Nili
 Rex puer, imbellis populi sedaverat iras,
 Obside quo pacis Pellæa tutus in aula
 Cæsar erat : quum se parva Cleopatra biremi,
 Corrupto custode Phari laxare catenas,
 Intulit Emathiis, ignaro Cæsare, tectis;
 Dedecus Ægypti, Latii feralis Erinnyis,
 Romano non casta malo. Quantum impulit Argos;
 Iliacasque domos facie Spartana nocenti,
 Hesperios auxit tantum Cleopatra furores.
 Terruit illa suo, si fas, Capitolia fistro,
 Et Romana petit imbelli signa Canopo,
 Cæsare captivo Pharios ductura triumphos:
 Leucadioque fuit dubius sub gurgite casus,
 An mundum ne nostra quidem matrona teneret.
 Hoc animi nox illa dedit, quæ prima cubili
 Miscuit incestam ducibus Ptolemaïda nostris.
 Quis tibi vesani veniam non donet amoris,
 Antoni? Durum quum Cæsaris hauserit ignes
 Pectus, & in media rabie, medioque furore,
 Et Pompeianis habitata manibus aula,
 Sanguine Thessalicæ cladis perfusus adulter
 Admisit Venerem curis, & miscuit armis
 Illicitosque toros, & non ex conjugè partus?
 Proh pudor! oblitus Magni, tibi Julia fratres
 Obscœna de matre dedit: partesque fugatas
 Passus in extremis Libyæ coalescere regnis,

Tempora Niliaco turpis dependit amor ,
 Dum donare Pharon , dum non sibi vincere mavult .
 Quem formæ confisa suæ Cleopatra sine ullis
 Tristis adit lacrimis , simulatum comta dolorem ,
 Qua decuit , veluti laceros dispersa capillos ,
 Et sic orsa loqui : » SI QUA EST , ô maxime Cæsar ,
 » Nobilitas , Pharii proles clarissima Lagi ,
 » Exul , in æternum sceptris depulsa paternis ,
 » Si tua restituat veteri me dextera fato ,
 » Complector regina pedes . Tu gentibus æquum
 » Sidus ades nostris . Non urbes prima tenebo
 » Femina Niliacas : nullo discrimine sexus
 » Reginam scit ferre Pharos . Lege summa peremti
 » Verba patris , qui jura mihi communia regni ,
 » Et thalami cum fratre dedit . Puer ipse sororem ,
 » Sit modo liber , amat : sed habet sub jure Pothini
 » Affectus , ensesque suos . Nil ipsa paterni
 » Juris habere peto : culpa , tantoque pudore
 » Solve domum : remove funesta satellitis arma ,
 » Et regem regnare jube . Quantosne tumores
 » Mente gerit famulus , Magni cervice revulsa !
 » Jam tibi (sed procul hoc avertant fata) minantur .
 » Sat fuit indignum , Cæsar , mundoque tibi que ,
 » Pompeium facinus meritumque fuisse Pothini » .
 . Nequidquam duras tentasset Cæsaris aures :
 Vultus adest precibus , faciesque incesta perorat .
 Exigit infandam , corrupto iudice , noctem .

Pax ubi parta duci, donisque ingentibus emta est;
 Excepere epulæ tantarum gaudia rerum:
 Explicuitque suos magno Cleopatra tumultu
 Nondum translatos Romana in secula luxus.
 Ipse locus templi, quod vix corruptior ætas
 Exstruat, instar erat: laqueataque tecta ferebant
 Divitias, crassumque trabes absconderat aurum.
 Nec summis crustata domus, sectisque nitebat
 Marmoribus: stabatque sibi non segnibus Achates,
 Purpureusque lapis, totaque effusus in aula
 Calcabatur Onyx: hebenus Mareotica vastos
 Non operit postes, sed stat pro robore vili
 Auxilium, non forma domus. Ebur atria vestit,
 Et suffixa manu foribus testudinis Indæ
 Terga sedent, crebro maculas distincta Smaragdo.
 Fulget gemma toris, & Iaspide fulva supellex:
 Strata micant: Tyrio quorum pars maxima fūco
 Cocta diu, virus non uno duxit aheno;
 Pars auro plumata nitet; pars ignea cocco,
 Ut mos est Phariis miscendi licia telis.
 Tum famulæ numerus turbæ, populusque minister,
 Discolor hos sanguis, alios distinxerat ætas:
 Hæc Libycos, pars tam flavos gerit altera crines,
 Ut nullis Cæsar Rheni se dicat in arvis
 Tam rutilas vidisse comas. Pars sanguinis uesti
 Torta caput, refugosque gerens a fronte capillos.
 Nec non infelix ferro mollita juvenus,

Atque exsecta virum. Stat contra fortior ætas ,
Vix ulla fuscante tamen lanugine malas.

Discubuerunt illic reges , majorque potestas
Cæsar : & immodice formam fucata nocentem ,
Nec sceptris contenta suis , nec fratre marito ,
Plena maris rubri spoliis , colloque , comisque
Divitias Cleopatra gerit , cultuque laborat.
Candida Sidonio perlucet pectora filo ,
Quod Nilotis acus compressum pectine Serum
Solvit , & extenso laxavit stamina velo.
Dentibus hic niveis , sectos Atlantide silva
Imposuere orbes ; quales ad Cæsaris ora
Nec capto venere Juba. Proh cæcus , & amens
Ambitione furor , civilia bella gerenti
Divitias aperire suas , incendere mentem
Hospitis armati. Non fit licet ille nefando
Marte paratus opes mundi quæsisse ruina :
Pone duces priscos , & nomina pauperis ævi ,
Fabricios , Curiosque graves : hic ille recumbat
Sordidus Hetruscis abductus Consul aratris ,
Optabit patriæ talem duxisse triumphum.

Infudere epulas auro , quod terra , quod aër ,
Quod pelagus , Nilusque dedit , quod luxus inani
Ambitione furens toto quæsit in orbe ,
Non mandante fame. Multas volucresque ferasque
Ægypti posuere Deos : manibusque ministrat
Niliacas. crystallus aquas : gemmæque capaces

Excepere merum, sed non Mareotidos uvæ,
 Nobile sed paucis senium cui contulit annis
 Indomitum Meroë cogens spumare Falernum.
 Accipiunt fertas nardo florente coronas,
 Et nunquam fugiente rosa: multumque madenti
 Infudere comæ, quod nondum evanuit aura,
 Cinnamon, externa nec perdidit aëra terra:
 Advectumque recens vicinæ messis Amomum.
 Discit opes Cæsar spoliati perdere mundi,
 Et gessisse pudet genero cum paupere bellum,
 Et causas Martis Phariis cum gentibus optat.
 Postquam epulis, Bacchoque modum lassata voluptas
 Imposuit, longis Cæsar producere noctem
 Inchoat alloquiis: summaque in sede jacentem
 Linigerum placidis compellat Achorea dictis:
 » O SACRIS devote senex, quodque arguit ætas,
 » Non neglecte Deis, Phariæ primordia gentis,
 » Terrarumque situs, vulgique ediffere mores,
 » Et ritus, formasque Deum: quodcumque vetustis
 » Inscriptum est adytis profer, noscique volentes
 » Prode Deos. Si Cecropium sua sacra Platonem
 » Majores docuere tui: quis dignior unquam
 » Hoc fuit auditu, mundique capacior hospes?
 » Fama quidem generi Pharias me duxit ad urbes,
 » Sed amen & vestri: media inter proelia semper
 » Stellarum, cœlique plagis, Superisque vacavi,
 » Nec meus Eudoxi vincetur fastibus annus,

„ Sed quum tanta meo vivat sub pectore virtus ;
„ Tantus amor veri , nihil est quod noscere malim ,
„ Quam fluvii causas per secula tanta latentes ,
„ Ignotumque caput : spes sit mihi certa videndi
„ Niliacos fontes ; bellum civile relinquam ».

Finierat , contraque sacer sic orsus Achoreus.

„ FAS MIHI magnorum Cæsar secreta parentum
„ Prodere , ad hoc ævi populis ignota profanis.
„ Sit pietas aliis , miracula tanta filere :

„ Ast ego cœlicolis gratum reor , ire per omnes
„ Hoc opus , & sacras populis notescere leges.

„ Sideribus , quæ sola fugam moderantur Olympi,
„ Occurruntque polo , diversa potentia prima

„ Mundi lege data est. Sol tempora dividit anni ,

„ Mutat nocte diem , radiisque potentibus astra

„ Ire vetat , cursusque vagos statione moratur.

„ Luna suis vicibus Tethyn , terrenaque miscet.

„ Frigida Saturno glacies , & zona nivalis

„ Cessit. Habet ventos , incertaque fulmina Mavors ;

„ Sub Jove temperies , & nunquam turbidus aër.

„ At fecunda Venus cunctarum semina rerum

„ Possidet. Immensæ Cyllenius arbiter undæ est.

„ Hunc ubi pars cœli tenuit , qua mixta Leonis

„ Sidera sunt Cancro , rapidos qua Sirius ignes

„ Exferit , & varii mutator circulus anni .

„ Ægoceron , Cancrumque tenet , cui subdita Nili

„ Ora latent : quæ quum dominus percussit aquarum

„ Igne superjecto , tunc Nilus fonte soluto
„ Exit , ut Oceanus lunaribus incrementis
„ Jussus adest : auctusque suos non ante coarctat ,
„ Quam nox æstivas a Sole receperit horas.
„ Vana fides veterum , Nilo , quod crescat in arva ,
„ Æthiopum prodesse nives. Non Arctos in illis
„ Montibus , aut Boreas. Testis tibi Sole perusti
„ Ipse color populi , calidique vaporibus Austri.
„ Adde, quod omne caput fluvii , quodcumque soluta
„ Præcipitat glacies , ingresso vere tumescit
„ Prima tabe nivis : Nilus neque suscitatur undas
„ Ante Canis radios , nec ripis alligat amnem
„ Ante parem nocti , Libra sub iudice , Phœbum.
„ Inde etiam leges aliarum nescit aquarum :
„ Nec tumet hibernus , quum longe Sole remoto
„ Officiis caret unda suis : dare jussus iniquo
„ Temperiem cœlo , mediis æstatibus exit ,
„ Sub torrente plaga : neu terras dissipet ignis ,
„ Nilus adest mundo , contraque incensa Leonis
„ Ora tumet : Cancroque suam torrente Syenen ,
„ Imploratus adest : nec campos liberat undis ,
„ Donec in autumnum declinet Phœbus , & umbras
„ Extendat Meroë. Quis causas reddere posset ?
„ Sic jussit Natura parens decurrere Nilum :
„ Sic opus est mundo. Zephyros quoque vana vetustas
„ His adscripsit aquis , quorum statuta tempora flatus ,
„ Continuique dies , & in aëre longa potestas :

- » Vel quod ab occiduo depellunt nubila cœlo
 » Trans Noton, & fluvio cogunt incumbere nimbos:
 » Vel quod aquas toties rumpentis litora Nili
 » Assiduo feriunt, coguntque resistere, flatu.
 » Ille mora cursus, adversique obice ponti
 » Æstuat in campos. Sunt qui spiramina terris
 » Esse putent, magnosque cavæ compagis hiatus,
 » Commeat hac penitus tacitis discursibus unda
 » Frigore ab Arctoo medium revocata sub axem:
 » Quum Phœbus pressit Meroën, tellusque perusta
 » Illuc duxit aquas, trahitur Gangesque, Padusque,
 » Per tacitum mundi: tunc omnia flumina Nilus
 » Uno fonte vomens non uno gurgite perfert.
 » Rumor, ab Oceano, qui terras alligat omnes,
 » Exundante procul violentum erumpere Nilum,
 » Æquoreosque sales longo mitescere tractu.
 » Nec non Oceano pasci Phœbumque polumque
 » Credimus: hunc, calidi tetigit quum brachia Cancrî,
 » Sol rapit, atque undæ plus, quam quod digerat aër,
 » Tollitur. Hoc noctes referunt, Niloque refundunt.
 » Ast ego, si tantam jus est mihi solvere litem,
 » Quasdam, Cæsar, aquas post mundi fera peracti
 » Secula, concussis terrarum erumpere venis,
 » Non id agente Deo, quasdam compage sub ipsa
 » Cum toto cœpisse reor, quas ille creator,
 » Atque opifex rerum certo sub jure coërcet.
 » Quæ tibi noscendi Nilum, Romane, cupido est,

„ Et Phariis , Persisque fuit, Macedùmque tyrannis:
 „ Nullaque non ætas voluit conferre futuris
 „ Notitiam : sed vincit adhuc natura latendi.
 „ Summus Alexander regum , quos Memphis adorat,
 „ Invidit Nilo , misitque per ultima terræ
 „ Æthiopum lectos : illos rubicunda perusti
 „ Zona poli tenuit ; Nilum vidêre calentem.
 „ Venit ad occasum , mundique extrema Sesostris ,
 „ Et Pharios currus regum cervicibus egit :
 „ Ante tamen vestros amnes Rhodanumque, Padumque,
 „ Quam Nilum de fonte bibit. Vesanus in ortus
 „ Cambyfes longi populos pervênit ad ævi ,
 „ Defectusque epulis , & pastus cæde fuorum ,
 „ Ignoto te , Nile , redit. Non fabula mendax
 „ Ausa loqui de fonte tuo est. Ubicumque videris ,
 „ Quæreris : & nulli contingit gloria genti ,
 „ Ut Nilo sit læta suo. Tua flumina prodam ,
 „ Qua Deus undarum celator , Nile , tuarum
 „ Te mihi nosse dedit. Medio consurgis ab axe ,
 „ Ausus in ardentem ripas attollere Cancrum :
 „ In Borean is rectus aquis , mediumque Booten :
 „ Cursus in occasum flexu torquetur , & ortus ,
 „ Nunc Arabum populis , Libycis nunc æquus arenis:
 „ Teque vident primi , quærunt tamen hi quoque , Seres ,
 „ Æthiopumque feris alieno gurgite campos :
 „ Et te terrarum nescit cui debeat orbis.
 „ Arcanum natura caput non prodidit ulli ,

» Nec licuit populis parvum te , Nile , videre ;
 » Amovitque sinus , & gentes maluit ortus
 » Mirari , quam nosse tuos. Consurgere in ipsius
 » Jus tibi solstitiis , aliena crescere bruma ,
 » Atque hiemes afferre tuas : folique vagari
 » Concessum per utrosque polos. Hic quæritur ortus ,
 » Illic finis aquæ. Late tibi gurgite rupto
 » Ambitur nigris Meroë fecunda colonis ,
 » Læta comis hebeni : quæ , quamvis arbore multa
 » Frondeat , æstatem nulla sibi mitigat umbra :
 » Linea tam rectum mundi ferit illa Leonem.
 » Inde plagas Phœbi , damnum non passus aquarum ,
 » Prævehæris , sterilesque diu metiris arenas ,
 » Nunc omnes unum vires collectus in amnem ,
 » Nunc vagus , & spargens facilem tibi cedere ripam ,
 » Rursus multifidas revocat piger alveus undas ,
 » Qua dirimunt Arabum populis Ægyptia rura
 » Regni claustra Philæ. Mox te deserta secantem ,
 » Qua dirimunt nostrum rubro commercia Pontum ,
 » Mollis lapsus agit. Quis te tam lene fluentem
 » Moturum tantas violenti gurgitis iras ,
 » Nile , putet ? Sed quum lapsus abrupta viarum
 » Exceperè tuos , & præcipites cataraçtæ ,
 » Ac nusquam vetitis ullas obfistere cautes
 » Indignaris aquis : spuma tunc astra laceßis :
 » Cuncta fremunt undis : ac multo murmure montis
 » Spumeus invictis canescit fluctibus amnis.

» Hinc,

» Hinc, Abaton quam nostra vocat veneranda vetustas,
 » Terra potens. Primos sentit percussa tumultus,
 » Et scopuli, placuit fluvii quos dicere venas,
 » Quod manifesta novi primum dant signa tumoris.
 » Hinc montes Natura vagis circumdedit undis,
 » Qui Libyæ te, Nile, negant: quos inter ut alta
 » In convalle tacens jam moribus unda receptis.
 » Prima tibi campos permittit, apertaue Memphis
 » Rura, modumque vetat crescendi ponere ripas ».

Sic velut in tuta securi pace trahebant
 Noctis iter mediæ: sed non vefana Porthini
 Mens, imbuta semel tam sacra cæde, vacabat
 A scelerum motu. Magno nihil ille peremto
 Jam putat esse nefas: habitant sub pectore manes,
 Ultricesque Deæ dant in nova monstra furorem.
 Dignatur viles isto quoque sanguine dextras,
 Quo Fortuna parat victos perfundere Patres;
 Poenaque civilis belli, vindicta Senatus,
 Pæne data est famulo. Procul hoc avertite, Fata,
 Crimen, ut hæc Bruto cervix absente secetur.
 In scelus it Pharium Romani poena tyranni,
 Exemplumque perit. Struit audax irrita fatis,
 Nec parat occultæ cædem committere fraudi:
 Inviictumque ducem detecto Marte laceffit.
 Tantum animi delicta dabant, ut colla ferire
 Cæfaris, & focerum jungi tibi, Magne, juberet:
 Atque hæc dicta monet famulos perferre fideles

Ad Pompeianæ socium sibi cædis Achillam,
 Quem puer imbellis cunctis præfecerat armis,
 Et dederat ferrum, nullo sibi jure retento,
 In cunctos, in seque simul. »TU MOLLIBUS, inquit,
 » Nunc incumbere toris, & pingues exige somnos :
 » Invasit Cleopatra domum. Nec prodita tantum est,
 » Sed donata Pharos. Cessas accurrere solus
 » Ad dominæ thalamos ? Nubet soror impia fratri :
 » Nam Latio jam nupta duci est : interque maritos
 » Discurrrens Ægypton habet, Romamque meretur.
 » Expugnare senem potuit Cleopatra venenis.
 » Crede, miser, puero ; quem nox si junxerit una,
 » Et semel amplexus incesto pectore passus
 » Hauferit obscœnum titulo pietatis amorem,
 » Meque, tuumque caput per singula forsitan illi
 » Oscula donabit. Crucibus, flammisque luemus
 » Si fuerit formosa soror. Nil undique restat
 » Auxilii : rex hinc conjux, hinc Cæsar adulter :
 » En sumus, ut fatear, tam sæva judice fontes.
 » Quem non e nobis credet Cleopatra nocentem
 » A quo casta fuit ? per te, quod fecimus una,
 » Perdidimusque nefas, perque ictum sanguine Magni
 » Foedus, ades : subito bellum molire tumultu :
 » Irrue : nocturnas rumpamus funere tædas,
 » Crudelemque toris dominam mactemus in ipsis
 » Cum quocumque viro. Nec nos deterreat ausis
 » Hesperii Fortuna ducis. Quæ sustulit illum,

» Imposuitque orbi, communis gloria nobis :
 » Nos quoque sublimes Magnus facit. Aspice litus,
 » Spem nostri sceleris : pollutos consule fluctus,
 » Quid liceat nobis : tumulumque e pulvere parvo
 » Aspice Pompeii, non omnia membra tegentem.
 » Quem metuis, par hujus erat. Non sanguine clari:
 » Quid refert? nec opes populorum, ac regna movemus.
 » Ad scelus ingentis fati sumus. Attrahit illos
 » In nostras Fortuna manus. En altera venit
 » Victima nobilior. Placemus cæde secunda
 » Hesperias gentes. Jugulus mihi Cæsaris haustus
 » Hoc præstare potest, Pompeii cæde nocentes
 » Ut populus Romanus amet. Quid nomina tanta
 » Horremus, viresque ducis, quibus ille relictis
 » Miles erit? Nox hæc peraget civilia bella,
 » Inferiasque dabit populis, & mittet ad umbras,
 » Quod debetur adhuc mundo, caput. Ite feroces
 » Cæsaris in jugulum : præstet Lagea juventus
 » Hoc regi, Romana sibi. Tu parce morari :
 » Plenum epulis, madidumque mero, Venerique paratum
 » Invenies : aude : Superos tot vota Catonum,
 » Brutorumque tibi tribuent ». Non lentus Achilles
 Suadenti parere nefas. Haud clara movendis,
 Ut mos, signa dedit castris, nec prodidit arma
 Ullius clangore tubæ : temere omnia sævi
 Instrumenta rapit belli. Pars maxima turbæ
 Plebis erat Latiae : sed tanta oblivio mentes

Cepit, in externos corrupto milite mores,
 Ut duce sub famulo, jussuque satellitis irent,
 Quos erat indignum Phario parere tyranno.
 Nulla fides, pietasque viris, qui castra sequuntur,
 Venalesque manus: ibi fas, ubi maxima merces:
 Ære merent parvo, jugulumque in Cæsaris ire
 Non sibi dant. Proh fas! ubi non civilia bella
 Invenit imperii fatum miserabile nostri?
 Thessaliæ subducta acies in litora Nili
 More furit patrio. Quid plus te, Magne, recepto
 Ausa foret Lagea domus? Dat scilicet omnis
 Dextera, quod debet Superis: nullique vacare
 Fas est Romano. Latium sic scindere corpus
 Dis placitum: non in generi, focerique favorem
 Discedunt populi. Civilia bella fatelles
 Movit, & in partem Romanam venit Achilles.
 Et nisi fata manus a sanguine Cæsaris arcent,
 Hæ vincent partes. Aderat maturus uterque:
 Et districta epulis ad cunctas aula patebat
 Infidias: poteratque cruor per regia fundi
 Pocula Cæsareus, mensæque incumbere cervix;
 Sed metuunt belli trepidos in nocte tumultus,
 Ne cædes confusa manu, permissaque fatis
 Te, Ptolemæe, trahat. Tanta est fiducia ferri,
 Non rapuere nefas: summi contempta facultas
 Est operis: visum famulis reparabile damnum,
 Illam mactandi dimittere Cæsaris horam;

Servatur pœnas in aperta luce daturus.

Donata est nox una duci, vixitque Pothini

Munere Phœbeos. Cæsar dilatus in ortus.

Lucifer a Casia prospexit rupe, diemque
Misit in Ægyptum, primo quoque Sole calentem:
Quum procul a muris acies non sparsa manipulis,
Nec vaga conspicitur, sed justos qualis ad hostes
Recta fronte venit. Passuri cominus arma,
Laturique ruunt. At Cæsar moenibus urbis
Diffusus, foribus clausæ se protegit aulæ,
Degeneres passus latebras. Nec tota vacabat
Regia compresso: minima collegerat arma
Parte domus: tangunt animos iræque, metusque:
Et timet incursum, indignaturque timere.
Sic fremit in parvis fera nobilis abdita claustris,
Et frangit rapidos præmorso carcere dentes.
Nec secus in Siculis fureret tua flamma cavernis,
Obstrueret summam si quis tibi, Mulciber, Ætnam.
Audax Thessalici qui nuper rupe sub Hæmi,
Hesperiaë cunctos proceres, aciemque Senatus,
Pompeiumque ducem, causa sperare vetante,
Non timuit, fatumque sibi promisit iniquum,
Expavit servile nefas, intraque penates
Obruitur telis; quem non violasset Alanus,
Non Scythæ, non fixo qui ludit in hospite Maurus.
Hic, cui Romani spatium non sufficit orbis,
Parvaque regna putat Tyriis cum Gadibus Indos.

Ceu puer imbellis , ceu captis femina muris ,
 Quærit tuta domus : spem vitæ in limine clauso
 Ponit , & incerto lustrat vagus atria cursu :
 Non sine rege tamen ; quem duxit in omnia secum ,
 Sumturus poenas & grata piacula morti ;
 Missurusque tuum , si non sint tela , neque ignes ,
 In famulos , Ptolemæe , caput. Sic barbara Colchis
 Creditur ultorem metuens regnique , fugæque ,
 Ense suo , fratrisque simul cervice parata
 Expectasse patrem. Cogunt tamen ultima rerum
 Spem pacis tentare ducem : missusque satelles
 Regius , ut sævos absentis voce tyranni,
 Corriperet famulos , quo bellum auctore moverent.
 Sed neque jus mundi valuit , neque fœdera sancta
 Gentibus : orator regis , pacisque sequester ,
 Æstimat in numero scelerum ponenda tuorum ,
 Tot monstribus Ægypte nocens. Non Thessala tellus ,
 Vastaque regna Jubæ , non Pontus , & impia signa
 Pharnacis , & gelido circumfluus orbis lbero
 Tantum ausus scelerum , non Syrtis barbara , quantum
 Deliciæ fecere tuæ. Premit undique bellum ,
 Inque domum jam tela cadunt , quassantque penates.
 Non aries uno moturus limina pulsu ,
 Fracturusque domum ; non ulla est machina belli :
 Nec flammis mandatur opus : sed cæca juvenus
 Consilii , vastos ambit divisa penates ,
 Et nusquam totis incurSAT viribus agmen.

Fata vetant, murique vicem fortuna tuetur.

Nec non & ratibus tentatur regia, qua se
Protulit in medios audaci margine fluctus
Luxuriosa domus. Sed adest defensor ubique
Cæsar, & hos aditu gladiis, hos ignibus arcet:
Obsessusque gerit (tanta est constantia mentis).
Expugnantis opus. Piceo jubet unguine tactas
Lampadas immitti junctis in bella carinis.
Nec piger ignis erat per stuppea vincula, perque
Manantes cera tabulas: & tempore eodem
Transtraque nautarum summique arserunt ceruchi.
Jam prope semiustæ merguntur in æquore classes,
Jamque hostes, & tela natant. Nec puppibus ignis
Incubuit solis: sed quæ vicina fuere
Tecta mari longis rapuere vaporibus ignem:
Et cladem fovêre Noti, percussa que flamma
Turbine, non alio motu per tecta cucurrit,
Quam solet ætherio lampas decurrere sulco,
Materiaque carens, atque ardens aëre solo.
Illa lues clausa paulum revocavit ab aula
Urbis in auxilium populos. Nec tempora cladis
Perdidit in somnos, sed cæca nocte carinis
Influit Cæsar, semper feliciter usus
Præcipiti cursu bellorum, & tempore raptō.
Tunc claustrum pelagi cepit Pharon. Insula quondam
In medio stetit illa mari, sub tempore varis
Proteos: at nunc est Pellæis proxima muris.

Illa duci geminos bellorum præstitit usus :
 Abstulit excursus & fauces æquoris hosti ;
 Cæsaris auxiliis aditus & libera ponti
 Ostia permisit. Nec poenas inde Pothini
 Distulit ulterius : sed non qua debuit ira ,
 Non cruce , non flammis , rabido non dente ferarum :
 (Heu facinus ! cervix gladio male cæsa pependit)
 Magni morte perit. Nec non subrepta paratis
 A famulo Ganymede dolis pervenit ad hostes
 Cæsaris Arsinoë : quæ castra carentia rege ,
 Ut proles Lagea tenet , famulumque tyranni
 Terribilem iusto transegit Achillea ferro.
 Altera , Magne , tuis jam victima mittitur umbris ,
 Nec satis hoc Fortuna putat , procul absit , ut ista
 Vindictæ sit summa tuæ. Non ipse tyrannus
 Sufficit in poenas , non omnis regia Lagi.
 Dum patrii veniant in viscera Cæsaris enses ,
 Magnus inultus erit. Sed non auctore furoris
 Sublato cecidit rabies : nam rursus in arma
 Auspiciis Ganymedis eunt : ac multa secundo
 Proelia Marte gerunt. Potuit discrimine summo
 Cæsaris una dies in famam , & secula mitti.

Molis in exiguæ spatio stipantibus armis ,
 Dum parat in vacuas Martem transferre carinas
 Dux Latius , tota subiti formidine belli
 Cingitur : hinc densæ prætexunt litora classes ,
 Hinc tergo insultant pedites : via nulla salutis :

Non fuga , non virtus , vix spes quoque mortis honestæ.
Non acie fusa , nec magnæ stragis acervo
Vincendus tunc Cæsar erat , sed sanguine nullo
Captus forte loci pendet , dubiusne timeret ,
Optaretne mori , respexit in agmine denso
Scævam perpetuæ meritum jam nomina famæ
Ad campos , Epidamne , tuos ; ubi solus apertis
Obsedit muris calcantem mœnia Magnum.

Pharsaliæ Lucani Finis.



PETRONII ARBITRI
S P E C I M E N
BELLI CIVILIS.



PETRONII ARBITRI
SPECIMEN
BELLI CIVILIS.

*Ecce , belli civilis ingens opus quisquis attigerit , nisi
plenus literis , sub onere labetur. Non enim res
gestæ versibus comprehendendæ sunt , quod longe
melius historici faciunt , sed per ambages , decorum-
que ministeria , & fabulosum sententiarum tormen-
tum præcipitandus est liber spiritus ; ut potius fu-
rentis animi vaticinatio appareat , quàm religiosa
orationis sub testibus fides. * tanquam si placet hic
impetus , etsi nondum recepit ultimam manum.*

ORBEM jam totum victor Romanus habebat ,
Qua mare , qua terræ , qua fidus currit utrumque ,
Nec fatiatus erat. Gravidis freta pulsa carinis
Jam peragrabantur. Si quis finus abditus ultra ,
Si qua foret tellus quæ fulvum mitteret aurum ,
Hostis erat : fatisque in tristia bella paratis
Quærebantur opes. Non vulgo nota placebant
Gaudia ; non usu plebeio trita voluptas :
Assyria concham laudabat miles in unda.
Quæsitus tellure nitor certaverat ostro.
Hinc Numidæ crustas , illinc nova vellera Seres ,

Atque Arabum populus sua despoliaverat arva.
 Ecce aliæ clades, & læsæ vulnera pacis.
 Quæritur in silvis Mauri fera: & ultimus Ammon
 Afrorum excutitur. Ne desit bellua dente
 Ad mortes preciosa suas. Premit advena classes
 Tigris, & aurata gradiens vestatur in aula,
 Ut bibat humanum populo plaudente cruorem.
 Heu pudet effari, perituraque prodere fata:
 Perfarum ritu male pubescentibus annis
 Surripuere viros; exsectaque viscera ferro
 In venerem fregere: atque ut fuga mobilis ævi
 Circumscripta mora properantes differat annos,
 Quærit se natura, nec invenit. Omnibus ergo
 Scorta placent, fractique enervi corpore gressus:
 Et laxi crines, & tot nova nomina vestis,
 Quæque virum quærunt. Ecce Afris eruta terris
 Citrea mensa, greges fervorum, ostrumque renidens
 Ponitur, ac maculis imitatur vilibus aurum,
 Quæ sensum turbant. Hostile ac mobile lignum
 Turba sepulta mero circumvenit: omniaque orbis.
 Præmia, correptis miles vagus extruit armis.
 Ingeniosa gula est. Siculo scarus æquore merfus
 Ad mensam vivus perducitur, inde Lucrinis
 Eruta litoribus vendunt conchyliæ cenas,
 Ut renouent per damna famem. Jam Phasidos unda
 Orbata est avibus: mutoque in litore tantum
 Solæ desertis aspirant frondibus auræ.

Nec minor in campo furor est, emptique Quirites
 Ad prædam strepitumque lucri suffragia vertunt.
 Venalis populus, venalis curia Patrum:
 Est favor in pretio, senibus quoque libera virtus
 Exciderat, sparsisque opibus conversa potestas,
 Ipsaque majestas auro corrupta jacebat.
 Pellitur a populo victus Cato: tristior ille est
 Qui vicit, fascesque pudet rapuisse Catoni.
 Namque hoc dedecus est populi, morumque ruina.
 Non homo pulsus erat; sed in uno victa potestas
 Romanumque decus. Quare tam perdita Roma;
 Ipsa sui merces erat, & sine vindice præda.
 Præterea gemino deprensam gurgite prædam
 Fœnoris illuvies, ususque exederat æris.
 Nulla est certa domus, nullum sine pignore corpus:
 Sed veluti tabes tacitis concepta medullis
 Intra membra furens curis latrantibus errat.
 Arma placent miseris, detritaque commoda luxu
 Vulneribus reparantur. Inops audacia tuta est:
 Hoc mergam cœno Romam, somnoque jacentem
 Quæ poterant artes sana ratione movere,
 Ni furor, & bellum, ferroque excita libido?
 Tres tulerat Fortuna duces; quos obruit omnes
 Armorum strue diversa feralis Enyo.
 Crassum Parthus habet: Libyco jacet æquore Magnus:
 Julius ingratam perfudit sanguine Romam.
 Et, quasi non posset tot tellus ferre sepulcra,

Divisit cineres. Hos gloria reddit honores.
 Est locus exciso penitus demersus hiatu,
 Parthenopen inter, magnæque Dicarchidos arva,
 Cocytia perfusus aqua. Nam spiritus extra
 Qui furit effusus funesto spargitur æstu.
 Non hæc autumnus tellus viret, aut alit herbas
 Cespitem lætus ager. Non verno persona cantu
 Mollia discordi strepitu virgulta loquuntur:
 Sed chaos, & nigro squalentia pumice saxa
 Gaudent ferali circumtumulata cupressu.
 Has inter sedes Ditis pater extulit ora,
 Bustorum flammis, & cana sparsa favilla:
 Ac tali volucrem Fortunam voce lacescit:
 » RERUM HUMANARUM, divinarumque potestas,
 » Fors, cui nulla placet nimium secunda potestas,
 » Quæ nova semper amas, & mox possessa relinquis;
 » Ecquid Romano sentis te pondere victam?
 » Nec posse ulterius perituram extollere molem?
 » Ipsa suas vires odit Romana Juventus,
 » Et quas struxit opes, male sustinet. Aspice late
 » Luxuriam spoliatorum, & censum in damna furentem.
 » Ædificant auro, sedesque ad sidera mittunt:
 » Expelluntur aquæ saxis: mare nascitur arvis;
 » Et permutata rerum statione rebellant.
 » En etiam mea regna petunt. Perfossa dehiscit
 » Molibus insanis tellus, jam montibus haustis
 » Antra gemunt: & dum varios lapides invenit usus,

» Inferni manes cœlum sperare jubentur.
 » Quare age, Fors, muta pacatum in proelia vultum,
 » Romanosque cie, ac nostris da funera regnis.
 » Jampridem nullo perfundimus ora cruore,
 » Nec mea Tisiphone sitientes perluit artus
 » Ex quo Syllanus bibit ensis, & horrida tellus
 » Extulit in lucem nutritas sanguine fruges.»
 Hæc ubi dicta dedit; dextræ conjungere dextram
 Conatus, rupto tellurem solvit hiatu.
 Tunc fortuna levi defudit pectore voces:
 » O GENITOR, cui Cocyti penetralia parent,
 » Si modo vera mihi fas est impune profari,
 » Vota tibi cedent: nec enim minor ira rebellat
 » Pectore in hoc, leviorque exurit flamma medullas.
 » Omnia, quæ tribui Romanis arcibus, odi;
 » Muneribusque meis irascor: destruet istas
 » Idem, qui posuit, moles Deus. Est mihi cordi
 » Quippe cremare viros, & sanguine pascere luxum.
 » Cerno equidem gemina jam stratos morte Philippos,
 » Thessaliæque rogos, & funera gentis Iberæ.
 » Jam fragor armorum trepidantes personat aures.
 » Et Libyæ cerno tua Nile gementia claustra,
 » Actiacosque sinus, & Apollinis arma timentes.
 » Pande age terrarum sitientia regna tuarum,
 » Atque animas arcesse novas. Vix navita Porthmeus
 » Sufficiet simulacra virûm traducere cimba,
 » Classe opus est: tuque ingenti fatiare ruina

„Pallida Tisiphone, concisæque vulnera mande.
„Ad Stygios manes laceratus ducitur orbis.”
Vix dum finierat, quum fulgure rupta corusco
Intremuit nubes, elisosque abscidit ignes.
Subsedit pater umbrarum, gremioque reducto
Telluris, pavitans fraternos palluit ictus.
Continuo clades hominum venturaque damna
Auspiciis patere Deum, namque ore cruento
Deformis Titan vultus caligine textit,
Civiles acies jam tum spirare putares.
Parte alia plenos extinxit Cynthia vultus,
Et lucem sceleri subduxit. Rupta tonabant
Verticibus lassis montis juga, nec vaga passim
Flumina per notas ibant morientia ripas.
Armorum strepitu coelum furit, & tuba Martem.
Sideribus transmissa ciet; jamque Ætna voratur
Ignibus insolitis, & in æthera fulmina mittit.
Ecce inter tumulos, atque ossa carentia bustis
Umbrarum facies diro stridore minatur.
Fax stellis comitata novis incendia ducit;
Sanguineoque recens descendit Jupiter imbre.
Hæc ostenta brevi solvit Deus. Exiit omnes
Quippe moras Cæsar, vindictæque actus amore
Gallica projecit, civilia sustulit arma.
Alpibus æriis, ubi Graio nomine, pulsæ
Descendunt rupes, & se patiuntur adiri,
Est locus Herculeis aris sacer. Hunc nive dura

Claudit hiems , canoque ad sidera vertice tollit.
 Coelum illinc cecidisse putes. Non solis adulti
 Mansuescit radiis , non verni temporis aura:
 Sed glacie concreta rigens , hiemisque pruinis
 Totum ferre potest humeris minitantibus orbem.
 Hæc ubi calcavit Cæsar juga milite læto ,
 Optavitque locum , summo de vertice montis
 Hesperiae campos late prospexit , & ambas
 Intentans cum voce manus ad sidera dixit :
 » JUPITER OMNIPOTENS , & tu Saturnia Tellus ,
 » Armis læta meis , olimque onerata triumphis :
 » Testor ad has acies invitum arcessere Martem ,
 » Invitas me ferre manus : sed vulnere cogor ,
 » Pulsus ab urbe mea , dum Rhenum sanguine vinco ;
 » Dum Gallos iterum Capitolia nostra petentes .
 » Alpibus excludo : vincendo certior exul :
 » Sanguine Germano , sexagintaque triumphis ,
 » Esse nocens cœpi. Quanquam quos gloria terret ,
 » Aut qui sunt , qui bella volunt? mercedibus emptæ ,
 » Ac viles operæ ; quorum est mea Roma noverca :
 » Ut reor , haud impune ; nec hanc sine vindice dextram
 » Vinciet ignavus. Victores ite ferentes ,
 » Ite mei comites , & causam dicite ferro.
 » Namque omnes unum crimen vocat : omnibus una
 » Impendet clades. Reddenda est gratia vobis :
 » Non solus vici. Quare , quia pœna trophæis
 » Imminet , & sordes meruit victoria nostra ,

330 *PETRONII SPECIMEN*

„Judice fortuna cadat alea. Sumite bellum,
„Et tentate manus. Certe mea causa peracta est.
„Inter tot fortes armatus nescio vinci”.

Hæc ubi personuit, de cœlo Delphicus ales
Omnia læta dedit, pepulitque meatibus auras.
Nec non horrendi nemoris de parte sinistra
Insolitæ voces flamma sonuere sequenti.

Ipsæ nitor Phœbi vulgato lætior orbe:

Crevit, & aurato præcinxit fulgure vultus.

Fortior ominibus movit Mavortia signa

Cæsar; & insolito gressu prior occupat haustus.

Prima quidem glacies, & cana juncta pruina

Non pugnavit humus, mitique horrore quievit:

Sed postquam turmæ nimbos fregere ligatos,

Et pavidus quadrupes undarum vincula rupit,

Incaluere nives, mox flumina montibus altis

Undabant modo nata: sed hæc quoque jussa putares.

Stabant & vincla fluctus stupere pruina:

Et paulo ante lues jam concidenda jacebat.

Tum verò malefida prius vestigia ludit,

Decepitque pedes. Passim turmæque virique,

Armaque congesta strue deplorata jacebant.

Ecce etiam rigido concussæ flamine nubes

Exonerabantur, nec rupti turbine venti

Deerant, aut tumida confractum grandine cœlum:

Ipsæ jam nubes ruptæ super arma cadebant,

Et concreta gelu Ponti velut unda ruebat.

Viſta erat ingenti Tellus nive , viſtaque coeli
Sidera , viſta ſuis hærentia flumina ripis ;
Nondum Cæſar erat : ſed magnam nixus in hæſtam
Horrida ſecuris frangebat grefſibus arva.
Qualis Caucaſea decurrens arduus arce
Amphitryoniades ; aut torvo Jupiter ore ,
Quum ſe verticibus magni demifit Olympi ,
Et periturorum diſjecit tela Gigantum.
Dum Cæſar tumidas iratus deprimit arces :
Interea volucer motis conterrita pennis
Fama volat , ſummique petit juga celſa Palati :
Atque hoc Romano attonito fert omnia ſigna :
Jam claſſes fluitare mari , totaſque per Alpes
Fervere Germano perſuſas ſanguine turmas.
Arma , cruor , cædes , incendia , totaque bella
Ante oculos volitant. Ergo pulſata tumultu
Peſtora per dubias ſcinduntur territa cauſas.
Huic fuga per terras , illi magis unda probatur ;
Et patria eſt Pontus jam tutior. Eſt magis , arma
Qui tentata velit : fatiſque jubentibus actus ,
Quantum quiſque timet , tantum fugit. Ocyor ipſe
Hos inter motus populus , miſerabile viſu ,
Quo mens iſta jubet , deſerta ducitur urbe.
Gaudet Roma fuga , debellatique Quirites
Rumoris ſonitu mœrentia teſta relinquunt.
Ille manu trepida natos tenet : ille penates
Occultat gremio , deploratumque relinquit.

332 *PETRONII SPECIMEN*

Limen & absentem votis interficit hostem.
Sunt qui conjugibus mœrentia pectora jungant ,
Grandævosque patres ; onerisque ignara juvenus :
Id , pro quo metuit , tantum trahit. Omnia secum
Hic vehit imprudens , prædamque in proelia ducit.
Ac velut ex alto quum magnus inhorruit Auster ,
Et pulsas evertit aquas , non arma ministris ,
Non regimen prodest : ligat alter pondera pinus ,
Alter tuta sinu tranquillaque litora quærit :
Hic dat vela fugæ , Fortunæque omnia credit.
Quid tam parva queror ? gemino cum Consule Magnus ,
Ille tremor Ponti , sævi quoque terror Hydæspis ,
Et piratarum scopulus : modò quem ter ovantem
Jupiter horruerat ; quem fracto in gurgite Pontus ,
Et veneratus erat submissa Bosporus unda ,
Proh pudor ! Imperii deserto nomine fugit ,
Ut Fortuna levis Magni quoque terga videret .
Ergo tanta lues Divùm quoque numina vidit :
Consensitque fugæ cœli timor. Ecce per orbem
Mitis turba Deùm , terras exosa furentes
Deferit ; atque hominum damnatum avertitur agmen.
Pax prima ante alias , niveos pulsata lacertos
Abscondit galea victum caput , atque relicto
Orbe fugax Ditis petit implacabile regnum.
Huic comes it sincera Fides , & crine soluto
Justitia , ac mœrens lacerâ Concordia pallâ.
At contra , sedes Erebi qua rupta dehiscit ,

Emergit latè Ditis chorus, horrida Erinny's,
 Et Bellona minax, facibusque armata Megæra:
 Lethumque, Infidiæque, & lurida Mortis imago.
 Quas inter Furor, abruptis ceu liber habenis
 Sanguineum late tollit caput, oraque mille
 Vulneribus confossa cruenta casside velat.
 Hæret detritus lævæ Mavortius umbo,
 Innumerabilibus telis gravis: atque flagranti
 Stipite dextra minax terris incendia portat.
 Sentit terra Deos, mutataque fidera pondus
 Quæfivere suum. Namque omnis Regia coeli
 In partes diducta ruit: primumque Dione
 Cæsar's acta sui ducit. Comes additur illi
 Pallas, & ingentem quatiens Mavortius hastam;
 Magnaque cum Phœbo foror, & Cyllenia proles
 Excipit, ac totis similis Tyrinthius actis.
 Infremuere tubæ, ac scisso Discordia crine
 Extulit ad Superos Stygium caput. Hujus in ore
 Concretus sanguis, contusaque lumina flebant.
 Stabant ærati scabra rubigine dentes;
 Tabo lingua fluens, obfessa draconibus ora,
 Atque intertorto laceratam pectore vestem
 Sanguineam tremula quatiebat lampada dextra.
 Hæc ut Cocyti tenebras, & Tartara liquit,
 Alta petit gradiens juga nobilis Appennini,
 Unde omnes terras, atque omnia litora posset
 Aspicere, ac toto fluitantes orbe catervas:

Atque has erumpit furibundo pectore voces:
 Sumite nunc gentes accensis mentibus arma;
 Sumite, & in medias immittite lampadas urbes.
 Vincetur quicumque latet: non femina cesset,
 Non puer, aut ævo jam desolata senectus.
 Ipsa tremat Tellus, lacerataque testâ rebellent.
 Tu legem, Marcelle tene: tu concute plebem
 Curio, tu fortem ne supprime Lentule Martem.
 Quid porro tu Dive tuis cunctaris in armis?
 Non frangis portas? non muris oppida solvis,
 Thesaurosque rapis: nescis tu Magne tueri
 Romanas acies? Epidauria mœnia quære,
 Thessalicosque sinus humano sanguine tinge.
 Factum est in terris, quidquid Discordia jussit.



S U P P L E M E N T U M

L U C A N I.

L I B R I S E P T E M,

Auctore

T H O M A M A I O

A N G L O.

SUPPLEMENTUM



SUPPLEMENTUM
LUCANI.

LIBER PRIMUS.

ARGUMENTUM.

*Rex Ptolemæus à Cæsare dimissus bellum
parat. Oraculum Serapidis. Ptolemæi
mors.*

PERDIDERANT freta sæva minas , & ab æquore tutus ,
Tutus ab infidiis imbellibus , & scelerata
Ægypti rabie , confedit litore Cæsar ,
Vindictam spirans , tantaque efferbuit ira ,
Quantam non Pharii potuit restinguere regni
Exitium. Justa est belli data causa gerendi :
Sed pudor , & magnam premit indignatio mentem
Bella dari tam justa , aut mollem audere Canopum
Cæsareas iras , infectaque tela mereri ,
Quæ vix armipotens est ausa laceßere Roma ;

Nec damno tantas iras levioꛑe luisseꛑ
 Quam libertatis jaꛑtura , & funere Magni.

Quod tamen incolumis pꛑr tanta pericula Cæsar
 Evaseꛑt , Superis poteras ignoscere , Roma ,
 Si sola Ægyptus redivivæ vulnera dextra
 Et sævos posthac gladios sensura fuisset.
 Inferias tibi , Magne , pias hæc bella dedissent
 Et gratas Latio. Pharia de clade triumphum
 Victori placida donasset fronte Senatus ,
 Tempa coronasset votis , plausuque superbum
 Spectasset læto currum Romana juvenus.
 Hæc patriæ forsan victoria conciliasset
 Cæsaris arma suæ , ni dira sequentia bella ,
 Ni Libycæ clades , & tristis funera Munde
 Victꛑices alio foedassent crimine dextras.

At Nili scelerata cohors , quæ sceꛑtra dedisset
 Reginae Arsinoë , subito mutata reꛑbellat ,
 Foemineum imperium , fastusque exosa superbos
 Eunuchi Ganymedis , & implet castra tumultu.
 Nec pavidum murmur ; consensu audacia crevit ,
 Tantaque turba metu poenarum solvit ab omni.
 Nec mora : delecti ad tentoria Cæsaris ibant
 Invita Arsinoë , pacem Regemque petentes ,
 Et delictorum veniam , dirumque Pothinum
 Ut scelerum auctorem , & sævum execrantur Achillam ,
 Qui facinus merita jam tandem morte luisseꛑnt.

Aufonius Ductoꛑr , quamvis jam fervidus ira ,

Pacem optans , Phariaque timens regione teneri
 Dum procul Emathiæ coëant fragmenta ruinæ ,
 Dum , quas disperfit clades Pharsālica , rursus
 Jungantur vires , & castra hostilia crescant ;
 Castigat primo dictis ; mox fronte serena
 Dat veniam precibus ; nec tanta Cæsaris ira
 Dignatur viles populos , impendere totos
 Irarum fluctus cupiens civilibus armis.
 Nil nisi Romani Imperii patriæque ruinas
 Aut scelera esse suis aut digna pericula fatis
 Credit , & imbellem Ptolemæum in regna remittit.

Quid tandem , miserande puer , tibi proderit ista
 Libertas , quam morte lues , regnique ruina ?
 Tutior ab longe custodia Cæsaris esset
 Quam data libertas ; nec cum captivus agebas
 Esse nocens poteras. Te sævi Cæsaris ira
 Liberat ut fieres. Phariæ nam noverat aulæ
 Perfidiam , moresque tuos , tua crimina sperans.
 Ut mox iusta cadas Cleopatraræ victima regno ;
 Cujus adulterii pretium Nilotica sceptrā
 Donabit Cæsar , dulcique impendet amorī.

Nec Latium versuta Ducem spes ista fefellit.
 Namque infelicem Ptolemæum in regna remissum
 (Sive Ægyptiacæ fuit inconstantia gentis ,
 Seu Regis vitium) confestim oblivio cepit
 Et dextræ fideique datæ ; nova bella parabat.
 Consiliis pravis , & spe delusus inani ,

Inque suam accelerat properantia fata ruinam.
 Et ne subsidius accrescant castra marinis
 Cæsarea , instructam disponit in æquora classẽm ,
 Qua levis Ægypto disternat unda Canopum.
 Inceptum visa est primum Fortuna juvare.
 Incidit in classẽm hanc fociis divisa carinis
 Cæsaris una ratis , quæ fortem Euphranora vexit :
 Hanc omni Phariæ puppes statione solutæ
 Circumeunt. Perit numeris oppressa triremis.

Regius interea per Deltam exercitus ibat
 Terrestris , multasque via muniverat arces.
 Jam belli molem pulcherrima Delta tenebat ,
 Delta Ægyptiaci decus atque opulentia regni ;
 Per cujus virides sinuato gurgite campos
 Huc illuc ludit Nilus , gyrisque recurrens
 Nunc ambit , nunc implicitis interfecat undis
 Pinguia culta suis , & nigra ditat arena.
 Huic nomen terræ dat litera Delta triformi.
 Oceano Boreale latus defenditur , in quem
 Infundit sese septeno gurgite Nilus.
 Quæ restant latera inde duo , duo brachia Nili
 Ultima constituunt. Hæc inter brachia , quinque
 In mare gurgitibus per Deltam volvitur amnis.
 Magnus ab Æthiopum campis nigrantibus amnis
 Volvitur , atque uno longè decurrit in alveo
 Usque ad planitiem , qua surgit maxima Memphis
 Pyramidum aggeribus totum celebrata per orbem.

Indulfit nimium faciles telluris opimæ
 Fertilitas fruges populo , nimiumque pepercit
 Agricolaë manibus , tanti jactura laboris
 Ut fieri possit ; moles ut vulgus inanes ,
 Vanaque Pyramidum miracula stupefceret Orbis.
 Tot potuere manus steriles invertere glebas ,
 Emendare solum , muris circumdare terras ,
 Et tanto imbellem munimine cingere gentem ,
 Ut non incursum populi timuisset Eoi ,
 Non Persarum acies , pharetrataque robora Susæ ;
 Nec Macedùm æratæ cessisset præda Phalangi
 Fertilis Ægyptus ; sed inexpugnabilis armis ,
 Atque sui juris seclum mansisset in omne.

Volvitur à Memphi partito gurgite Nilus ,
 Extremoque Eurum versus ferit æquora cornu
 Ad Pelusiacas arces ; at gurgite mollis
 Alluit occiduo litus portumque Canopi.
 Huic dedit antiquum Menelai Navita nomen ,
 Litore (si famæ credas) tumulatus in isto ,
 Cum Pharii justus tenuit diademata regni
 Proteus. Eripuit Paridi castissimus ille
 Tindarida , & nullo vitiatam crimine servans
 Post Trojam excisam ferro flammisque marito
 Reddidit. Hæc tellus inter duo flumina Delta est
 Dives opum , dives pecorum , lætisque colonum
 Frugibus exaturans , atque urbibus inclyta magnis.
 Quid Butum , Butive lacum , quo gentibus olim

Niliacis responsa dabat Phœbeïa mater :

Quid sævam hospitibus memorem Busiridis urbem ,
 Funestasque aras ? teve urbs pulcherima , nomen
 Cui Venus ipsa dedit ? vel te delubra Minervæ
 Alta tenens Saïs , quam rex Psammiticus olim
 Condidit ? antiquæ juxta stant moenia Mendes ,
 Qua Deus Arcadiæ Pan pastoralis in urbe
 Religione patrum colitur. Cum matribus illic
 (Ut perhibent) capri coïere , & semine misto
 Fœdare uteros. Olim sic ille creatus ,
 Qui pueri nimio Cyparissi ardebat amore.
 Ante tamen quam rex Ptolemæus ab urbe Canopo
 Per Deltam transire parat , (nam nota Canopo
 Tempia Serapis habet) scrutari oracula divum ,
 Et belli casus cupit explorare futuros.

Hic Deus alta tenens molli delubra Canopo ,
 Quem serpentina Nilotica terra figura
 Vicinique colunt , non voce oracula reddit ,
 Corniger ut Libycis colitur qui Syrtibus Ammon ;
 Non esuve , fameve , velut Memphiticus Apis ,
 Certa boni , fative mali præfagia pandit ;
 Nec Phœbo similis Cyrrhæo , Virginis implet
 Concussos artus miseræ , quam poena recepti
 Numinis , aut pretium mors immatura sequatur ;
 Erudit at placide humanam per somnia mentem ,
 Nocturna que quiete docet ; nulloque labore
 Hic tantum parta est pretiosa scientia , nullo

Excutitur studio verum. Mortalia corda
Tunc Deus iste docet, cum sunt minus apta doceri,
Cum nullum obsequium præstant, meritisque fatentur
Nil sese debere suis; tunc recta scientes
Cum nil scire valent. Non illo tempore sensus
Humanos forsan dignatur numen inire,
Cum propriis possunt per se discursibus uti,
Ne forte humana ratio divina coïret.

Jamque Sacerdotes Regem in penetralia templi
Duxerunt. Tyrio resplendens sanguine & auro
Stratus erat lectus, quo tu, Ptolemæe, recumbens
Fatidici infelix captas præfagia somni.

Sacratos intrant templi sola illa recessus
Somnia, quæ Deus ipse creat; nam cætera cuncta,
Quæ vel temperies varias, varioſve ſequuntur
Corporis humores, vel quæ repetita diei
Aut studia, aut curæ finxerunt ſomnia, templo
Exteriore volant multas imitantia formas.

Illic præ reliquis fuscâ exhilarantia noctem
Formosa specie, roseisque volantia pennis
Sanguinea apparent, templique in margine ludunt.
His quoque de Veneris campo, placidoque vireto
Mille pharetrati fratres, gens mollis Amorum
Occurrunt noctu, & templo consortia jungunt.
Illic flammatis aliis, vel fulguris instar
Nocturnæve facis, per summa cacumina templi
Somnia de flava nascentia bile, volatu

Irato strepitant , tanquam hostem quærere semper
 Audacem , & sævas affueta laceffere pugnas ;
 Excelsoque parant cœlum superare volatu.
 At contra timide tenebrofa per atria templi
 Quæ nigra de bile fluunt , demiffius ibant ,
 Nocturnæque ut aves strident feralibus alis ,
 Inter busta volant , & fœdis sola sepulcris
 Invitant Stygios mœsta ad consortia Manes ,
 Illic per postes , albataque moenia templi
 Ignavo incessu , tardæ testudinis instar ,
 Somnia , quæ pituita creat , trepidantia serpunt ;
 Ne si forte cadant , liquidis mergantur in undis ;
 Nam semper vana falluntur imagine lymphæ.
 Hæc inter volitant imitantia mille figuris
 Quidquid agunt homines passim ; totidemque feruntur
 Quot patitur magnus diversa negotia Mundus ,
 Aut objecta tenet. Cedunt hæc somnia cuncta
 Divinis , quæ dat Numen , longèque remota
 Non audent templi sacros intrare recessus.

Nocte ferò media Ptolemæi pectora somnus
 Vicerat optatus , cum jam divina Serapis
 Somnia , mutandum Ægypti narrantia regnum ;
 Miserat. Incessu tardo delubra petebat
 Bos niger ingenti specie ; geminisque micabat
 Pelle insignitus stellis ; quarum altera tergo ,
 Altera fronte fuit media. Lugubre videtur
 Mugire , atque oculis lacrymas effundere nigris ,

Confectus macie , tanquam qui pabula nulla
 Gustaffet moerens. Post majestâte decora
 Incedit , quamvis pullato fœmina cultu
 Turrigero laceros effundens vertice crines ,
 Atque catenatos tendens post terga lacertos.
 Tum , velut inferni plorarent carcere Manes ;
 Erupit subito tumultis lacrymabile murmur
 Ex imis , scindi regalia Mausolea
 Vidit , & erupto Ptolemæum exire sepulcro
 Lagæum primo , reliquos hunc ordine reges
 Pone sequi , miseræ crudelia fata gementes.
 His vero attonitus visis Ptolemæus (ab omni
 Nam gelidus trepido manavit corpore fudor)
 Excussio somno templum circumspicit omne ,
 Talia Divorum quærens ostenta ; sed illa
 Quæ vidit clausis , oculis non vidit apertis.
 Jamque sacerdotes veniunt , & somnia Regis
 Audita horrentes , hinc lamentabile fatum ,
 Atque propinquantem regni dixere ruinam
 Niliaci. Tum Dis patriis lustrantur , & aras
 Incendunt votis. Sed Dî propiore ruina
 Te , Ptolemæe , prement. Casus , miserande , futuros
 Dum patriæ narrat , celat tua fata Serapis.

Interea valido Mithridates agmine nuper
 Per Cilicum populos Syriæque extrema coacto ,
 Ad Pelusiacam properans pervenerat arcem ,
 Quæ viridem Ægyptum Syriæ determinat arvis.

Nam tota Ægyptus claustris munita duobus
 Nititur ; accessum prohibens arx ista pedestrem ;
 Ut Pharos æquoreum. Tanti sunt moenia regni.
 Sed non egregium omnino Pelusia tardant
 Claustra ducem. Una dies arcemque expugnat & urbem.
 Inde rapit celeri Mithridates agmine cursum ,
 Et se Cæsareis properat conjungere castris.
 Hoc metuens equitum præmiserat agmina turmis
 Obvia Cæsareis Ptolemæus ; dum sibi castra
 Colle locat celso , late qui despicit omnem
 Planitiem , Ægyptus qua terram effusa patentem
 Explicat. Est proprio mons undique robore tutus :
 Difficilem declive solum , præruptaque faxes
 Una parte dabant ascensum : tuta palude
 Pars alia est : rapido pars tertia cingitur amne.
 Sola angusta aditus ad montem præbuit isthmus.

Sed non castrorum tanto munimine tutum
 Se satis esse ratus , procul illo arcere parabat
 Cæsaris occursum ; pontes , aditusque remotos
 Milite custodit præmisso , & diffita longe
 Flumina nequidquam (infelix) defendere tentat.
 Nam neque Romanis animis fiducia cessit
 Contra hostes , contraque locos pugnare paratis :
 Virtutem Phariæ nec sustinere catervæ
 Ausoniam. Cedunt ripis , & terga per agros
 Præcipites dantes victoribus omnia linqunt.
 Contactam vidit castris Ptolemæus ab altis.

Corporibus terram, rubefactaque cæde suorum
 Prata quibus steterant, proprii præfagia fati
 Tristia contèpiens animo; dum castra petentes
 Quos fuga servavit pauci, non viribus augent
 Auxiliove suos, implent sed cuncta timore.
 Quorum victores fugientia terga secuti
 Instabant; acrique ad Regia castra tumultu
 Perveniunt; quæ jam Cæsar conamine toto;
 Dum fortuna calet, dumque omnia plena timore;
 Impiger aggreditur; nec adhuc victoria certa
 Esse videbatur, Pharii dum castra tenebant.
 Ite viri, dixit, belloque imponite finem.
 Virtutis pretium, mercedem sanguinis, auro
 Argentoque referta tenent tentoria Regis;
 Niliacas gemmas, Erythræo è litore conchas;
 Totque simul Procerum congestas undique gazas,
 Quæ vobis debentur, ait, nunc sumere restat,
 Et rapere à victis. Nec prædam quærere tantam
 Segnis erat miles; parvam primo occupat Isthmon.
 (Sola aditum hæc præbens disjungit ab amne paludem)
 Illam præcipue pubes Ægyptia servat.
 Illic concurrunt, oriturque miserrima cædes.
 Hos formido ingens, & si vincantur in armis
 Desperata salus: prædæ spes excitat illos.
 Illic immensa rabie decernitur; amnis
 Atque palus multo fœdantur utrinque cruore;
 Semianimesque artus, & faucia corpora volvunt;

Quæ gemino pereunt fato, Dumque hostibus hostes
 Conseruere manus, alternaque brachia nexu
 Robusto tenuere, cadunt in flumina juncti;
 Nec furiosa illic hinguunt certamina; pugna
 Contendunt ambo collapsi flumine vana;
 Nam victum Stygias sequitur cito victor ad umbras.
 Dumque omnes illa castrorum parte feroces
 Concurrere manus Phariæ; celsum undique Cæsar
 Contemplans montem, prærupta parte videbat
 (Qua miseris est collis inexpugnabilis esse
 Niliacis visus) nullo custode teneri;
 Consectimque leves illuc jubet ire catervas
 Quas Carfulenus duxit. Nec dura videntur
 Hæc mandata Ducis; scandunt acclivia saxa,
 Præcipitemque locum capiunt. Mors opprimit inde
 Niliacos, poterat minimo unde labore repelli.
 Jam Carfulenus per collem ascenderat audax,
 Cumque levi intrarat Ptolemæi castra cohorte.
 Attoniti fugiunt custodes; castra tumultu
 Implentur; subitis perculsi casibus omnes.
 Huc illuc miseri discurrunt; quidve relinquant;
 Quidve petant capti non norunt, Cæsariani
 (Dum trepidant intus, dum conficit omnia terror)
 Acriter instantes irrumpunt undique castris.
 Implorat frustra veniam gens victa; furentes
 Nec tenuit Cæsar gladios; mactare nocentes.
 Imperat, inuisoque orbem purgare cruore.

Pars turbæ miseræ Latiis nutrita sub armis ,
 Et de Romuleis legionibus ante fuisset.
 Hos olim e Syria duxit Gabinius audax
 Exulis auxilio regis , belloque peracto
 Pila satellitio Phario Romana reliquit.
 Tempore torpuerant vires , luxuque Canopi
 Cœperunt fracti veteres dediscere ritus ,
 Atque Ægyptiacos paulatim assumere mores.

Non procū a castris fugiens conspexit in undis
 Rex miser haud magno pendentem a fune carinam ;
 Et cito conscendens , comites de litore jussit
 Solvere , purpureos humeris dejecit amictus ,
 Ne nosci fugiens posset. Sed dura salutem
 Fata negant ; misero detracta insignia solum
 Hoc Ptolemæe dabant , ut yilior umbra jaceres.
 Namque hanc de castris Ægyptia turba carinam
 Assequitur fugiens , properantque ascendere cuncti.
 Cæsarei urgebant gladii post terga ; fugasset
 Jam timor officium ; pavidis reverentia nulla
 Regis erat , nimio dum pondere victa carina
 Deficit , & rapidis Ptolemæus mergitur undis.

Plebeio extinctus fato , gelidoque sepultus
 Rex , Ægypte , tuus Nilo jacet , ultima tantæ
 Et miseranda domus soboles. Non Mausoleis
 Excelsis habitant Manes , non Regia templis
 Condita , marmoreis aut montibus ossa quiescunt
 Lagæ de more domus , quæ funera luxu ,

Divitiisque solet nimiis violare sepulcra.

Quam breve crudeles regnum, Ptolemæe, dederunt
 Di tibi ! non aliter Pharium diadema gerebas
 Hostia quam tristem gestat moritura coronam.
 Sed breviora tamen si Dii tibi regna dedissent ;
 Ad Styga venisses felicior umbra , priusquam
 Sanguine Niliacas perfudit Magnus arenas ,
 Depulso qui sceptrum tuo dedit ante parenti ;
 Te nunc occisi , rex ingratissime , Magni
 Manibus inferias Cæsar (quem demeruisse
 Crimine sperasti) mittit ; Generique perempti
 Ne possit debere nefas , ulciscitur ipse ;
 Inque tua titulum pietatis cæde requirit.

Pellæam tendens victor jam Cæsar ad urbem ,
 Ne Ducis adventum tanti , justasque timeret
 Iras victoris sibi conscia turba rebellis ,
 Præmittit veniam cunctis , trepidantia solvens
 Corda metu ; leges populo , proavitaque jura
 Se concessurum affirmans , & debita stirpi
 Lagææ dudum Pharii diademata regni.





LIBER SECUNDUS.

ARGUMENTUM.

Cæsar amore Cleopatæ captus in Ægypto moratur, dum L. Scipio cum Rege Juba bellum in Africa renovat. Cæsar Pharnacem vincit.

SPLENDIDA Pellæam celebrant jam festa per urbem,
Et Ducis Aufonii laudes ad fidera tollunt
Servati Cives (dum passim altaria fumant)
Votaque Dis solvunt. Nescis, gens impia, nescis
Cui causæ hanc debes veniam, patriæque salutem.
Non hanc semideive Canes, aut barbara præstant
Numina, queis ritu persolvis vota profano;
Nec Ducis inflectunt animum fulgentia testæ,
Non veterum monumenta Ducum, non templa Deorum,
Nec Macedûm cineres Regis, quos Cæsar adorat
Plus aris templisque tuis: sed inania sacra,
Infirmosque Deos facie Cleopatra potente
Protegit, & stupro redimit Memphitica sceptrâ;
Nec visum est æquum Coelestibus, ut meliori
Deberent causæ tam turpia regna salutem.

Jamque sui Pharias regnans Cleopatra per urbes
Auctorem fari regali splendida cultu
Excipit, & magno celebrat convivia luxu.

Atria fulgebant tali laqueata paratu
 Qualem magna solent , sed jam ruitura , studere
 Regna , quibus veteres , quas longa potentia fecit ,
 Ostentantur opes , vitiis alimenta futuris.
 Sed non divitiæ , non auro fulva supellex ,
 Gemmative tori passim , pictive tapetes
 Cæsareos pascunt oculos , nec Italia curat ,
 Dum prope fidereo cunctis splendoribus ore
 Præradiat , vultuque movet Cleopatra superbo.
 Hanc videt , huic oculis & pectore totus inhæret ;
 Quoque magis cernit , magis ardet ; cætera visu
 Splendida quæ primo , sordent objecta secundo :
 Fœmineus decor augetur , crescitque revifus.
 Purpureas stupet ille comas , & candida colla ,
 Queis gemmis lux major inest. Abscondere formam
 Divitiæ eximiam , non exornare videntur ;
 Quamvis non defunt Erythræo e litore gemmæ ,
 Non spolia Eoi Gangis , non quidquid in undis
 Volvitur Assyriis , aut dives mittit Hydaspes ;
 Non Arabum ex petris viridi splendore smaragdus ,
 Nec lapis auratus , quem dat Mareotica tellus.
 Sidereis adamas radiis hebetatur ocelli ,
 Quoque minus lucet , formæ magis auget honorem.
 Sapphirum pulchro pendentem pectore vincunt
 Cærule venarum violaria ; labra rubinus
 Non rosea æquaret , nisi primo victa fuisset ,
 Et pudor augeter quem dat Natura ruborem.

Aufonius Ductor jamdudum faucius , ignem
 Concipit inde novum , nimioque accenditur æstu ;
 Nec placidam celare studet , sed pascere flammam ;
 QUÆNAM , inquit , nostris obstare potentia votis ,
 Aut quæ fama potest ? quid sic durissima virtus
 Oppugnata ageret ? Facies absolveret ista
 Judice raptorem cœlo , nam talia quondam
 Stupra Deis summis celebres tribuere poëtæ ,
 Æthere qui toties posuere Tonantis amicas ,
 Et forma eximias fecere Heroidas astra.
 Temporibus si visa illis Cleopatra fuisset ,
 Non coma Niliacæ Berenices aurea cœlo
 Fulisset , pulchræ nec Pleiades astra fuissent ;
 Non stupri pretium radiantia plaustra tulisset
 Callisto , aut Bacchi conjux formosa coronam ,
 Donec partem aliquam Cleopatraræ stella sereni
 Nobilitare poli certam dignata fuisset.
 Jupiter exemplum mihi sit , quem sæpe coëgit
 Sævus amor magno furtim descendere cœlo :
 Vel potius nostra absolvant delicta Tonantem ,
 Cæsareum Jovi veniam det nomen amoris.

Ne , Cæsar , tua vota time ; non pervigil ista
 Hesperidum serpens fulgentia poma tuetur ,
 Nec nimio forma est hæc custodita pudore.
 Sed puerilis Amor , vanique Cupidinis ignes ,
 Pectora qui stimulare solent innoxia vulgi ,
 Pastoresque rudes urunt , rurisque puellas ,

Non tibi rem peragunt , Cæsar ; nec causa domare
 Vulgaris potuit Reginæ corda superbæ ;
 Formosamve tuis Cleopatram amplexibus offert
 Dulcis amor Veneris : sed regni insana Cupido ,
 Majestas , nimiisque optata potentia votis.
 Hic amor affectus alios Ptolemæidis omnes
 Pectore sustulerat. Penitus si nullus inesset
 Venarum calor , aut artus depasceret ignis ,
 Lascivos tamen amplexus in Cæsaris isset
 Frigida , & Ambitio solvisset tanta pudorem.
 Quæ te causa fidem , Cæsar , violare coëgit ,
 Visceraque in patriæ sceleratos impulit enses
 Emathios Latio perfundens sanguine campos ,
 Illa pudicitiam Reginæ in pectore vicit ,
 Prostituitque tibi. Nec quisquam Cæsaris altos
 Suspiciat posthac animos , cum spiritus idem
 Foemineum impellit pectus. Qua Cæsar , eadem
 Ambitione nocens facta est Cleopatra ; fidelis
 Nec manet hic civis , nec conjux illa pudica.

Ne tamen illicito Cæsar videatur amor ,
 Non patriæ vicisse suæ , (nam Ægyptia tellus
 Victa licet , nondum Latia est provincia facta ,
 Sed sceptro subiecta manet) veritusque rebellem
 Niliacum subito populum , si regna teneret
 Foemina , dum stirpis Lagææ mascula proles
 Vivat adhuc , puerum Ptolemæum lustra videntem
 Vix bina , Arsinoës , quam duxerat antè , sororis

Conjugio avulsum Cleopatæ jungit , & illum
 Immaturum annis Phario diademate cingit.
 Hunc vocat Ægyptus Regem , Cleopatra maritum ;
 Defunctique locum fratris supplere videtur
 Conjugio & regno. Quid præter nomina vana
 Conjugii , regnique , puer miserande , tenebis ?
 Quid præter titulos , thalamum dum Cæsar adulter
 Possidet , & regnum conjux Cleopatra gubernat ?
 Nec rivalis adhuc fieri puerilibus annis
 Cæfareive potes thalami , regnive sororis.
 Sed tenera poteris felix ætate videri ,
 Qua non incesti cognosces gaudia lecti ,
 Obscœnoque carens fructu , noxaque carebis.
 Conjugium innocuum magis hoc est , quo minus aptum ;
 Conjugis incesti sine crimine nomen habebis ,
 Et sine curarum retinebis pondere regnum.

Humenti Nox atra polos involverat umbra ,
 Inque vicem Phoebi redeuntia sidera coeli
 Ornarant varie faciem , cum captus amore
 Illicito Ductor Latius , vinoque solutus ,
 Dulcibus indulget votis , tandemque cupito
 Regina fruitur thalamo , pulcherrima lecti
 Gaudia degustans. Tantum suadere potestas ,
 Donaque , & illustris gestarum gloria rerum
 Fœmineæ poterant menti. Nec crimen inesse
 Concubitu nimium tali , Cleopatra , putabunt
 Qui Ptolemæorum thalamos , consuetaque jura

Incestæ novere domus , fratremque forori
 Conjugio junctum , sacræ sub nomine tedæ
 Majus adulterio delictum. Turpius isset
 (Quis credit ?) justî ad thalamos Cleopatra mariti ;
 Utque minus lecto peccaret , adultera facta est.

Pœna tamen sequitur ; furtivi pignus amoris ,
 Cæsario infelix , fati generatus iniquis
 Cæsaris Augusti cadet olim victima ferro
 Cæsareos tristans cognata cæde Penates.

Tempora dum Phario Ductor dependit amorî
 Aufonius , Libycis iterum fragmenta ruinæ
 Theffalicæ terris coeunt , quæ magnus agebat
 Scipio dux belli. Cum quo (jam Cæsaris hostis ,
 Quamvis ille truces toties sub Cæsare Gallos
 Stravisset) fortis stabat Labienus in armis.
 Hic sanctus Cato privata non concitus ira ,
 Sed patriæ imperium , & communia signa secutus
 Militat ; injustis hic stat Petreius in armis ,
 Oblitus fidei , terris quem Cæsar Iberis
 Donasset vita ; & Varus , cui cesserat omnis
 Africa , Romanis quæ tum sub fascibus esset ,
 Quam ditione potens olim Carthago tenebat.
 Delectas Libyæ turmas , & Punica secum
 Agmina ducebat Varus , fallacia corda ,
 Membra leves : rubris induti vestibus ibant
 Ut fufum in bello hac celarent arte cruorem.
 Sub Varo populos sitientibus arida venis

Cyrene Barceque suos ad proelia mittunt,
 Quæque Afris Siculos permiscuit Æa colonos.
 Tabraca bellantes Tyrio de sanguine turmas
 Mittit, & antiqua Phœnicum stirpe creatos
 Dat populos Libycis dilectus regibus Hippo;
 Atque Utica, & tanto Tapfus post inclyta bello.

Advenit his Libyco regum Juba maximus orbe,
 Qui jam Cæsarea lætum de clade triumphum
 Duxerat; infelix cecidit cum Curio fraude
 Deceptus. Domino imperium non latius ulli
 Contigit. Occiduo de cardine terminat Atlas:
 Parte alia Thera, & confinis Syrtibus Ammon.
 Undique diversæ gentes, populique remoti
 Conveniunt ad signa Jubæ. Fulgentia signa
 Medorum antiqua Mauri de stirpe tulerunt.
 Atque inopes, qui cum mundo commercia solis
 Naufragiis Nafamone's habent. Garamantes iniquo
 Sub cœlo positi, steriles qui semper arenas
 Squalidaque arva tenent solis fœcunda venenis.
 Cumque his Marmaridæ medicas egere catervas,
 Serpentum morsus cantu curare parati.
 Audaces Numidæ, & frænorum nescia turba
 Massyli, levibus norunt qui flectere virgis
 Ora ferocis equi; gregibusque assueta ferarum
 Gens Getula viros mittit, qui cominus iras
 Indomitorum ausi sunt irritare leonum.
 Autololesque vagi, pedibus qui vincere cursum

Venatoris equi celerem, cervique fugacis
 Assueti; atque Mibæ vicino Sole perusti,
 Qui ferrum infamant, scelerataque tela venenis;
 Et membra hirsuta capri qui pelle teguntur
 Cynipii venere Macæ; fortisque juvenus
 Quam Vaga, quamque Uzzita dabat, quam regia Zama
 Nutrivit, vexilla Jubæ comitantur euntis.
 Scipiadae, Latiisque Aquilis hæc agmina jungit
 Rex Juba; jamque actis intendunt viribus omnem
 (Cum primum Zephyro putris se gleba resolvit)
 In Latium belli casum transferre futuri.
 Sed celer in cunctis, semperque inferre fuetus
 Nunquam bella pati Cæsar, mox irrita fecit.
 Hæc decreta Ducum, bellumque huc attulit omne.
 Heu nimium cito Marmaricis cernetis in oris,
 Quem vos Hesperia statuistis quærere terra.

Dulcibus interea illecebris, luxuque Canopi
 Captus, & afflatus fallente Cupidine Cæsar,
 Lascivas ducit Veneris sub numine noctes,
 Oblitus Libyæ tantas coalescere vires,
 Fortunamque suam, & surgentia regna morantes.
 Talibus illecebris, & molli fractus amore
 Formosæ Œchalidos Reginæ dicitur olim
 Maximus Alcides. Humeros non fulva leonis
 Terga Cleonæi velant, nodosave fortem
 Clava armat dextram; domitores mille laborum
 Desidia incipiunt duri torpere lacerti,

Nec jam vindicibus pacati viribus orbis
Terrentur Reges : sed plus Junonis iniquæ
Spes sævas facie formosa foemina juvit ,
Quam poterant ferratæ acies , aut omnia terræ,
Aëris , Oceanique , & Ditis monstra profundi.

Sed longo Fortuna Ducem torpere veterno
Non patitur tantum , medio nec Cæsaris acta
Deficere in cursu ; five accelerare ruinam .
Romanam cupit inconstans , exosa potentem
Jam populum , & vires nimias quas fecerat ipsa :
Sive Deam puduit , leges venerandaque jura
Cæsaris ignavæ solum debere salutem
Desidiæ , & potius statuisset perdere Marte
Quam sic servare ; ut bellum , quod struxerat olim ,
Destrueret rursus Imperii fastigia tanti :
Nec plus res Latias facie Cleopatra nocente
Quam gladii ultores , & Theffala castra juvarent.

Non tamen a Phariis primo civilia bella
Deliciis traxere Ducem , tantumve soporem
Excussere tubæ Latia. Rex debilis illum
Et cito casurus Pharnaces excitat , ut non
Ipse ruat solus : sed secum nobilioris
Fata trahat populi. Sic cum Leo magnus apertis
Dormivit campis , passim formidine nulla
Illæsi carpere greges sua pabula ; parvus
Forte culex stimulis audacibus ora leonis
Cum pupugit , somno excusso fera nobilis ira

Infrendens magna , postquam protriverit hostem
 Exiguum , nondum vindictam nactus , in omnem
 Profiluit campum , grassataque sanguine multo
 Stravit equos , stravit tauros , armentaue tota
 Exigui culicis temeraria facta luerunt.

Munere Pompeii Pharnaces impius olim
 Cimmericum , & pretium sceleris , diadema recepit.
 Natus erat magno Ponti Mithridate , potentis
 Qui populis Asiæ quondam , Graiisque subactis
 Æmula Romanis per terras arma gerebat.
 Qui victus tandem , & Pompeii viribus omni
 Exurus regno , nati impietate nefandi
 Proditus est , ceciditque minor sic gloria Magno.

Pharnacem nimia nunc ambitione tumentem ,
 Cum paribus dudum signis concurrere signa
 Romanasque acies , & tantæ robora gentis
 In se civili novit conversa furore ,
 Quærendi regnum pepulit spes vana paternum.
 Quem fallax primo juvit Fortuna , futuris
 Deceptura malis ; Urbisque ad moenia magnæ ,
 Quam debellati Mithridatis struxerat olim
 Pompeius monumentum ingens ; devicit iniquis
 Te , Domiti infelix , fatis ; ad nota tulerunt
 Moenia barbarici Romana piacula Manes.

Lucida jam novies repararat cornua Phoebe
 Ex quo Nilias devenit Cæsar in oras ,
 Reginaeque tument vitiati pondera ventris.

Quam

Quam verbis abiens solatur Cæsar amicis :

» O FORTUNARUM reſtrix Cleopatra mearum ,

» Cæſaris & fatum , qui cætera fata gubernat ,

» Me nunc bella vocant. Crudelis amantibus arma

» Crudelisque ſibi Pharnaces impia movit ,

» Exitioque ſuo noſtrum interrumpit amorem.

» Tu cohibe lacrymas ; deviſtus ſentiet hoſtis

» Cæſaris armati gemitus , & clade ſuorum

» Agnoſcet quanta Cleopatraræ amplexibus ira

» Divellor. Sed non noſtris concurrere turmis

» Debilis audebit Pharnaces. Arma relinquet ,

» Quæ temere ſumpſit , ſubito : nomenque fugabit

» Cæſaris invalidas acies. Avellor amore ,

» Non ad bella vocor ; citius victoria cedit

» Nunc quam pugna mihi ; facilis venit, ecce, triumphus.

» Verum ut te caream , nec erit victoria læta ,

» Nec laurus jucunda mihi ; non ipſa triumpho

» Quæ comes eſt , tantum penſabit gloria damnum.

» A te diſcedam triftis , pulcherrima rerum ,

» A te , quæ fuſca Ægypti lucentibus arva

» Irradias oculis , & ſplendidiora Deorum

» Tramite coeleſti , cui lactea nomina Græci

» Antiqui tribuere , facis ; ſine qua mihi tellus

» Nulla placet , triftè exilium Roma ipſa videtur.

» Sed nos hinc majora vocant certamina ; nondum

» Attigit oprati Cæſar faſtigia regni.

» Quantos debet adhuc nobis Fortuna triumphos !

» Quantaque civilis , quod restat , præmia belli
 » Te, Cleopatra, manent!formam hanc venerabitur orbis
 » Sideream. Australi populi qui litore degunt,
 » Et nunquam Oceano fulgentia plaustra Bootæ
 » Merfa vident : & quæ septem subiecta Trioni
 » Gens jacet , in cujus nunquam regione Canopus
 » Cernitur , hoc tantum cœlo contenta vagari ,
 » Nomen adorabunt Cleopatrarum : litore gentes
 » Occiduo , & quæ surgentem videt India Solem.
 » Cum Nîlo Tiberis tibi serviet , & tua regna
 » Defendent Aquilæ nostræ , Romanaque signa ;
 » Dum Reges inter famulos Cleopatra superbos ,
 » Et sceptris subiecta suis nova sceptrâ videbit.
 » Talia nam (si nota fatis mihi Numina) spondet
 » Hoc bellum Regina tibi. Nunc fata sequenda ,
 » Et cito quo ducunt. Uteri per cara tumentis
 » Pignora , civilis belli post fata revertar.

At blandis Cleopatra dolis instructa , venustas
 Cui niveæ frontis tanta est , ut luctus , & ipsæ
 Vel lacrymæ deceant , lacrymis sic infit obortis :
 » NON TANTI facio , Cæsar , mea vota precesque ,
 » Ut decreta Ducis tanti mutare valerent ,
 » A quibus humani generis fortuna per orbem
 » Pendet ; queis stellæ , queis Numina cuncta vacabunt.
 » Audax Religio nimium , Pietasque superba
 » Censetur , quæ magna optat mutare Deorum
 » Consilia. Ah potius flammæ , votisque resistam

» Ipsa meis , dulcemque sibi Cleopatra negabit
 » Cæsaris aspectum , quam tanta negotia , totque
 » Bellorum laurus tardabit nostra voluptas.
 » Sed tamen ignoscas paulum si , Cæsar , amori
 » Indulget Cleopatra suo , si vivere tecum
 » Exoptat , si castra sequi victricia. Non pax
 » Tutior ulla mihi quam classica Cæsaris essent.
 » Quo propius bellum sub te ductore secuta ,
 » Hoc magis a belli fuero terrore remota.
 » Sed jam iussa sequar , Phariisque videbor in oris
 » Tutela secura tua , magnique putabo
 » Cæsaris occiduis Alcidae a Gadibus usque
 » Eoum Gangem victricem extendere dextram ;
 » A Thule ad populos Austri. Tam dissita Mundo
 » Litora nulla jacent , ut jam divortia longa
 » Inter nos faciant , si sit tam Cæsar amando
 » Quam vincendo celer. » Lacrymas tum sponte cadentes
 Combibit ore avido Cæsar , repetitaque jungit
 Oscula. Niliacis tandem digressus ab oris ,
 Tendit in Armeniam Libycis velocior Austris
 Pharnacem exquirens ; altæ hunc prope moenia Zelæ
 Invenit , & solo conspectu fundit inertem.
 Tam cito devictus pugnae non ulla reliquit ,
 Sed tantum monumenta fugæ ; nec fama loquetur
 Pharnacis de bello aliud , quam tempore Cæsar
 Quod venit , viditque hostes , & vicit eodem.


Heu quantum famæ Magni fuga detrahit illa

Pharnacis timidi , dum Cæsariana juvenus
 Mollitiem cernit gentis ! Non digna triumpho ,
 Nec titulis tantis jam Pontica regna subacta
 Armenosque putant victos. Non destruit illo
 In bello Cæsar tantum diademata regis ,
 Sed Magni decus ; exultans cum talia fatur :
 » O FELIX Pompei ! cui nomina tanta subactæ
 » Degeneres istæ gentes , laurosque dederunt ,
 » Quando ego pugnaces Gallos, fortesque Sicambros
 » Vincendo , nullum videor meruisse triumphum.
 » Fatum bella tibi si transalpina dedisset ,
 » Nostrarum forsitan nosces discrimina laudum.
 » Non hæc omnino civilia bella fuissent ».

Sed majora vocant illinc discrimina belli
 Victrices Aquilas. Libycis confedit in arvis
 Scipio Romanis cinctus legionibus , hostis
 Securus nimium , gelidi cum jam Capricorni
 Terga premens , horas contraxerat inde diurnas
 Phoebus ; & acris hyems cursum frænarat aquarum ,
 Nudaque vestierat niveis nemora alta pruinis.
 Sed præceps Cæsar,quem nunquam in bella ruentem
 Tempestas , tristefve hyemes potuere morari ,
 Ter jam Romulea factus Dictator in urbe
 Vela dedit ventis , paulumque moratus in oris
 Sicaniis , iterum Lilybæo a litore solvit ,
 Et prætervehitur magnæ Carthaginis arces
 Semirutas , Clupeamque videns , male litora nota

Damnat, ubi infelix perituris Curio turmis
Appulit. Infaustas oras, Uticamque relinquit,
(Quam Cato tum legum vindex justissimus armis
Præsidioque tenet, nomen qui fumet ab urbe,
Æternamque urbi reddet per sæcula famam)
Inde Adrumetum tendens, ubi Scipio belli
Ingentis Ductor Romanis stabat in armis,





LIBER TERTIUS.

ARGUMENTUM.

Levia aliquot Ducum prælia. Cn. Pompeius a Catone objurgatus in Hispaniam navigat. Pugna Thapsiaca, & Victoria Cæsaris describitur.

JAMQUE propinquabat bellum, Libyaque nefandi
Concurrunt iterum gladii, quos Theffala tellus
Vidisset. Pugna cur, Dii, voluistis in illa
Restare exiguum nequidquam sanguinis urbi?
Ut flueret torrente novo, fieretque secundum
Hic civile nefas? Una num clade pudebat
(Quantumvis magna) Romanam excindere gentem?
Aut una tanti populi regione jacere
Non est passa graves tristis Fortuna ruinas?
Jam Roma in Libya est. Latii quæ terra triumphos
Spectasset toties, jam tristia vulnera spectat.

Sed levibus tantum pugnis contenta parumper
Fortuna, extremi differt certamina Martis,
Tot subito gentes, perituraque millia letho
Condemnare pudet; nec adhuc feralia Thapsi
Arva Jubæ casus magni, vel triste videbunt
Scipiadae exitium, donec coeuntia signa
Ductorum, atque aliquos belli Rhuspina tumultus

Vidit, & exhibuit tantæ præludia cladis.

Scipiadæ a castris Rex (in sua regna reversus

Quæ longe infestis populatur Sittius armis)

Discedit paulum ; plenamque hostilibus armis

Advenit Libyen una legione , relicto

Robore militiæ Lilybæo in litore Cæsar.

Nec de more suo dederat mandata relictis

Militibus quo convenient , quæ signa sequantur ;

Quemve petant portum , permittens omnia fati ,

Fortunæque suæ fidens. Cur , Cæsar inique ,

Non pudet in minimis toties instare favori

Fortunæ , & toties casus tentare per omnes ?

Non tibi fat visum est , bello quod semper aperto

Res agit illa tuas , & tantos conficit hostes

Cum plena pugnas acie , sine milite ni te

Protegat , & tua prospiciens temeraria cœpta

Dirigat in melius , Ducis objectumque periclis

Privatis toties redimat caput ? An tibi parvum est

Effugisse Phari insidias , parvaque carina

Nocturni tutum vicisse pericula ponti ?

Cur Divæ , imperium tibi quæ promiserit orbis ,

Casibus exiguis pretiosum absumis amorem ?

Postquam Adrumeti frustra corrumpere fidum

Confidium , qui Scipiadæ servaverat urbem

Præfidiis , Cæsar tentaverat , ordine certo ,

Instructaque redit legione , nec urbe potiri ,

Sed tuto remeare cupit. Sed vix fugâ tanto

Q iv

Induperatori concessa est tuta ; frequentes
 Confidii erumpunt equites , atque agmina turbant.
 Summaque Ductoris laus est , & Cæsare digna
 Rhuspina salvis potuisse redire catervis.
 Sola urbes inter Libycas jam Cæsarianæ
 Perfugium tenui restat Rhuspina cohorti.
 Hinc iterum Ductor fatis egressus eisdem
 Dum cepit Leptim , & firmavit robore , pæne
 Amisit rursus reditum. Labienus in armis
 Acer erat , validisque vias præcluserat omnes
 Infidiis. Virtute opus est , & Cæsare toto.
 Fortunaque ejus summa jam tempus egebat.
 Et vicere viri virtus , fortunaque. Visæ
 Tempore sunt apto insidiæ ; victorq̃ue cruento
 Perque viros , perque arma viam mucrone recludit ;
 Bisque fugam Cæsar , solam vincendo paravit.

Dum prope signa Ducum vidit Rhuspina duorum,
 Infestasque Aquilas , Uticæ Pompeius agebat.
 Hanc Cato præfidiis tenuit ; cum sic Cato sanctus
 Alloquitur juvenem , & dictis castigat amicis.
 „ SURGE animis, Pompei, magnum patris affere nomen,
 „ Et generis fatum tanti. Scrutare remotos
 „ Terrarum tractus , per regnaque dissita quære
 „ Quantus erat fama genitor , quantasque reliquit
 „ Nominis hæredi solo vel nomine vires.
 „ Pompeii nato gladios quæ terra negabit ?
 „ Quæ tibi non classes (armis pacata paternis)

- » Æquora præbebunt ? Hostis te viribus æquum
 » Tanta facit famæ , & mundo venerabile nomen.
 » Si libet occiduos Orbis tentare recessus ,
 » Hispanosque armare truces , tua signa sequetur
 » Cantaber , & Celtis sociatus nomen Iberus ;
 » Et tota Herculeis pubes a Gadibus , altos
 » Ad Pyrenæos , extremaque litora mundi.
 » Si nihil omnino patriæ miseranda moveret
 » Afflictæ facies , si nil moritura moveret
 » Libertas , possesque hilaris servire tyranno :
 » Te privata tamen facerent mala Cæsaris hostem :
 » Si pater arma tuus pro libertate gerebat ,
 » Nullus in Emathiis plus , quam tu , perdidit arvis :
 » Sed sibi si genitor campo pugnavit in illo ,
 » Multo sunt tua damna illic majora , tibi que
 » Abstulit imperium victoria Cæsaris orbis.
 » Sed bona , quæ moriens Genitor tibi vera reliquit
 » Sunt vitæ exemplum , & gestarum imitatio rerum.
 » Hæc tibi perpetuo , quæ non invisâ potestas
 » Cæsaris , aut fortuna potest auferre , manebunt.
 » Labentem patriam teneris suscepit ab annis ,
 » Nullus adhuc titulis , nulloque insignis honore :
 » Nec vires habuit nisi quas virtute paravit.
 » Quantos ille Duces juvenili ardore subegit ,
 » Cum Marii moestam lacerasset factio Romam ;
 » Et miseram assiduis impleffet cædibus urbem !
 » Quot tum pro patria felicia bella peregit !

» Illius auspiciis audax est Carbo peremptus ;
 » Et cecidit terris Sertorius exul Iberis ,
 » Præclarum Libyco (dignus tunc nomine Magni)
 » Duxit (adhuc Romanus Eques) de Rege triumphum .
 » Hæc fecit , nondumque tuos excefferat annos .
 » Sed tu cur Libycis resides privatus in oris ?
 » Unius auxilium dextræ præstare valebis
 » Hic tantum patriæ . Procul hinc tu collige vires ;
 » Et libertati Ductor succurre cadenti :
 » Vel dignam tantis natalibus oppete mortem » .
 Nil contra juvenis ; sed tanquam Roma Catonis .
 Ex ore admoneat , promantve oracula vocem .
 Obsequitur citius dicto , & dans carbasa ventis
 Digreditur Libycis nunquam rediturus ab oris ,
 Ut cadat Europa magnus , Ductorque per agros
 Tot ferat Hispanos Romanæ vulnera gentis ,
 Quot prima Emathiis victoria Cæsaris arvis
 Proxima vel faciet Libycis . Nimis invida quanquam
 Nobilis , ô Pompei , longe tibi fata negarunt
 (Quæ patri dederant) felicia tempora vitæ :
 Morte tamen patrem æquabis , magnaue ruina ,
 Nec fera fatalem vincet Pharsalia Mundam .

Sicaniis Cæsar vires jam nactus ab oris
 Protinus Uzzitæ excelsum prope moenia montem
 Occupat . Huc ducunt collatis undique signis
 Rex Juba Scipiadesque suas ad prælia turmas .
 Conspectu Uzzitæ bellum jam constitit omne .

Scipio detrectat pugnam : nec dulcia tantis
 Uzzitæ fato damnantur cladibus arva :
 Quamvis ter Cæsar certaminis acer amore
 Instruit armatus acies , ter provocat hostes.
 Sed nullam pugnae cum spem superesse videbat ,
 Destituit rursus montem ; & læto omine Thapsi
 Nocte iter emensus , fatalia venit in arva.
 Illic Vergilius valido castella tenebat
 Milite , Scipiadae fidus , causæque Senatus.
 Scipiadae , Regisque Jubæ vexilla sequuntur
 Ad Thapsum , quamvis cladis præfaga futurae
 Æthera non cessant dare signa minacia. Lumen
 Horridius tenebris præbebant fulgura. Stellæ
 Infolitæ visæ ; intonuit sine nubibus aër.
 Et fragor armorum nocturnas terruit auras.
 Ærata moestus manavit casside sudor :
 Et dura attonitis ardebant pila manipulis.
 Vix poterant infausta examine tecta revelli
 Signa solo : noctu Libycorum audita leonum
 Murmura sæva. Solum Thapsi , montesque moveri
 Coeliferumque Atlanta putant. Non læta videtur
 Ulla avis ; infaustus bubo , nocturnaue castris
 Strix queritur. Nec cum Superi mortalibus ista
 Prodigia ostendunt , clades vitare futuras ,
 Sed tantum trepidare docent. Feralia Thapsi
 Scipiadae peritura acies jam venit in arva ,
 Quæ tot damnassent crudelia fata ruinis.

Æquore , quo Siculis Libye disjungitur oris ,
 Alluitur longo tractu peninsula Thapsus
 Qua spectat Borean : adversa parte palude
 Cingitur : in medio est aditus terrestris ad urbem.
 Hanc isthmon quamvis non late extenditur , altum
 Dividit in medio stagnum , binasque relinquit
 Angustas utrinque vias. Hæc Cæsar ad ora
 Exteriora isthmi pervenerat agmine læto ,
 Castraque munierat vallis fossaque profunda
 Qua Thapsum spectant : ne forsan terga fuorum
 In pugna opprimerent hostes ex urbe ruentes.

Sed fauces pæne angustas obsederat isthmi
 Scipio : Cæsareis adversaque castra locasset
 Magnum opus intendens , si non cita pugna daretur ,
 Aggeribus structis , ductaque ad litora fossa ,
 Deceptos illis includere faucibus hostes.
 Sed coeptum celare suum , vel ferre paratus
 Incursum belli , pulchro instruit ordine turmas.
 Romanas medio legiones ipse gubernat ;
 Tot varias dextro. gentes sua signa secutas
 Rex Juba ducebat cornu ; lævumque tenebat
 In Libycis Varus , Gallis Labienus in armis
 Teutonicisque ferox ; alarum frontibus , altis
 Aggeribus bello. similes stabant elephantes.
 His juncti Getuli equites , Numidæque steterunt.
 Pone feras variæ gentes levia arma gerebant ,
 Armati jaculis Mauri , pharetrisque veneno.

Illata gestabant scelerati spicula Mibæ.

Cæsaris at postquam instructam procedere vidit
Scipiades aciem, clara sic voce cohortes

Incitat: » OH ROMANA manus, spes sola Senatus,

» Et patriæ tutela, animis si robora posset

» Addere Ductoris facundia, quanta disertis

» Argumenta darent miseræ tot vulnera Romæ,

» Viribus extinctæ leges, venerandaque jura,

» Ipsaque libertas armis oppressa nefandis?

» Si patriæ clades, si publica damna movere

» Nil poterant mentes, cui non Pharsalia luctus

» Exhibuit proprios, privataque funera? Quis non

» Aut fratres illic, aut natos moeret ademptos?

» Jam nunc ultrices spectant tot pignora dextras;

» Tot cari Manes. Tanto hic non justius arma

» Induimus quam Thessalicis Pompeius in arvis,

» Quanto Thessalicis augentur crimina campis

» Cæsaris. Accedent tam justæ Numina causæ.

» Nec, quoniam Emathia cecidit sub Cæsare Roma,

» Vos transisse Deos, Romanaque jura perosos:

» Credite. Pompeio solitum Fortuna negavit

» Non Urbi auxilium; toties lassata triumphis

» Privati, verita est ne, si cecidisset in arvis

» Emathiis Cæsar, deceptus crederet Orbis

» Non Romæ sed Pompeio donasse triumphum,

» Privatique fuisse Deam. Non amplius Urbem

» Destituet Fortuna suam, fatifve nefandi.

» Cæsaris Aufoniæ sacras succumbere leges
 » Imperiumque finet. Non sunt hæc signa Deorum
 » Iratorum Urbi (si me non orina fallunt)
 » Ductorem vobis Libyco pugnantibus orbe
 » Quod dant Scipiadem. Felicia nominis hujus
 » Fata hic , aut Afros non est memorare necesse
 » (Quos non ulla potest regio nescire) triumphos.
 » Talia fas nobis sperare est ; non minor armat
 » Nos pietas : Latii nec nominis Annibal hostis
 » Cæsare deterior. Patriæ junxere salutem
 » Cum vestra Superi. Manibus reddetur eisdem
 » Roma sibi & vobis. Virtute accersite fatum.
 » Communi proprios cum libertate Penates ,
 » Conjugia atque domos istis conquirite campis ».
 Militis erigitur virtus , animosa cohortes
 Ira subit Latias , pugnæque accendit amore.
 Nec minus interea vario clamore fremebat
 Diffona turba Jubæ , & belli undique signa petebat.

Cæsar , ut optatum Diis advenisse secundis
 Pugnandi vidit tempus , sic voce cohortes
 Incitat audaces : » DEXTRIS victricibus iste
 » Ultimus en fudor , qui tot mercede labores
 » Pensabit digna , qui tot livore negatos
 » Hactenus , & magna meritos virtute triumphos
 » Afferet. Ista dies quascunque aut Gallia laurus ,
 » Aut Rheni gentes , aut victa Britannia debent
 » Virtuti dudum vestræ , nuperve subactæ

» Promittunt gentes , invitis hostibus , omnes
» Invito livore dabit. Longeque triumphum
» Majorem de rege Juba victoribus addet.
» Nec dubitare mihi fas est ; fallentia nunquam
» Signa , truces oculos video , vultusque minaces.
» Victores novisse suos , fragmenta ruinæ
» Emathiæ discant ». Dixisset plura ; repente
Cum fera de dextro cecinerunt classica cornu ,
Profiliuntque acres (nec eas retinere Tribunus
Centuriove potest) ad prælia sponte catervæ.
Non inhibet Cæsar , sed laxat fræna furori.
Carcere sic pronus nimium ad certamina currus
Cum forte erumpit , lorisque auriga retentis
Frustra inhibere studet , tandem dat victus habenas.

Utraque jam tanto concurrunt agmina motu ,
Quanto (si longæ flexum natura Malææ
Donaret nautis) adversis bina coïrent
Æquora gurgitibus. Pulsat fragor æthera , montes
Undique vicini excipiunt , resonantque furentes
Pugnantum voces. Siculas it clamor ad oras.
Huncque repercutiunt Lilybeïa saxa , timentque
Vel sonitum belli terra retinere quieta.
Non ita pinifero Boreas cum Thracius Ossæ
Incubuit , resonant quassatæ turbine silvæ ;
Murmure nec tanto Nilus , cum de Cataractis
Præcipitat duris illis cautibus undas
Astra lavans , furdas habitantibus obstruit aures.

356 SUPPLEMENTUM

Scipiadae dulcis stimulat vindicta catervas :
 Cæsareas ingens premit indignatio turmas ,
 Quod nova defuncto succedant praelia Magno :
 Inventusque alius Ductor civilibus armis.
 Sanguine merguntur campi , vicinaque multo
 Tincta cruore palus ; & quod tot vulnera rubrum
 Emittunt flumen , foecundam putria terræ
 Alligat in glebam , & steriles connectit arenas.
 Inter utramque aciem volitat feralis Enyo ,
 Lampada funestam quatiens. Referaverat antrum
 Tartareus Rector pallens , utque arma nefanda
 Spectarent , caperentque sui solatia fati ,
 Invisas illuc Libyes emiserat umbras.
 Undique confedere arvis , nigraque corona
 Infecere diem , versatilis umbra Jugurthæ ,
 Annibalis sævi Manes , captique Syphacis :
 Qui nunc everfas secum Carthaginis arces
 Ignovere Deis , postquam feralia campi
 Praelia Thapsiaci , & Latios videre furores.
 Sed tamen Aufoniæ civilia vulnera dextræ
 Astra luet tellus , & plus vastabitur , ætas
 Proxima quam reparare potest. Inarata jacebunt
 Arva , ruentque suis vacuatæ civibus urbes.
 Quæque viri coluere , feræ nunc rura tenebunt.
 Qua Reges olim per gentes jura dederunt ,
 Tigris erit , pardusque , & habebunt regna leones.
 Innocuus vivet serpens , & nulla , venenis.

Dum deerunt homines , pestis censebitur Orbi.

Cæsareis leviter percussi pectora telis

In sua conversis elephantēs agmina frænis

Præcipites rabie currunt. Tum robore densos

Indomito turbant cuneos , atque agmina Regis

Prosternunt confusa Jubæ. Nil arte valebant

Rectores miseri , nil vi ; Fortuna regebat

Sola feras , contraque suos pro Cæsare misit.

Illi hostes , illi focii , dum nemo gubernat ,

Quos Fortuna facit. Vicinum elephantibus agmen

Getuli , Numidæ equites crudeliter illic

Calcabantur humi. Vasta pars mole ferarum

Contrita est ; fossas pars præcipitatur in altas.

Tunc infelices tutela orbatī elephantum

Tot Libyæ populi , & gentes levia arma gerentes

Cæduntur cumulis passim , jugulisque fatigant

Cæsareos solis ; nec stantes amplius hosti

Hic bellum sed præda manent. Hastilibus igne

Duratis quid Bamuræ jam nuda juvenus ?

Quid levibus contra Romanos cominus hostes

Autololes jaculis ? nil illis ignea plantæ

Vis prodest , cursusque levi velocior aura.

Non bene Cyniphiis hirsuti tegmina capri

Pectora defendunt. Vix contra Cæsaris enses

Æs ferrumque valent. Implentur sanguine fossæ.

Mœsta madet tellus , & de tot gentibus unus.

Purpureus cæsis infecit pascua torrens.

Non Juba per mortes hominum, privataque fata,
Sed gentes pariter cæsas, populosque jacentes
Metitur quantis pereunt sibi regna ruinis.

Nec sua post tantam cladem munita putavit
Castra fatis, miseram victis præstare salutem;
Sed cum Petrejo fugiens tentoria cunctis
Splendida divitiis hosti permisit avaro.

Quæ cito Cæsarei victorum terga sequentes
Diripiunt, opibusque Jubæ, tantisque potiti
Bellorum exuviis operum mercede, priusquam
Sanguinolenta fuit victoria plena, fruuntur.

Sed non tam celeri bellum pro Cæsare cursu,
Qua Latiis stabat vallatus Scipio turmis
Atque pares fulsere Aquilæ, Fortuna peregit.
Hic incerta diu varii stetit alea belli:
Hic hæsit fatum, & dubiis victoria pennis
Inter utrumque agmen visa est volitare; repellit
Viribus hæc acies vires; alternaque dextras
Crimina civiles foedant; dum maxima regnant
Hic odia, hic cædes; animos in prælia tanquam
Causa mala augeret; tantoque ardentior ira
Quo scelerata magis dubitant ostendere fata
Quid tandem Romæ fortunave Cæsaris esset.
Ex acie tandem Libycæ fugere cohortes
Quæ duce sub Varo steterant; dare terga coactus
Dux simul; & tu Gallorum, Labiene, tuorum
Corpora cæsa videns, Thapfi funesta relinquis


Arva gemens ; aliis demum civilibus armis ,
Romanisque iterum fervate furoribus , arvo
Pars Latiae cladis Mundano magna jacebis.
Nec fato occumbes (acerrime Cæsaris hostis)
Dum potis est certare suo cum Cæsare Roma.

Scipio ut adversas videt increbescere vires ,
Cedentesque suas , nec jam reparabile bellum ,
Fluctuat ancipiti divisus pectora cura ;
Ingerat an medios sese moriturus in hostes ,
Ut populi caput Hesperii , Ductorque Senatus
Summo in honore cadat felix , Stygiasque per undas
Maxima Romani descendat nominis umbra :
An speraret adhuc , atque ultra fidere fati
Aufoniis , tantoque velit superesse dolori.
Decepit tandem fiducia vana futuri
Successus miserum , pulchrumque excussit amorem
Mortis : ut Emathia , caput oblatura superbo
Victori , Magnum spes dira fefellerat olim.
Hos animo casus volventem concitus aufert
Scipiadem ex acie sonipes ; cum territa passim
Agmina coeperunt toto discurrere campo ;
Cedentesque equites tutas petiere latebras
Montibus Uzzitæ : peditum pars magna petebat
Castra Jubæ , si forte brevem præstare salutem
Defessis alti poterant munimina valli.
Sed postquam se deceptos , & castra cruentis
Cæsareis possessa vident , tum tela cohortes

360 *SUPP. LUCANI. LIB. III.*

Victæ projiciunt, & inermia brachia tendunt.
 Sed nihil (ob rabies civilis dira furoris)
 Profuit heu miseris submissio. Cæde nefanda
 Sternuntur, quamvis gladios inhibere fuorum
 Contendit Cæsar frustra, & clamore furentes
 Increpuit magno, Cives nunc esse memento,
 Non hostes, miles; partum virtute triumphum
 Cur feritate nova maculas? hæc sanguine fero
 Quam paris invidia est plus quam victoria nobis.
 Sæpius hæc mœstus clamat; pars nullaque belli
 Civilis tum Cæsar erat. Sed perdere cives
 Quæ toties poterant, non jam servare valebant
 Jussa Ducis. Jugulant miseranda cæde cohortes
 Scipiadæ, strictisque odium mucronibus explent
 Invito Duce Cæsarei. Et qui jussa per annos
 Tot Ducis implessent magni crudelia semper,
 Nunc solum, cum justa dedit mandata, rebellant.
 Jam vero ingentem pro Cæsare fata ruinam
 Sparssissent campis, & testæ cadavere tota
 Planities funesta jacet. Tandemque sequendo
 Defessas Cæsar revocans ad signa cohortes,
 Prospera divitiis Regum certamina donat.





LIBER QUARTUS.

ARGUMENTUM.

Juba & Petreius se mutuis vulneribus interficiunt. Scipionis & Catonis fata describuntur.

NON funesta tamen clades quas fecerat omnes
Terra capit Thapfi ; tantæve jacere ruinæ
Angusto potuere loco. Quot fata per oras
Thapfiacæ spargent ingentia vulnera pugnae ,
Ne non diversis famam regionibus olim
Funera tantorum faciant divisa virorum !

Rex Juba Petrejo & paucis comitantibus urbem
Ad Zamam imperii sedem , qua pignora cara
Uxoresque suas , gazasque reliquerat omnes ,
Advenit infelix. Sed jam clausere rebelles
Zamenfes Regi portas , victoque negarunt
Introitus , odium sævi crudele tyranni
Ausu fortuna tandem pereunte fateri.
Nil precibus , mixtisve minis , vultuve moventur.
Perdita majestas victo ; penditque prioris
Jam Juba sævitiae poenas. Oh fera tyranni
Cognitio ! dum regna manent , se nescit amatum
Invisumve suis. Affectus sola latentes
Servorum pandit Fortuna adversa : sed illa ,

Quæ post regna venit, cui nulla potentia juncta est,
Cognitio torquet miserōs; nec reddere grates,
Nec licet ulcisci. Seros (& non nisi tantum
Ut doleant) oculos aperit Fortuna tyrannis.

Exclusi rapido fugiunt per devia cursu,
Et Villam, paucis equitum stipantibus, intrant
Rex Juba Petrejusque simul. Tum fessa quiete
Corpora componunt stratis, ægrosque per omnes
Devolvunt animos casus, solamina donec
Ultima lassatis ingens audacia præbet.

Continuo instaurant epulas, plenisque Lyæo
Discumbunt mensis. Postquam compressus edendi
Est amor; intrepido tandem sic inchoat ore,
Petreiumque toris Juba Rex affatur ab altis:
» EN ROMANE vides quo nos Fortuna redegit:
» Sola relicta salus clementia Cæsaris; at non
» Nos duo tam fuimus temnendi Cæsaris hostes,
» Adversusve illum tam innoxia gessimus arma,
» Ut veniam liceat salvo sperare pudore,
» Oblatave frui. Quæ non dant arma salutem,
» Dent libertatem nobis. Me certa manebit
» Libertas ferro; nec dignam credere vitam
» Hanc possum votis, ut supplice Rege superbus
» Intumeat Cæsar; nec quem vidisset honore
» In summo forsan (si vel Pompejus in arvis
» Thessalicis olim, vel nostris Scipio terris
» Vicisset) me jam captivum Roma videbit,

» Regia præbentem ridenda Quiritibus ora
 » Ante triumphantes currus, ut victa Syphacis
 » Atque catenati traxerunt colla Jugurthæ.
 » Nec Juba ridendum, nec erit miserabile nomen
 » Cæsareis. Non corda mihi, non tela, manusve
 » Ad lethum defunt: sed te, Petreje, supremæ
 » Participem facio famæ, mortisque decoræ.
 » Causa reos eadem junxit, fortunaque victos;
 » Nunc eadem virtus morientes jungat utrosque.
 » Stringe enses, & mecum pariter nunc utere dextra.
 » Quæramus pulchram per mutua vulnera mortem,
 » Et libertatem citius quis donet amico
 » Contendat feralis Amor». Petreius ense
 Sic breviter stricto: »LIBYCORUM maxime Regum,
 » Cujus honoratum per sæcula nomen habebit
 » Aufonia, hanc laudem cui me debere fatebor
 » (Nec pudet Hesperium Ductorem discere, tanto
 » Rege docente, mori) Latius gaudebit honore
 » Hoc Genius, ne te captivum Roma videret,
 » Quem libertates nostras legesque tuentem
 » Laudavit toties, focique infamia Regis
 » Cæsaris injustos posset decorare triumphos.
 » Roma Jubæ, sicut Masinissæ, nomen amabit;
 » Nec meliore nota signabit Cæsaris acta
 » Quam Catilinæ olim, & diri consulta Cethegi.»
 Dixerat, & totis concurrunt viribus ambo,
 Grataque dant, referuntque per ictus vulnera crebros.

Crederet hoc quisquam , tanto conamine , tanta
 Pugnatum virtute mori , non vincere ? tandem
 Petrejus cecidit. » RETINE , Petreje , parumper
 » Festinantem animam, clamat Juba, dum comes umbræ
 » Umbra tuæ hoc gladio ad Stygias demittitur undas.
 » Quis regni posthac confidet viribus ? aut quem
 » Gloria decipiet sceptri , foliive superbi
 » Lubrica majestas ? Cunctis desertus ad umbras
 » Nudus eo , nuper Libyco Juba maximus orbe.
 » At vobis , populi infidi , & tibi , Zama rebellis ;
 » Sit Latium precor usque jugum grave , perfidiamque
 » Hanc vestram domino domino pejore luatis ».

Tunc iterum gladio pectus ferit ; evolat acer
 Spiritus , æternæque oculos claufere tenebræ.

Ecce alios luctus , aliudque per æquora funus
 Nobile Thapfiacis Fortuna vehebat ab arvis.
 Scipio Dux belli tanta de clade superstes
 Non dedignatus parva tentare carina
 Et sola Libycum pelagus , properabat ad oras
 Hispanas , ubi Pompeji civilia cogunt
 Rursus in arma viros ; sed tempestate repulsus
 In portum Hipponis vehitur. Se Scipio sentit
 Cum nave amissum ; nec portum evadere vento
 Opposito licuit. Clara tum voce dolorem
 Testatus clamat : » PELAGUSQUE ipsæque Procellæ ,
 » Et conjurati pugnant pro Cæsare venti.
 » Oh utinam Thapso cecidissem , strage virorum
 » Mixtus ;

» Mixtus ; nec tanto placuisset vita superstes
 » Imperio , (Ductor summo Romanus honore
 » Ad Strygias venissem undas ,) aut ante tulisset
 » Hanc male servatam potius Pharsalia vitam ,
 » Quam Thapso infelix duxissem bella Senatus ,
 » Ultaque Scipiadem vidisses Africa victum .
 » Vos claræ majorum animæ , quos Africa sensit
 » Sæpe triumphantes , ut cum Carthaginis altæ
 » Excidio , captusque Syphax , claraque fugatus
 » Annibal ex acie restantur , fata Nepotis
 » Ne pudeat vestri , miserandaque bella videre .
 » Nam neque me Libye vicit : sed viribus ipsa
 » Scipiadem , seseque suis hic Roma subegit .
 » Cum patria a patria vincor moriorque cadente
 » Libertate libens , Misere hunc Numina ventum
 » Adversum , ut morerèr , ne spe delusus inani
 » Optarem forsan tanto superesse dolori .
 » Hispanas iterum Romana ad prælia gentes
 » Pompeii cogant juvenes , legesque requirant ,
 » Et libertates : mea tunc fortuna peracta est .
 » Et quanquam hæc armata manus testabitur orbi
 » Me terra potuisse mori : placet æquore mergi ,
 » Ignotumque illic funus per sæcla manere .
 » Oh nunquam veniat fluitans ad litora truncus ,
 » Ne Libyca condatur humo ; victique futuris
 » Scipiadae ostendent monumenta nepotibus Afri !
 Tunc latus ense fodit , nec eo contentus in æquor

Profilit ; emissi spargit pars transra carinæ
 Sanguinis ; æquoreos tingit pars altera fluctus ;
 Migrantique animæ fatum non sufficit unam.
 Demersum monstros jacet , eheu ! præda marinis
 Nobile Scipiadæ corpus , nec colliget urna
 Flebilis hos cineres ; nec tanto nomine dignas
 Exequias tibi Roma dabit ; passivæ capillis
 Scipiadem , extremum generis , lugebit adeptum.
 Agmina de campis passim fugientia cunctas
 Implessent magnis Libyæ terroribus oras.
 Præfidiis tum forte Uticam Cato nobilis urbem
 Aufoniis tenuit ; qui nota clade Senatus
 Scipiadæque fuga , victorem arcere parabat ,
 Hortaturque suos alacer defendere muros.
 Sed frustra ; heu nimium trepidantia pectora sensit !
 Et victum fama non visi Cæsaris agmen.
 Tum Cato militibus vultu immutatus eodem
 Ignovit pavidis. Ulro fugieffibus ipse
 Prospexit , classes portu contraxit ab omni
 Vicino , remosque dedit properantibus aptos.
 Cunctorumque , suam quamvis projecerat ipse ,
 Non dedignatur Ductor curare salutem.
 Solatus cives Uticæ , & trepidantia verbis
 Pectora confirmans placidis , quam certa superfit
 Spes illis veniæ , victis clementia quanta
 Cæsaris , edocuit. Talis cupit ipse videri
 Civibus , aut qui non donatam a Cæsare vitam

Sperneret. Illum etiam , cui non durissima virtus
Affectus celare suos permiserat unquam ,
Quem nullus simulare timor docuisset , aperto.
Vel deflexisset rigidi de tramite veri ,
Tandem mortis amor cogit simulare Catonem.

Orbarant homines jam luce silentia noctis
Inque vicem fessis donarant regna quietem ;
Cum gratos cuncti , quos cura dolorque sinebant ,
Carpebant somnos : sed non tranquilla Catonem
Exemit virtus curis mortalibus , alto
Ut jaceat somno oppressus : sed libera mentis
Erigat ut se vis , contempleturque futura
Sæcula , & æternos vitæ immortalis honores.

Ante tamen contemplatrix quam dogmata veræ
Scrutari possit Sophiæ , moralibus apte
Præceptis purganda anima est ; prius ejiciendi
Affectus pravi , cunctæque e pectore fordes ,
Ira nocens , & luxuries , & foeda libido.
Hos igitur motus animi (purgantia sicut
Corporis humores pravos medicamina tollunt)
Moralis plene educat Medicina , priusquam
Divinum , summumque bonum scrutariè ausa
Sit contemplando , ne densis pressa tenebris
Mens erret cæca , & vitiis decepta fatiscat.
Sic longa virtute fuit mens sancta Catonis
Purgata ; atque illi vitæ immortalis honorem
Jam contemplanti divini fata Platonis

Phædonem tradunt ; cum lætus talia fatur :

- » SALVE sancte liber Superis demisse Catoni ;
 » Dirige tu cursum , vitæque extrema meantis
 » Instrue ; non aliū moriturus quæro magistrum ;
 » Nec restare alias voluerunt Numina curas.
 » Jamque mori certo liceat mihi discere , quid sit
 » Mors , quid vita fuit , quid erit ; num nulla futura est ;
 » An vivant animæ post funera : præmia justis
 » Quæ restent : quæ sacrilegos vindicta manebit ».

Dum contemplatur , mentis se libera tollit
 Nec turbata acies , abstractaque corpore vires
 Exercere suas contendit pura facultas.
 Tunc volitans excelsa petit , nimiumque remotæ
 A terris , quo non oculi , non organa sensus
 Corporei penetrare valent , fulgentia cœli
 Corpora scrutatur ; nec eis contenta , requirit
 Splendoris fontem cuncti , lucisque beatum
 Principium , æternique Dei vestigia adorat.
 Hæc magis atque magis cœlestia discere tentat
 Contemplans anima : at cæcis obducta tenebris ,
 Et depressa gravi connexu corporis , ipsa
 Se non posse videre videt. Solatia sola hæc ,
 Quod meliore frui post mortem lumine sperat.
 Immortalem animam spes hæc probat : aut tibi frustra
 Spem dedit omnipotens : frustra te jussit amare
 Quæ nunquam poteris cognoscere , cur sapientes
 Dum terris vivunt spernunt terrena , nec aurum ,

Regna , voluptates quærunt , quæ sola videntur
 Splendida : sed quæ non cernunt cœlestia tantum
 Depereunt , si non cœlestia gaudia tandem
 Exciperent ; sed non illuc ascendere possunt
 Corpora , quæ gravia , & terrenis mixta creantur
 Principiis , in quæ tandem resoluta redibunt ,
 In terramque cadent. Animæ est cœlestis origo ,
 Igneus atque vigor , substantia pura , sui que
 In toto similis ; variis nec partibus illa
 Composita est ; ideo nullo dissolvitur ævo ;
 Sed sibi corporeo laxata a carcere vivit.
 Felices posthac animæ , quas corpora nullis
 Fœdarunt vitiis nullaque libidine morsas
 Detinuere olim , quæ , dum sub carne latebant ,
 Contemplatrices abstractæ a carne volarant
 Sæpius ad cœlos , cœlis post fata quibuscum
 Fœdera sanxerunt viventes sacra , locantur ,
 Æternaque illic lætantes luce fruuntur :
 At tenebrosæ animæ , nimium quæ carnibus olim
 Demersæ jacuere suis , queis tetra libido
 Atque voluptates , solum quas sensus alebat ,
 In terris notæ , posthac de carne solutæ
 Aspectum cœli , cum quo commercia nullæ
 Viventes habuere , timent , nec luce fruuntur :
 Sed tenebris dilecta nimis prope corpora semper
 Ferales errant umbræ , mœstæque sepulcra .
 Bustaque fœda colunt. Hinc noctu spectra videntur.

Quæ terrent homines , animæ sunt ista malorum ,
 Quæ , quoniam crassæ sunt , corporeæque , videntur.
 » QUAM DIVERSÆ (inquit) restant post funera fortes !
 » Credo equidem , divine Plato , te dogmata vera
 » Hæc ipsum docuisse Deum. Deus ipse sequendam
 » (Aut Natura homines ratioque innata fefellit)
 » Proposuit virtutem , & præmia debita justis.
 » Hæc , quoniam justos injusta potentia fraudat
 » Sæpius in terris , & gens humana rebellat ,
 » Solvere post mortem justissimus ipse tenetur ».

Funera non metuit sapiens suprema ; nec illi ,
 Qui contemplando toties super astra levavit
 Carnoso abstractam penitus de carcere mentem ,
 Corporis atque animæ faciens divortia tanta
 Quanta homini licuit , mors formidanda venire
 Aut ignota potest. Nam mors divortia tantum
 Plena hæc , quæ sapiens toties optasse videtur
 Et toties tentasse , facit , Superosque petenti
 Libertatem animæ claustris concedit apertis.
 Si sæpe impatiens vitam projecit amator ,
 Atque manu pectus propria perfodit , ut umbra
 Defunctam Stygias sponfam sequeretur ad umbras.
 (Qua tamen haud illo conceditur orbe potiri)
 Num sapientum animæ summi quæ gaudia cœli
 Depereunt , verique boni capiuntur amore ,
 Quo nequeunt in carne frui , de carcere tandem
 Corporeo solvi , claustrisque exire recusent ,

Cum Deus ipse foras aperit, licitamque meanti
Dat Natura viam. At donec Deus ille creator,
Qui terrena animam primo statione locavit,
Evocat, haud illa statione excedere fas est.

Hic dubitans hæsit paulum Cato. » NON DATUR ergo
» Sponte mori victis (inquit ;) nec obire Catoni
» Dum dabit injustus victor mandata, licebit ?
» Cæsaris expectem gladios, atque in caput istud
» Jus illi agnoscam, Superi ? Dominumque fatebor
» Esse meum, quem Roma suum decreverat hostem,
» Quemque ego damnaram. Num justam injusta dederunt
» Bella potestatem ? non sic, oh Numina certe
» Humanas placuit vobis confundere leges,
» Et dare jus sceleris. Sed si non sponte Catoni
» Projicere hanc lucem fas est, at crimine vitam
» Grandius est retinere nefas. Quam grande putarem
» Esse nefas nobis, turpem producere vitam
» Cæsaris imperiis, & regna injusta probare !
» Quam Romæ damnosa forent exempla Catonis !
» Pompeii juvenes, qui nunc ad prælia gentes
» Hispanas armant, patriæque impendere vitas
» Non dubitant, justæ posthac non credere causæ,
» Sed pulchris fortasse volunt desistere coëptis,
» Nec libertatem per tanta pericula, per tot
» Ærumnas quærent, cum nobis regna probentur,
» Et non displiceat duro servire Catoni.
» Ah potius fragilem hanc sit fas abrumpere vitam,

„ Quam te , Libertas , violam. Sed Numina si te
 „ Nunc tandem jussere mori , tua funera saltem
 „ Prosequar , & Strygias liber comitabor ad umbras,
 „ Non ultra dubitare licet. „ Tunc pectora dextra
 Nuda ferit , moriensque cadit ; morientis ad ictum
 Undique concurrunt famuli ; labentia tollunt
 Membra viri , vulnus refovent ; mortique quietem
 Eripiunt tantum , dum , quam projecerat ipse ,
 Tanto animo , heu frustra , contendunt reddere vitam.
 Impatiens lucis propria Cato vulnera dextra
 Dilacerat : mortemque docet non posse negari !

Cæsar Thapsiaca victor de clade reversus
 Tendit Adrumetum , cum jam victoria passim
 Securum præstabat iter. Non arma , nec ullæ
 Insidiæ claufere vias. Ignoscit ubique
 Supplicibus : cum nulla videt restare pericla ,
 Tutæque fortuna facta est clementia tanta.
 Indo Uticam advenit Cæsar , fatoque Catonis
 Audito ingemuit ; questusque , „ OH INVIDE, dixit,
 „ Cur odio moreris nostri ? vitamque relinquis
 „ Ne non Cæsareæ bonitati injuria fiat ?
 „ Heu tibi crudelis nimium moriendo fuisti ,
 „ Ut moriendo mihi posses crudelior esse.
 „ Durior interitu , quam vita armisque fuisti ,
 „ Hostis es ; atque odium nostri , quod sanguine nostro
 „ Non potuisti unquam , voluisti sanguine saltem
 „ Nunc satiare tuo , teque ipsum impendere damno

- » Cæsaris. Evitas nostrum , crudelis , amorem ,
 » Ut luctum facias. Mihi quid clementia prodest ,
 » Cui non Romani dubitant præponere mortem ?
 » Infelix Magnus sese committere fraudi
 » Barbaricæ potius quam nostro elegit amori.
 » Sed tamen ille suas sperans reparare ruinas
 » Auxilium infido , non mortem , a Rege petivit ,
 » Quam tamen invitus subiit. Tu sponte peristi
 » Invidiam facture mihi. Sed detrahet illam
 » Invidiam , & spes injustas clementia vincet.
 » Deflebo funus , natumque amplectar honore ;
 » Nec me crudelem victo fore sentiet Orbis ».

Dans veniam Cæsar timidis Uticensibus , agmen
 Defessum reficit , paulumque moratus in urbe
 Munimenta videns , circumspicit undique latam
 Planitiem. Prope silva stetit (regionibus illis
 Rara nimis) non ampla tamen , quam lentus alebat
 Bagrada , qui fccas illic connectit arenas.
 Horrida silva fuit , conjunctis aëra ramis
 Obscurum & tristes exclusis Solibus umbras
 Complectens : nemus hoc ingressus Cæsar opacum ,
 Antrum immane videt nigro squalore repletum ,
 Et marcente situ , quem nox ibi longa creasset.
 Infecit gravidas erumpens halitus auras.
 Attonito terrore loci , tandemque roganti
 Rem notam populis astans Libys incola narrat.

- » HÆC, Cæsar, multos jam non habitata per annos
 » Antra immensa olim monstrum exitiale tenebat,
 » Pestis, & ira Deum, serpens cui sæcula nulla
 » Produxere parem terris; non tanta palude
 » Lernæa tumuit reparatis anguibus hydra;
 » Nec qui poma draco custodiit aurea; nec, quem
 » Servantem vigili Phryxæum lumine vellus
 » Somniferis tandem domuit Medea venenis.
 » Nec tu Phœbeis Python confixe sagittis
 » Tantus eras, populis species incognita primis.
 » Serpente in tanto potuisset Gorgonis omne
 » Absumi virus; Libycis nec majus arenis
 » Hoc monstro, semen si defluxisset in unum;
 » Pestiferæ tabes generasset tota Medusæ.
 » Tam longum sese (centum porrectus in ulnas;
 » Quippe fuit) volvit serpens per fluminis undas,
 » Ut quoties gyris distendit terga solutis
 » Adversa prædam potuit deprendere ripa.
 » Sæpe illic tigris spumantes oblita rictus,
 » Atque cruentati taurorum cæde leones
 » Flumina dum libant, monstri conduntur in alvo.
 » Atque utinam his tantum prædis contenta fuisset
 » Ingluvies; periire homines, quicumque per æstum
 » Umbrosæ fessi petierunt tegmina silvæ,
 » Aut quicumque istos, adverso numine ducti,
 » Advenere viri gelidos haurire liquores.

- » Nam simul ac nigro serpens caput extulit antro
 » Horrendus, totamque implerunt sibila silvam,
 » Attonitos timor invasit; non ulla salutis
 » Spes manibus, non ulla fuga. Deprendere prædam
 » Distendit subito toto se corpore serpens:
 » Sæpius in flumen, monstrum vitare nefandum;
 » Defiluere viri: sed non præstare salutem
 » Flumen eis potuit. Nantes correpsit in undis;
 » Nec mergi licuit miseris, pejora manebant
 » Fata illos, monstri obscœna conduntur in alvo.
 » Sic impune diu silva grassatus in ista
 » Egressus tandem est, & se ad majora paravit.
 » Quid pecudum strages, quid singula fata virorum
 » Persequar? haud vacat hic privatas dicere clades.
 » In populos furit, & totis cum gentibus atrox
 » Bella gerens, ausus Romana lacescere castra est:
 » Cum primum turmas Libyes ad litora duxit
 » Regulus Aufonias, & in his confederat arvis;
 » (Quis mihi de tanto credet certamine) solus
 » Invasit totas acies. Exercitus ille,
 » Qui sibi promisit Libyæ, & Carthaginis altæ
 » Imperium, quem tot gentes, mundi que timebat
 » Tertia pars, uno vix se defendit ab angue.
 » Dux capere arma jubet, nec solis ensibus illic,
 » Aut pilis, sed balistis, quæ moenia summa
 » Et tûres quaterent, monstro nova bella parari.

376 SUPPLEMENTUM


- » Protinus insonuere tubæ ; tunc erigit alte
- » Se , dirumque caput serpens attollit in auras
- » Undique despiciens campos , tantusque videtur
- » Quantus is est geminas coelo qui dividit Arctos.
- » Tunc asper sævit ; Stygias de gutture diro
- » Exhalans nebulas , & flammea lumina torquet.
- » Squamea cum volvit sublatum terga , putares
- » Excelsum ad pugnas castellum sponte moveri.
- » Distantum longe subito se immittit in ora.
- » Hos morfu , afflatu necat hos , hos tollit in altum ,
- » Ut casu interimat miseros ; totasque cohortes
- » Sternit humo , latas cauda dum verrit arenas.
- » Consternuntur equi passim , frænisque rebelles
- » Invitos sævi dominos serpentis ab ira
- » Dum fugiunt campo portant. Cessere manipuli ,
- » Tergaque vertissent (si fas est credere) cuncti ,
- » Ni tandem valido contortum hastile lacerto ,
- » Dum sese arrectu tollit , sub pectore diro
- » Hæsisset. Fluxit sanies de vulnere nigra.
- » Horrendum immugit tum primum vulnera passus
- » Longævus serpens , caudaque flagellat arenas
- » Iratus ; cuncti clamorem ad sidera tollunt ,
- » Speque alacres validis mittunt per inane lacertis
- » Undique pila. Ferit pars magna innoxia tergum
- » Squamosum monstri , crepitantque sonantia tela ,
- » Ut sonat æstivus salientis grandinis imber ,

- » Tegmina tectorum feriens. Hastilia quædam
 » Fortunata magis maculoso vulnera ventri
 » Infigunt. Solus levibus penetrabilis illi
 » Venter erat telis. Nigro humectantur arenæ.
 » Sanguine serpentis, foecundæque ante venenis
 » Gorgonea de tabe, novo nunc semine tristes
 » Concipiunt iterum pestes, & monstra nefanda.
 » Nec minus iratus serpens, tantique doloris
 » Impatiens, sævit campis, & corpora letho
 » Prosternit. Levibus necquidquam prælia pilis
 » Aut jaculis tantum tentasset miles in hostem;
 » Robore ni tandem demissa Phalarica magno
 » Immenso spinam fregisset pondere dorsi.
 » Tum fractus vires, & tanto languidus ictu
 » Decubuit. Solito non sese attollere nisu
 » Jam potuit, patulo tantum minitatur hiatu,
 » Et nebulas læsis expirat faucibus atras
 » Sic quoque lethalis, tandem stridore per auras.
 » Tormento volitat trabs acta, caputque nefandum
 » Discutit, & cerebro nigras dispergit arenas.
 » Horrendus tandem serpens tot jugera magno
 » Ventre premens, ipsa metuendus morte jacebat».

Postquam oculos silvæ miracula tanta vetustæ
 Cæsaris impleffet, Utica discessit ab urbe,
 Et victi per regna Jubæ victricia ducens
 Agmina, regalis famosa ad moenia Zamæ

Pervenit. Ducis hic Petreii animosa Jubaëque
Funera cognoscens , animo tam tristia fata ,
Fortunæque vices summæ miseratur amaras.
Tunc urbe exceptus Zamenfes laudat , & illis
Præficit imperio Crispum. Maurusia tellus
Romula de tanto facta est provincia regno.
Inde Uticam remeans , ventis dans carbasa , Sardon
Appulit , atque illa paulum tellure moratus ,
Tutus ad Ausoniæ pervenit litora Cæsar.





LIBER QUINTUS.

ARGUMENTUM.

Triumphus Cæsaris quatuor continuis diebus. Templum Veneri extructum. Pompeii Juvenes bellum in Hispania renovant.

ROMULEAS arces celeri victoria fama
Cæsaris intrasset. Fictis certare parati
Obsequiis complent Phœbeia palatia Patres.
Atque quater denis (quamvis devicta sit ipsa
Illo Roma die) decernunt vota diebus.
Cæduntur tauri , gratoque altaria ture
Cuncta calent. Néc tot sunt templa ornata coronis ,
Cum Latio audita est olim victoria felix
Scipiadaë , & fusus Zamenibus Annibal arvis.
Aut cum Teutonicis intravit moenia victor
Exuviis Marius. Non plus felicibus armis
Externisve unquam lætata es , Roma , tropæis ;
Quam nunc amissa pro libertate triumphas.

Tum iusto , meruit quem Gallia victa triumpho ,
Dilatoque diu , jungunt decreta Senatus
Tres alios , veteres ut possit Cæsar honore
Obscurare Duces ; pompasque excedere cunctas ;
Utque triumphales utroque a cardine lauri

Ornarent pariter currus : Australibus illa
 Splendida divitiis , Boreæ generosior ista
 Robore & exuviis : ut pictis mixta Britannis
 Agmina Niliaca incedant , ut sole perustos
 Mazaces albo comitentur corpore Suevi :
 Ut Galli Armenis juncti , Maurisque Sicambri
 Spectentur pariter populis : longeque remotæ
 Tot possint gentes , & quas commercia nunquam
 Junxissent , Latiis junctæ nunc ire catenis ,
 Communemque simul victæ deflere ruinam.
 Ut cunctos pariter fontes , captivæque Tibris
 Flumina Cæsareis videat depicta tabellis.
 Inde catenati lugens Germania Rheni
 Fata sui sedeat : Nilus septemfluvius illic
 Cornua fracta gemens : frænato ut gurgite Gallis
 Inde suis Rhodanus , Mauris hinc Bagrada ploret.
 Nec majorem ullo sese urbs Romana triumpho
 Fortunamque suam potuisset cernere , si non
 Ipsa triumphatæ partis pars magna fuisset.

Tot clarus titulis , tot bellorumque superbus
 Exuviis , Tyrio Cæsar spectabilis ostro
 Moenia sublimi intravit Romana triumpho ,
 Quadrijugis vectus niveis , quos pascua mittunt
 Clitumni læta , & sacraë victoribus undæ.
 Dicito Calliope , quot gentes quattuor illis
 Quos Ponto , Ægypto , Libye , Gallisque subactis.
 Ducebat Cæsar , spectabat Roma triumphis.

Quam diversa fuit facies , quam corpore toto ,
 Ornatus populis varius , quam dissona lingua ,
 Dum fluviös tabulis pictos , dum facta metallis
 Oppida , bellorum series , diversaque pugnae
 Tot genera ostendit ; varie & fabricata ministri
 Arma , Ducum exuvias , argenti pondera & auri ,
 Captaque magnorum portant diademata Regum.
 Sed si non tantæ dignaris singula pompæ
 Dicere Calliope , saltem miserabile magni
 Vercingetorigis fatum reticere putato
 Esse nefas , quem bellantem tot viderat annos
 Gallia , collatis toties cum Cæsare signis ,
 Et toties renovantem acies proavita tueri
 Jura , jugumque suis Romanum avertere Gallis.
 Hic , quem dura Ducis nimium sententia morti
 Damnasset , residens indignabunda pheretro
 Dejecit ora : tegit frontem diffusa minacem
 Cæsaries ; diis iratus , vitamque perosus
 Captivam , domini gladios optare videtur.

Ecce alia in Phario facies miseranda triumpho
 Corda movet vulgi. Incessit Regina catenis
 Arfinoë , passis per candida colla capillis ;
 Et teneras , modo quæ gessere Ægyptia sceptrâ ,
 Auratis palmas manicis religata tenebat.
 Quamvis Arfinoën non hic sententia mortis
 Dura manet , parcit clementia Cæsaris illi :
 Aut donat victor , Cleopatraz captus amoræ

Germanæ veniam, Phariamque remittit ad aulam.
 Heu quantum, Cleopatra, tibi, si capta perisset
 Hic soror, abstulerat crimen Fortuna futurum !
 Nam miseræ Arsinoë donatam a Cæsare vitam
 Crimine majori posthac soror impia tollet.

Maxima sed populi subiit miseratio mentes,
 Cum videre Afro pueri captiva triumpho
 Ora Jubæ; cujus Libyco rex maximus Orbe
 Nuper erat genitor, qui tot modo regna, tot urbes,
 Tot populos lata tenuit ditione remotos.
 Quis latius, miserande puer, tam obtusa gerebat
 Pectora, quem tua non ætas innoxia movit ?
 Aut quis te tanto dejectum culmine regni
 Immerita hostili præbentem colla catenæ
 Non mœrens animo vidit ? sed cæca futuri
 Mens hominum. Felix, quæ tam miseranda videtur,
 Sors tua, Magne puer; vinclis felicior istis
 Es Juba, quam magni maneant si regna parentis,
 Et stet firma tuis tellus Maurusia sceptris.
 Illa dies quæ te captivum fecerit, illa
 Transtulit in melius (quis crederet ?) illa futuræ
 (Tristis visa licet) posuit fundamina famæ.
 Moribus Aufoniis primis nutritus ab annis,
 Barbarie exutusque, tuo felicia posthac
 Tempora constituens orbi, moderamine justo
 Commissas olim regni tractabis habenas.
 (Nam te post casus tantos ad culmina regni

Evehet Augustus Cæsar , folioque locabit.)
Præterea excultus studiis , miranda relinques
Ingenii monumenta tui , calamique perennis
Docti fama tibi per sæcula cuncta manebit.

Sed non Pharnacis captiva Quiritibus ora
Armeno potuit Cæsar monstrare triumpho.
Ille fuga evasit. Vehitur fugientis imago ;
Et VENI , VIDI , VICI , tria verba superbo
Portantur curru totum narrantia bellum.

Romanos animos , plus quam spectacula viva ,
Tristitia fata Ducum tabulis depicta movebant.
Illic mœsta videt civilia vulnera Roma ,
Et proprias luget clades ; illic sua quisque
Funera Romanus , cognataque damna recenset.
Inter Barbaricas strages , & funera Regum
Extera , magnates Libyæ , cæsosque per Alpes
Gallorum procures ; proprio qua pingitur ense
Rex Juba transfixus convivia mœsta cruentans ,
Demersusque sui Nili Ptolemæus in undis ,
Monstrantur Latiae mortes , absumptaque bellis
Maxima Cæsareis Romanæ nomina gentis.
Hic cum Rege Juba Petreius , Afranius illic :
Illic Torquatus moriens , hic Sylla jacebat.
Nec procul hinc oculis agnoscunt flentibus ora
Scipiadae , puppi jam defilientis ab alta.
Te quoque , sancte Cato , fodientem viscera dextra ,
Et properanti animæ lacerantem vulnera cernunt.

Verum inter procerum tot mortes una tacetur.
 Nec tabulæ mœstis monstrare Quiritibus audent
 Flebile Pompeii fatum, ne tanta triumphos
 Tristaret clades. Sed mors ea sola relicta.
 Quæ tum præcipue populo expectata fuisset,
 Altius infixæ est quærentibus, & bene cuncti
 Jam sine picturis Magni miserabile lethum,
 Et seriem tantæ possunt memorare ruinæ.

Quis numerare queat variæ spectacula pompæ?
 Quot campis ludi? nova quot certamina circo
 Spectentur populis? quantoque madescit arena
 Sanguine nobilium dat quas Hyrcana ferarum
 Silva, aut monstriferis nutrit Getulia campis?
 Quin & nocturnæ præfulgent undique pompæ,
 Delectantque, parat cum post spectacula Cæsar
 Nocte redire domum toto famulante Senatu.
 Cum mediam cernunt elephantes ire per urbem,
 Et lucem gestare: forum via lactea visum est:
 Tot simul accensis elephantum terga micabant
 Ignibus, atque ibant cœlestibus æmula signis.

Nec tantas victoris opes spectacula vana
 Testantur solum: sed duratura per ævum
 Exurgunt opera, & sæclis miranda futuris.
 Nam templum Veneri, domus a qua Julia nata est,
 Aut pius, aut tanta sublatus origine Cæsar
 Magnificum extruxit, spoliisque ornavit opimis.
 Ut formosa Venus tanto videatur honore

Plus Jovis uxorem, & Tritonida vincere, quam cum
 Aurea poma illi nemorosæ in vallibus Idæ
 Judicium Paridis Priamo fatale dedisset.
 Plusque Dioneæ veneratur numina Mundus,
 Quam vel Junonem vel Pallada: dignius orbi
 Nomen Iulææ censetur stirpis origo
 Quam superum Regina, aut vertice nata Tonantis.
 Interiora auro radiabant limina Templi
 Marmorei, auratæque trabes, cælataque multa
 Arte micant simulacra Deum, & spirantia signa.
 Hic Troja antiqua, & Veneris Phrygiique videntur
 Anchisæ thalami, decantatumque poetis
 Frondescit nemus Idæum: quod debuit olim
 Vatibus, hic tantis debet pictoribus Ida.
 Hic torus exurgit mollis, quem mater Amorum
 Progeniem terris, tantosque datura nepotes
 Cum juvene Anchisa quondam Venus aurea preffit,
 Concubitumque hominis pulcherrima passa Dearum est.
 Æneas juxta soboles stat, corpore talis
 Formoso, qualis semper florente juvenia
 Exultat Phoebus: frænata aut Tigride qualis
 Bacchus odoratis curru descendit ab Indis:
 Troius Æneas, cui tantam Musa Maronis
 Donavit felix famam per sæcula, quantam
 Mœonius Graio vates præstabat Achilli.
 Illic eximiæ visa est pietatis imago,
 Cum bonus Æneas, Troja pereunte, parentem

Grandævum attollens humeris, per tela, per ignes
 Hostiles rapuit. Non illi Laomedontis
 Arsuræ curantur opes, non fulva supellex,
 Nec sparſæ paſſim per tanta incendia gazæ:
 Sed genitor, Phrygiiſque Lares, & ſacra Deorum.
 Pone patrem ſequitur fortem formoſus Iulus,
 Unde genus nomenque ſuum gens Julia duxit.
 Condidit hic Albam longam, multoſque per annos
 Imperio rexit. Longo dehinc ordine piſti
 Poſt primum Albani Reges monſtrantur Iulum,
 Donec Iuleam Tullus Rex diruit Albam,
 Tranſtulit & Romæ cives. Hinc ordine rurfus
 Reges atque Duces Latii, Romanaque ſata
 Uſque ad Cæſarei monſtrantur tempora regni,
 Quo vetus Alba iterum Romam viciffe videtur.

Robore ſed quamvis munita potentia tanto,
 Cæſaris, & populi plaufu firmata videtur:
 Nutat adhuc, & plus terris quatietur Iberis
 Quam vel Theſſaliciſ, vel Thapſi triſtibus arvis.
 Maxima adhuc reſtant discrimina, maxima bella,
 Quæ juvenes facient Pompeii nomine tanto
 Non indigna. Truces vicinos Gadibus illi
 Herculeiſ armant populos, Hiſpania ſedes
 Tertia bellorum, & Romani ſcena furoris.

Currit ad occaſus, extremaque litora Mundi
 Jam civile nefas, qua ſeſe Hiſpania pandit
 Ultima. Non ulli populo majora videntur.

(Cum vafus, feffos exacta luce jugales
 Proluit Oceanus) rutilantis corpora Phœbi
 Atque ideo propiora fuâ putat incolæ terræ
 Deceptus, tanquam feſe illic ætheris alti
 Convexum inclinaret. Sed majus ab æquore tanto
 Surgentes reddunt nebulae, denſique vapores
 Objectum & radios oculi diffundere ſueti
 Hinc nonnulla videntur furgente crepuſcula Phœbo
 Nec fugiente. Dies loritur cum Sole, caditque
 Tota jacet coriſſeſpecie diffuſa bovini
 Terra Hiſpana, mari cincta undique, & inſula poenſe
 Facta, niſi gelida quod Pyrenæus ab Arcto
 Mons interpoſitus Gallis diſterminat agris
 Facturum tantis montem divortia terris
 Excelfum poſuit Natura, & vertice coelum
 Equantem ſummo. Nudum eſt, & gramine nullo
 Veſtitum, quod Gallorum præpinguibus arvis
 Objicitur Boreale latuſ: contraque cacumen
 Qua ſteriles terræ campos proſpectat Iberæ
 Frondofum ſilvas denſas, & pascua læta
 Oſtendit, tanquam Galli felicibus arvis
 Divitias mons iſte ſuas conceſſerat, utque
 Veſtiret ſeſe, terras ſpoliarat Iberas.
 Nubiſero, famæ ſi credas, nomina monti
 Pyrene miſeranda dedit. Regnabat in illo
 Monte Bebryx genitor, parvaque excepit in aula
 Hoſpitio Alcidem formoſa armenta petentem

Geryonis. Vifa est Alcida regiam virgo
 Pyrene; placuitque nimis; deceptaque tandem
 Hospitis invicti placido succumbit amori.
 Conjugium Alcides misera; tædasque jugales
 Si modo Geryonis victor remearis ab arvis,
 Promittit; sed fata negant crudelia tædas.
 Nec prius Alcides vincit; quam funere tristi
 Pyrene formosa jacet. Timet illa parentem
 Iratum; nec jam vitiatum pondera ventris
 Ulterius celare valet. Quæribunda pererrat
 Frondosæ latebras; & vasti devia montis;
 Solaque furtivum silvis deplangit amorem.
 Amphitryoniadem falsum; tardumve vocabat;
 Donec plorantis frustra; magnique vocantis
 Herculis auxilium letho crudelior ipso
 Bellua formosæ laceravit virginis artus.

Amphitryoniades tristem Bebrycis ad aulam
 Jam victor rediens; amissa virgine demens
 Et formidandus luctu; per lustra ferarum
 Per juga; perque altæ frondosæ cacumina montis
 Tendeat; sponsæ quærens vestigia caræ
 Pyrenæque suam mœsto clamore vocabat
 Pyrenem silvæ; Pyrenem antra ferarum
 Et curvæ toto resonabant monte cavernæ.
 Ingemuit locus ipse; feræ tremuere; metuque
 Montani latuere fures; nec quærere prædam
 Immanes audent ursi; torvive leones;

Dum

Dum nemore atque jugis graditur Tyrinthus altis,
Sed postquam laceros artus, atque ora puellæ
Deformata suæ cognovit, fata Deosque
Multum incusavit lacrymans. Tunc oscula caris
Reliquiis repetita dedit; supremaque plangens
Funera, Pyrenen tumulavit montibus illis.

» DIRUET hanc (inquit) molem non longa vetustas.
» Famaque tum tua major erit; tumulique ruina
» Augebit tumulum. Toto tunc monte jacebis,
» Ut juga tuta tenet Bacchus Niseia sepultus.
» Mons erit iste tuus. « Consensit fama. Tenentque
Pyrenes isti nomen per sæcula montes.

Pompeii juvenes instructo milite Gades
Linquentes, bellum omne locant, qua pingua Bætis
Culta secans, sua felici dat nomina terræ.
Oppida cepissent primo regionibus illis
Ateguam, atque Ucubin, & nomen clade futura
Funestum Aufoniæ Mundam, & te, grata Camœnis
Corduba, doctorum cunis fœcunda virorum.

Undique Pompeiis vires Hispania mittit.
Hic præter Latias Aquilas, Romanaque signa,
Quæ Varus, duxitque acer Labienus, Iberi
Pugnaces coëunt. Hic trux stat Cantaber, armis
Qui vitam impendit solis, gens nescia pacis
Aut siccæ mortis, ferro prævertere sœta
Imbelles annos: decus esse abrumpere vitam,
Naturæque putant segnem donare senectam.

Augurii sacri , divinarumque peritam
 Flammarum pubem dives Gallecia mittit.
 Callaici veniunt , qui , dempto Marte , laborem
 Non ullum novere viri. Nam semina fulcis
 Injicit , & duro glebas invertit aratro
 Foemina , dum manibus peraguntur bella virorum.
 A Minii ripis patrii venit impiger Astur ,
 Auriferique Tagi fulgentia signa ferebat
 Incola , deciduum consuetus cernere Solem.
 Et Vasco infuetus galeis , & Concanus audax ,
 Qui se Massagetum dura de stirpe fatetur
 Cornipedis consuetus equi potare cruorem.
 Celtiberi , bello qui corpora cæsa fuorum
 Igne cremant , creduntque nefas si forte jacentum
 Exanimis fera vel volucris depascitur artus.
 A ripis rapidi veniunt Sucronis , & omnes
 Hispanæ gentes , quæcunque aut funera Magni
 Ulcisci , aut Latios cupiunt nutrire furores.





LIBER SEXTUS.

ARGUMENTUM.

*Pugna navalis cum tempestate describitur.
Funestum Mundæ prælium. Cn. Pompeius, Varus, & Labienus interfecti sunt.*

EXCIPIT Oceanus civilia bella, priusquam
Hispanas tangerent terras, & tristia Pontus
Pompeianarum gestat præludia cladum.
Qua Tartessiacas extremum litus ad oras
Extendit Libye, Pompeii nomine Varus
Æquora custodit: pro Cæsare Didius illuc
Classibus advenit. Vicinaque litora utrinque
Æquoris angusti belli videre furorem,
Et terris timere suis. Vix pugna coorta est,
Cum variis subito tumuerunt æquora ventis.
Fluctibus insurgit totum mare; plusque pericli
Quam gladii hostiles tempestas atra minatur.
Et Tingitanis primo ruit Auster ab oris,
Corus ab Occiduo pelago, violentus Ibero
Litore surgebat Boreas, & flatibus undas
Reppulit adversis. Variis vexata procellis
Æquora confusos tollunt ad sidera fluctus.
Nil aliud dubio flatu voluisse videtur

Quam turbare mare, & sceleratum abrumpere bellum
 Æolus, aut mediis undis utramque, priusquam
 Sanguine civili madeant, immergere classem.
 Sed rabiem Oceani vicit, ventique furorem
 Bellandi vefanus amor; tantisque ruebat
 Militis impietas ad prælia dira procellis,
 Quantis mercator, quamvis avidissimus, undas
 Æquoreas tentare neget; nec vellera Parmæ,
 Indum ebur, aut rubro pretiosas æquore conchas
 Auderet tali ratibus conquirere cœlo.

Jamque propinquabant classēs, validisque lacertis
 Sulcatas vertere undas, tonfisque secabant
 Excussis: fluctu spumabant cæcula cano.
 Innumeræ pariter tolluntur ad æthera voces.
 Nec jam remorum sonitus, clangorve tubarum
 Audiri poterant: hominum clamore premuntur:
 Sed remos, vocesque hominum, sonitumque tubarum
 Bacchantes venti, tempestatesque sonoræ
 Exuperant. Nimbis pariter jaculisque diurna
 Lux periit, densis & inhorruit unda tenebris.
 Tum rostra haud visis sonuerunt obvia rostris.
 Occurrunt aliæ proprio conamine naves:
 Hostibus objiciunt alias agitata procellis
 Æquora, & invitas forsan concurrere cogunt.
 Navibus elidunt naves, hominumque furori
 Additur ira maris. Cunctos geminata pericla,
 Dissimilesque metus urgent caliginē tanta.

Dum pugnant alii , pelagi farcire ruinas
 Contendunt alii , & propiorem avertere mortem.
 Nec jam pugnantes pro Cæsare Didius audax
 Hortari poterat , nec in ordine vertere classem :
 Non Pompeianis Varus mandata valebat
 Militibus dare : nec voces fragor æquoris ullas
 Jam finit audiri , ventis , fatoque relinquunt
 Omnia , & attonitas classes Fortuna regebat
 Prælia committens. Rostro perfossa carina
 Subsidet , & fatum nescit cui debeat , hosti ,
 An tempestati. Nec sola fragoribus auris
 Terretur : sed nox oculis obducitur atra.
 Nec tamen est tenebrofa fatis : sed tristius illis
 Exoritur lumen tenebris , & fulgura ponto
 Crebra micant , lucisque reposcere regna videntur.
 Quam Sol non potuit depellunt fulgura noctem ,
 Illic dum tumidis forte oppugnatur in undis
 Pompeiana ratis , nec se defendere contra
 Hostiles valet incursus , & capta videtur ,
 Vindicat iratum pelagus sibi : gurgite pinus
 Mergitur , & rapuit victoribus unda triumphum.
 Ast alias jam possessas victore carinas
 Obruit , & cito devictos ulciscitur æquor.
 Contra utramque diu classem Fortuna videtur
 Pugnare , atque odiis vexare hostilibus ambas.
 Finivit tandem dubii certamina Martis ,
 Ostenditque quibus cœli pelagique labores

Ipſa exciſiſſet tantos. Victoria claſſi
Cæſareæ jam plena fuit , quam Didius audax
Erubuit vento aut pelagi debere procellis.

Amiſſam Varus claſſem videt. Obruta ponto
Pars jacuit : pars victores poſſeſſa vehebat.
Reliquias ſecum fugientibus inde carinis
Cartaia ad portum vexit , ratibusque relictis
Emenſus tellure vias , hinc caſtra petebat
Pompeii juvenis. Toto tunc milite fruſtra
Mœnia Pompeius munitæ obſederat Ullæ.

Interea curſu celeri (quo bella ſolebat
Conſicere) Hiſpanas properabat Cæſar ad oras.
Quem Roma egreſſum dena bis luce Saguntus
Excipit , urbs fidei clarum per ſæcula nomen ,
Et crimen quondam Superum. Quod non niſi magno
Deleri excidio potuit Carthaginis altæ.
Urbis ad occiduum nitidis it Duria lymphis
Culta rigans vicina , atque in mare tendit Iberum.
Sed Ducis haud tanti curſum vel Duria tardat ,
Vel rapidæ Sucronis aquæ , montefve coruſci ,
Queis faciunt dites argentea nomina venæ.
Inde rapit curſum flavæ per litora Bætis ,
Et procul egreſſus totis te , Corduba dives ,
Obſidione premit turmis , non ſpe potiundæ ,
(Præſidiis urbem validis nam Sextus habebat)
Sed trahat obſeſſæ ut Pompeium a mœnibus Ullæ.
Quod juxta evenit : namque obſidione relictæ

Pompeius totis sectatur viribus hostem

Jam pugnae cupidus ; sed non certamen iniquo
Cæsar inire loco statuit : verum agmine moto
Progressus , Salsi non magnas transilit undas ,
Atequamque capit subita feliciter arte.

Atequa amissa , veritus Pompeius Iberas ,
Fortuna quassante fidem , ne perderet urbes
Et reliquas , uni properat committere pugnae
Spes omnes , viresque suas , hostemque secutus
Ocyus , ad Mundæ fatalia pervenit arva.
Castra locat tumulo modico , qui desuper omnem
Planitiem late despectat , Cæsaris unde
Ante oculos positas potuit numerare cohortes.

Nulla hic auguria , aut tantæ prænuntia cladis
Prodigia implerant campos aut aëra ; nullæ
Vel per inane faces , vel diræ arserè cometæ.
Non signis examen apum , liquefactave pila
Fulmine ; non volucres , non exta minacia terrent.
Plus tamen hic moerent omnes , metuitque silentes
Turba Deos , tanquam clades immanior omni
Ostento his campis , & inenarrabile damnum
Immineat Mundæ. Tacito portenta timore
Quæ nulli fecere Deum , sibi quisque creabat ,
In Pompeianis per mœsta silentia castris
Ancipites errant animi. Nunc improba vota
Concipiunt , & spes diras , umbrasque videntur ,
Horridaque ante oculos mortis simulacra futuræ

Cernere : lymphata rursus formidine pallent.
 Nec quamvis sperare nimis fortuna vetabat
 Cæsaris , exoptant victas producere vitas.
 Danda tamen venia est illis , cum Cæsaris audax
 Bella timet miles , Latium qui sæpe cruorem
 Hauserat ; & patriæ toties in viscera fortes
 Incipiunt trepidare manus. Exercitus Orbis
 Ille triumphati domitor , victorque Senatus
 Romani , qui tam præceps in bella ruiſſet
 Theſſala , Thapſiacisque ausus prævertere campis
 Jussa Ducis , jam jussa timet , sonitumque tubarum ;
 Nec sibi defuetum potis est celare timorem.

Sed minus ut vulgi pavidos mirere tumultus ,
 Tristis ad hæc Cæsar funestæ prælia Mundæ
 Ipse venit. Consueta deest fiducia , nec frons
 Illa Duci est , ex qua toties felicia belli
 Ante tubas hilaris tulerat præſagia miles.
 Lubrica fortassis mœsto tunc pectore dona
 Fortunæ expendens , quantisque agitata procellis
 Sint humanarum metuenda cacumina rerum ,
 Per tot Magnorum quas fecerat ipse ruinas ,
 Formidare suam discit. Felicia Magni
 Tempora dinumerat ; totque inviolata per annos
 Prosperitas , similisque suæ , Pharsalia donec
 Tam longas evertit opes , in mente recurſat.
 Et Magni casum , postquam fastigia Magni
 Attigerat , jam visa levis Fortuna minari.

Hæc mœste reputat Cæsar, mentemque labantem
 Corripit, iratus tacite; tandemque cohortes
 Alloquitur vultu cæcum celante timorem.
 » BELLORUM COMITES, qui mille pericula, mille
 » Vicistis plusquam Herculeæ virtute labores,
 » En vobis toties truncata repululat hydra,
 » Ultimus hic labor est; infirma atque ultima colla
 » Exerit; hic virtus eadem, quæ prima recidit,
 » Et robusta magis, refecet postrema, nec ultra
 » Crescere civilis permittat semina belli,
 » Quæ post tot clades imbellis Iberia nutrit.
 » Sanciet hæc nobis pacem victoria, totus
 » Exarmatus erit post hæc certamina Mundus.
 » Sed qui sunt, qui bella parant? qui Cæsaris enses
 » Et totidem bellis victricia signa laceffunt?
 » Destituet plebs ista Ducem non sponte secuta,
 » Sed casu. Num Pompeii pugnabit amore
 » Quem non novit adhuc? num vanam nominis umbram
 » Plusquam Cæsareas vires, quas nuper Iberda
 » Vincentes vidit, populus formidat Iberus?
 » At vero si qua est Legio Romana sub armis
 » Pompeii; rudibus constat tyronibus, aut his
 » Qui vobis victi fugientia terga dederunt,
 » Et veterem adducunt secum ad nova castra timorem?
 » Quæ toties victus faciet jam prælia Varus?
 » Hispanisve geret Labienus transfuga plusquam
 » Aut prius Emathiis, Libycis aut gesserit arvis?

398 SUPPLEMENTUM

„Ite , mei comites , belloque imponite finem „
 Dixerat ; at nullo excipiunt clamore cohortes
 Verba Ducis , nec stridentes accendere possunt
 Dejectos animos litui ; conceptave cornu
 Classica ; nec quanquam ad pugnam de colle propinquo
 Decurrunt Pompeiani , procedere campo
 Longius , aut rapido (ut mos est) occurrere cursu
 (Tum primum trepidus) veteranus Cæsaris audet.
 Quod simul ut vidit , magna inflammatus ab ira ,
 „ DESERITISNE Ducem , & faciet nece Cæsaris (inquit)
 „ Vos timor emeritos hodie „ ? Simul arripit hastam
 Ductor , & adversos solus defertur in hostes.
 Obstupuere illi , quibus hæc miracula , miles
 Cæsareus timidus , temerarius ipse , videntur.
 Vix oculis primo credunt , mox in caput audax
 Undique pilæ volant , donec , vincente pudore ,
 Non virtute metum , cunctis exercitus armis
 Ad Ducis auxilium procurrit , & impia tanta
 Tunc rabie , quanto detrectavere timore ,
 Bella gerit , redimat Romano ut sanguine culpam ;
 Et dira faciat funesta piacula cæde.
 At primo pugnae gentes utrinque furore
 Diffugiunt , solis peragendaque bella relinquunt
 Ensis Aufoniis ; aliis nec egebat Enyo ,
 Pallida nec plures Aleto optabat. In omne
 Suffecere nefas hæ dextræ. Hic constitit atrox
 Pugna ; pares urgent acies , animique , paresque

Irarum stimuli. Magnis hortatibus ambo
 Inter spemque metumque Duces discurrere primo
 Cœperunt, frustra^oque suos impellere, donec
 Lassati excedunt pugna: collemque propinquum
 Ductor uterque capit. Diri hinc discrimina belli,
 Totque cruentatos enses, tot stragis acervos
 Dum tristes spectant, vix formidare vacabat,
 Vix sperare, Duces subiit miseratio sola,
 Feralisque timor, ne non victoria mœsto
 Ulla, sed ambobus lugenda tragœdia campo
 Restaret, Latiusque illic procumberet Orbis.
 Ultima Cæsarei restare pericula credunt:
 Et Pompeiani post hæc sperare recusant
 Prælia. Pugnaces animos agit æmula virtus.
 Utque magis stupeas, cunctis incognita bellis
 In totis subito sunt orta silentia campis
 Dum media fervent rabie; nulloque virorum
 Audito clamore, manus movere furentes.
 Ad Pompeianas tandem Victoria partes
 Se trahere est visa, & paulatim cedere retro
 Cæsarei cœpere; fuga vix Centuriones
 A turpi retinere queunt, cum fortia Cæsar
 Pectora denudans stricto sic ense profatur:
 „NON TIBI jam, Fortuna levis, quæ condere summa
 „Exoptas potius quam condita summa tueri,
 „Irascor; satis ampla mihi, quæ nulla tacebunt
 „Sæcula, fecisti, fateor. Transferre favorem

» Jam te, Diva, decet, mundo ne ignota potestas

» Sit tua, meque Deum deceptus crederet orbis ».

Dixerat ; & certa fodisset pectora dextra.

Sed Fortuna (velut prope summa pericula mater
Stare finit puerum interdum , ut majora timenti
Gratius auxilium veniat) submittit alumno ,

Unde minus speratur , opem. Nam castra Bogudes
Extra aciem positus , prædæ perductus amore
Pompeiana petit. Contra hunc ad castra tuenda
Ex acie educit Labienus quinque cohortes.

Perdidit infelix Pompeium hic casus , & omne
Mutavit belli fatum. Pro Cæsare falsus.

It timor , & cunctis Labienus terga dedisse
Creditur ; illa suos debellat opinio , spemque
Cæsareis creat. Errorem monstrare , metumve
Tantum inhibere studet frustra Pompeius ; acerbo
Prodita diffugit casu miseranda juvenus.

Infelix Varus toties devictus ab armis
Cæsareis , quem tot per clades fata tulissent ,
Jam male servatam cupiens abrumpere vitam
Irruit in medios enses , in vulnera lætus.
Mille ruit moriens ; post tot certamina cladi
Huic superesse pudet , cumuloque deesse virorum.

At miser ut totis rediens Labienus in arvis.
Pompeianorum vidit fugientia signa ,
Erroremque simul fatalem audiverat , amens
» ME MISERUM exclamat ! Tantæ , Fortuna , ruinæ

» Me facis auctorem ? Per me crudelia fata
 » Aufoniam subigunt ? Hac hac fuge , prodite miles ;
 » Hoc aperi pectus , tristemque ulciscere cladem :
 » Aut poenas fument pro vobis Cæsaris enses ».
 Tum vero , ut leo Getulis in saltibus ardens ,
 Qui venatorum telis cingentibus , ultro
 Affilit in ferrum , sese ingerit ipse periclis ,
 Et cupide lethum gladio molitur ab omni.
 Tandem vita fugit Stygias irata sub umbras.

Jam stragis cumulos & ineluctabile damnum
 Viderat infelix tumulo Pompeius ab alto ,
 Et quamvis lucem damnat , sperare juvenus
 Integra persuadet ; necquidquam a tristibus arvis
 Aufugit , heu tellure statim moriturus in ista.
 Sed fratrem Hispanas abscondent fata per urbes ,
 Cæsaris ut possit post mortem tristia rursus
 Bella , & Romanos olim renovare furores.
 Impia jam cædes oritur , passimque per agros.
 Palantes cædunt insano ardore furentes-
 Cæsarei , & tanto saturant crudelius iras.
 Victores , quanto plus tristia bella timebant
 Ante tubas dudum. Nec jam fugientibus ullam.
 Vicinæ latebræ , vel Pompeiana salutem
 Castra dabant miseris , infirmave moenia Mundæ.
 Nam cito diripiunt victores castra ; citaque
 Vi Mundam expugnant ; dum (quod vix ulla tacebunt
 Sæcula , vel credent forsan) pro cespite fossas.

Corporibus complent, faciuntque cadavera muros.

Nec solum ante tubas, sed post hæc prælia tristis
Cæsar erat; quanti victoria constitit illa,
Et quam mœsta fiet civili gloria bello
Sero animum subiit. Miserae nunc vulnera Romæ;
Nunc sua, victorisque nefas crudele recenset,
Invidiamque simul; victricem poene coactus
Fortunam damnare suam; quæ clade triumphum
Obruit, & tanto merfisset sanguine lauros.
Talia dum mœsto volvebat pectore Cæsar,
Pompeii caput abscissum Cenonius affert.
Ingemit, & tantæ lacrymis agnoscit obortis
Fata domus; subiit magni genitoris imago,
Atque Ægyptiaco miserandum in litore funus.
Quærenti fatum juvenis Cenonius inquit:


» CUM MODO Pompeius Mundæ funesta per arva
» Tot stragis cumulos, tot corpora cæsa suorum
» Infelix vidit, nec jam reparabile damnum,
» Vectus equo celeri Carteiæ ad litora fugit,
» Ut portum nactus notum, dare carbasa ventis
» Possset, at insidias veritus, nostrosque sequentes;
» Litora deseruit rursus, silvamque propinquam
» Consilii incertus petiit. Nos terga secuti
» Instamus, silvamque oculis scrutamur opacam;
» Quærentesque diu frustra, sub regmine fagi
» Umbrosæ tandem defessum, & vulnere claudum
» Pompeium aspiciamus solum, (proh tristitia fortis

» Humanæ specula, & pompæ documenta caducæ !)
 » Pompeium illum (inquam) qui tecum, ô maxime Cæsar,
 » Tot modo stipatus legionibus, & comitatus
 » Gentibus innumeris, tam longo tempore fatis
 » Pugnavit dubiis, jam cinctum milite nullo
 » Vidimus. Ut tradat se hortamur; at ille minaci
 » Intrepidus vultu, » NUNQUAM me Cæsaris, inquit, »
 » Captivum, victum quamvis, Fortuna videbit.
 » Abscissum videat caput, & cervice revulsa
 » Hæredem agnoscat Magni. Nec dedecus illud,
 » Quod fatum genitoris erat, mihi Roma putabit.
 » Non tam vile tamen caput hoc, certamine nullo
 » Ut vobis tradatur, erit. Dum tela supersunt,
 » Non gratis moriar ». Tum pugnam ingressus iniquam
 » In mediosque ruens, sine spe, sine viribus, omnes
 » Nos pariter sola adjutus virtute lacescit.
 » Nec vitam, quam tanto animo projecerat ipse,
 » Servandi nobis conceditur ulla potestas.
 » Invasit ferrum, ceciditque in vulnera lætus,
 » Et tandem invito mortem sibi vindicat hoste.
 » Tum Cæsar lacrymans, generosum quærite truncum;
 » Turiferis collecta rogis componite membra
 » Cum capite, & dignam tantis date manibus urnam ».

Digressus Munda Cæsar securus ab omni
 Bellorum strepitu victricia signa per urbes
 Sustulit Hispanas. Jam Gades, Corduba dives,
 Hispalis, atque omnes, quascumque interluit undis

Bætis Anafve fuis , victori tradere fefe
Non dubitant urbes. Popûli , gentesque remotæ
Sub juga jam veniunt : abjectis Cantaber armis ,
Callaicusque ferox , & Celta , atque impiger Aftur
Expoſcunt veniam , pacemque a Cæfare quærunt.
Nil terris olim venerabile nomen Iberis
Jam valuit Magni. Cunctos Fortuna clientes
Tranſtulerat ; ſolus jam poſſidet omnia Cæſar,
Nec mirum obtineat terras ſi ſolus Iberas ,
Qui ſine rivali Romanas obtinet arces.





LIBER SEPTIMUS.

ARGUMENTUM.

Honores Cæsari a Senatu decreti. Bellum in Parthos parat. Conjunctio in Cæsarem. Prodigia. Cæsar in Senatu occiditur.

JAM se post clades tantas , tot vulnera gentis Aufoniæ , & strages populorum , absumperat ipsum Civilis furor , & terris pax alma refulsit. Defectis iterum rebus , sperare quietem Cœperunt populi , non tristitia bella timebant , Omnia dum tenuit Cæsar , nec in orbe potestas Altera , nec fuerit communis Roma duobus. Hunc supra invidiam Fortuna evexerat ; hujus Regnum amat, ut tutum, populus. Nam quem magis optent Custodem pacis , quam qui fortissimus armis Semper erat , nulloque unquam devictus ab hoste. Plebs libertatem , sola contenta salute , Romula projecit ; nec post tot prælia pacem , Quamvis cum domino veniat pax ista , recusat.

Nec solum vulgus domino servire paratum Cæsaris imperium votis amplectitur : illud Et Procerum pars magna cupit; tranquillaque Patres Tempora lassati exoptant ; quos (fulgura summos

Ut feriunt montes) feriunt discrimina sævi
 Præcipue belli , & gaudens feralis Enyo
 Sanguine nobilium semper. Nec nomen inane
 Jam libertatis (dudum ipsa everfa fuisset)
 Sanguine jam retinere student. Vix ipsa videtur
 Libertas tanti. Neque ficto Cæsaris augment
 Obsequio titulos. Sed vero pectore tantos ,
 Ne sibi Rege minor videatur Cæsar , honores
 Decernunt , quantos nequeat privatus habere.
 Perpetuum Dictatorem , patriæque parentem
 Appellant Patres ; denos ut Consul in annos
 Designaretur statuunt : altaque Curuli
 Ipse ut supremus Romana Censor in urbe
 Veste triumphali indutus , lauroque federet
 Perpetua ornatus. Nec non de principe Numen
 Ut fieret victor , donant altaria , Sacra ,
 Altaque templa , quibus pulcherrima juncta Dearum
 Illius astatat statuæ Clementia sacræ.
 Cæsareo faciunt Vestales nomine vota.
 Et quo quæque die victoria contigit illi
 (Civilis quanquam) celebrantur festa per urbem.
 Crederet hoc aliquis , cum sint feralia fastis
 Et Trebia , & Cannæ Romanis nomina ; Mundæ ,
 Thessaliæ , Thapfique dies jam læta vocentur
 Tempora ! Pompeiique necem , sanctique Catonis ,
 Scipiadæque albis designet Roma lapillis.
 Nullus restat honor , quem non assumere possit

Jam sibi , victori tanta est concessa potestas.

Quid nunc imperio securam Cæsaris urbem ,
 Et tandem optata , pro libertate , quiete
 Lætantem , possit civilia rursus in arma ,
 Rursus in horrendas populos impellere clades ?
 Quid tantas victoris opes , stabilitaque regna
 Eruere ? an non tam facile est suprema tueri
 Quam dare Diis Superis ? an non mortalibus ulla
 Firma datur , nullisque malis violanda potestas ?
 Nullane livorem poterit transcendere virtus ?
 Nec tantum meriti spatium est , quod non capit ulla
 Invidiæ rabies. Oh summis lubrica semper
 Et minitans statio ! Non te tua plurima virtus
 Securum , Cæsar , præstat , non robur in armis ,
 Non bonitas , tantasque æquans clementia vires.
 Supplicibus frustra veniam , victisque salutem ,
 Exulibusque urbem permittis : Romula frustra
 Imperia exornare studes , dum legibus orbem
 Emendas prudens , aut oppida diruta condis
 Magnificus. Tantis jamdudum extincta ruinis
 Per te stat Carthago , novisque impleta colonis
 Exurgit , nuribus non jam metuenda Latinis.
 Tu quoque restauras , Latiisque habitanda Corinthi
 Moenia das Bimaris ; nec famam auctoribus ullam
 Detrahis antiquis ; sed adhuc retinere vetusta
 Nomina permittis totum vulgata per orbem.

Non tamen hæc fatum avertunt , nec regna tueri

Usurpata diu possunt. Non mentibus ulla
 Conciliare jugum generosis munera possunt;
 Nec libertatem clementia pensat ademptam.
 Invidiæ stimulos ergo ut lenire furentis,
 Et capite insidias, quas maturare quietem
 Non nescit, Cæsar factis avertere possit,
 Nec non externo maculas abstergere bello
 Civiles; cum jam Crassi vindicta perisset
 Debita jamdudum Latio; jussu ille Senatus
 (Ne Patrum imminui videatur sacra potestas)
 Decretoque togæ, mandari Parthica bella
 Suppliciter petiit, felix ut more retento
 Romulei antiquo populi, legionibus iret
 Tessera. Sicque alacri compellat voce Senatum:
 » SI MIHI, conscripti Patres, quæsitâ potestas
 » Effet, ut immani sævaque tyrannide solus
 » Regnarem; ut quodcumque jubet furor impius, aut mens
 » Ægra metu, aut suadet luxus, vel prava libido
 » Exequerer: tanto non tempore dissimulata
 » Consilia, & furiae latuissent pectoris hujus;
 » Jamdudum gladios sensisset Roma nefandos.
 » Sed non nos vitiis famulantia gessimus arma,
 » Nec factura urbi, sed detractura tyrannos.
 » Libertatis erit custos victoria nostra,
 » Et legum. Nec, si non hæc perspecta fuissent
 » Numinibus, nostræ favissent Numina causæ.
 » Cur gravis aut metuenda, Patres, sit nostra potestas,

LUCANI. LIB. VII. 409

„ Quæ vitam tot devictis dedit hostibus , & tot
„ Exulibus reditum ? Quis jussu Cæsaris unquam
„ Dum siluere tubæ , jugulatus concidit hostis ?
„ Scipiadæ chartas post Thapsi bella cremavi
„ Non lectas , ne quos victor deprendere possem ;
„ Et punire hostes. Potius quam cæde tueri
„ Nobilium hanc vitam , nescire pericula nostra
„ Elegi. Nec non invitus (Numina testor)
„ Civilem sumpsi gladium , dum præmia justa
„ Bellorum bello conquirere , proque triumphis ,
„ Quos tot trans Alpes annos , Pontumque Britannum ,
„ Et Rhenum merui vincendo , vincere cogor
„ Rursus ; & invidiam his armis , quibus ante feroces
„ Edomui Britonas , Suevos , Gallosque , domare.
„ His iisdem forsan , vobis mandantibus , armis
„ (Si non in patriam paucorum injuria bellum
„ Vertisset) Latiis Babylon spoliata tropæis
„ Jamdudum nostros lenisset clade dolores ,
„ Ultimaque Ausonias tremuissent Bactra secures.
„ Hæc jam bella mihi Numen peragenda reliquit.
„ Ad Parthos , Patres , si vos decernitis , ibo ;
„ Et simul ac tauri de cornibus aureus exit
„ Phœbus , ad Eoas victricia signa pharetras
„ Convertam. Ausonias Aquilas , amissæque signa
„ Aut referam aut moriar ; dignis aut cladibus ultus
„ Tunc erit , aut cæso comitatus Cæsare Crassus „.
Assensere Patres : placuit tam nobile bellum ,

Et tantus Ductor. Cui Parthica bella Senatus
 Nequidquam mandat. Coeptis ingentibus obstant
 Fata , nec Aufoniæ deus hoc , nec Cæsaris armis
 Concedunt. Iterum redeunt civilia bella ,
 Et populi abrumpit tristis Fortuna quietem.
 Sola quies jam Cæsar erat. Cum Cæsare rursus
 Pax Romana perit. Cujus mors dira pianda est
 Cladibus innumeris , laceroque cruentior orbi
 Quam tot viventis feralia bella fuissent.

Fata Ducis mortem accelerant ; pars magna Senatus
 Conjurat trepidi ; nec qui de parte steterant
 Adversa solum , & noti jam Cæsaris hostes
 Spurius , & Naso , Rubrius , Servilius audax ,
 Donatusque semel venia Ligarius , atque
 Cæcilius : sed qui vulgo creduntur amici
 Illius adjungunt sese ; Trebonius inter
 Hos fuit , & Casca , & Cimber ; nec Cassius acer
 Defuit insidiis , qui libertatis ademptæ
 (Quamvis Urbana Prætura a Cæsare nuper
 Donatus) vindex nunquam non esse volebat.
 Jungitur his Decimus notissimus inter amicos
 Cæsaris , ingratus , cui trans-Alpina fuisset
 Gallia Cæsareo nuper commissa favore.
 Non illum conjuncta fides , non nomen amici
 Deterrere potest. Nec adhuc sat firma videtur
 Conjurata manus , quamvis pars tanta Senatus
 Totque simul Proceres sanxissent foedera dira :

Te quoque, flos juvenum Latiorum, & nobile nomen,
 Brute, petunt cœpti focium, cædisque nefandæ
 Participem; ut tantæ pietatem obtendere culpæ,
 Et dare jus sceleris posset venerabile Bruti
 Nomen apud populos. Hic libertatis ademptæ
 Et patriæ vindex natalibus esse videtur
 A Superis designatus, tua, maxime Brute,
 Progenies, primus qui nomine Consulis annos
 Signasti Latios, pulsus ex urbe tyrannis.
 Urbis erat Prætor Brutus: cui Cassius arctis
 Junctus amicitiiis (ut eodem junctus honore)
 Et tunc immensis cupiebat jungier ausis.
 Hunc quoque, cum notas intravit Cassius ædes,
 Invenit mœstum, & tacite surgentia regna
 Damnantem. Tales versat dum pectore curas,
 Cassius aggreditur. » NON VANIS, Brute, querelis
 » Tempus eget. Sat jam votis, tacitoque dolori
 » Concessum est, sat consiliis: nunc vindice dextra
 » Utendum. Ultorem sperat te Roma, tuamque
 » Libertas oppressa manum jam, Brute, requirit.
 » Hoc a te expectat populus, taciteque precatur.
 » Hæc fellis statuisque tuis inscripta legebas
 » Auctore ignoto. Non a te munera vana
 » Venatus ludosque petunt, aut talia: sola
 » Reddita libertas Bruto Prætoris videtur
 » Dignum munus eis. Forfan dum regna relinquat
 » Cæsar, & imperium, quod per tot bella petebat,

» Deponat sponte expectas. Non sufficit illi
 » Dictatoris honor, quia libera novit honorem
 » Roma illum. Quodcumque potest donare Senatus
 » Posse negare putat; nec jam suprema potestas
 » Victori fatis est, nisi sit quoque sola potestas:
 » Vera ideo imperii quærens insignia, sceptrum
 » Et diadema petit. Probat hoc (quod vidimus omnes)
 » Sacra Tribunorum, dum detraxere coronam
 » Cæsareæ nuper statuæ, violata potestas.
 » An coram populo (quamvis tum respuit) illi
 » Obtulit invito diadema Antonius audax?
 » An non ut populum tentaret, ut ambitiosis
 » Artibus hoc sciret, quo vultu regna, priusquam
 » Se Regem faceret, pateretur Romula pubes?
 » Mactetur Dominus: libertatemque (paratæ
 » Servitio quamvis) reddat mors Cæsaris urbi.
 » Et festinanda est; si paulum, Brute, moramur
 » Dum redeat læto post Parthica bella triumpho,
 » Majore invidia cædes peragenda manebit. «
 Ingemuit Brutus, tristisque has pectore voces
 Edidit: » OH CASSI, frustra quod Numina nobis
 » Imposuere jugum, jam detractamus acerbum.
 » An libertatem Superi, causamque Senatus
 » Tot damnaverunt bellis, tot cladibus, ut jam
 » Infidiis possint, & proditione tueri?
 » Ah potius bello pereat, quo crevit, aperto
 » Libertas populi Latii, quam cæde dolosa,
 Fraudibus,

- „ Fraudibus , & gladio occulto videatur egere.
 „ Talibus insidiis hostes , civesque nefandos
 „ Vincere Romani duxere ignobile prisca.
 „ Incertæ potius patriam permittere belli
 „ Fortunæ voluit , quam si te tollere , Pyrrhe ,
 „ Fabritius. Nec non , quamvis Sertorius audax
 „ Hostis erat patriæ , turpis Perpenna vocatur
 „ Proditor a cunctis. Quis tanto sanguine Syllam
 „ Carnificem imbutum positurum regna putavit ?
 „ Quis tamen occultis tantum mactare tyrannum
 „ Insidiis conatus erat ? Quis Cæsaris audet
 „ Præferre imperio crudelia tempora Syllæ ,
 „ Ni furias præferre Deis audebit ? ut illi
 „ Degeneres nimium Proceres , pavidique vocantur
 „ Qui tantum subiere jugum : sic Cæsaris ista
 „ Virtuti & meritis ingrata vocabitur ætas ;
 „ Plusque senes illi damnabunt crimina nostra
 „ Tempora qui sævi meminere immania Syllæ.
 „ Sed me præcipue miserum qua cuncta notabit
 „ Posteritas fama , quem tanto Cæsar amore ,
 „ Totque sibi meritis semper devinxit ? Iniqua
 „ Est mea fors ; liber nequeo gratusque manere.
 „ Oh utinam tunc , cum plebeia casside tectus
 „ Cæsaris intentus jugulo per tela ruebam ,
 „ Thessalica Brutus cecidisset strage , priusquam
 „ Donasset vita victor ; tunc liber ad umbras
 „ Venissem Stygias ; vel si pia Numina dextram

» Hanc bene rexissent , uno feliciter ictu
 » (Nî sibi Pompeius regnum quoque victor in illo
 » Quæsisset campo) libertas parta fuisset.
 » Expecta , oh Cassi , quid tandem Numina nobis ,
 » Quidve hostes facient Parthi ? « Cui talia contra
 Cassius ; » EXOPTES Parthis si , Brute , triumphum
 » De Latio , patriæ es factus , non Cæsaris hostis :
 » Quod procul avertant Superi . Rationibus erras ,
 » Brute , tuis : ingrata vocas quæ iusta vocabit
 » Posteritas : & dum vis non ingratus haberi ,
 » Impius es . Nec , quæ patriæ sunt debita , donis
 » Privari debere potes . Corrupta vocatur
 » Hæc non iusta fides . Quo plus te dona ligarunt
 » Illius , hoc magis es patriæ iustusque piusque .
 » Heu quantam , tibi si non esset Cæsar amicus ,
 » Detraheret famam facto Fortuna merenti !
 » Cum plus privatis affectibus indulgere
 » Quam patriæ servire tuæ te crederet Orbis .
 » Si tamen exemplis opus est , illum aspice priscum
 » Brutorum generis , libertatisque parentem ,
 » Romanos primus qui nomine Consulis annos
 » Signavit . Proprios natos dum regna favebant ,
 » Supplicio affectos spectavit fronte serena .
 » Exiit ille patrem Brutus , dum civis haberi
 » Vult pius . An tibi plus sunt munera Cæsaris , illi
 » Quam Natura fuit ? sed iustior ultio nostra
 » Tempore jam facta est . Pro libertate vetusta

» Tot confirmata magnæ per sæcula Romæ
» Quid nunc egisset Brutus , qui talia fecit ,
» Cum nova libertas , & Reges nuper abacti ? «
Hac postquam juvenem flexisset Cassius arte ,
Cum Decimo Proceres reliqui venere , dataque
Acceptaque fide sanxerunt fœdera dira ;
Et libertatem amissam , quam sanguine tanto
Tot bellis frustra quæsisset , quæque Deorum
Decretis nunquam reditura reliquerat orbem ,
Cæsaris infanda decepti cæde requirunt.

Jamque propinquabant Martis tibi , maxime Cæsar ,
Fatales Idus ; nec tanta instantia possunt
Funera Dii celare ; dies nec Vatribus illa
Auguribusque venire potest ignota ; loquuntur
Hoc solitæ volucres , hoc exta minacia fatum.
Has Idus frustra monuit Spurinna timendas ,
Sol quoque mœsta dedit tantæ præfagia mortis ;
Lugenti similem , madida nunc Iride cinctum ,
Nunc caput obscura tectum ferrugine Solem
Attoniti videre homines ; pecudesque locutæ.
Destituere amnes cursum ; terræque cavernas
Spiritus erumpens detexerat. Imbre tumescens
Eridanus subito vicinos merferat agros :
Et subito ad ripas rediens per prata reliquit
Innumeros angues , & prodigiosa nigrorum
Corpora serpentum : totidem prope Tibridis ora
Destituit pisces refluxum mare litore sicco.

Cæsaream propiora necem sed signa notabant.
 Nam quos victor equos finito Marte sacrarat
 Cæsar , & emeritos bellis permiserat alto
 Depasci nemore , & per dulcia rura vagari ,
 Ante necem Domini multis luxere diebus.
 Non illis amnes , non illis pascua curæ ;
 Sed lacrymis prata humectant. Cædemque cruentam
 Præcedente die , cum lauri regia ramum
 Ore avis exiguum volitans gestaverat , illam
 E sylvis volucrum crudelis turba secuta est ,
 Et Pompeiana captam laceravit in aula.

Horrida prodigiis aderat nox ultima vitæ
 Cæsareæ ; diris turbata Palatia monstros
 Excutiunt somnum cunctis , & flebile totis
 Ædibus auditur murmur. Patuere reclusæ
 Sponte fores ; raucum dederant crepitantia Martis
 Arma sonum ; mœstisque canes ululatibus implent
 Atria ; ferales effundit sæpe querelas
 Stryx nocturna suas , infausta que carmina bubo.
 Morpheus intravit media jam nocte cubile
 Quo Tyrio formosa cubans Calphurnia lecto
 Carpebat magno teneros cum conjuge somnos.
 In faciem occisi vertens se Cæsaris astat
 Ante torum miseræ , lacerata veste cruentus ;
 Vulnere mille patent , qualem te crastina , Cæsar ,
 Lux populo ostendet. Diris exterrita visis
 Ingemuit , & lacrymans Calphurnia brachia somno

Per lectum prensura virum movet ; invenit illum
 Incolumem ; sed vix (nam jam turbata soporem
 Excussit) putat incolumem ; vix sensibus ipsa
 Credidit , attonitæ tam somnia fixa manebant.
 Oscula dat moestæ Cæsar , causamque doloris
 Quærenti , visum narrat Calphurnia triste.
 Quod dum narrat, adhuc trepidat, lacrymasque recentes
 Effundit ; pectusque ulnis amplexa virile
 Sidereis , orat ne vana hæc somnia credat ,
 Neve ostenta Deum contemnat ; Martis ut Idus ,
 Quæ male tunc aderant , & quid Spurinna moneret,
 Quidque alii vates , reputet ; nec jam sua tantis
 Præmonitus signis nescire pericula vellet.
 Utque manere domi placeat ; lucemque sequentem
 Hanc unam , si non propriæ donare saluti ,
 Conjugis at saltem vellet donare timori.
 Hispanas iterum , dum tanta pericula restant ,
 Dimissas nuper monuit revocare cohortes ,
 Et stipatores fidos. Non esse pavoris
 Sed pietatis opus Divorum ostenta timere.
 Cui Cæsar contra : » PLUS ME, Calphurnia , luctus
 » Et lacrymæ movere tuæ , quam tristia Vatum
 » Responsa , infaustæ volucres , aut ulla dierum
 » Vana superstitio poterant. Ostenta timere
 » Si nunc inciperem, quæ non mihi tempora posthac
 » Anxia transirent ? quæ lux jucunda maneret ?
 » Aut quæ libertas ? frustra servire timori

- » (Dum nec luce frui, nec mortem arcere licebit)
 » Cogar, & huic capiti, quod Roma veretur, Aruspex
 » Jus dabit, & vanus semper dominabitur Augur.
 » Si mortem mihi Roma paret, dubiæne Saluti
 » Proderit una dies? aut cur differre laborem
 » Quam nequeo vitare, necem? semperne timere
 » Exoptem potius quam certa occumbere morte?
 » Cur tamen insidias timeam? cur Roma salutem
 » Non potius nostram exoptet? partaque quiete
 » Cæsaris imperio post tot civilia bella,
 » Post rabiem tantam lassatus gaudeat Orbis?
 » Pax mundi mea Sola Salus; nece Cæsaris enses
 » Stringentur rursus, rursus lacerabitur Orbis,
 » Mœstaque Romano tingetur sanguine tellus.
 » Sed si non homini fatis esset cura diei,
 » Nî nocturna alias facerent insomnia curas,
 » Dic mihi, nam Morpheus nobis contraria misit
 » Somnia, quis potius credes? hac nocte volasse
 » Ad cœlum, dextramque Jovis tetigisse, serena
 » Et majestate indutus sedisse videbar.
 » Quid nisi fausta, & magna mihi hæc (si credere vellem
 » Talibus omnino) portendere somnia possunt?
 » Jam jubar Auroræ pallentia vicerat astra.
 » Profiliuit stratis Cæsar, mœstæque reliquit
 » Conjugis amplexus; magnæque capacia turbæ,
 » Et tantos pariter mox exceptura clientes
 » Magnifico splendent excelsa Palatia cultu.

Festini Proceres , magnique ad limina Patres
 Luce salutatum prima venire , domumque
 Admissi implerunt. Animus non omnibus unus.
 Cæsareo quidam vere lætantur honore :
 Pars alia Invidiæ stimulis agitata nefandis
 Quem mactare parant , falso venerantur honore ,
 Et funesta animis , linguis dum fausta precantur.
 Ante alios Decimus , cui fallere nomen amici
 Præcipue dederat , Ductorem , sæpe morantem
 Incitat : & spretis hortatur adire Senatum
 Prodigiiis. Tandem patrum Famulante caterva
 Progreditur Cæsar , quamvis ostendere cædem
 Venturam Superi non cessavere minaces.
 Progreditur tamen , atque (oh mira potentia fati)
 Dum transit , chartam oblatam , quæ nomina tanta
 Conjuratorum , facinusque ex ordine totum
 Detegit , ante sinu , quam sit perlecta , recondit ,
 Funestamque intrat fatis urgentibus ædem.
 Cæsaris intenti jugulo stant undique Patres
 Et conjurati Proceres ; altamque Curulem
 Circumdant. Primo aspectu cecidere parumper
 Audaces animi , & fortes tremuere lacerti.
 Jam pæne inceptum damnant. Armare videtur
 Ingens fama Ducem , majestas laurea frontis ,
 Terribilis decor , & gestarum gloria rerum.
 Nunc fortuna viri nimium comperta , favorque
 Perpetuus Superum terrent. Nec quantus in armis

Cæsar, ut audaci stipatus milite turmas
 Fuderat hostiles toties, totiesque per omnes
 Terrarum tractus victricia signa tulisset,
 Mentibus occurfat: sed quanta pericula solus
 Vicit, Fortunâ tantum comitante Deisque,
 Qualiter Ægypti insidias, Pontique procellas
 Nocturnas, sævosque intra sua castra tumultus
 Militis irati evasit. Cur jam caput istud
 Numina destituant? versant dum talia, rursus
 Pectoribus vindicta redit, pellitque timorem
 Libertatis amor nimius. Primusque Curulem
 Tullius accedens tanquam pro fratre rogatum,
 Purpureum ex humeris subito divellit amictum.
 Mirantique Duci primum prope guttura vulnus
 Dat Casca. Haud impune quidem; nam brachia Cascæ
 Transfigit Cæsar primumque ulciscitur ictum,
 Profiliens alio tardatur vulnere, donec
 Circumstare videt strictis pugionibus omnes,
 Sentit se Cæsar funesta indagine cingi.
 Et qui ferratas acies, densasque catervas
 Rupisset toties campo, tutamque per hostes
 Fecerat ense viam, nulla virtute togatas
 Insidias vitare potest. Obvolvitur amictu
 Tum caput, & vultum, dum martia pectora præbet,
 Tot manibus fodienda; tegit, reprimitque querelas
 Ne tantam possit gemitu corrumpere famam,
 Interea tacito secum hæc in pectore volvens,

» Hoc saltem, Fortuna, placet, quod nulla superbo
» Victori capitis nostri est concessa potestas,
» Nec Domini jussu pereo. Mactatus iniquis
» Insidiis, quas Roma mihi subjecta paravit,
» Occumbo Princeps Orbis, numerumque Deorum
» Aucturus posthac. « Tandem per vulnera mille
Spiritus erumpit: sævis qui semper in armis
Inviolatus erat, violatæ victima pacis
Hic cadit: atque togæ, quas bello læferat, ædes
Ipse suo moriens perfundit sanguine Cæsar.

F I N I S.



INDICULUS AUCTORUM,

Quos in lucem edidit J. BARBOU,
quorumque Editio locupletatur tum egregiis
diagrammatibus, tum emendatissimis viticu-
lis, exaratis a celebratissimo D. COCHIN,
aliisque celeberrimis Magistris.

Catullus, Tibullus & Propertius, *in-12.*

Lucretius, *in-12.*

Virgilius, 3 vol. *in-12.*

Horatius, *in-12.*

Juvenalis & Persius, *in-12.*

Phædri & Aviani Fabulæ, *in-12.*

Martialis Epigrammata, 2 vol. *in-12.*

Plauti Comoediæ, 3 vol. *in-12.*

Pub. Ovidius Naso, 3 vol. *in-12.*

Cæsar's Commentaria, 2 vol. *in-12.*

Sallustius, *in-12.*

Velleius Paterculus, *in-12.*

Eutropius, *in-12.*

Quintus Curtius, *in-12.*

Cornelius Tacitus, 3 vol. *in-12.*

Imitatio Christi, ex recensione J. Valart, *in-12.*

Bezæ, Mureti & J. Secundi, Juvenilia, *in-12.*

Selecta Senecæ Philosophi Opera, *in-12.*

Sarcotis carmen, P. Masenio auct. *in-12.*

Sarbievii , (Casimiri) Carmina , in-12.

Encomium Moriæ ab Erasmo.

Lucani Pharsalia , in-12.

Novum Jesu Christi Testamentum , in-12.

S U B P R E L O.

Ciceronis Opera , in-12.

Quintilianus , in-12.

Cornelius Nepos , in-12.

Justinus , in-12.

P. Desbillons Fabulæ , in-12.

Plinii Naturalis Historia , in-12.

Titus Livius , in-12.

*Reliqui Auctores singulis annis ab eodem Bibliopolâ
prelo subjicientur.*



9955234



